



6

19-d

66





2.3.

6-19. d. 66

89 801

2XX111. 14. 1.

SEPTEM
ILLVSTRIVM
VIRORVM
POEMAT.A.



ANT.VERPIÆ,
EX OFFICINA PLANTINIANA
BALTHASARIS MORETI.
M. DC. LXII.



1877
MAY 10
AT 11 AM



AT 11 AM
OFFICIAL
BALTIMORE
MAY 10 1877

EMINENTISSIMO
PRINCIPI
FLAVIO
S. R. E. CARDINALI
CHISIO
BALTHASAR MORETVS.



VID hoc esse dicemus,
Princeps Eminentissime,
quod cùm primi disci-
plinarum omnium patres
in cælestium orbium cõtemplatio-
ne defixi, stellarum varietatem, &
magnitudinem, & vim obseruarent,
iisque mortalium commodo nomi-
na imponerent, nullum fidus Musa-
rum choro assignauerint? Atqui
earum vna perpetuos cursus con-
uersionesque cælestes prima com-
perit, & descripsit, à quo nomen
* 2 sibi



sibi & fecit, & meruit: omnes Cæli
 filiæ, quibus id proinde debebatur
 iure natalium: omnes, si eo modo,
 quo sidera, sub aspectum caderent,
 spectaculum nobis præbituræ ipso,
 cui infixæ essent, cælo formosius.
 Cùm alta illa mundi conuexa per-
 curreret animo S. Augustinus, & re-
 censionem siderum, velut quidam mi-
 litarium ordinum inspector, inter-
 esset, nullumque inibi locum Mi-
 nerue datum animaduverteret: *Quid,*
inquit, tantum mali castitas, aut quid
tantum boni voluptas commeruit, ut
inter astra, quæ cum Sole & Lunâ
circumeunt, Venus habeat stellam, &
Minerva non habeat? Non idem
 ego pro castissimis literarum præsi-
 fidibus contendam? non ego illis
 conflatum aliquod ex felicioribus
 stellis signum vindicem? cuius sci-
 idæ
 licet

licet exortu iucunda cæli temperies,
 & secessus ad quietem amenita-
 temque compositus, & bonus cor-
 porum habitus, & serenius ani-
 mus, & omnia quibus studia poëti-
 ca melius proueniunt, ad scriben-
 dum inuitent. Iam verò, ut de cete-
 ris monstris nihil dicam, quid cælo
 cum belluis? quas prisci nomencla-
 tores sideribus affixerunt, perinde
 quasi belluata tapetia cæli foribus
 prætereundum viderentur, quæ leuanda
 prius essent, quàm ad interiora eius
 adyta perueniretur. Verùm non id
 iam ago, ut hanc impostorum no-
 minum rationem coarguam, aut ex-
 cusem, quàm sacrarum literarum
 auctoritate receptam, & quodam-
 modo consecratam esse video, in
 quibus & Arcturum, & Orionem, &
 Hyadas, & Pleiadas legimus. Sæ-

ALLOCVTIO

culo potiùs nostro gratulor, quo gentilitia tua stella, Princeps Eminentissime, in supremo mundi cardine refulget, & montes, insideri solita poëtis loca, suâ luce collustrat, & benefico ac salutari aspectu diuinum aliquid elegantibus ingeniis aspirat. Salue Chisium fidus, Romæ, quam ego vt distinctum sideribus cælum intueor, decus, terrarum voluptas, felicitas temporum, vigoris, quo bonæ artes lætiùs efflorescunt, origo, secundissimum auspiciū æternitatem prospectantium poëtarum. Tu, quod falsò de sideribus Stoïci iactauerunt, diuinâ animatum es mente, quæ sit par terrarum & religionum curis. Te litteratorum ordo suspicit & obseruat. Afflatu tuo incalescit poëtis mota mens, nocturnæque lucubrationes iucundæ

iucundæ fiunt ac faciles. In te, si quod de Cæsaris stellâ dixit Augustus, huc referre licet, in te Mæcenatis anima commigrauit. Cælum (ita mihi ab illo prospera eueniant omnia) cælum cum Platone fieri optem, vt pluribus oculis insatiabili lucis tuæ pulcritudine animum expleam. Theodosij Magni temporibus noua propè à Lucifero circa signiferum orbem conspecta stella curiosa hominum ingenia studiaque incendit. Nullus toto cælo ignis lucebat iucundior: Lucifero vt loco erat proximus, ita & micantibus radijs non admodum dissimilis: vnâ solem præibat, eidem vnâ succedebat: annuebat illi scintillationibus suis reliquus stellarum chorus: ingens deinde earum numerus ad illam sese aggregabat, eo ferè

more quo circa regem suum apes
glomerantur: In mutuo denique con-
cussu ad aliquam hilaritatis speciem
ardoris euibrabant expressa semina,
quæ vnam in flammam coalita no-
ctem aureo illo iubare serenabant.
Hic ego solem face adiuuero, si per-
gam, quod in omnium oculos in-
currit, in rem meam exponere. Mi-
hi quippe Theodosij religiosissimi
ac felicissimi Imperatoris, & Ale-
xandri V. I. Pontificis Optimi
Maximi beata tempora inter fe-
comparanti cælum videtur prospe-
ras vtriusque res stellarum indicio,
quarum altera in æthereis orbibus,
altera in supremo rerum humana-
rum culmine reluceret, declarare
vultisse, velut certa plausibiliq[ue]
publicæ felicitatis nota. Ille Sarma-
tas profligauit; hic, ne profligaren-
tur,

ALLOCVTIO

quibus ille , muneribus perfungi ,
pestis,annonæque, & belli sæuitiam
extinguere, pacis consilia prouehere,
salutem omnium moderari.

At 2 tibi iam video magni famulantia mundi

Sidera,
quæ quasi stipato agmine ad te
confluunt, & honoris lætitiæque
explicandæ gratiâ ignes suos excu-
cutiunt ventilantque. Nunc autem
te singularibus de causis,

Sacrorum 3 Cynosura cetera rotatum,
te intuentur Illustrissimi Poëtæ,
quorum libellos hîc vides tui nomi-
nis plenos. A te vim vigoremque
ingenio suo addi senserunt, cùm tu
illis siue in Quirinali, siue in Alba-
no monte scribendi materiam da-
bas: iam verò etsi nihil causæ est,
quam-

2 Idem pag. 13.

3 Ferrandus Archontorus pag. 153.

ASTROSCOPICA.

quamobrem publicum reformi-
dent, non audent tamen, nisi beni-
gno tuo contuitu recreati, famæ se-
se ac posteritati committere. Quid
enim? nautæ suas habeant, quas
obseruent stellas; non itidem poëtæ
suas? Nisi fortè maius sit ventis
vela, quàm ingenio dare; Tyrre-
num aut Ionium, quàm scribendi
æquor ingredi; infesta cautibus lo-
ca, quàm fastidiosa quorundam iu-
dicia (nam quis hæc euadere hoc
sæculo possit?) inoffenso cursu de-
clinare. Emerfit nuper ex arcanis
nescio quo Parnassi specu, & in ipsâ
imperij ac doctrinarum arce sese
extulit literatorum quædam quasi
factio, visa sibi iudicij & ingenij
famam ex veterum scriptorum
contemptu velle conficere. Itaque
dictatoriâ sententiâ deiectus est de
suo

suo principatu Virgilius : laudatus
 Caligula , qui illum vt nullius inge-
 nij minimæque doctrinæ ex omni-
 bus bibliothecis tantum non amo-
 uit. Horatio Romanæ lyræ suavis-
 ſimo fidicini, & ad notandos homi-
 num mores facto honor huius no-
 minis ademptus. Audendum aie-
 bant aliquid ſupra protritōs illos &
 iam vetuſtate expletos poëtās : illos
 iniucundum quiddam ſonare at-
 que agreſte : nihil in illis ſublime,
 nihil viuīdum & admirabile, humi-
 lia, ieiuna, communia & peruagata
 eſſe omnia, quibus paria inuenire
 & efferre quouis ingenio probabili
 & ſtudio non magno poſſit : nimis
 diu ſecundâ famâ atque approba-
 tione exceptos fuiſſe : *παλαια γυναικας*
 ad ludum aliquem, in quo pueri pri-
 mis poëſeos elementis inſormantur,
 oul
 ab-

ablegandos: excogitandum scribendi genus nouum, acutum, subtile, translationibus vnde minimè putes accersitis crebrum atque magnificum; quod nihil habeat cum priscâ illâ simplicitate commune; quod non nisi ab ingeniosissimis possit intelligi. Cui sectæ atque institutioni etsi primùm eruditissimus quisq; reclamauerit, ac deinde ipsos etiam auctores in poëtarum amplissimo senatu Maronianæ maiestatis damnatos iudicij sui poenituerit: adhuc tamen desiderat in fingendis versibus nescio quid arguta quorundam sedulitas, dum paucis illis ac præcipuis, quos Augustea tulit ætas, acutiores subtilioresque videri volunt, & dum ad sublimia affectant viam, vestigia quibus huc eniti possent, non sequuntur, nedum adorant.

Nimirum

ALLOCVTIO

Nimirum pura & æquabiliter fluens oratio, dilucida animi interpret, naturæ imago, ingenij vultus non magnam apud illos meretur inuentionis doctrinæque laudem. Non placet illis nitidus ac natiuus elegantis formæ color: consumendæ pigmentariorum arculæ: illinendæ fuco genæ: læuanda frons: calamistro inurendi implicandique crines: versicolores contortæque vittæ, crepantesque bracteolæ ad aliquam luxus speciem ostentandæ. Vellem equidem Rex ille, cui eorum vnus ingenij sui monumenta nondum edita supremis tabulis legauit, dum nunc à difficillimo bello utcunque respirat, eadem è scriniis suis promeret, & vulgari iuberet. Nam, vt optimus literariæ disciplinæ magister Quintilianus, *Ne id quidem inutile*
etiam

etiam corruptas aliquando & vitio-
sas orationes, quas tamen plerique
iudiciorum prauitate mirantur, legi
palam, ostendiq; in his quàm mul-
ta impropria, obscura, tumida, hu-
milia, effeminata sint, quæ non lau-
dantur modò à plerisq;, sed, quod pe-
ius est, propter hoc ipsum, quod sunt
praua, laudantur. Quis inter hos
iudiciorum scopulos speret cur-
sum se posse tutò emetiri, nisi al-
tum tenenti felix stella præluceat?
Ego verò Musas has cultas & faci-
les, quæ tuis auspiciis, Princeps
Eminentissime, portu nunc exeunt,
securas esse iubeo.

*Chisum & sidus reget omne certâ
Luce periculum.*

Ex aruspicum responsis, quæ P. Ser-
uilius, & Ateius Capito à Festo
Pom-

ALLOCYTIO ASTROSCOPICA.

Pompeio laudati prodiderunt, stellæ imago in omen magnæ felicitatis accepta olim fuit, eaque siue ad religionis, siue ad tutelaris perfugij tesseram in locorum dedicatione ad vestibulum appendi solita. Accipio agnoscoque prosperi euentus ex aruspicinæ disciplinâ petiturum auspiciū: adeoque, vt certo auguror, libelli quibus stella tua præfigitur, non tantum præsidio tuo tecti, sed etiam sacrosancti habebuntur.

*Tuoq; s sidere actus inuidus linor,
Et Zoilorum turba cedet; ut nubes
Fugit corusci pulsa solis aspectu,
Pontiq; sauiantis atrâ tempestas,
Simul refulsit alba stella Pollucis.*

§ Ferrandus Archontorus pag. 173.

TYPOGRAPHVS

LECTORI SALVTEM.



Purimum sanè detrimenti rei literariae ab ineptijs absurda & incastigata scribentium vulgantiumq; & haecenus illatum, & inferri magis in dies, Lector humanissime, vetus est, ut saepe audio, doctorum & sapientium hominum querela; indeq; potissimum proficisci, quòd nostrâ tempestate nequaquam idem honor Musarum studijs est, qui antiquitus fuit, & qui propter excellentem eorum præstantiam ac dignitatem esse omnino deberet. Id autem præcipuum fatum esse aiunt literarum circa sermonem Latinum versantium: quæ tamen post earum usum non mediocriter intermissum, & usitata vulgò orationi posthabitu, maiore præsidio opus habent ad tuendam in animis hominum eam gratiam, quam sibi auorum nostrorum memoriâ flagrantissimam parauerant. Rursus alij eius incommodi causam intempestivæ bonorum & elegantium scriptorû modestiæ tribuunt, & cuidam supra modum rigido & censorio propria in opera supercilio, dum mediocritatem in poëticis (de hac enim parte humanitatis loqui nunc libet) iusto vehementius reformidant. Quamobrem partus ingenij sui plerumque pulcherrimos & absolutissimos nonercali prorsus animo premunt, lutiq; publicæ, & eruditorum fructui subducunt, atq; invident. Inter hos autem non pauci sunt, quibus ipsum poëta nomen non admodum gratiosum, aut plausibile videtur: qui propterea ne

* *

ab

AD LECTOREM

ab hominibus censeantur, exiguo paucorum amicorum theatro ad obsequendū suis eā in re studijs contenti, latiore nobilissimæ artis gloriam sanè quàm delicate aspernantur, eaq̃ de causā rariùs ad scribendū, & non nisi natura quodam impetu cogente, animū intendunt. Cumq̃, idcirco non habeant quo iustum volumen implere possint, cum exiguā supellectile prodire in publicum, & ingenij sui angustias fateri ineptum iudicant: non Catulli, non Persij, non multorum præterea nobilium poëtarum exemplis permoti, quos pauci admodum versiculi æternos, & splendidissima apud posteros gloria compotes fecere. Ita fit, ut duorum vitiorum maximè inter se dissidentium operâ thesaurus literarius scrutis sese (ut ita dicam) & quisquilys refertum inueniat, artiumq̃ præstantissima, ac diuinis olim insignis honoribus, magnā ex parte vetere suo splendore ac dignitate spoliata queratur. Ac literaria quidem vanitatis inuidiā natio vniuersa Typographorum (utinam immeritò!) laboramus, unā cum præclaro nostro & post homines natos nobilissimo inuento, atque artificio, ut non desint pleriq̃, qui dubitent, commodine plūs an detrimenti in genus humanum intulerimus, dum copiā & multitudine omnis generis librorū, quā nostro beneficio vtuntur homines, onerandi potiùs quàm erudiendi subleuandi, ingenia materiam præbemus. Eò itaq̃ maiore industriā nitendum nobis est, ne in tantā splendescendi facultate excellentium ingeniorum monumenta (quod alterum ex propositis superius à nobis vitijs est) lucis publicæ præmia & ornamenta desiderent, sine quibus paulū à sepultā inertia omnem humana virtutis præstantiam

PRÆFATIO.

stantiam distare non immerito poetarum præstantissimo visum est. Hæc agitati mihi, variasq; hanc in sententiam inter talium peritos disputationes audienti vir eruditus & gravis commodum ab Italiâ redux occurrit post multos annos in cognoscendis eius terra moribus hominibusq; consumptos; utq; est literaria elegantia studiosus in primis, & emuncta admodum naris, obtulit allatum inde Carminum fasciculum, quæ sibi inter multas eius generis scriptionum Iliadas probari contigerat, & in quibus nationum illum Romani sermonis leporem, iam inde Ciceronis auro ab infusâ Vrbi peregrinitate (ut ipse querebatur) corrumpi cæptum, non admodum desiderari visum est. Cumq; idem multorum præterea doctorum virorum iudicium esset, operæ pretium duxi publici illa iuris facere, eaq; ratione vsui & delectationi literatorum haud mediocriter consulere. Et si enim veteribus scriptoribus immorari multò ad Latine eloquentiæ profectum utilius est: nequaquam tamen recentiorum in vetustate imitandâ industriam spernendam puto, vel eam ipsam ob causam, ut pro exemplo eâ & regulâ ad imitationem huiusmodi recte & cum ratione instituendam Latine scribentes uti possint. Simul illud etiam spectandum in primis fuit, ut homines adolescentes perspectâ ingeniorum nostri temporis in edendis Latinis operibus felicitate, alacrius in persequendis literarum studijs sibi pergendum existiment, dum eruditos suos labores nequaquam debito publicæ laudis & approbationis pretio expertes quandoq; futuros proximo ab exemplo augurabuntur.

A P P R O B A T I O
I L L V S T R I S S I M I
A C R E V E R E N D I S S I M I
D O M I N I

FR. AMBROSII CAPELLO,
EPISCOPI ANTVERPIENSIS.



D ingenij iudiciiꝑue com-
mendationem nihil esse po-
test illustrius, quàm aut res
præclarè gerere, aut sapienter
aliquid ornatèꝑue scribere.

Primum qui faciat, ei suus ex merito tri-
buendus est honor: qui vtrumque, ne illum
quidem potest vñquam cruditionis & pru-
dentiaẽ fama deferere, quam propagabunt
æterna & in omnium manibus futura mo-
numenta. Celebrabuntur vtroque no-
mine hi septem Illustrissimi Viri, quorum
poëticaẽ lucubrationes communi plausu lu-
cem nunc vident. Cùm in occupatissi-
mâ vrbe Summis Pontificibus, & Sa-
cro Cardinalium Collegio suam in rebus
grauissimis operam nauauerint, aliisꝑue

in illâ terrarum luce honoribus vfi fuerint, mirum est scribi ab iis aliquid potuisse. Sed illud commemorabile Catonis dictum penitus imbibebant: CLARORVM VIRORVM ATQVE MAGNORVM NON MINVS OTII, QVAM NEGOTII RATIONEM EXSTARE OPORTERE. Nam & hora vna totius vitæ portio est, quam prodigere detrimento fit. Nunc igitur quoddam veluti theatrum, nunc secessum subiuerunt; sed ex hoc in maius theatrum prodituri: nunc à seriis ad lusus animum auocarunt; sed ad lusus non minoris operæ & laudis, quàm seria. Et habebant exemplum, quo id facerent, Optimos Maximosque non sacrorum tantum, sed etiam literarum Principes, quorum Musas, vt in diuinis fieri solet, silentio veneror. His autem Illustrissimis Viris, quorum ingeniis recentibusque libellis nunc delector & pascor, absens asfurgo, & quam sibi agendo scribendoque gloriam pepererunt, gratulor. Hoc meum qualecumque acroama confirmare chi- rographo meo volui.

Fr. Ambrosius Episc. Antuerp.

APPROBATIO CENSORIS.




V M olim Camilli, & Serrani,
& Cincinnati, & Romanorum
optimus quisque optimè rem ru-
sticam tractarent, terra & fru-
ctu erat uberior, & aspectu pulchrior.
Causam inquirens Plinius: Ipsorum, in-
quit, tunc manibus Imperatorum cole-
bantur agri, vt fas est credere, gaudente
terrâ vomere laureato, & triumphali ara-
tore: siue illi eâdem curâ semina tracta-
bant, quâ bella, eademque diligentîâ
arua disponebant, quâ castra: siue ho-
nestis manibus omnia lætiùs proueniunt,
quoniam & curiosiùs fiunt. Simile quiddam
de his Illustrissimis Viris pronuntio, qui mihi
videntur libellos edere vel propterea cultio-
res, quòd generosus ipsorum sanguis generosos
afferat ad poësim impetus, gaudentibus Musis
artes suas quamuis per se nobilissimas, ab iis
tamen geminâ causâ nobilitari magis. Carmen
scribunt pari laude, quâ res administrant car-
mine celebrandas Ingeniosi sunt, & eloquen-
tes, siue arcanos Principum sensus, siue inuen-
tiones ipsi suas liberas & amœnas exponunt
eò maiore cultu, quò studiosiùs omnia sua ad
digni-

dignitatem referunt. Ita olim *Cæsares, Augusti, Germanici, Tiberij*, qui *Principes!* quamvis illos ab institutis studiis defleſcerent publica terrarum curæ, temperabant eas tamen privata ſcribendi diligentia; & quaſi triumphorum ac literarum par eſſet gloria, quâ manu arma, eâdem ſtylum tractabant, pulcerrimâ utriuſque concordia. Nunc eò res redijt, ut nobilitatis pars magna putidum & à generis ſui claritate alienum exiſtimet animum liberalibus diſciplinis excolere, quaſi id ſit male feriati *Palæmonis* famam affectare. Vellem meminifſet maiorum ſuorum vitam ac memoriam literis præcipuè deberi, & hos libellos in manus ſumere ne gravaretur, quorum lectione *Muſarum* amore exardeſceret. Vivant, vigeantque, & lætitentur *Illuſtriſſimi Poète*, aternâ digni famâ; digniores, quòd hanc non verſibus tantùm ſuis, ſed multò etiam magis virtutibus aternam faciant. Ita cenſebam, vouebamque

**Chriſtianus Voochts S.T.L. Canonicus,
& Archidiaconus Antuerpienſis, Li-
brorum Cenſor.**

SVM-

SVMMA PRIVILEGII.

HILIPPVS IV. Hispaniarum & Indiarum Rex Catholicus, ac Potentissimus Belgarum & Burgundionum Princeps, Diplomate suo sancit, ne quis *Septem Illustrum Virorum Pœmata* præter Balthazaris Moreti voluntatem villo modo imprimat, aut alibi terrarum impressa in has Germaniæ inferioris ditiones importet, venaliâve habeat. Qui secûs faxit, publicatione librorum & aliâ graui poenâ mulctabitur; vti latius patet in literis datis Bruxellæ I. Octobris, M. DC. LX.

Signat.

Loyens.

POEMATA
APOLLONII
FLORENTIS.

à est Alexandr. Polk. m.



3

ALEXANDRO VII.
PONTIFICE MAXIMO
RENVNCIATO,
AD FERDINANDVM
FVRSTENBERGIVM
S. D. N. Cubicularium intimum.



*Vreus illuxit nostris, Fernande, vo-
catus*

*Ominibus votisq; dies. Iam lumine
claro*

*Contigimus, cacas cupidâ quod mente per umbras
Vidimus, arcanos ausi prauertere fines
Fatorum, dum qua praclara & certa relinquit
Signa sui aetheriâ veniens ab origine virtus,
Insequimur, legimusq; anima vestigia magna.
Nunc licet in summo regnantem culmine rerum
Susplicere: & triplici nunc maiestate verendum
Demisso colimus vultu, genibusq; minores
Oscula adoratis properamus figere plantis.
Regnat ALEXANDER. Subitò viden' imbribus actis
Purpureo ut ridet pacatum lumine calum?
Vt nitidi redeunt post tristia tempora soles,*



*Et mites Zephyrorum anima? circum aspice, tellus.
 Ut properè varios summisit lata colores.*

*Quàm dulci aëria volucres clangore per auras
 Venturo indicunt hilares noua gaudia sacro!
 Aspice, compositis immotum ut fluctibus aquor
 Post fœdas nunc primùm hiemes, ventosq; resedit.
 Cerne Urbem effusam, plausuq; insueta frementem,
 Latitiæq; simul iactas ad sidera voces
 Accipe, non falsos populi exultantis honores.*

*Nam memorant, calo tandem ut miseratus ab alto
 Antiquâ humanos Genitor pietate labores,
 Regnandum huic dederit magnis virtutibus orbem,
 Auxilium fœsis præsentis numine rebus.*

*Qui ferat, & duro Europam sub fasce gementem,
 Bellorumq; diu tot tempestatibus actam*

*Qui leuet, ac profuga reuocet bonus otia Pacis.
 Nec tamen ultrices generosi pectoris iras*

*Non coquere, & inſtos animo verſare dolores,
 Armâq; ſacrilegos meditari & fulmina in hoſtes.
 Huius in aduentu iam nunc pallere ſuperbum
 Regnatorem Aſia trepidum, atque extrema timentem,
 Seq; peti terrâ & pelago, ferroq; viriſq;
 Immenſas Orientis opes, Solymamq; repoſci.
 Parte aliâ populos longè trans ardua clauſtra*

Italia,

APOLLONII FLORENTIS. S

*Italia, gelidum spectantia regna Booten,
 Et Rheni egregias fluvijq; binominis urbes
 Latitia miros imo sub pectore sensus
 Concipere, & veterem subito consurgere flammam.
 Hunc illum, auspicijs nuper celestibus oras
 Quem videre suas venientem, aurisq; secundis,
 Omniaq; aeternis obeuntem laudibus: illum,
 Quem pietate & iustitia, quem sanguine clarum,
 Flexanimo lingua eloquio, doctisq; beatum
 Artibus, & casta facilem dulciq; Camœnâ,
 Attonitis inhians oculis, cœn præscia tanti
 Suspexit mirata boni Germania: triste
 Dissidium, cœcasq; iras, animosq; rebelles
 Exarsisse satis: gentem iam tendere amicam
 (Chaonia ad nidum veluti per inane columba)
 Ad Tiberim, & magna properare ad mœnia Roma:
 Iamq; sacros orare pedes, veniamq; precari,
 Et pacem, certamq; adœd exorare salutem.
 At fremitu maiore ferunt, quæ munera terram
 Hesperiam, Latiumq;, altam Mauortis & urbem
 Quæ maneant; propius quanta indulgentia celi
 Aspiciat sacros orienti sidere colles.
 Hac finxisse tenus vates Saturnia quondam
 Regna per Ansoniam, & de fulvo sacra metallo:*

*Aurea nunc verè tali sub numine condi
 Tempora, iam reduci cum Virgine lata venire
 Omnia, detersâ priscâ rubigine ferri.
 Iam decus antiquum, & solitos constare triumphos
 Principe ALEXANDRO Romanis arcibus: & iam
 Relligione Patrum, sancta & formidine dextra
 Victorem latè gentes ab utroque receptas
 Litore adorata imperio subiungere sedis.
 Hoc duce præclaras florescere protinus artes,
 Et Latia tellure novas iam surgere Athenas:
 Permeßi mutare undas iam Tybride Musas,
 Desertoq; Helicone, iugum celebrare Quirini.
 Hac bona non dubio monitu mortalibus, addunt,
 Ex illo speranda, Heros quo tempore primum
 Attigit exorients venientis lumina vitæ:
 Cùm summo atherij residens in vertice Olympi
 Regius ardenti fulgeret Iuppiter auro,
 Et vaga composito circum famulantia motu
 Inter se adspicèrent radijs felicibus astra:
 Lydia materno caelestia pignora tellus
 Cùm gremio exciperet, quâ sese urbs erigit alto
 Clara iugo, fecunda virum; decorumq; creatrix,
 Regales fuluâ pueros sub matre, superbum
 Insigne attollens, nec sanguinis immemor alti
Cognatam*

APOLLONII FLORENTIS. 7

*Cognatam ostentans notâ sub imagine Romam:
 Cum domus egregios intra generosa penates,
 (Nomen auis, atavisq; ingens) longo ordine viuos
 Monstraret puero vultus, & facta suorum
 Mirari, inq; sacris vestigia figere signis,
 Et patrio in teneris laudum consuescere amori.
 Nec maiora silent regni argumenta futuri,
 Haud obscura, virum veniens ubi reddidit atas,
 Qua dedit ille: Dei purâ super omnia plenum
 Relligione, metuq; animum, niueosq; pudici
 Pectoris, inuictosq;, vlllo sine vulnere, mores:
 Tum largè nitidis hauſtas de fontibus undas
 Celeſtis Sophia, Themidisq;, & Palladis artes,
 Quis populos regere imperio, quibus aspera doctus
 Flectere corda hominum, positis olim effera bellis
 Sacula felici mitescere pace iuberet.*

*Quid referam, ut letos augusta frontis honores
 Ingeminant, celsosq; animos, mentemq; benignam,
 Regificasq; manus, facilemq; ad pramia dextram?
 Quid ſtudium, totq; exhaustos terraq; mariq;
 Pro re Romanâ, pro relligione labores?
 Tot benefacta viri! quæ tu, Fernande, beatus
 Spectaſti primis mirari aſſuetus ab annis,
 Et patrias etiam Rheni meditatus ad undas*

*Tentaſti Arctōas plectro leniore per auras.
 Nunc qua mira vides , propiore beator alma.
 Frontis ab aſpectu , pronā quāq; accipis aure,
 Quāq; feret voluenda dies facta inclyta ſummi
 Principis , & nomen latè immortale , decuſq;
 Maiori celebrare ſono , grandiq; memento
 Carmine , Maoniſq; modis attollere ad aſtra.
 Diuino ingenio , & præſenti numine vates
 Quæ dabis , æternūm referens mirabitur orbis,
 Et ſeri aſſiduè diſcent memorare nepotes.*

A D

ALEXANDRVM VII. PONT. OPT. MAX.

Eucharisticon.

ME quoque ſublimi è ſolio, PATER, aſpicias, unde
 Terrarum ſpatia , & terras obeuntia latè
 Equora deſpectas , calumq; ac ſidera tangis
 Arduus , & vigili mundum ratione gubernas.
 Nec tua maietas , quòd me quoque prouida curat,
 Deteritur : Phœbi nec lux ſeſe inficit alma,
 Senta quòd ex alto luſtrat loca , & infima tendit
 Telluris , manefq; adèd penetrare ſub imos.

Sed

APOLLONII FLORENTIS. 9

Sed simul emicuit calo, tristem undique pellit
 Squalorem, turpemq; situm, nebulaeq; resoluit.
 Atque ubi descendit magis, interiusq; repostas
 Rimatur latebras, fetus & munera fundit
 Cara magis, pretiosa auri argentiq; metalla,
 Gignit & ardenti rutilos fulgore lapillos.
 Haud aliter tu, MAGNE PARENS, quocumq; salubres
 Aduertis radios, mentes animosq; serenas,
 Speq; bonâ, & donis largè præsentibus auges.
 Vel mihi qua longè in tenebris semota iacebat,
 Frontis ut aspectu primo recreata beata,
 Regaliq; erecta manu, & decorata benigno
 Munere, vita redit! veterumq; oblita malorum,
 Lata tuos inter dum se circumspicit, usque
 Fortunam secura nouam, noua gaudia versat!
 Atque utinam illapsu diuini luminis, auri
 Vena fluat, nostrog; erumpant pectore gemma!
 Pulcrior haud inter lauros ederasq; virentes
 Cinxerit ambrosios tibi crines vlla corona.
 Nam neque prapetibus superantes aëra pennis
 Me vincant aquila, nec dulci carmine olores,
 Nomen ALEXANDRI, laudesq;, atque inclyta facta
 Tollere Pierio certantem ad sidera cantu.
 Te verò interea tacitus venerabor, & aliè

*Diuini ingenij qua tu vestigia signas ,
 Assiduè relegens , memori sub mente recondam :
 Discam aptis si fortè olim tibi soluere grates
 Vocibus , & tua conari , PATER , aurea dicta ,
 Aurea , perpetuâ semper dignissima vitâ :
 Deq; tuis tibi dona feram te digna , supremi
 Vt facimus sacras humiles ad Numinis aras.*

A D

FLAVIVM
 CARD. CHISIVM.

T*V quoque supremo Patruï desidere sidus
 (Cynthia fraternis clara velut radijs)
 Me tenui grates dicentem carmine , latis
 Aspectas , Princeps inclyte , luminibus :
 Cuius in exortu toto lux aurea calo
 Emicat , & campos lapsa per aetherios
 Diditur , & pulsâ caligine protinus imas
 Vndique iam terras conserit , & maria.
 Sed tua purpureo vestitur lumine Roma
 Largius , eximio & munere perfruitur :
 Teq; suum decus , & lenimen dulce laborum
 Suspicit , & duro in tempore prasidium ,*

Cum

APOLLONII FLORENTIS. II

*Cum scelerata lues miseram, & mendacia mæsis,
 Ah miseram, crebris mortibus horrificant:
 Nec cessare sinit trepidam discordia Regum
 Vicina, armorum terribili sonitu.
 Ut patrio exiliens armata è vertice Pallas
 Insensos calo terrigenas domuit,
 Pectore de sacro magni haud secus ipse Parentis
 Diuino existis viuendus ingenio.
 Continuoq; feras acies, atque horrida fundis
 Faucibus eructata agmina Tenarjys:
 Perq; Urbem, & Latium Diras sine more furentes
 Ad nigra precipites Tartara victor agis.
 Quaq; triumphantem volucris fert gloria, victum
 Auro & fronde simul tempora multiplici,
 Ignis ut in calo cum se nouus exeret, in te
 Mentis quisque, auidos conijcit atque oculos.
 Surgere Ledaum vestris de montibus astrum
 Iam videt in medijs fluctibus Italia;
 Transq; Alpes procùl aërias, transq; aquora, lato
 Iactata, heu, gentes omine suspiciunt.
 Iam sædas sperant hiemes, caliq; tumultus
 Desuisse, animas & posuisse truces.
 Tempora iam complexse canunt infesta sorores,
 Staminaq; auratis ducere velleribus;*

Egregium

Egregium euerso tandem succurrere saclo
 Demissum niueis alitibus iuuenem:
 Hunc, patrios fulgere lares dum stemmate longo
 Praclaris atauum cernit imaginibus,
 Discere virtutem in teneris, verumq; laborem
 Cœpisse, & magnos reddere Chisiadas:
 Et cum vix molli primùm pubesceret aeo,
 Intrepido fortes corde gerentem animos,
 Vnigenam cara amplexus genitricis, & vda
 Fugisse immotum lumina lacrymulis,
 Misso ut Hyperboreas magnis de rebus in oras
 Adderet ingenti se comitem Patruo:
 Perq; niues celerem, perq; horrida saxa secutus
 Curreret, ad superos quâ via pandit iter.
 Et nunc, quod virtus olim sua, festaq; votis
 Poscebant rebus tempora flebilibus,
 Ille sedet regnans solio sublimis in aureo,
 Iuraq; fernatis mitia dat populis:
 Tuq; hoc iam pridem sapere, & regnare magistro
 Doctus, in imperij parte locatus ades:
 Quicum partiri graue pondus, cui velit altum
 Pectus ALEXANDER credere, & ingenium.
 Ille adeò te, sacra feras qui iussa per orbem,
 Pollentem eloquio mittet Atlantiaden,

Quo reuocante , diu pax suspirata reuifat
 Europam , indigno reddita ab exilio :
 Cùm placidi iungent , posito certamine , Reges
 In melius versis , fœdera , consilijs.
 At tibi iam video magni famulantia mundi
 Sidera felici lumine , quâ properas :
 Et tumidos molli cliuo subsidere montes ,
 Fluminaq; obsequio currere prona tuo.
 Iam video ventos impellere vela ferentes ,
 Et seruire sacris puppibus Hippotaden :
 Neptunumq; Patrem , & Nereidas exultantes
 Accipere , & toto prouehere vsque mari ;
 Litoreq; exceptum primo deducere gentes ,
 Letitia resonis vocibus , innumeras.
 Parte aliâ increpitat reditum deserta morantem ,
 Teq; diu externis inuidet Ausonia :
 Et reducẽ hinc summis suspirat ab Alpibus , atq; hinc
 Expectat Tuscis obuia litoribus.
 En venit , & terris emensis sospes , & undis ,
 Præpetibus tendit cursibus in Latium :
 Iamq; viam ad sacras relegens secat impiger arces ,
 Mœnia iam victor FLAVIVS ecce subit.
 Vrbs effusa repentẽ ruit , populusq; Patresq;
 Optato properant pascere amore oculos.

Ardus

*Ardnus ille sedet, nitidosq̃, aurum inter & ostrum,
Palladijs crines frondibus implicitus*

*Alta triumphali inuehitur Capitolia pompâ;
Mox humilis sanctis oscula dat pedibus.*

*Interea fremituq̃, hilari, plausuq̃, resultant,
Et lucent festis compita luminibus.*

*Nec niuci, flauo quos flumine pascit olores
Agmine nunc Tybris profluus aurifero,
Nomen ALEXANDRI, & FLAVI, & facta incluta
cessant*

*In calum aternis tollere carminibus:
Sacula nec aternas voluentia dicere laudes
Cessabunt, vestris aurea muneribus.*

A D

AVRELIVM MARROCHIVM,
SCIPIONIS CARD. S. SVSANNÆ
MEDICVM.

H*Oc tibi me, Aureli, vestrum quoque numen
Apollo*

*Sollicitum iussit mittere epistolium:
Artis ut auxilio, quam tu meditaris, & unam
Eximie praestanti excolis ingenio,*

Nascenti

APOLLONII FLORENTIS. 15

*Nascenti occurras morbo, longumq; minanti,
Ni reprimas, toto corpore supplicium.*

*Ex quo etenim Domini vos mollia iussa secuti
Urbe procul dulci viuitis exilio,
Et miserâ ambitione procul, dulcissima, forsan
Immemores nostri, gaudia percipitis;
Hic mihi nescio qua trepidaq; submittitur imis
Visceribus tristis fœdaq; perniciēs.*

*Nam vapor effusus feruentibus undique venis
Incipit indignis vrere membra modis.*

Iamq; vari sparsim existunt, papuleq; rubentes,

*Inficit & medias pustula rupta manus:
Pruritusq; vagi, & scabra rubiginis optat*

*Aſſiduo impatiens stringier ungue cutis.
Præſertim dulces ubi ſuadent carpere ſomnos*

*Aurea iam cursu ſidera præcipiti,
Sanguis inardecens ſtimulis pertentat acutis:*

Nec requies molli mi datur vlla toro.

Vixq; renaſcentis Phæbi ſub lumina prima

Excipit irriguo ſparſa ſopore quies.

Vnde autem infelix vitium inceſſiſſe repente,

Et miſeros artus corripuiſſe putem?

*Non ego cùm flammas Procyon, radiosq; malignos
Spargeret, aut miti luce ſub Erigones*

Pocula

*Pocula siccaui generosi ardentia Bacchi
 Largius, apposita nec nocuere dapes.
 Diræ neque immodico bilis succensa labore,
 Nec curâ aut studio est mens agitata graui.
 Sed molles aluere epula, cyathisq; minutis
 Infusa est gelido plurima lymphæ mera:
 Et matutini captato frigore roris,
 Mox vacui longos sedimus usque dies.
 Nec dubitavi etiam mersare salubribus undis
 Interdum, ac tepido spargere membra lacu.
 Quid, liquidum, medioq; agitatæ Aquilonibus æstu
 Quod calum in tectis ducimus ærîs.
 Ipse tamen quæ causa malum hoc induxerit, altè
 Vestiga, & celerem, dum licet, affer opem.
 Affer opem, & propera labem compescere, si te
 Vlla mouent dulcis iura sodalitij.
 Seu sit abundanti salientem sanguine venam
 Tundere opus, succosq; elicuisse putres;
 Seu iecore ardenti ingesto medicamine flammam
 Opprimere, atque aluum ducere consilium est;
 Huc ades, Autumnî labentis dum finit hora
 Lenis adhuc, dum sic sera moratur hiems.
 Quam cupimus debere tibi, molire salutem,
 Conceptumq; agro pectore pelle metum.*

Euēniet:

*Eueniet : tibi perpetuò sic vota secudent ,
Et faueant cæptis numina lata tuis :
Principis & magni viridi dent robore vitam
Proferre ad Pylîj tempora longa senis.*

A D

F E R D I N A N D V M

F V R S T E N B E R G I V M ,

De reditu cogitantem in Germaniam

anno C1D. 10C. LIV.

C *Vi fausta leto sidera lumine
Risere , molli quem placida sinu
Fouere nascentem Camæna , &
Ambrosijs aluere succis :
Cui ductus aliè sanguis , & inclyta
Longo sequentes ordine imagines ,
Chartaâ signantes parentum
Facta , domus monumenta magna,
Monstrant auito nobile iter gradu
Virtutis , arces quâ datur igneas
Inire , doctrinaâ suadent
Ærium superare culmen :*

B

Laboriosâ

*Laboriosâ nil opus aleâ
Mutare dulces exilio lares,
Et quærere incertum remotis
Regna procûl peregrina terris.
Sed te beati viuulus ingeni
Adegit ardor limina relinquere
Paterna, præclaros ut exul
Egregius fugeres penates
Primâ in iuuentâ. Nec sine numine,
Fernande, Diuum, principe in urbium
Resistis, ingentemq; lustras
Latè oculis animoq; Romam.
Iacere males nubibus aspicias
Olim propinquas, & decora imperi
Miratus, immani ruinâ, &
Marte doles cecidisse vestro.
Mox de superbo puluere nomina
Maiora cernis, regnaq; surgere
Æterna, qua victrix per orbem
Religio, pietasq; summis
Aquanit astris. Impiger ultima
De fonte, riuos hic sapientia
Hauris, & ad plenum benignâ
Pulcra sitis satiatur undâ.*

APOLLONII FLORENTIS. 19

Purum vetusti temporis aureas

Hic pectus artes combibit, & sacrâ

De fronde iam nettis coronam

Crimibus, Ausonioq; vates

Incedis inter carmine nobilis,

Cui plaudit amnis regius assonans,

Collesq; septeni resulcane,

Quo Latia recreantur aures.

Natale fratres imperijs solum

Bellisq; fetum pectore Martio

Colant tuentes, & sub Arcto

Auspicijs volitent secundis.

Ad pulcra pacis munia te vocat,

Poscitq; calum mitius: huc tua

Te sistit, & celsos honores

Insequitur generosa virtus.

Vt orba dulci coniuge, & unico

Fecunda nato, mæsta tenet parens

Amplexa cedentem, nec vdo

Fixa sinit properare vultu:

Sic Roma cari dum capitis fugam

Rumore tristi, nunc timet anxia,

Supplex moratur, sic amici

Te precibus retinent Quirites.

A D
A V G V S T I N V M
F A V O R I T V M.

Ad studium Græcarum litterarum
hortatur.

Qui pectus ardor versat, & intimas
Vrit medullas, purus, ab ignibus
Demissus aternis, & usque
Ætheriâ recreatus aurâ:
Vernante qui te sanguine vividum
Tellurem inertem linquere, & arduas,
Auguste, sublimem volucris
Ingenio superare nubes
Cogit, relictas mox humilem super-
Volare terras, litora duplicis
Diuersa latè quâ refusâ
Oceani feriuntur ondâ:
Interminatas quò sapientiæ
Queras auaro diuitias sinu,
Opesq; doctrinæ beato
Egregias animo reportes,

Non

APOLLONII FLORENTIS. 21

Non ille fracto lenior impetu
Residet usquam: non alio minus
Sub sole feruescet: nec istam

Lympha sitim gelidumve flumen
Restinguet ullum, tu nisi iam vagus
Ales resistas, Gracia nobiles
Magnumq; spirantes ruinas

Seruat ubi, propriumq; bustum.
Fluentis auri puluere sub sacro
Metalla, gazas impiger obrutas,
Gemmaſq; defoſſas, Eois
Inuenies pretioſiores.

Seu plana luſtres, seu iuga montium
Ferare circum, seu loca legeris
Pulſata Neptuno, ſecundum

Seu placidos ſpatieris amnes;
Arcana docti pectoris audies
Miro eloquentes digna ſilentio
Umbras, & immortale duces

Aure auidus ſitiente neſtar.
Sub dolci Hymetti culmine, vitreas
Iliſſi ad undas ipſa canit ſedens
Regina, diuinuſq; flores

Cecropio Sophia ore fundit,



B 3

Quos

*Quos tu sequaci corripuens manu,
 Nouisq; pennis altius euolans,
 Insignem, & aeternam, relictâ
 Kursus humo, referes coronam.*

I N

PHILOMATHIS MVSAS IUVENILES.

Q*uid iste fert libellus? aut quid suspicer
 Venisse in auras luminis fetum ingentis
 Sublimis, altam nec fateri originem?
 Vultuq; ficti sub parentis, per manus,
 Perq; ora circum iam volare nobilem?
 Sirenas anne condidisse carmina
 Diuina, mundi temperantes astricos
 Choros, & imis, munere insueto Deum,
 Audita terris? anne Pindi in vertice
 Inuenta honore Phæbus aeterno nitens
 Inter Camænas ore meditatus sacro
 Hac ipsa fudit? siue in Elysiâ pij
 Conuallæ, gentis aurea priscum genus,
 Dedere vates dicta præclara, aurea, &
 Desueta primum, iamq; turpi inertiam
 Deleta, nostro reddidere temporis?*

Mirare,

*Mirare, Lector; quicquid est, ac suspice;
Mentisq; magna dum legis vestigia,
Latens adora numen (haud vana auguro,
Humana si secundas aspicit Deus)
Aperito adoraturus olim in lumine.*

A D
HIERONYMUM
ALEANDRUM.

De morte Aldinæ catellæ festiuissimæ.

Ergo illa dulcis, illa multum amabilis,
Illa albula, illa delicata, illa innocens
Catella vixit? & tulere numina,
Tua Alexander interire gaudia?
Nec vlla castis inuocata versibus
Lucina præsans (heu nefas!) laboribus
Periclitantis affuit puerperæ?
Nec ipsa, dudum cuius ignem acceperat
Subblandientis acta vi Cupidinis,
Iniuriosa fata Cypris reppulit?
Sed nos querelis quid fatigamus Deos?
Summum Deorum facta crimen conqueri.
Olim (& quis hoc non credat?) alma cœlitum

*Venus voluptas, alma pulcritudinis
Dea, ut puellis usquequaque blandula
Catella suenit asidere bellulis,
Habere & ipsa concupiuit candidam,
Quicum iocosa laderet, caniculam.
Nulla at peractis procreata saculis
Amore digna calitum canicula est.
Modo ista amoris destinata Cypridis
ALDINA venit bella in auras luminis.
Visam sibi hanc repente Diua surripit,
Quâ nulla posthac pulchrior videbitur.
Quare, Alcander, iam dolere desine.
Ne tu occidisse crede quam desideras,
Fallacis umbram dum vides imaginis.
Quin gaude, & ultro gratus offer muneri
Diua, lepores quæ tibi dedit suos:
Quæ nunc magis magisq; amica permanet.
Tibi, venustatemq;, & omnem calitum
Pro munere isto comparabit gratiam.*

AD EVMDEM,

De lacrymis Deorum edisserentem.

Flerent dolentes fata si quando aspera,
 Guttis per ora lucidis manantibus
 Serena. Diuū lacrymasse lumina
 Prisci Poëta tradidere temporis.
 Verū nefanda ex quo perosi crimina,
 Imbuta quēis iniqua ferri secula,
 Contaminato subtrahunt se aspectui,
 Videre nulli fas fuit mortalium
 Mirabiles quæ calitum sint lacryma:
 Nunc tu, Aleander, perspicaci acumine
 Obducta visum tendis ultra nubila,
 Calumq; lastras penitus: en, quod videris
 Non vsitato more flere numina,
 Non vsitatā edisseris facundiā.
 Euge ô beate. Tu tenebras discutis,
 Numenq; portas, quo nitentes lumine
 Verè Deorum lucida sunt lacryma.

I N
BIBLIOTHECAM
FRANCISCI CARD.
BARBERINI.

P Ræceps furentis orbe dum tuit toto
 Procella Martis, iamq; terror incessit,
 Calidaq; cedes undique imbuunt campos;
 Ab imminente vastitate quò seruet
 Trepidæ Camænæ, literasq; palantes,
 Sacri Senatus columnæ, & decus magnum
 FRANCISCUS, arcem providâ pius curâ
 Muniuit, ornavitq;, vimq; congeffit
 Studio, Labore, dexteraq; regali
 Huc aureorum maximam libellorum.
 Vos hinc procûl faceßite in malas oras
 Blatta nocentes, quò mali vocant libri:
 Satis superq; munera inter & curas
 Regni, diurnâ solus, atque nocturnâ
 FRANCISCUS hæc conteret manu chartas.

A D

IOANNEM BARCLAIVM,

Flores studiosè educantem.

Qua tibi culta nouos latè parit area flores,
 Quæq; nitet vario picta colore seges,
 Quàm citò, Barclai, defecerit! improbus Auster
 Deijcit, aut densâ decutit imber aquâ:
 Solibus aut æstus veniens ardentibus vrit,
 Aut legit, & rapido demerit ungue manus.
 Haud ita quos lepidis cultu meliore libellis
 Diuini flores inseris ingenij.
 Nam Charites Musæq; fouent, sparsiq; beato
 Nectare, perpetui veris honore vigent.
 Nec deerunt unquam inscripti tua nomina flores,
 Longa licet studio perpetue sæcla legant.

CÆSARIS COMMENTARIA
 CORROSA A MVRIBVS.

Quod mille libros inter, hunc immanius
 Vastasse mures aspicias,
 Quo bella Cæsar incluta, & victorias
 Hac quâ peregit fortiter

Dex-

Dextrâ , exaravit doctè , id imprudentiâ ,

Casûve factum ne puta.

Nam dum coronâ cingit , ac sedet diu

Castella circum , aut mœnia ,

Edendi amore adegit , ac penuriâ ,

Dolo undecumque & machinis

Periclitantes aggredi , & consumere

Excepta murium agmina.

Ex illo inustum dedecus , & iniuriam

Transmissam adusque posteros ,

Auctoris haud oblita , fortis natio

Reponit , atque vlciscitur.

A D

IVVENEM PICTOREM.

D*Um viuo discis tabulas animare colore,*
Et varios natura effert quos dadala flores,

Graminag, & dulces anni per tempora fructus

Dum simulas , laudum iuuenili captus amore,

Disce simul pulcris animum virtutibus altè

Imprimere , atque Dei sacram mediâ ipse locatam

Effigiem quam mente geris , fuligine turpi

Ah caue commacules , & celso è culmine iam iam

Præcipitem , tetro vitiorum in gurgite voluas.

Ah

APOLLONII FLORENTIS. 29

*Ah caue, dum violasq̃, rosasq̃, & candida pingis
Lilia docta manus, tristes sub pectore dumos,
Atque venenatis radicibus inserat herbas
Actus amor furijs, nimiumq̃, effrena cupido,
Pullulet unde tibi stelerum densissima silua,
Pannarumq̃, grauis nullo non tempore messis.*

D E

C H R I S T I N Æ

Suecorum, Gothorum, Vandalorum
Reginæ aduentu in Urbem,
Ianuario incunte.

Accessu, REGINA, tuo noua frigora in Urbem
Cur tulit, & gelidos ventus ab axe dies?
Insolitum frangi regali virgine non est,
Et rigidum Borea pectus amore capi.
Nunc Dominam ille suam sequitur terraq̃, mariq̃,
Et fugit in patrijs scepra aliena plagis.
Quòdque videt tenero doctas sub pectore Athenas,
Extuderunt Graiùm quidquid & ingenia,
Hoc capitur magis, & veteres reminiscitur ignes,
Te quoque Cecropium dum putat esse genus.

D E

D E

ALEXANDRI VII.

PONTIFICIS OPT. MAX.

secessu in Albanum.

Ecce ubi ALEXANDER longam secessit in
Albam,

*Et Romam veteri restituit patriæ,
Iuppiter ipse graui vectus per inania curru
Descendit prono plurimus obsequio.
Mox colere & Phæbus, radijs ornatus & auro,
Lace suâ lumen clarius approperat:
Nympharumq; chori lacubus, syluisq; relictis
In numerum aduentu Principis exiliunt:
Et circumposita effundunt sese undique gentes,
Vt sacris humiles oscula dent pedibus.
Vrbs dolet interea ingeminans deserta querelas,
Suspiratq; sui mæsta Patris reditum.
Parce tamen, pia Roma, queri, nec gaudia Matri
Antiqua exigui temporis inuideas.*

A D

A D

P. S F O R T I A M
P A L L A V I C I N V M S. I.De historiâ Concilij Tridentini
ab eo scriptâ.

C Lara ducum soboles, bellatorumq; propago,
 Qui veteres forti nomine reddis auos;
 Tu licet abnueris Martem, & meliora secutus
 Palladijs iam calum artibus attigeris,
 Arma tamen fato generis te, duraq; bella,
 Atque triumphato laurus ab hoste manet.
 Indomiti vel nunc infracta superbia monstri,
 Totq; dabat populis qui modo damna furor,
 Quem novus Alcides, & ferro aggressus & igni,
 Diuini extincti viribus ingenij,
 Quas peperit palmas! qua venit adorea! quantus
 Inde tulit plausus nomen ad astra tuum!
 Ille quidem domuit postquam portenta, domari
 Postremam victor comperit inuidiam.
 Tu maior, simul indomitum certamine primo
 Et superas hostem, Sfortia, & inuidiam.

I N

IN ORATIONEM FVNEBREM IO. IACOBI BVCCARDI

habitam Romæ in morte Nicolai Claudij
Fabricij Perescij.

Æ Terna in Urbis luce, confessu Patrum
Fauente, Romano ore cultuq; exequi
Potuisse laudes plurimas & maximas
Exincti acerbo funere, heu, Perescij,
Buccarde, res est magna, factuq; ardua:
Sed, quâ executus ipse, praelaram, auream
Orationem efferre qui possit satis,
Rem magnam & is præstiterit, ac perarduam.

IN PANGLOSSIAM

de laudibus eiusdem ab eodem Buccardo
collectam.

Quod nomen laudesq; tui celebrare Peresci
Institerunt varia linguis longo ordine gentes,
Nobilitas, virtusq; viri, & benefacta reposcunt
Æterna, Oceanum ad geminum dispersa per orbem.
At pariter benè quod celebrant, laudantq; disertè,
Laus, Buccarde, tua est: tua enim facundia primum
Emicuit;

APOLLONII FLORENTIS. 33

*Emicuit ; vitamq̃, & grandia facta secutus
Defleſti egregij caſum miſeratus amici:
Quæ circum accipiens longè exaudita, reſultans
Aſſonat, ingeniumq̃, tuum ſibi vendicat Orbis.*

AD FELICEM ZACHIAM, NATALIS RONDININI defuncti matrem.

V Idit ut ereptum properato funere natum,
Flentibus immoto pectore mater ait:
Mortalis genui mortalem, animoq̃, ſupremum,
Cum peperit, occurrit tempus & atra dies.
Vana tamen ratio; & rerum te fallit imago,
Pace tuâ liceat dicere, docta parens.
Perlege NATALEM celebrantium carmina, in eum
Carmina diuinis edita ab ingeniis:
Teq̃, immortalem nati de nomine, & illum
Laudibus aternum viuere noſce ſuis.

SOLARIVM ABSQVE GNOMONE

BERNARDINI CARD. SPADÆ.

HOrarum interpres quòd nullâ tangitur umbrâ,
 Tempora sed toto linea sole notat,
 Multa animo volvis, dum causam quæris, & esse,
 Quidquid id est, mira colligis artis opus.
 Falleris: hîc puro splendent ubi cuncta nitore,
 Et Domini fulget lumine clara domus,
 Haud locus est umbra: non hîc famulantibus horis
 Dum properat, raptim tempora lapsa docet;
 Vsq; sed eximiè dilecti Phœbus ab alto
 Nobile in obsequium Principis ipse venit.

A D

F E R D I N A N D V M

F V R S T E N B E R G I V M ,

De Thynni capite dono misso.

Misiisti mihi, Ferdinande, munus
 Magnum, Iuppiter! atque sumtuosum:
 Sed magnum quod amiculo immerenti
 Na malum dedit, ac repentè viuum, &
 Videntem, propè ad incitas redegit.
 Nam dum religio mihi, quod abs te

Tuisq;

Tuisq; è manibus venit, minuta
 Ferro in frusta secare, nec puto fas
 Tam cari capitis perire formam,
 Et simul meditor frui beato
 Latus munere, & unctiore cœnâ;
 Ere mi fuerunt paranda grandi
 Arma, vasaq; grandiora, molem
 Tantam quæ caperent, focoq; & igni
 Admotam coquerent, tripus, ahenum,
 Lancesq;, & patina, paropsidesq;.
 Tum quæ silua lari aduoluta! quantus
 Incendit modicos rogius penates!
 Quanta, heu, diluuiis profusi olivi
 Ferclum immane super! lucerna tantum
 Nostra vix biberit decem per annos.
 proin tu, cùm tibi monstra belluosus
 Mittet Oceanus, vagiq; fluctus
 Hæc ad litora verterint tremendum
 Balena spatium, memento turpe
 Destinare aliò caput, docendus
 Fortunam, & loculos breues amici
 Metiri pede veriore. non hæc
 Decent munera pauperem culinam.

I N
BIBLIOTHECAM
FRANCISCI CARD.
BARBERINI.

P Raceps furentis orbe dum tuit toto
Procella Martis, iamq; terror incessit,
Calidâq; cades undique imbuunt campos;
Ab imminente vastitate quò seruet
Trepidâs Camœnas, literasq; palantes,
Sacri Senatus columnas, & decus magnum
 FRANCISCUS, arcem providâ pius curâ
Muniuit, ornavitq;, vimq; congescit
Studio, labore, dexterâq; regali
Huc aureorum maximam libellorum.
Vos hinc procùl faceßite in malas oras
Blatta nocentes, quò mali vocant libri:
Satis superq; munera inter & curas
Regni, diurnâ solus, atque nocturnâ
 FRANCISCUS hæc conteret manu chartas.

A D

IOANNEM BARCLAIVM,

Flores studiosè educantem.

Qua tibi culta novos latè parit area flores,
 Quæq; nitet vario picta colore seges,
 Quàm citò, Barclai, defecerit! improbus Auster
 Dejicit, aut densâ decutit imber aquâ:
 Solibus aut æstus veniens ardentibus urit,
 Aut legit, & rapido demetit ungue manus.
 Haud ita quos lepidis cultu meliore libellis
 Diuini flores inseris ingenij.
 Nam Charites Musæq; fouent, sparsiq; beato
 Nectare, perpetui veris honore vigent.
 Nec deerunt unquam inscripti tua nomina flores,
 Longa licet studio perpetue sæcla legant.

CÆSARIS COMMENTARIA

CORROSA A MVRIBVS.

Quod mille libras inter, hunc immanis
 Vastasse mures aspicias,
 Quo bella Cesar incluta, & victorias
 Hac quâ peregit fortiter

Dex-

Dextrâ, exarauit doctè, id imprudentiâ,

Casûve factum ne puta.

Nam dum coronâ cingit, ac sedet dia

Castella circum, aut mœnia,

Edendi amore adegit, ac penuriâ,

Dolo undecumque & machinis

Periclitantes aggredi, & consumere

Excepta murium agmina.

Ex illo iniustum dedecus, & iniuriam

Transmissam adusque posteros,

Auctoris haud oblita, fortis natio

Reponit, atque vlciscitur.

A D

IVVENEM PICTOREM.

D*Vm viua discis tabulas animare colore,*

Et varios natura effert quos dadala flores,

Graminâq, & dulces anni per tempora fructus

Dum simulas, laudum iuuenili captus amore,

Disce simul pulcris animum virtutibus alè

Imprimere, atque Dei sacram mediâ ipse locatam

Effigiem quam mento geris, fuligine turpi

Ah caue commacules, & celso è culmine iam iam

Præcipitem, tetro vitiorum in gurgite voluas.

Ah

APOLLONII FLORENTIS. 29

*Ah caue, dum violasq̃, rosasq̃, & candida pingis
Lilia docta manus, tristes sub pectore dumos,
Atque venenatis radicibus inserat herbas
Actus amor furij, nimumq̃, effrana cupido,
Pullulet unde tibi stelerum densissima silua,
Pænarumq̃, grauis nullo non tempore messis.*

DE

CHRISTINÆ

Suecorum, Gothorum, Vandalorum
Reginæ aduentu in Urbem,
Ianuario incunte.

Accessu, REGINA, tuo noua frigora in Urbem
Cur tulit, & gelidos ventus ab axe dies?
Insolitum frangi regali virgine non est,
Et rigidum Borea pectus amore capi.
Nunc Dominam ille suam sequitur terraq̃, mariq̃,
Et fugit in patrijs sceptrâ aliena plagis.
Quodque videt tenero doctas sub pectore Athenas,
Extuderunt Graiûm quidquid & ingenia,
Hoc capitur magis, & veteres reminiscitur ignes,
Te quoque Cecropium dum putat esse genus.

DE

D E

ALEXANDRI VII.
PONTIFICIS OPT. MAX.

secessu in Albanum.

Ecce ubi ALEXANDER longam secessit in
Albam,

Et Romam veteri restituit patriæ,
Iuppiter ipse gravi vectus per inania curru
Descendit prono plurimus obsequio.
Mox colere & Phæbus, radijs ornatus & auro,
Lace suâ lumen clarius approperat:
Nympharumq; chori lacubus, sylvisq; relictis
In numerum aduenta Principis exiliunt:
Et circumposita effundunt sese undique gentes,
Ut sacris humiles oscula dent pedibus.
Urbs dolet interea ingeminans deserta querelas,
Suspiratq; sui mæsta Patris reditum.
Parce tamen, pia Roma, queri, nec gaudia Matri
Antiqua exigui temporis inuideas.

A D

A D

P. S FORTIAM
PALLAVICINVM S. I.De historiâ Concilij Tridentini
ab eo scriptâ.

C Lara ducum soboles, bellatorumq; propago,
 Qui veteres forti nomine reddis auos;
 Tu licet abnueris Martem, & meliora secutus
 Palladijs iam celum artibus attigeris,
 Arma tamen fato generis te, duraq; bella,
 Atque triumphato laurus ab hoste manet.
 Indomiti vel nunc infracta superbia monstri,
 Totq; dabat populis qui modo damna furor,
 Quem nouus Alcides, & ferro aggressus & igni,
 Diuini extinxit viribus ingenij;
 Quas peperit palmas! qua venit adorea! quantus
 Inde tulit plausus nomen ad astra tuum!
 Ille quidem domuit postquam portenta, domari
 Postremam victor comperit inuidiam.
 Tu maior, simul indomitum certamine primo
 Et superas hostem, Sfortia, & inuidiam.

IN

IN ORATIONEM FVNEBREM IO. IACOBI BVCCARDI

habitam Romæ in morte Nicolai Claudij
Fabricij Perescij.

Æ Terna in Urbis luce, confessu Patrum
Fauente, Romano ore cultuq; exequi
Potuisse laudes plurimas & maximas
Extincti acerbo funere, heu, Perescij,
Buccarde, res est magna, factuq; ardua:
Sed, quâ executus ipse, praeclaram, auream
Orationem efferre qui possit satis,
Rem magnam & is praestiterit, ac perarduam.

IN PANGLOSSIAM

de laudibus eiusdem ab eodem Buccardo
collectam.

Quod nomen laudesq; tui celebrare Peresci
Institerunt varia linguis longo ordine gentes,
Nobilitas, virtusq; viri, & benefacta reposcunt
Æterna, Oceanum ad geminum dispersa per orbem.
At pariter benè quod celebrant, laudantq; disertè,
Laus, Buccarde, tua est: tua enim facundia primum
Emicuit;

*Emicuit ; vitamq̃, & grandia facta secutus
Defleſti egregij caſum miſeratus amici:
Quæ circum accipiens longè exaudita, reſultans
Aſſonat, ingeniumq̃, tuum ſibi vendicat Orbis.*

A D
FELICEM ZACHIAM,
NATALIS RONDININI
defuncti matrem.

V Idit ut ereptum properato funere natum,
Flenſibus immoto pectore mater ait:
Mortalis genui mortalem, animoq̃, ſupremum,
Cum peperit, occurrit tempus & atra dies.
Vana tamen ratio; & rerum te fallit imago,
Pace tuâ liceat dicere, docta parens.
Perlege NATALEM celebrantium carmina, in ævum
Carmina diuinis edita ab ingenis:
Teq̃, immortalẽ nati de nomine, & illum
Laudibus aternum viuere noſce ſuis.

Tuisq; è manibus venit, minuta
 Ferro in frustra secare, nec puto fas
 Tam cari capitis perire formam,
 Et simul meditor frui beato
 Latus munere, & unctiore cœnâ;
 Ere mi fuerunt paranda grandi
 Arma, vasaq; grandiora, molem
 Tantam quæ caperent, focoq; & igni
 Admotam coquerent, tripus, ahenum,
 Lancesq;, & patina, paropsidesq;.
 Tum quæ silua lari aduoluta! quantus
 Incendit modicos rogos penates!
 Quanta, heu, diluuiis profusi oliui
 Ferclum immane super! lucerna tantum
 Nostra vix biberit decem per annos.
 Proin tu, cum tibi monstra belluosus
 Mittet Oceanus, vagiq; fluctus
 Hac ad litora verterint tremendum
 Balena spatium, memento turpe
 Destinare aliò caput, docendus
 Fortunam, & loculos breues amici
 Metiri pede veriore. non hæc
 Decent munera pauperem culinam.

A D E V M D E M,

Die eius natali.

O Ctobres saluete Idus, lux sacra, Maronem
 Quæ fudisti auras prima sub atherias.
 Tuq; adeò mihi lux salue, quæ proxima surgis,
 Lux mihi natali sanctior usque meo;
 Vnde sibi reduces apponit & ordinat annos,
 Et signat niueis tempora leta notis,
 Æmula diuino condit qui carmina Vati
 Fernandus, Musâ proximus vt genesi.

E I D E M Φ Ι Λ Ε Λ Λ Η Ν Ι

Librum sacrarum precum Græcum
 & Latinum mittit.

A Ccipe diuinum gemino, Fernande, libellum
 Eloquio: ingenium nam decet ille tuum.
 Audiet Omnipotens, seu maiestate Latinâ,
 Seu Graio fusas dulciùs ore preces.
 Dumq; sacras niueo promissis de pectore voces,
 Et purâ assiduè mente Deum alloqueris,
 Haud vigili studio, miro sed munere cali
 Mox dabitur linguas addidicisse nouas.

VILLA

VILLA OSTIENSIS
SACCHETTÆ FAMILIÆ.

Vrbis in antiqua, nitidi non indiga cultus,
 Villa solo, ad primum continuata mare,
 Hinc Romam, aduersa cineres Carthaginis illinc
 Prospecto, & Tyrij diruta regna ducis.
 Nec facies animos aufert mihi proxima tantum,
 Litore ab opposito gloria quanta venit.
 Fastidit si Roma, procùl miratur, & optat
 Inuida delicias Punica terra meas.

OPPIDVM IN SABINIS.

Oppiduli aspectu primo si colligis, hospes,
 Hic vitam duci non bene, deciperis.
 Hic locus & calum felix & campus, & agros
 Hosce habitant Pallas, Liber, & alma Ceres.
 Hæc pede piscosus nitido fugit amnis, & altis
 Exagitat siluis lata Diana feras.
 Hæc satis, & superant, animus ni deficit equus:
 Hunc quoque qui secum non tulit, hic reperit.

POEMAT A
SOMNIVM,

Ruri sub conopeo arundinibus suspenso.

Effe quid hoc dicam, tanta inter gaudia detur
Ducere cūm solidos hīc sine nube dies,
Quod, simul incipio molli requiescere lecto,
Terrificant animum somnia nigra meum?
Nam subito trīsti percellor imagine, & ingens
Incessit miseris terror ab historijs.
Vel mihi prateritā cūm nocte miserrimus ultro
CANNARVM occurrit casus, ut obrigni!
Ergo perpetuò vigilantem viuere tanti est,
Et fugere horrendi dira pericla tori.

VILLA FARNESIA
IN IANICVLO.

Villa solo & calo felix, & clara vetusto
Nomine, nil fumum, nil moror Urbis opes.
His Pater optauit regnum sibi Ianus in oris,
Et posuit nostro mœnia prima iugo:
Quæq; olim eduxit regalia tecta sub auras,
Credibile est spatium clausa fuisse meo.
Nunc titulo melioris heri, cultuq; recenti
Nobilis, egregio munere lata fruor.

AD

A D

IACOBVM WALLIVM

E SOCIETATE IESV,

Cùm Michaëlem Angelum Bonarrotum, sculptorem & pictorem summum, Aretinum appellasset, cùm debuisset dicere Florentinum.

V Atum maxime, quot fuere, VValli,
 Quot sunt, quotq̃, alijs erunt in annis,
 Quid Florentia pulcra nobilisq̃,
 Vrbs de te meruit misella tantum,
 Ipsi ut Praxitelem suum atque Apellem
 Vnus tu eriperes iniquè, & istud
 Inter cetera lumen inuideres?
 Si nescis, grauitèr tulere ciues.
 Quod ni praeproperè parumq̃, caute
 Dictum continuò palàm recantas,
 Edico tibi, non inultum abibit.
 Nam multabere patrià vicissim.
 Nec te illi Grudium ferent poëtam,
 Bruga nomine nec tuo ferentur:
 Sed iactaberis vsque Mantuanus
 Vates, & Venusinus vsque, & Vmber.
 Res est non minimùm timenda VValli.

C 4

A D

AD FAVSTINVM.

Quod ferro, Faustine, tibi, quodq̃, are rigenti
 Mulciberis constat nobilis arte torus,
 Horresco. Nescis, heu, quæ portenta cubili
 Sub tali foveas nocte dieq̃, miser.
 Nam, Maro si verus, verum est quoque credere, lecto
 Versari Eumenidas nocte dieq̃, tuo.

F E R D I N A N D O

FVRSTENBERGIO.

Pascenti procul Vrbe animum Septembribus horis,
 Crura sacer mihi cùm lentè percurreret ignis,
 Et miseros artus stimulis arthritidis acutis
 Vreret, ac toto tentarer corpore, demum
 Decubui seßus monitu imperioq̃, medentùm.
 Accipe nunc, Fernande, tori quæ commoda nostri,
 Deliciaq̃, quibus cessantem frangere morbum
 Sperabam, victorq̃, feros superare dolores,
 Moxq̃, frui latus iucundi gaudia ruris.
 Principio apparet lecti modus haud ita magnus:
 Tres in fronte pedes, paulò plus tentus in agrum,
 Dimidiamq̃, pañimento vix altior vlnam;
 Vnde solum digitis pulsare micantibus inum,
 Perq̃,


*Perq̃, leues auras iactatis ludere talis,
 Mite laboranti solamen: Culcita duris
 Durior imposita asseribus, non illa minutis
 Aut plumis infarta, aut vellere pinguis Ibero.
 Cyniphiis tondent sed quale in vallibus hirci,
 Horrentesve apri, Numideve in montibus vrsi,
 Tomento oppletur Cilicum de stamine saccus.
 Inuoluit super hunc animosis sospes ab Euris,
 Et decimo fluctu, fædisq̃, agitata procellis
 Carbasus, assutis obtendens vulnera pannis.
 Nauticus horrescit supremo tegmine cento,
 Blattarum ac tinearum epulis subductus, & vnde
 Diripuerè dapes magno certamine mures.
 Cetera (quod multo mireris non sine risu)
 Regifico surgunt luxu, textuq̃, renident
 Attalico, & Babylonis acu, Phrygioq̃, labore.
 Quattuor ingentes Ephyræo ex ære columna,
 Aurati fulgent quarum alto culmine coni,
 Vela ferunt pretiosa, & nobile conopeum.
 Sed neque feruenti citius de sanguine febris,
 Nec dolor abscedit membris, nec pectore cura,
 Textilibus si in picturis aurum inter & ostrum
 Iactæris, quàm si plebeiâ in veste cubaris.
 Quod te per nomen incundum, & fædera dulcis*

42 POEM. APOLLON. FLORENT.

*Testor amicitia, per sancta pignora dextra,
Per mores, geniumq, tuum, miseresce iacentis.
Dumq, datur placidos in lucem carpere somnos,
Et tibi lauricomo veniunt insomnia Pindo,
Inspirantq, quiescenti noua carmina Musa,
Dulce aliquid mihi Castalio trans mitte liquore
Perfusus. Forsan vatum Deus, artis & idem
Inuentor medica sic me seruarit Apollo.*



POEMATA
AVGVSTINI
FAVORITI,
FLAVIO CHISIO
S. R. E. CARDINALI
AB EPISTOLIS,
ET
SACRO COLLEGIO
CARDINALIVM
A SECRETIS.



Æ G O N,

Siue de obitu SIDRONII HOSSCHII

è Soc. I E S V.

Menalcas Fabium Chisium Cardinalem;

Lycidas Poëtam refert.

LYCID.



*Vi te sollicitat luctus, quæ
cura, Menalca,
O & pastorum decus, &
solatia ruris?*

*Non animus tibi, non vultus, velut antè, serenus,
Quo blandos audire soles ac reddere versus.*

Atqui nunc latos cum tempore sumere vultus,

Perq̃ vices aliquid, curas quod fallat agrestes,

Ludere conueniat. Iam formosissimus annus,

Iam grati soles, motisq̃ à frondibus aura

Lenior: herba torum, silua dant frigus & umbras.

Et peream, si non invitant omnia cantum.

Quin huic nos cliuo pariter succedimus, unde

Cernere prarupti fas est de vertice montis

Muscosum per iter rapidas descendere lymphas,

Dum subter ludunt satura per prata capella.

MEN. Ah! Lycida, Lycida, scires modo, quàm mihi
laxum

Pectore vulnus hiet, mæstum ridentibus agris

Haud,

*Haud, reor, obijceres vultum mihi : mæstus & ipse
 In gemitus planctusq̃, oculis rorantibus ires.
 Hic celi nitor ipse, anni hac vernantis imago,
 Hac antra, hi fontes, ipsa hac iuga frondea tantum
 Me capiunt, quantum densis nox atra tenebris,
 Aut, cum impronisa calum ruit omne procella,
 Percussa nimbis segetes, & grandine vites.
 Usque adeo premit, ac mentem dolor improbus haurit.
 LYCID. Quidquid id est, ne conde sinu: medicina do-
 lori est*

*Illius indicium. Qua non fluit unda, putrescit,
 Et ruit obiecto violentior aggere torrens,
 Et compressa parit maiorem flamma ruinam,
 Inclusiq̃, Euri tellurem atque oppida quassant.
 Sic quoties celat causas, altaq̃, repostus
 Hæret mente dolor, damno est sibi: pectore clausa
 Marcescunt lacryma, spirantq̃, in viscera tabem..
 Occidit hoc nuper morbo Lycus, occidit Alcon.
 At si quid fortuna tibi crudele minatur,
 Antè luem pecori, aut stabulis incendia mittat,
 Aut capiti nostro qua sint mala cumq̃, referuet.
 Te sine magna Pales squalentia linqueret arua,
 Lugerent armenta, armentorumq̃, magistri,
 Fistula nec cuiquam cura foret. Hac mea certè,*

Ludi-

Ludibrium ventis piceâ penderet ab altâ.

Nec pulsa valles, vocisq; referret imago,

Quod mihi cantandi cupido dictare solebat

Carmen Apollineâ demissus origine pastor.

Quin ego digressus silvis, lucemq; perosus,

Ætatem in duro traherem miser Apennino.

MEN. Si tibi tantus amor luctus cognoscere nostros,

Teq; adeò tangit dolor hic meus, accipe. Venit

Verus ab Arcadiâ nuper mihi nuntius, eheu!

Ægonem occubuisse meum: meus occidit Ægon,

Ægon, quo pastor totâ præstantior alter

Non fuit Arcadiâ dulci perfundere cantu

Mænala, seu patrij saltus mulcere Lycæi.

Cui me præclaris captum virtutibus olim,

Cùm daret hospitium nobis illa aurea tellus,

Fædus amicitia nexu devinxerat arcto:

Quicum sæpè morari, ac ludere sæpè solebam,

Quamquam vicinis fremerent regionibus arma,

Nostraq; finitima turbarent otia gentes.

Quis casus mihi te, vel quis Deus abstulit, Ægon?

O nimis in miserum crudelia fata Mænalcæ!

Infelix pecus ite, nihil moror, ite capella.

*LYCID. Anne erat ille Ægon, cuius tu carmina
quondam*

Infan-

*Infandam, nimiùm infandam referentia cadem
Ipse mihi celsâ (memini) de rupe canebas,
Vnde omnes latè turres ac Roma videri?*

*Sic inflectebas inter suspiria vocem,
Vi mihi visa iterùm fuerit discedere tellus,
Atque iterùm mæstâ inuolui caligine calum.*

*MEN. Ille erat: illum atro merferunt funere Parca,
Aurea diuino modulantem carmina plectro.*

*Esse quid hoc dicam, quod tam breue ducimus auum
Mortales, viuunt cerui, coruiq̃, tot annos?*

*Vidi ego succisas iterùm reuirescere quercus,
Exutosq̃, annis iuuenescere sæpius angues.*

*Quin & auem fama est, sæclis iam quinque peractis,
Oppetere, eq̃, rogo, quem, quo nutritur, amomo,
Et nardi calamis, & odoro cortice myrrhæ
Extruit ipsa sibi, vitam instaurare recentem.*

*At hominem nec fata sinunt producere vitam,
Nec semel extinctum remeare in luminis auras.*

*Nympha, immortales Nympha, succurrite nobis:
Dicite si qua vires vestris in montibus herba,
Qua gelidos animam reuocet vitalis in artus.*

*Dicite: tum memor hîc vobis altaria ponam,
Et tenerâ faciâ meritis pro talibus agnâ.*

Quid loquor? abripiant venti mea vota proterui,

Et

Et præce nequidquam Divos atque astra fatigo.
 Egon hinc abiit, nec quisquam Egonam reducet.
 Crudeles Diui, crudelia sidera, Nympha
 Crudeles; sed tu cunctis crudelior Egon,
 Cedere qui vitâ potuisti absente Menalca,
 Immemor heu nostri. Licuisset lumina saltem
 Claudere, & extremum lacrymis perfundere nostris,
 Et dare, si quid id est, frigentibus oscula labris.
 Sed forsân, cùm tu loquerere nouissima verba
 Languidus, ac dulces raperet dolor ultimus auras,
 Ipse inter latas ducebam pocula mensas
 Nescius, aut queruli dirimebam iurgia Codri.
 Quamquam, si penitus mihi mens non ceca fuisset,
 Certus ego hos olim potui prænoscere casus.
 Sæpè etenim esculeâ captanti frigus in umbrâ,
 Dum tacitus sedeo, dum spirat amicior Auster,
 Lauam nescio quid pepulit mihi protinus aurem:
 Cumq; admouissem teretes ad labra cicutas,
 Dissona feralem reddebat fistula cantum:
 Sæpè & spontè suâ manibus delapsa cadebat.
 Quod superest, tumulum extincto statuemus inanem,
 Quâ Tiberis sacrum velatus arundine crinem
 Pacato Latias interluit amne ruinas.
 Dein viridi in trunco nostri monumenta doloris

*Inscribam lacrymans : quæ fortè notabitur arbos,
Non illam venti eruerint , non frigore bruma
Læserit , aut ardens inimicis solibus æstas.*

*Fixa solo stabit , facietq; nepotibus umbram,
Æternùm testata meos hoc carmine luctus :*

**SALVETE ÆGONIS CINERES , QUÆCVMQVE TE-
NET VOS**

**IN TERRIS REGIO. VOBIS HIC IVSTA QVOTAN-
NIS ,**

**QVI VICINA TENENT PASTORES PASCVA, SOL-
VENT.**

**VIVENTEM COLVIT, NVNC RAPTVM LVGET, ET
ABSENS**

**ABSENTI TVMVLVM POSVIT TITVLVMQVE ME-
NALCAS.**

*LYCID. Sed tu desine plura : vetat se quippe querelis
Urgeri nostris , qui nunc , ut credere fas est,*

*Exceptos calo vates , exceptus & illo,
Cantantes audit , pariterq; auditur ab illis.*

*Et tua dum mulcet nos fistula , pronus abit sol,
Compellitq; greges in septa reducere pastos.*

Cras facere exequias , manesq; vocare licebit.

A D

P. S FORTIAM
PALLAVICINVM S. I.

Nicander.

Nuper ad Albunea siluam, quâ rupe sub altâ
 Spumanti praeceps Anio deuoluitur amne,
 Tityrus & Lycidas lati florentibus annis,
 Ambo pastores, ambo cantare periti,
 Carmine certauere. Locus certaminis antrum,
 Antrum umbrosum, ingens, pumex cui plurimus arcû
 Efficit: at iuxta lato se gramine tellus
 Vestit, & aternum violis vernantibus halat,
 Alluduntq; leues auium concentibus aura.

Hic pueris locus: hîc, cùm sol altissimus umbras
 Fecerat exiguas, steterunt cantantibus illis
 Pastores gregis immemores, grex immemor herba.
 Quin & Hamadryadum chorus affuit, affuit ipse
 Pan Deus, ac fremitu Satyri plausere secundo.
 Horum ego certamen, mihi quod narrauit Amyntas,
 Carmine non vano referam, nisi vanus Amyntas.

Tu modo, si Musam non dedignaris agrestem,
 Sfortia, stirpis honos magna, quo sospite sacrum

*Tollit adhuc supra gentes caput Itala virtus,
 Huc ades; hinc molli mecum considerare in herbâ
 Interea, ac lentus poteris captare beatam,
 Quam Zephyris quercus ludentibus explicat umbrâ,
 Dum rabidum latrat Canis aestifer, aruaq, findit
 Torrida, dum tibi sudantur quæ Batis & Ister
 Miretur, seriq, legant monumenta nepotes.*

*Ergo ubi propter aquam viridanti in gramine ripæ
 Procubuerè, prior Lycidas: En Tityre nobis
 Illa dies tandem, benè quæ decernere possit,
 Quis nostrum melior cantu sit, & arte cicutæ.*

TIT. *Quo me cumque vocas adsum: sic adsit Apollo.
 Non ego detrecto certamina: non ego, forsan
 Ut reris, canere indoctus. Scit victus Iolas,
 Scit Dorylas, scit Acon, scit Tybridis accola Daphnis.
 L. Tu mentem huc aduerte, Mycon: nec sit graue nostras
 Audire, arbitrioq, tuo componere lites.*

MYC. *Ludite quæ vultis, cantuq, exoluite curas.
 Pastori licuit semper, semperq, licebit,
 Cum bene pauit oues, geniales dicere versus.
 At si umquam licuit calamis, si versibus unquam
 Ludere, nunc pastor calamis, nunc carmine ludat,
 Quando suas sibi pascit oues, ouiumq, suarum
 Vellera securus sibi tondet, & vbera mulget.*

TIT. *Incipe*

TIT. Incipe tu primùm Lycida: nos deinde sequemur.

LY. Nulla mora est: tua iussa sequor. Sed nequa sit isti,
Vel mihi suspicio meditati carminis, omnem
Materiem præscribe, Mycon, legemq; canendi.

MYC. Et dubitatis adhuc, cùm laudes, claraq; facta
Nicandri montes resonent, vallesq; profunda?

Plaudite Nicandro, Nicandrum tollite ad astra,
Cui Diuûm imperijs magni custodia templi,
Et gentes latè in Latias commissa potestas.

LYC. Non opis est nostra Nicandri dicere laudes,
Sed vatium, quibus est animus diuinior, & vox.

Nos humiles humili res dicere carmine sueti,
Ac miscere leues per mutua iurgia lites.

MYC. Non semper leuiores decet resonare cicutâ
Pastores Latios; sed ut ipsa armenta gregesq;

Pascuntur nunc valle cauâ, nunc montibus altis,
Sic decet interdum gracili nos promere cantu,

Quid faciat pingues pecudes, quid pabula leta,
Munera quaq; leues vincant Amaryllidis iras;

Concipere interdum validos sub pectore motus,
Et canere heroas, & numina magna Deorum.

TIT. Audebo: obsequium Nicander fronte serenâ
Accipiet, si non carmen laudabit & artem.

LYC. Nos quoque, nos quâquam tenui conabimur ore

*Grandia : conanti veniam dabit ille , sinetq̃,
 Me laudi , meritisq̃ suis , & grandibus ausis ,
 Dum maiora paro , facili proludere versu.
 Illi nostra quies , illi gratissima ruris
 Otia debentur : quin ipse hic spiritus illi
 Debitus : ille meos calamos non passus inertes ,
 Hospitiumq̃ dedit , collemq̃ habitare Quirini.
 Et quamquam minime liceat mihi , ut ante licebat ,
 Sancta impressa notis caelestibus ora tueri ,
 Ante , Mycon , versa in calum radice videbis
 Tendere Chaonias quercus , terramq̃ subire
 Frondibus , ante nigro manabunt lacte capella ,
 Quam sacer è nostro labatur pectore vultus.
 MYC. Ergò agite , & celebrate virũ : sed gētis honores
 Mittite Nicandri proprijs adiungere factis.
 Longa retrò series , quos illa recenset , auorum.
 Hi pacis clari studijs ; hi Marte feroces
 Addiderunt patrijs ingentia nomina fastis.
 Fundarunt alij regali splendida luxu
 Atria ; sollemnes alij caelestibus aras ,
 Ipsi olim decorandi aris : ingentibus illi
 Muneribus fouere Deas Heliconis , & omnes
 Egregias artes. Gens auri diues & agri ,
 Ausoniaq̃ domos clavis complexa Hymenais ,*

Et

Et latè quondam Tusco dominata profundo,
 Quà sacer Alcida portus. Sed nescia virtus
 Crescere maiorum titulis. Erit hic vir, hic vnus
 Argumentum ingens, messisq; uberrima laudum
 Vos canite, vt studijs maior puerilibus infans,
 Cùm vix à cara depulsus lacte parentis
 Figeret incerto dubius vestigia gressu,
 Templa celebrarit Superùm, imbueritq; tenellum
 Relligione animum: vt fugiens contagia vulgi
 Hausserit augustos intra documenta penates,
 Queis ille insistens summa ad fastigia rerum
 Surgeret, ac fesso tandem succurreret orbi.
 Inde, vbi virgineas prima lanuginis vmbra
 Conspergere genas, vt famâ impleuerit Urbem,
 Et grauibz curis virides addixerit annos,
 Munera per populos obiens: vt sæpè potentum
 Limina, & augustas iussus penetrauerit aulas,
 Quarum vestibulū ante ipsum manus excubat atra,
 Inuidia, insidiaq; truces, fraudesq; doliq;
 Nec tamen attigerint illum fraudesve, dolive,
 Aut alia scelerum pestes. Vt namque per altos
 Ionij fluctus, & amara Doridos vndam
 Integer euadit Siculas Alpheus ad oras:
 Sic magnam intactus mentem, fugiendaq; certus,

*Quamuis blanda forent, non immiscere petendis,
Ad patria sese vertit caelestis amores.*

*Testes, quos olim diuino percitus igne
Corticibus teneris atate tenerimus ipse
Inscripsit versus, & quos iam firmior atas
Ore alio indictos è venâ diuite fudit
Per numeros omnes, quiduis imitante Camænâ.*

*Dicite, quot vigili versaret pectore curas,
Cum victum miseris tellus irata negaret
Gentibus, & crebra viduarent oppida mortes,
Bellâq; vicino fremerent insana tumultu,
Quâ centum Eridanus fluujs, luctuq; sororum
Diues init Libycis regnatum flatibus aquor.*

*Quid non Ionio in magno, quâ nota trophais
Insula Sicanium contra iacet alba Pachynum,
Quid non & Rheni sinuosum gessit ad amnem,
Dum pacem indignam Superis inhonestaq; damnat
Fœdera; frustra hominum testatus iura Deûmq;?
Hunc si sancta prius tribuissent numina terris,
Non toties luctu impleffet Germania calum,
Quod trunca heu toties prouoluens busta, virûmq;
Cade calens Albis glaciale resolveret aquor,
Tristiaq; alberent inhumatis cladibus arua.
Non dulci patriâ extorres inopesq; Britanni*

Errarent

Errarent terras omnes, maria omnia circum;
 Nec tam bella diu premerent, bella impia Cretam,
 Quâ fatum Europa pendet; nec inulta doleret
 Ciuibus exhaustas vrbes, cultoribus agros
 Italia infelix, priscos oblita triumphos.

Quin & Sarmatiam ferro qua vastat & igni
 Barbara gens, rebusq; nouis elata superbit,
 Cederet, ac versis dudum in contraria fatis,
 Ardentis patria bustum, cineresq; suorum
 Ipsa gemens, fuso lueret commissa cruore.

Dicite, ut tandem post hac discrimina rerum,
 Postq; tot exhaustos pelago terraq; labores,
 Romuleas iterum meritorum plenus ad arces
 Venerit. Haud mora: vix aderat, cum vidimus ipsi
 Murice fulgentem Tyrio succedere curis
 Iam senis Egonis, rerumq; assuescere habenis,
 Donec ad imperij culmen fatale trahentes
 Nicandrum Superi sacratâ in Sede locarunt.

Hæret adhuc animo haud obliuiscenda per auum
 Illa dies, qua prima virum mortalibus agris
 Sublimem solio ostendit, cum pectore clausum
 Spiraret Numen, vultuq; immobilis alto
 Diuideret sacrâ caelestia munera dextrâ.

Hinc canite, ut redeant nostris felicia siluis

*Sacula, & antiqui mores: ut Copia pellat
 Lata famem Latio, calumq; Astra relinquat:
 Ut, cogente Deâ, tandem furor impius arma
 Ponat, & agrestem gladij curuentur in usum;
 Quâq; tulere diu patrio procûl ab lare durum
 Exilium tristes inhonoratâq; Camæna,
 Excutiant mœrorem animo, Phœboq; canente
 Sollemnes ducant choreas per amœna vireta,
 Rursus & incipiant heroum dicere laudes.
 Sic ubi tempestas nîl tale timentibus aruis
 Incubuit, stragemq; dedit, si nubila cedant,
 Si lenes redeant Zephyri, solemq; reducant,
 Ridet ager, curuumq; nemus se rursus in auras
 Explicat, & sulco seges inclinata resurgit.*

*Nec sinite indictum, ut passim decora alta Latini
 Nominis informes inter defossa ruinas
 Erigat: ut priscum templis instauret honorem;
 Vellat ut è nostris dumos, herbasq; nocentes
 Prouidus, & letas inducat montibus umbras;
 Utq; suas, Diuumq; sacras inscripserit ades:
 NVLLI FAS CASTVM SCELERATO INSISTERE*

LIMEN.

*Tempus erit, quo facta dehinc maiora canetis,
 Cum, suadente illo, positis civilibus armis,
 Cessabit*

Cessabit tandem quod Gens Feronia bellum
 Vpiliâ cum gente gerit. Tum tota repente
 Tempeſtas belli Ionium descendet in aquor:
 Tum populum latè victorem, ac fata ferentem
 Plima, & Agæi rumpentem clauſtra profundi,
 Quò meritas repetat pœnas, gentemq; superbam
 Ryphaas hyemes ultra, Tanaimq; releget,
 Pallidus Odryſiâ ſpectabit ab arce Tyrannus.
 Sic ubi longa fames aquilam, cediſq; cupido
 Acrior ad terram ſpeculâ dimiſit ab altâ,
 Tum qui ſe nouus ad ſolem circumſpicit aureo
 Fulgentem tergo, ſquamisq; recentibus anguis
 Vicinâ condi properat ſub rupe; ſed illum
 Improviſa ſuper volucris venit, & premit ungue,
 Nidorumq; dolos, auiumq; ulciſcitur iras.
 Tum demum exuerit vinclis ſeſe inclyta tellus
 Diuini ſeruans monumentum ac pignus amoris,
 Tum caput attollet Silois, Tybrimq; parentem
 Iordanes, iaculiſq; colet crinitus Orontes.
 Tum dulcem nobis longo poſt tempore tandem
 Fas erit Arcadiam, lucosq; reuiſere ſacros,
 Taygetiq; nemus nigrum, fontesq; Lycæi.
 Nec minùs Arctoo properat quæ litore Pallas
 Romanum ad Tiberim Patribus ſpectanda Latinis,
 Graiorum

*Graiorum decora, & caras inuiset Athenas,
 Frigus & ad sacri ripam captabit Iliſi.
 Tum mores hominum miteſcent, tum pecus omne
 Vnum Paſtorem, atque vnum cognosceſt ouile.
 At tu, SANCTE PARENS, hominũ celebrabere votis,
 Africa quã longẽ pluuium porreẽta ſub Auſtrum
 Ambuſtum Oceani medijs caput inferit undis,
 Quãq; Caledonijs Thule pulſata procellis
 Proſpicit ignotos curuo de litore fluctus.
 Tale Mycon certare volentibus argumentum
 Tradidit, hanc rerum ſeriem: quam deinde ſecuti
 Tityrus & Lycidas, nemorum ꝑaudente coronã,
 Plurima ſub ſacrã fuderunt carmina quercu,
 Quæ tacito ſecum meditari examine mentem
 Conuenit, vt meliùs referamus in ordine quicquid
 Tityrus & Lycidas ſacrã cecinere ſub umbrã.*

ALEXANDRO VII.

PONT. OPT. MAX.

RENVNCIATO.

V*T ad vireta Pindi ab Vrbe Romulã
 Bono profeẽta Fama venit alite,
 Tenere ſceptra CHISIVM, nouem Deas.
 Comam ferunt ligaffe fronde Delphicã,*

Ebur.

Eburneoq; collo eburna barbitos
 Vt alligata, constitisse protinus,
 Vbi perennis unda prata diuidit
 Odore lata graminum virentium.
 Ibi decenter implicasse mutuas
 Manus, pede impulisse & arua libero:
 Ibi increpante pectine aureas fides
 Diu negata condidisse carmina.

Dies beata ter quaterq;, vatibus
 Canenda semper, & colenda gentibus,
 Vetusta sacra quæ reducis aurea,
 Fidemq; cum sorore ab axe deuocas!
 Vides, redux ut Africis ab areis
 Latina iam reuisat arua Copia,
 Famemq; pellat Africas ad areas?
 Vt alma Pax necesse & arma submouens
 Graui cruenta bella compede alliget?
 Tuo, beata lux, fauente numine
 Loqui ecce rursus antra, rursus incipit
 Tegi erudita latiore frondium
 Honore silua, largiorq; Pegasi
 Sonante riuus exilire ab ungulâ.

Vbi hæc dedere dicta, nona Virginum
 Chorum iubet silere, & una concinens
 Lyræ maritat altiore carmine.

POEMATA
DE EODEM.

Ergò inexpleto miseras flagello
Dire agunt gentes? Piget heu sinistram
Tam diu sortem doluisse, & orbis
Fata ruentis.

Vidimus campo Libitinam aperto
Huc equis illuc volitare nigris,
Quæq; Gradiui soluiisset ardor
Ossa legentem.

Decolor tabo Sicoris, Padusq;
Testis, & ripâ Thamesis cruentâ,
Magnaq; aduersus Thamesim resoluens
Ostia Rhenus.

Turbine hinc nostras Oriens citato
Acer in clades ruit, hinc auroꝝ
Cimber ulcisci cupidus Latino
Sanguine manes.

Hinc leui frontem redimita culmo
It Fames circùm, sequiturq; Pallor
Tristis, & scisso pauidus capillo
Luctus euntem.

Sed per hac ardens init astra Virtus,
O datum Europe decus, & leuamen

Dulce,

Dulce, ALEXANDER, miserrante fessas

Numine terras!

Monstra si tellus manibus negasset

Herculis, magnus latuisset heros,

Nec suo audisset resonare Tuscum

Nomine littus.

Tu bona fructus reuehes benignus

Pacis, & plenis Cererem maniplis;

Te sacrum docta Tiberim reuisunt

Vindice Musæ.

Flectere insuetum tibi cerno victos

Poplitem Parthos, Arabasq; fracto

Supplices arcu dare iura nostris

Miscula templis.

Nam comâ latè viridante QUERCVS

Montis insedit iuga Vaticani,

Totum ut humanum genus hospitali

Protegat umbrâ.

Vos ALEXANDRO gladium sequestro

Ponite, & motus animi calentes:

Iam satis cadis, cinerumq; ferro

Parcite Reges.

Cur in insontium malè pertinaces

Vrbium casus acuuntur enses,

Iustius

Iustius Thracum quibus imminentiūm

Turba periret ?

Qui super campis glacialis ora ,

Italumq; aruis , pelagōq; fusus ,

Barbaram sanguis potuisset omnem ex-

Scindere gentem.

Iam pio tandem sociate fortes

Fœdere in Creten , Solymamq; dextras.

Ite victores pia vota magno

Solvere bûto.

Ite : Naupacti recubans in antro

Nuper auditus grauiore Triton

Præscius conchâ cecinisse fracti

Colla Tyranni.

Thracia vobis anima fauentes

Carbasa in Syrtes inimica vertent.

CHISIVM sidus reget omne certâ

Luce periculum.

DE EODEM. ●

C Lades furentis quisquis Europa graues
 Abominatus, atque Christiadûm (nefas!)
 Contaminatas scelere ciuili manus,
 Multâ rogasti Numen iratum prece,
 Rediret agris alma pax mortalibus,
 Et qui profanis mutuam in stragem duces
 Aguntur odijs, fœdere inter se pio
 Iuncti in superbos arma Thracas verterent;
 Quisquis reuersam cernere optasti diu
 Cornu beantem diuite arua Copiam,
 Reduceſq; cum ſorore Pietatem ac Fidem,
 Et ad antra Cyrrhæ iam diu ſilentio
 Tristi iacentes, & recusantes lyram,
 Rurſum canentes fontis ad caput ſacri
 Audire Muſas; quisquis Vrbem redditam
 Decorî intueri, priſca quod virtus patrum
 Parauit, artibuſq; florentem bonis;
 Aras corollis, eiz, conſternas pius,
 Summoq; gratus vota perſoluas Deo:
 MAXIMVS habenas rerum ALEXANDER tenet.

E

IN

IN EIVSDEM S. D. N.
DIEM NATALEM.

VENIT ALEXANDRI natalis. Supplicet aris
 Turba frequens: flammis fumet acerra pijs,
 Nec cithara sileant, citharis nec carmina desint:
 Huc, age, qui citharâ, carminibusq; vales.
 Vos quoque, felices anima, pia nomina, Vates,
 Quos Latium, quos & Gracia terra tulit;
 Seu vos aeternum retinent Parnassia Tempe,
 Seu choream in siluâ ducitis Elysiâ;
 Quandoquidem manes imâ tellure repostos
 Arte ferunt, viui quam coluere, capi;
 Cingite fronde comam, & Troiâ Thebisq; relictis,
 Natalem magni concelebrate Patris.
 Et dum, VIVAT IO, resonamus, amabile carmen
 Integret Elysiûm, Pieriumq; nemus.
 At vos, Aonides, quarum sub numine sacro
 Lata virent docta iugera Castalia,
 Flectere queis animos, & inexorabile pensum
 Parcarum citharâ carminibusq; datum est,
 Si puerum arcanâ faciles fouistis in umbrâ;
 Si iuuenem purâ sæpè rigastis aquâ;

Illius

Illius ob carmen nostri si gloria sacri
 Tollit se vestris ardua verticibus;
 Si plausum tripodes, vocaliaq; antra dedere,
 Cum Deus hunc magnum misit in imperium:
 Dum lucem hanc colimus, cantu fidibusq; fauete,
 Ac pede, res agitur vestra, fauete Deæ.
 Fallor? an excite veniunt ad sacra sorores,
 Fronde coronatas expediuntq; lyras?
 Et numeris certare parant? Certaminis huius
 Signa dat è summo Calliopeia iugo.
 Ergò diem faustis celebremus nos quoque votis:
 Annus enim nobis sæpè canendus adest,
 Quo Christum accipiant ultro regna inuia nautis,
 Litoraq; algenti siqua sub axe iacent,
 Quo tandem à miseris rubigo turpis aristas
 Telorum duram transeat in segetem.
 Tu modo dexter ades, tantisq; allabere cæptis,
 Qui flectis nutu regia corda tuo.
 Quæ rabies armet populos, quæ prælia poscant,
 Quæ scelerum, quæ sit Martis imago, vides.
 Hinc premit Heluetiam strictis furor impius armis;
 Hinc luget patrio Sarmata pulsus agro.
 Heu coniuratis etiam sociata Britannis
 Arma metum populis exitiumq; ferunt!

Heu iter infaustum relegens feralis Enyo
Italia pugnaces ducit in arua manus!
Ceu Padus Insubres cùm turbidus inuehit imbres,
Quos miseri luctus augeat agricola.
Hinc etiam ferrum Odrysi cradele Tyranni
Per Venetum clades imminet Italie.
Scilicet Italiam contra bella impia surgunt:
Huc inhiant dire crimina barbarie.
Tu tamen ô populis tellus assueta regendis,
Ingenio atque armis inclyta, parce metu.
Maxima ALEXANDRI virtus tibi militat, altis
Alpibus & gemino firmior usque mari.

A D E V M D E M,

de hesterno fulmine.

*C*esserat atra fames Latio, T E, Maxime Princeps,
Vindice, & horribilis, sed sine clade, lues;
Cùm misera nondum placatus Iupiter Vrbi
Illam maiori deuouet exitio.
Pallentem immittit morbum, quo Flavius ager
Detinuit multos anxia corda dies.
At Iuuenem egregium populis donare coactus,
Arripuit tandem tela trisulca manu.
Irrita sed pariter ceciderunt fulmina, & iram
Numinis ante tuos deposuere pedes.

A D

A D

FLAVIVM CHISIVM
ALEXANDRI VII.

PONT. OPT. · MAX.

FRATRIS FILIVM.

P*Hæbus ubi primùm reuehit cum luce labores,
 Redux ab orbe suaueolentis India,
 Eius ab aspectu pendet prænoscere sollers
 Ligur magister atque arator Appulus,
 Quid pelago campisq; niger denuntiet Eurus,
 Orionisq; triste sidus apparet.
 Nam si nubilus obducat caligine vultum,
 Vterque cautus abstinet periculo;
 Sin autem extulerit nebulis rosea ora fugatis,
 Hic alligare vomeri boues, at hic
 Soluere veliuolam properat de litore puppim,
 Rates & æquor execrante coniuge.
 Haud aliter te, qui priscum genus indolè pulcrâ,
 Et ore, suauibusq; moribus refers,*

Vt nitidum os, FLAVI, diuino lumine vidit
Recentis extulisse more sideris,
Suspexit Roma, estq; animo prudente futuri
Dies sibi augurata candidissimos.
Latè humiles terras animo nam despicias alto,
Cupidinumq; vulgus impotentium
Sub pedibus premis, infelix quibus acta iuuentus
Tumet furente peius Adriatico.
Vnus amor recti, virtutis te decor vnus
Iuuat, pudorq;, comitasq; Chisia:
Degeneremq; vocas, veterum qui iactat auorum
Iners propago nomen atque imagines.
Quare hominum studia, ac dulces ante omnia Musæ,
Novam micare quando spem vident sibi,
Erexere animos. Tu Diuas excipe blando
Domesticam secute gloriam sinu.
Scilicet Augusti referentem nomen & artes
Virum memento sanguinis decus tui.
Qui nisi regali iussisset mente beatum
Patere limen hospitale vatibus,
Egregios ut auos, & auos numeraret auorum,
Vt esset ampla res, opesq; Chisia;
Frigidus, heu, mutusq; foret sine nomine puluis,
Per ora nec volaret inclytus virum.

Quam-

Quamquam opera precium priscorum ingentia non est

Referre facta Patrum, ubi praeit suis

Maximus auctor ALEXANDER, qui cum pietate

Suaq; sorte robur aequat ingeni.

Ille vides ut saepe iubet secedere curas,

Onusq; ponit, & reclinat in sinum

Musarum. Haec solio nimirum cum Themide ipsa

Sororibusq; pulcer assident chorus.

Credo equidem: neq; enim ingenijs fuit hospita sacris

Pudor vireta relinquere & iugum biceps

Pro Vaticano, pro dulci colle Quirini,

Vbi perennis aura veris intepet.

Nec minus interea populis assuesce regendis,

Id approbante, qui benignus imperi

Te vocat in partem rerumq; arcana, secutus

Quod omnium supremus arbiter Deus

Suadet, ALEXANDRI qui res, & facta reliquit

Sibi, suoq; temperanda numine:

At regere imperio volucres elementa ministros,

Polumq; iussit, & rotare sidera.

Iamq; decus, patrio tibi quod promittitur astro,

Et expetita feruidis Quiritium

Votis alma dies aderit, cum Romula pubes

Metu soluta, tristibusq; nanjs,

*Te proceres inter Latjos, spem Tybridis altam,
Honore cernet eminere debito.*

*Mox linquentem urbem comitabitur omine leto
Iter precata molle; seu iubeberis
Ire Alpes ultra, seu te committere ponto,
Etrusca prater & volare litora.*

*Olim namque tibi Regum componere dextras
Deus reseat, & ligare mutuo
Fœdere in excidium Thracum, tua iussa sequente
Per aquora alta me, per Alpium iuga.*

*Tum mihi, tum magnis pia vatibus arma vicissim
Canentur arma, fortiumq; dextera,
Queis feret auspiciis Solymæo dona sepulcro
Ab occidente vectus hospes ultimo.*

*Medus ALEXANDRO tunc demum ac Thracia supplex
Sacros fidelis osculabitur pedes.*

CLEO.

CLEOPATRA
IN HORTIS VATICANIS
A D
CHRISTINAM,
Suecorum, Gothorum, Vandalorum
Reginam.

S I te spectaclum infelix, si tristia tangunt
Fata mea duro benè sculpta in marmore sortis,
O nostros dignata lares inuisere mundi
Cardine ab extremo, patriâ regnoq; relictis,
REGINA, heroum nulli virtute secunda,
Aurea quos olim tulit etas, maxima Olympi
Numina cum humanos non dedignantia catus
Teeta frequentabant mortalia, castaq; gentis
Pectora non falsa complebant laudis amore;
Huc ades. Illa ego sum Latij celeberrima fastus
Femina. Nosti angues, animumq; in morte ferocem.
Quò properas? Saltem alloquio solare dolentem
Reginam Regina; nec est indigna videri
Forma loci, & sacris regio gratissima Musis,
Quæ nemus hoc, fontesq; colunt, iugaq; alta, viretis

*Cyrrha posthabitis, & verticibus Parnassi.
 Hic ubi. Graiorum artificum miranda videbis
 Signa antiqua, tuæ gentis quibus ira pepercit;
 Abstiniuitq; manus artem mirata vetustas.
 Vt de me sileam, vident' hos, qui robore multo
 Luctantem, ingratosq; Deos, arasq; vocantem
 Arrecti miserum spiris ingentibus hydri
 Laocoonta ligant? Vt anhelat! ut ore supremum
 Ingemit! ut socios implorat, opemq; propinqui
 Hercules! Ipse quidem casum dolet, & cupit angues
 Elisisse manu, ac primos iterare labores
 Phidiacus labor Alcides; sed enim aspera Iuno
 Heroa immeritam dum grandine pulsat & imbri,
 Non tantum orbavit clauâ, exuuijsq; leonis,
 Verum & poplitibus neruos, humerisq; torosa
 Brachia diuellit, fecitq; ex Hercule monstrum
 Informe, ignaræq; (nefas!) ludibria turba.
 Ast illum informem licet, & sine nomine truncum
 Miratum huc Ararim veniunt, Rhenumq; bibentes,
 Et viuos illinc discunt effingere vultus.
 Cetera quid memorem? Nilum, Tybrimq; parentem
 Spirantes docto in silice, Eridanumq; Tagumq;
 Natiuo fulgentem auro, Gangemq; superbum
 Eois opibus, quos omnes dadala, & ipsi*

Emula Naturæ finxit manus? Hic habitant Di.
Aurato hic Phæbus percurrit pectine chordas:
Hic gelidam fundit proles Semeleia lympham;
Pocula, deliciasq; tuas: hic otia degunt
Mercuriusq;, minaxq; rubenti casside Maors,
Et magni Aeneæ genitrix, & candida Phæbe,
Omnes aut Diui, aut Diuûm genus: vnâq; deerat,
Quam studijs, vultuq;, refers, factisq;, Minerva.
Huc & ALEXANDER (Fabium tunc nomine dici
Audieram) indocti fugeret cùm murmura vulgi,
Nobiliumq; manus iuuenum comitata solebant
Ferre pedem, hic tristes animo deponere curas,
Dulcia secura ducentes gaudia mentis.
Vidi ego, & in cubitum surrexi oblita doloris,
Incessumq; viri obseruans & lumina, dixi:
Aut Babylon ignara futuri; aut hic erit, hic vir,
Olim qui Latiam regnando restituat rem,
Qui veteres artes, & secula prisca reducat,
Iratasq; pio componat fœdere gentes,
Quamquam animi flecti indociles, & vulnera tactu
Crudecant, medicamq; manum impacata recusent.
Quò properas? ne, Diua, oculis te subtrahe nostris:
Namque ego te rerum seriem, euentusq;, docebo,
Qui super heroum sedes, super æthera tollent
Nomen

*Nomen ALEXANDRI, sub mortem plurima quando,
Et longè faciem venientis cernimus aui.*

An te proxima silua trahit, studiumq; ferarum?

Non ibi toruus aper, non duris unguibus vrsi,

Quos iaculo cecidisse tuo sepe horruit Arctos

Vtraque; sed cerui imbelles, capreaq; fugaces,

Pictarumq; cohors non inuadenda volucrum.

Quin etiam casus, & mors ingloria ab altis

Imminet arboribus: nam quæ nux pinea curuo

Strata iacet campo, Satyros quam ludere circum,

Metiriq; vides thyrsos, suâ ab arbore nuper

Decidit, & magno tellurem perculit ictu.

Adde, quod inclusus Boreas, Eurusq;, Notusq; ,

Et quotquot seuis agitant plangoribus æquor,

Illâ turre fremunt euersuri omnia latè:

Quamvis sub tanto cohiberi Principe venti

Non indignentur, veniantq; ad iussa volentes,

iamq; parent iterum Scythicas illidere puppes

Leucata. Ah diram Leucatam & conscia luctus

Saxa mei! heu dolor, heu cladis monumenta nefanda!

IMMINENTE IAM AUTVMNO
 INVITAT AD RVSTICANDVM,

Recitatum in Academiâ Humoristarum.

Pater Quirine, tuq₃ Mater urbium,
 Strepente semper æfluans negotio,
 Diu valete; tuq₃ lymp^ha nobilis,
 Vbi erudita Pallas ora proluit,
 Paterq₃ Phæbus aureum lauit caput.
 Vocant enim beata ruris otia,
 Chorusq₃ mollis innubarum Oreadum,
 Ioq^{ue} Bacche, Mænadum frementium,
 Quibus reclamat ore Bacchus ebrio
 Caput corymbo amiētus, atque pampino
 Decora vinctus implicante cornua;
 Bibamus, eia, tempus, eia Mœnades.
 Eamus ergò. seu vetusta Tiburis
 Iuuat videre tecta, siue Tusculum.
 Sed omnis antè cura acerba pectoris
 Recedat vsque ad ultimam Britanniam,
 Laborq₃ durus inquietus exulet.
 Amor sit vnus, vna cogitatio,
 Carere amore, cogitationibus.

EMI-

EMINENTISSIMO PRINCIPI
BERNARDINO
CARDINALI SPADÆ,

INEVNT E ANNO M. DC. LI.

BENE PRECATVR.

O *Pars altior inclyti Senatus,
Cuius Romula gens ab ore pendet
In latis simul, arduisq; rebus,
Nostri præsidium decusq; sæcli,
Qui patrocínio tuo fideli
Omnes ingenuas tueris artes,
Artes ingenuas adeptus omnes;
Vultu illo excipe blando, amabiliq;
Quo tamquam in solio suo renidet
Maiestas Latij, decorq; priscus,
Propensum obsequium mea Camæna,
Dum Iani redeuntibus Kalendis
Vota concipit, aureosq; soles
Tibi, ac Nestoreos precatur annos.
Dexter atque utinam Deus secundet,
Quæ cum solibus aureis Camæna
Et cum Nestoreis precatur annis.*

Aulæa

Aulæa à fulmine illæsa, aureo tantùm
limbo correpto.

A *Vrum corripuit fulmen; nil cetera læsit,
Non aliàs cecidit iustius ira Iovis.*

Faber ferrarius diurnum quæstum
scenicis ludis impendens.

P *ostquam lassavit miseros incude lacertos
Forcipibus versans æra recocta faber,
Scenica videndi studio spectacula querit,
Quosq; locat populo mimica turba iocos.
Hinc cæna infelix torquentes lumina cepa:
Sic illi risus vertitur in lacrymas.*

Cùm inhabitaret cubicula, quæ sunt
in fornice Vaticano.

Q *uas imminentes fornicì vides curus
Ædes inæquali ambitu, sed arcano
Sacras recessu, hortis virentibus latas,
Miroq; hyeme mediâ tepore vernantes,
Me summa Principis benignitas iussit
Incolere; me, qui nuper improba nutu*

Sortis

*Sortis reductum in angulum relegatus ,
 Quà bubo , quà dira striges cateruatim
 Ferales ab altis carmen integrant nidis ,
 Longè à sodalium atque solis aspectu
 Vitam in tenebris ac timore ducebam.
 Succede tectis hospes , & loci felix
 Genio fruarè , dum recolligis vires ,
 Quas longa passus mille porticus fregit.
 Hic Phidia non signa , non Apellaas
 Tabulas require : non teguntur aulais ,
 Tyrio nec ostro splendidi lares fulgent ;
 Sed omnium instar vultus est ALEXANDRI.*

A D

ALEXANDRVM VII. PONT. OPT. MAX.

Ineunte Pontificatus anno quarto.

Non indigna Tui canerem nunc , Maxime
 Princeps ,

Sed cohibet iustus me , retinetq; pudor.

*Nam recolens lucem , Tibi quæ dedit Orbis habenas
 Natalem celebras nostra Thalia suum.*

A D

A D

VILLAM PERETTAM

IN AGRO TVSCVLANO,

Cùm Flavius Chifius S.R.E. Cardinalis

lentâ inibi febrî detineretur.

Villa decus Latiae telluris, candida Villa,
 Credita cui domini vita salutisq; mei;

Salve ô deposito felix, & pignore tanto

Factura egregijs urbibus inuidiam.

Quòd si quàm felix, si quàm formosa vocaris,

Vis quoque tam nobis dicier esse pia,

Redde illum precibus tandem mitissima nostris,

Et Romæ assiduis vocibus incolumem.

Spes fuit, his Iuuenem recreatum dulcibus auris

Non multos intra posse valere dies.

Urbis propterea graue murmur, & aëra lentum

Deseruit, calo posthabuitq; tuo.

Irrita ne facias quæ tu sperare iubebas;

Sed fac quod medica non valuerit manus.

Omnia praesidia, atque artem consumpsimus omnem:

Morbi euellendi nulla relicta via est.

Secunda bis ardentem venis fudere cruorem

Brachia, nec pedibus sana pepercit acus:

F

Non

Non tamen idcirco penitus deferbuit ardor
Indomitus : per enim viscera serpit adhuc.
Omnes experti succos , quos Appula tellus ,
Pinguibus & venis India diues alit ;
Non tamen Appulia , nec quos alit India succos
Attulerunt , agrum qua releuaret , opem.
Nil non tentatum nobis : nil profuit agro :
Quæq; iuuat cunctos , huic fuit herba nocens.
Hæret adhuc siccis vis morbi infixæ medullis ,
Nescius & stomacho cedere languor iners.
Iamq; dies illum decies , heu , quinque iacentem
Lectulus ingrato detinet hospitio.
Scilicet est illi sedes inuisa quietis ,
Pluma grauis misero est , ipsaq; dura quies.
Nos verò interea , FlauI cum posceret agri
Lapsa valetudo publica damna queri ,
Colle super viridi , nigraq; sub ilice lenti
Ludimus imparibus carmina iuncta modis .
Et nunc insidias auibus , nunc tendere damis ,
Nunc iuuat Albanos currere lintre lacus.
Ire nec aerij piget ad fastigia montis ,
Vnde humiles terras cernimus , & maria.
Sapè suburbanas amor est lustrare ruinas ,
Quæq; iacent veterum tot monumenta virum.
Atque

Atque hîc obliti curarum, Urbisq; laborum,
 Dicimus: O hominum gloria, spesq; breues!
 Vivamus dum fata sinunt, dum sanguis & atas.
 Firma: venit celeri cana senecta pede.
 Inde super mensâ discumbitur ordine longo,
 Et loquimur multo libera verba mero.
 Metamen hac inter domini languentis imago
 Admonet in magnâ vivere tristitiâ;
 Nec tantum precibus Divos onerare, sed ipsis
 Ferre iubet saxis vota precesq; dolor.
 Tu nostro, tu, Villa, precor, succurre dolori:
 Istic iam lucēs bis iacet ille novem.
 Pallor eat, maciesq; omnis procûl, & mala febris
 Desinat alterno corripere ossa gelu.
 Fac redeat pedibusq; vigor, sensusq; palato,
 Occupet & totâ lumina nocte sopor.
 Fac reuocent vires excusso membra veterno,
 Floreat & lato pristinus ore color.
 Sic tibi ne pinguem ledant mala gramina messē,
 Nec timeat siccos vinea culta dies.
 Sic quæ perpetuò velat nebula improba Romam,
 Exulet aternum finibus illa tuis.
 Sic tristes hiemes, & fetos grandine nimbos
 Iupiter intactis arceat arboribus.

Sed, cum opus est, placidum demittat ab aethere, sensim

Qui sole arentem temperet imber humum.

Ipsa tuos colles viuaci Pallas oliuâ

Vestiat, & Baccho certet amica Ceres.

Quiq; coloratos reditum meditatur ad Indos

Pomorum nullo vincetus honore caput,

Hinc legat Autumnus semper sibi poma, suasq;

Conferat huc omnes fertilis annus opes.

Praterèa si fama tibi, si gloria cordi est,

Villarum fies tu quoque nobilium.

Nam tibi munera lata, tibi annua sacra feremus

Instructi citharâ, carminibusq; sacris.

Huc ego cum Musis Parnassia templa potenti

Carminè traducam, Picriosq; lacus.

Hic edera surgent, hic laurus digna Poëtis,

Hâc se victores cingere fronde volent.

Tunc tibi Telegoni cedit locus omnis, & vda

Quotquot spectantur Tibure delicia.

Cedit & ipsa Paphos, semperq; virentia Tempe,

Et fies hortis notior Alcinoi.

A D

FELICEM ZACHIAM

In funere Natalis Rondinini filij.

Ex Albano secessu.

S Ecreta nemorum valles, mutiq; recessus,
 Et deserta loca, & taciturna querentibus antra,
 Quæ priscos habitasse ferunt (& credere dignum est)
 Mortales, sine lege pios, sine messe beatos,
 Accipite hos agro proruptos pectore questus,
 Quos pietas, quos ager amor, luctusq; requirunt.
 Et vos frondoso surgentes vertice fagi
 Me sinite, erepti lugentem funus amici,
 Illius æternum vestris incidere nomen
 Corticibus: meus hîc saltem, dum stabitis, unâ
 Viuet amor, luctusq; mei monumenta manebunt.
 Me sinite hîc viridi carmen, lacrymabile carmen,
 Tristibus ad citharam numeris disperdere in umbrâ,
 Quod recinant, qui se querulis solantur auenis.
 Dulce queri miseris: dedit hoc natura leuamen,
 Hoc animi, quæ vix umquam coitura putares,
 Vulnere dictamno curat, mulcetq; dolorem.

*Plorat Ityn Progne ; consortem turtur ademptum ;
Cæya Alcyone ; casum Phaëthontis olores.*

*Scilicet & mæstis implet nemus omne querelis
Flebiliter quarens absentem bucula matrem :
Et nunc hæret inops animi , nunc arrigit aures ,
Si quâ fortè procùl crebris mugitibus instet ,
Errantem admonitura sui : nunc acta furore
Dat gemitus incompósitos , & in auiâ fertur ,
Terror Hamadryadum , stragesq; miserrima siluæ.
Illa peregrinum , natorum oblita , iuuentum
Per saltus sequitur , vel festa altaria circum
Flore reuinctâ caput magnis cadit hostia Diuis.*

*Iusta quidem cara iampridem soluimus umbræ:
Nec cineri amplexus , largus nec defuit imber
Funcris , ubi casu perculsi , ac vulnere primo.
Sed præstans animi Natalis , & indole pulcrâ ,
Constantiq; fide primis mihi iunctus ab annis
Triste sui desiderium luctumq; reliquit.
Vt me nulla dies solari , nulla queat res ,
Cogar & in longos absumere lumina fletus.
Ergò siue aperit rebus lux alma colorem ,
Siue aufert , umbrâ inuoluens nox humida terras ;
Dilecti manes , dilecta occurrit imago ,
Pallida , languenti viola , vel grandine tacto*

Narcisso

Narcisso similis, frigentiq; ore videtur
 Oscula ferre genis & brachia tendere collo
 Cara meo, qualem supremo in funere vidi,
 Cùm iam frigida mors oculis induceret umbras,
 Me quarentem oculis, & pectore singultantem.
 Cùm Fernandus, amicitia pars tertia nostra,
 Astaret lacrymans; sancto mox cedere iussis
 Officio lacrymis, Superos in vota vocaret,
 Difficilesq; obitus, animamq; exire parantem
 Calesti firmaret ope, ac prece feruidus omni.
 Hac rerum species animum noctesq; diesq;
 Infelix subit; hac sensus mi surripit omnes,
 Nec sinit à tristi curâ requiescere mentem.
 Nam neque Castalides, mihi dulcia nomina quondam,
 Quæ me illi ad laudē comitē, quāquam impare gressu
 Addiderant, & amore pio, paribusq; ligarant
 Auspicijs, possunt miserum lenire: nec ipse,
 Quæ releuent ægrum, Phœbus pater inuenit herbas.
 Cetera, quæ pariter quondam oblectare solebant,
 Omnia sunt ingrata: nihil iuuat. Hac loca certè,
 Ipse hic formosi nemoris gratissimus horror,
 Et fortunati gelidus fons graminis altor;
 Ipse lacus videns, auium secunda voluptas,
 Sylvarum decus, & Latia telluris ocellus,

*In lacrymas questumq; trahunt. Hac ille solebat
 Mecum animis , studioq; pari loca adire quotannis ;
 Hic pariter mecum fugientes condere soles
 Alloquio dulci , curarum oblitus , & Urbis.
 Hac illi regio dilecta : hic sapius illum
 Naiades pulcra , pulcra stupuere Napeæ
 Casta Philetæis sociantem carmina chordis.
 Non tamen astrorum cursus , non abdita terris
 Prodigia , aut ortus ventorum , vel maris æstus ,
 Omnia adhuc hominum studijs ignota , canebat :
 Sed Christi Heroas , immoto barbara vultu
 Supplicia expertos , ignominiasq; Tyranni ;
 Sed laudes Superum , & diæ virtutis honores ,
 Quæq; docet verax , & fallere nescius Auctor ,
 Humanâ maiora fide penetralia rerum.
 Inde ad ALEXANDRI deflectens inclyta facta ,
 Commemorabat , uti Saturnia sæcla redirent ,
 Et probitas , & sancta fides , iam Præsides terris ;
 Qui sciret regni hanc molem non ære , nec auro
 Stare , nec arte hominum , sed religionis amore ,
 Sed virtute animi , & veterum pietate parentum.
 Illius auspicio Latys è finibus actam
 Esuriemq; grauemq; luem ; decora addita templis ;
 Reddita virtuti sua pramia ; reddita Musis*

Otia , & erectas artes : illoq; sequestro
 Venturam populis post tristia bella quietem.
 Omnia , quæ summi quondam præsaga Dei mens
 Cùm fore prospiceret , nostræ miserata labores
 Gentis , ALEXANDRO mandasset fulmina , & orbis
 Imperium , quamquam magnis virtutibus impar.
 Talia non ficto referebat carmine vates ,
 Si quando à grauib; curis , studijsq; seueræ
 Palladis , & doctis animum reuocaret Athenis.
 Rudera vel Latij , & prisca monumenta Senatus
 Lustrabat , veterum gaudens incisa metallis
 Ora virum , & sculptas à tergo noscere pugnas ,
 Gnarus & armorum. Nemo nam certius illo
 Norat , quæ belli ratio circumdaret. vrbi
 Mœnia , quæ victrix aperiret machina muros.
 Illum ego sæpè equitum stantes peditumq; maniplos ,
 Et pugna instructas acies , & Martia castra ,
 Præliaq; in docto scribentem puluere vidi.

Tūne igitur dulces auras , & dulcia nostræ
 Pignora amicitie , tantarum in limine rerum ,
 Deseris , inq; tuo surgentes nomine cunctas
 Spes Latij perdis ? nihil ergò ars docta medentum ,
 Nil herba valere ? nihil flos viuendus æui ?
 Nec fratrum te cura vigil , nec sedula mater ,

*Nec dilecta Deo soror eripuerè periclo ?
 Vtq, tuas parco delibem carmine laudes ,
 Non tua te pietas , non culta altaria , non te
 Candida mens animi , aut docta facundia linguae,
 Non vis ingenij præstans , & ducta per omnes
 Ingenuas artes , leto subduxit acerbo ;
 Cùm gentem innumeram , telluris inutile pondus,
 Non nisi post seram mactet Libitina senectam ?
 O semper damnata pati fata aspera virtus !
 Vidi ego periuras , pradaq, nocentis onustas ,
 Post longos pelagi errores , casusq, per omnes,
 Incolumes tamen ad patriam remeasse carinas :
 Naufraga cùm gemeret puppis , quæ litore ab Indo
 Tunc primùm niueis pacata per aquora velis
 Ibat ouans , Diuùmq, aris pia thura ferebat.*

*Interea casum ingemuit Romana iuuentus ,
 Fassa suum decus extinctum : ingemuere relicta ,
 Et tibi ferali crinem cinxere cupressu
 Pierides , fluuiôq, dolens Tiberinus ab alto
 In mare visus aquis Tuscum dilabier atris.
 Ipsum etiam dolor inuictum tot casibus , ipsum
 Flexit ALEXANDRVM, lacrymisq, in funere crudo
 Penè profanari caelestia vidimus ora.
 Quippe acre ingenium Pater aquus norat, & alta
Semina*

*Semina virtutis , patrioq; fouebat amore.
 Nimirum ille, sacro solium stipante Senatu ,
 Principibus , te vate , dabat responsa benignus,
 Voce tuâ solitus populos armare fideles ,
 Siue laboraret Venetus , seu tristis Enyo
 Verteret Heluetiam , seu bello assueta nefando
 Suecia Sarmaticos vastaret milite campos.*

*Sed iam cesset inops dolor infelicia verba
 Fundere. Tu felix , Diuorumq; vnus , Olympi
 Securâ de parte , nigris Aquilonibus actam
 Serpere sacrilegam , populosq; exurere flammam,
 Perq; omnes volitare vides bella impia terras ,
 Pauperiem circum , miserâq; ferentia clades.
 Inde hominum genus , & casuras despicias vrbes
 Altior inuidiâ , & Regum capita ardua calcas.
 Quod tibi si celsam mortalis gloria mentem
 Tangit adhuc , non tu tabulis , nec marmore Lunæ
 Æréve , quod Siculis miscent Cyclopes in antris;
 Sed merito ipse tuo , & vatium sacrabere chartis.
 Illa ruunt æuo tandem consumpta , vel igni :
 His Lachesis , rerumq; vices , & fulmina parent.
 Nempe tuum posthac nulli violabile fato
 Illorum fidibus viuet decus : hi tibi famam
 Longiùs extendent vitali carmine , quàm si*

Marmore

*Marmore de Libyco , aut Ephyreio duceret ære
 Graia tuam manus effigiem , vel barbara moles
 Egypti ad cælum saxis audacibus iret ,
 Insanus labor , & solamen inane sepulcri.
 Quin etiam (qui rarus honos) tibi Belgica plorans
 Sollemnes struit exequias , & funera Clio :
 Carminibusq; sacris inscriptas litore in illo
 Pyramidas statuit , laudum monumenta tuarum,
 Eternùm mansura ; licet sæpè illius oram
 Litoris implacidum latè voret aquor & vrbes.
 Sed neque me immemoris, si vera recepit Apollo,
 Arguerint animi venientia secula : nomen
 Quippe tuum, nosterq; dolor, lacrymaeq; manebunt.
 Nec tibi quæ mæsta inferias , ac debita mittit
 Munera ALEXANDRI multum sublata fauore,
 Iuerit ad seros ingloria musa nepotes.*

*Tu verò Latias inter clarissima matres ,
 Atque olim numero doctarum addenda sororum;
 Urbis honos, Felix , lacrymis absiste profanis :
 Neu nati turbare velis ingrata quietem.
 Cùm Vaticanam facerem pullatus ad aram ,
 Seruari quæ certa fides ossa inclyta Petri ,
 Et requiem dulci , veniamq; precarer amico ,
 Reddita, vel mihi visa sacro vox reddier antro:*

Dic

Dic bona verba : procùl feralia vota , sacerdos.
 Iam pridem cætu Superùm , solioq; , receptus
 Egregius iuuenis : scelerum vix flamma piatrix
 Distulit aterna pereunți gaudia vita.
 Nunc ille ætherio graditur spectandus in ostro,
 Effigiemq; Dei , cuius fulgore beantur
 Celestes animæ , multùm sub imagine pulcri
 Quæsitam in terris , manifestâ in luce tuetur.
 Iam calo apparet medio , fidusq; , benignum
 Collibus affulget Latijs , & lumine certo
 Signat iter , quo nisa polum subit ignea virtus.

Cùm ad Aram Apostolorum in Vati-
 cano nouus Sacerdos primam ho-
 stiam Deo offerret.

S I te fassa graues mortalia corda labores ,
 Tactaq; non fictâ relligione mouent ,
 Magne Deus , lacrymaq; dolor tibi supplice victor
 Iratam exarmat fulmine sæpè manum ;
 Respice , meq; , tua trepidantem accumbere mensa
 Ipse tuâ in sanctum duc penetrale manu.
 Immunem posthac animum seruabit ab omni
 Labe Calix , succis qui scatet athereis.

*Sit mihi fas illinc potare obliuia rerum,
Quas audio appetijt gutture nostra sitis.
Si fallo, feriat læsas me fulmen ad aras,
Nec dantem pœnas pallia sacra tegant.
Si fallo, subito mihi terra dehiscat hiatu,
Tuq; preces surdâ supplicis aure bibas.
An violare nefas legem cum quolibet icti
Fœderis, atque hominum sit mihi sancta fides,
Prò quâ nil verear Siculis occurrere flammis,
Et media impavidum pectus in arma ruat;
Quæ tibi præsentis tactis iurauimus aris,
Ferre leues patiar irrita verba Notos?
Mox aderis niueum crusti conclusus in orbem,
Me pauido arcanas ore canente notas:
At tibi ne graue sit nostris succedere tectis,
Sint licet innumeris hospita criminibus.
Quæ genio, & mensis vasa assueuere profanis,
Sapè vides aram ponier ante tuam.
Multa, quibus coleris, cæcis mortalibus olim
Templa Parætonios exhibuere Deos.
Forsan & hic cineres seruans locus, ossaq; magna
Heroum, arcano quos habet urna sinu,
Vel scelerum addictus pœnis, rudibûsve Latinis
Infandâ fueras relligione sacer.*

Hic

Hic veteres sisto exuias nouus hospes, ut Inda
 Surgit odoratis ales ab inferijs.
 Tristes exuiae, vitae miseranda peracta
 Effigies, animo luridaq; umbra meo!
 Sic horret maculas, nuper quas exuit, anguis,
 Atque ipsum infelix terret imago sui.
 Hei mihi, primæuæ faciem, casusq; iuuentæ
 Dum tuor, & dubiæ caca pericla via,
 Quo surgunt horrore comæ! quàm frigidus artus
 Sudor, & occultum permeat ossa gelu!
 Talis naufragium passus graue respicit altum
 Aequor, & in sicco nauita pallet adhuc.
 Quod si ille impatiens inopem traducere vitam,
 Subducit quassam, restituitq; ratem,
 Tempestate iterùm, & casu doliturus acerbo,
 Denique Carpathijs præda futurus aquis:
 Vos ô adeste mihi, Superi, vel tu mihi nigras
 Inijce casuro Mors, precor, aqua manus.
 Me tantas euectum ad res, tot honoribus auctum
 Aequo animo iuuenem tollere fata feram.
 Iam mihi, florentes ex quo malè perdimus annos,
 Ter decimam supra tertia fluxit hyems.
 Pars igitur vitæ melior, lucisq; peracta est;
 Quamprimùm incipient membra caduca mori.

Et iam (me miserum!) procùl apparere senectâ

Incipit , antiquum stipite fulta latus :

Hanc Morbi , tristisq; Metus , Curaq; sequuntur ,

Quorum agmen claudens Mors quatit atra facem.

Et nunc quòd viuo , quòd spiritus hos regit artus ,

Munus id , ô Custos Aliger , omne tuum est.

Pars ea noctis erat , quâ soluere pectora curis

Incipit , & pigro spargere rore sopor ;

Ecce Quirinalis necopino murmure tractus

Intremit , hortorum septaq; lapsa ruunt.

Dumq; ruunt , simili ad terram traxere ruinâ

Secum vnâ stantes è regione domos.

Quòd nisi visum esset Superis seruare nocentem ,

Hos ego debueram tunc habitare lares.

Sapiùs infelix tectum , multumq; poposci ,

Nemo & poscenti dixerat : Aqua pete.

Non tamen exiguos exorauere penates ,

Apta vel aratas verba mouere fores.

Quiq; omni facilis fuerat mihi tempore , durum

Hac in re sensi , difficilemq; virum.

Ergò ut visa loci facies , disiectaq; saxa ,

Dirigui : cecidit vox , steteruntq; comæ.

Nam mihi sum visus pars illius esse ruina ,

Et dici à populo praterente miser.

Tum

Tum mihi visa parens cadere exanimata dolore ;

Mox hac singultus inter anhelâ loqui :

Hac igitur de te miseram sperare iubebas

De rebus toties fama secunda tuis ?

Tunc iaces subitâ discerptus , nate , ruinâ ,

Quem sueni columen sæpè vocare meum ?

Sancta , quid in vestras tantum compisimus aras ,

O mihi perpetuâ Numina culta prece ?

Nate iaces ? nec te genitrix deserta videbis

Amplius ? ah diro funere rapte mihi !

Scilicet hoc magnis est inclarescere factis :

Huc te mortalis gloria adegit amor.

Nonne fuit satius vota inter cara tuorum

Ignotum patrio consenuisse lare ?

Quod si tollere te iuvenem , mediumq. secare

Debuerat vita stamen acerba dies ;

Ipsa tibi saltem clausissem lumina : saltem

Venisses oculis latior umbra meis.

Infelix ! & adhuc viuo tibi , nate , superstes ?

Es meus , ut moriar , non habet arma dolor ?

Hac super extincto fudisset perdita nato ,

Quæq. solent matres dicere verba pia.

Interea Superis tanto pro munere grates ,

Debitaq. aeterno soluere vota Deo

G

Attonitus

Attonitus casu meditabar. Cetera nosti

O Loiola gentis, Oliua, decus.

Tu, quem acri ingenio, & laudis nullius egentem

Ipsa suo Pietas imbuit eloquio,

Iussit & augusti moderantem frena theatri

Ad templi Proceres ignea verba loqui.

Tu mihi caelestes monitus, & dicta reportas:

Hac ego iam miles, te duce, castra sequor.

Te duce monstra Erebi vici, nexusq; resolui.

Fas est victorem ferre trophæa Ioui.

Irarum fibra, fractiq; Cupidinis arcus

Pendebunt sancto Teiaq; pleetra tholo.

Iam mihi, quò tenues umbras, & caca viarum

Dispiciam, præfert lampada Dius Amor.

Ille suas etiam nobis accommodat alas,

Vnde humili possim me quoque tollere humo;

Ireq; trans cali metas aterna tuentem

Gaudia, mortali non referenda sono.

Quòd me siqua trahent terra contagia, siqua

Subijciet cordi dira cupido faces;

Te, CHRISTE, amplectar, lacrymisq; tepentia supplex

Figam sacratis oscula vulneribus.

Illà dies subeat, quâ te Iudæa per omnes

Traductum pœnas extulit exanimum:

Cum

Cùm medio Phæbus defecit in æthere, & ipsum
 Fædavit tenebris nox adoperta caput:
 Seu totum inuoluit nigrâ formidine mundum;
 Seu tantum vultus, impia terra, tuos.
 Impia, quandoquidem robur fatale tulisti,
 Vnde Sator rerum triste pependit onus.
 Tunc refers spinas, tibi qui dat poma benignus,
 Et grauidas vites, & sata lata facit?
 Tunc tuis ferrum fouisti immane latebris,
 Diuinum potuit quod penetrare latus?
 Et merito scelerum tantorum conscia tellus
 Indigno viuis subdita seruitio:
 Iordanesq; (nefas) sacer ille argenteus amnis,
 Et Silois collo turpia vincla gerunt.
 Quodq; nefas auget, tumulo, qui vicit Auernum,
 Obsceni insultant, Thracia turba, canes.
 Heu pudor Hesperia, sæcliq; infamia nostri!
 Degener à proavis tuq; iuuenta tuis!
 Scilicet æternis Europam inuolucere bellis,
 Vrereq; immeritos gloria maior agros.
 Interea miseris Pax suspirata colonis
 Exulat, & Latium vix tenet agra suum.
 Ter sedare faces belli conata; ter illi
 Absumsit pennas bellica flamma sacras.

*Hinc meritò luget , nec adhuc se candida Virgo
 Audet ALEXANDRI proripere è gremio ;
 Quò Christi pariter signatas nomine gentes
 Mittat in aeternæ fœdus amicitia :
 Armag, bellantum civilia vertat & iras
 Threicia tandem gentis in excidium.
 Nunc quando alternas inclades armat Erynnis
 Christiadum , oblitâ relligione , manus ;
 Nec Venetis longo fractis certamine quisquam
 Audet ALEXANDRUM ferre secutus opem :
 Tu , Melite , Odryssio nomen fatale Tyranno ,
 I celer , & Latijs puppibus adde tuas.
 Hellepontiacas audax inuade procellas ,
 Infer & Euxino candida signa mari.
 Barbaricos latè ferro lustrate recessus ,
 Et Scythicâ puppes clade referte graues.
 I , decus Europæ , pubes assueta triumphis :
 Gloria vos illuc non moritura vocat.
 Placati nobis inuertent Thracibus Euri
 Equor , & in Syrtes impia vela ferent.
 Auspice ALEXANDRO soluat pia litore classis :
 Fuderit hac hostem , fundet ut ILLE preces.*

IN
PHILOMATHIS
MVSAS IVVENILES.

T Andem pudori pone modum tuo ;
 Fassusq; vultus exere. Tu licet
 Et nomen occultes & ortus ,
 Dicere quem prohibebis : Hic est ?
 Laus una vatum , nomina fortium
 Flecente Ditem tollere barbito
 Ab iure Parcarum ; sed ipsos
 Musa mori vetat aqua vates.
 Te fama Thule nouit ab ultimâ :
 Te spreta prodit gloria : te colit
 Germana pubes : te canentem
 Itala iam celebrat iuuentus.
 Seu ludis arguto pede ; seu tubâ
 Maiora pandis , seu lacrymabili
 Sublimis incedis cothurno ,
 Dum Pharium scelus in seueros
 Producis actus ; sine pericula
 Dircaa tentas , Phæbus in ardua
 Terrisq; limosoq; vulgo
 Abripit impavidum relictis.

Latere Virtus nescia prapete
Sublime pennâ fertur, ut ignibus
Iungatur aternis. In auras
Nonne vides ut auita surgat
Quercus vetusto stipite nobilis?
Nam sub profundam quò latet altiùs
Demissa tellurem, supernas
Fronte ferit propiore sedes.
Non illa cladem sibila Thracia
Latura campis, damnâve Pontici
Furoris, aut Cauri procellas
In segetem pauet irruentis:
Immota sed se mole regit suâ
Annosa centum brachia proferens,
Thracumq; sustentat cruentas
Exuvijs onerata clades.

VILLA FARNESIA
 IN IANICVLO,
 AD PORTAM AVRELIAM.

Hospes optime; qui sacros penates
 Et lata ingrederis vireta, salve.
 Illa hac est regio beata, nomen
 Cui Ianus dedit, aureumq; sacrum,

Quò Cura nequeunt graues subire ,
 Non Morbi , aut pede debilis Podagra :
 Sed Pax candida , sed Quies fidelis ,
 Et locum colit innocens Voluptas .
 Hic molles , Boreâ furente , mulcent
 Afflatu Zephyri roseta blando .
 Hic , cùm Sirius arua findit , ilex
 Cubani gelidam ministrat umbram .
 Non hos insciunt luto recessus
 Fontes turbiduli , grauesq; ventri ,
 Quales finitimis scatent in agris ,
 Fœdarum soboles iners paludum :
 Sed fruges alit uberes aqua fons
 Telluris scatebris petitus imis ,
 Vitro purior , & salubris haustu .
 Hinc altâ niue candidum tueri
 Soractem iuuat , & rudes Sabinos :
 Hinc Tibur vetus , Algidoq; iuncta
 Albani iuga , Tusculosq; colles :
 Hinc latè maria , Antiumq; priscum ,
 Et Circes vada carminum potentis .
 Actandem vt redeamus , Hospes , ad nos ,
 Hinc totas licet aestimare villas ,
 Quis totam licet aestimare Romam .

A D
FERDINANDVM
FVRSTENBERGIVM,
de Burda medico.

Quod, *Fernande, suo vulgari nomine versus
Sarbieui, Burdam mitte redarguere.*

*Nam soleat cum passim homines impunè necare,
Furari nullum credidit esse nefas.*

Incunte anno quinto Pontificatus
ALEXANDRI VII.
PONT. MAX.

Lux redijt, lecto terrarum Praside, felix :
Lux itidem Christi funere tristis adest.

*Altera Pierios plausus amat, altera luctum :
Vnde haret tacitâ Calliopeia lyrâ.*

*At nos suppliciter lucem veneremur utramque.
Attulit afflictis utraque rebus opem.*

AD

A D

FERDINANDVM
FVRSTENBERGIVM,
NEAPOLIM ITVRVM.

E Rgò agè felici discedas alite, quando
Ire apparas Neapolim,
Dulcis ubi aternùm spirat clementia veru,
Latumq; crispantes mare
Floribus illudunt varijs Zephyritides aura,
Coluntq; citrium nemus.
Multa quidem tibi Parthenope miranda sub ipso
Monstrabit urbis limine,
Eductas calo moles, atque aurea tecta,
Et signa Phidiaca manus.
Sed tibi, quo tegitur tumulo, sit cura videndi,
Maronis inclytus cinis,
Quem memorant (credi si digna est fama) furorem
Afflare sacrum vatibus:
Quare ibi posthabito castas Helicone sorores
Fixisse mansuram domum.
Illa te excipient venientem, ac fronte benignâ
Sic alloquentes audies:

G 5

O nostris

O nostris addicte sacris, generosa propago,
Tuaq; flos Germania,
Latus ades, nostrosq; velis lustrare recessus,
Vatum feraces grandium,
Seu Surrentinos amor est inuisere colles
Dulci virentes pampino;
Seu magis arridet pulcherrima Mergilline,
Dilecta Syncera domus;
Seu iuga Pausilypi pelago praetenta sereno,
Qua caerulea Nereides
Sapè leues ducunt choreas Tritona sequentes
Curvâ sonantem buccinâ;
Seu iuuat irati tonitrus audire Veseni
Lateq; nigrantes globos,
Sparsaq; per campos ambusti viscera montis
Candente merfos sulphure.
Sed tibi scrutandi veniat ne dira cupido,
Qua causa venis abdita,
Pabula inexhaustis tot iam per secula flammis
Tellure ab imâ suggerat.
Te miseri subeat fatum crudele Secundi
Vndante fumo hic obruti;
Namque Deus, rerumq; vices, venturaq; fata
Latere mortales iubet.

A D

FERDINANDVM
FVRSTENBERGIVM.De nocturno bubonis cantu
in Albano secessu.

Quod carmen feralè canit sub nocte silenti,
 Tristibus & bubo perstrepat augurys :
 Ne nos sollicitos teneat , Fernande , futuri.
 Hic timor infantes , & leue vulgus agat.
 Num quæ nec notis Babylon deprendit in astris,
 Nec potius aspicere est provida mens animi ;
 Sed sibi seposuit mortalibus inuia curis,
 Celat & obscurâ nocte premitq. Deus ,
 Semiruto residens volucrum fœdissima tecto
 Efferet , attonitis fata canens populis ?
 Quæ sit an hæc nosti , quibus orta parentibus ales?
 Accipe , & in risum verte iocumq. metus.
 Nympha fuit Stygijs Orphne notissima pratis
 (Namque suas Nymphas , prataq. Auernus habet)
 Furua quidem , toruoq. inamabilis ore : sed atrox
 Forma decet Stygias , & color ille Deas.

Ergo

*Ergò illi tædâ iungi cupiere iugali
Numina , qua magni regia Ditis habet :
Elysij cupiere Proci. Sed Numina Ditis
Spreuit , & Elysios Nympha. superba procos.
Sapè Linus vatumq; pater Musæus , & Orpheus
Aggressi duram flectere voce Deam.
Aggressi frustra Linus , & Musæus , & Orpheus
Molliri blandâ nescia corda prece.
Quippe ferox Hecata virgo sacrauerat annos,
Infernas iaculo figere docta feras.
Fortè Acheron , incauta sua dum margine ripæ
It gravidam multâ cade gerens pharetram ,
Dirarumq; striges dirum genus Harpyarum
Sternit , agens forti spicula certa manu ,
Nempe Acheron securam animi , & nil tale timentem
Observans , cupidis nexibus implicuit.
Amplexu ex illo concepit Nympha , nouemq;
Mensibus exactis edidit Ascalaphum.
Iamq; annis puer addiderat duo lustra duobus ,
Cum petijt manes actâ dolore Ceres :
Es: Mihi reddite, ait, raptam mihi, Tartara, natam,
Vnica qua matris spes , sobolesq; , sua est.
Reddite maternis , Erebi pia numina ; votis
Quasitum toto pignus in orbe diu.*

Manere

*Munere terra meo fruges parit. Hac mihi merces
Redditur, ut sterilis dicar, & orba parens?*

*Reddite: tuq; redi. Quis te, Proserpina, casus,
Vel qui te nobis eripuerit doli?*

*Motus erat Stygius miserandâ voce tyrannus,
Et Cereris iustis annuerat precibus.*

*Fata sed ad calum reditus immota negabant,
Gustasset Stygios si Ioue nata cibos.*

*Punica nuper eam carpentem ex arbore poma
Vidisse Ascalaphum, nec tacuisse ferunt.*

*Interdicta via est: sed testem Dina profanum
Supplicio culpæ dicitur ulta pari.*

*Ter caput inuisum deuouit carmine diro:
Corpus Auernali ter madefecit aquâ.*

*Ilicet Ascalaphus, contractis carmine membris,
Vertitur in plumas, surripiturq; sibi.*

*In rostrum nares, digiti sinuantur in ungues,
Brachiaq; in pennas versa abiere leues.*

*Turpe caput multum, multum caua lumina crescunt,
Vixq; potest pigrum tollere corpus humo.*

*Ille hic est bubo, quem rerum ignara pauebat gens;
Tu ride mecum, qui sapis, omen auis.*

*Vestphalia flos, delicia, Fernande, Quiritum,
Tempora cui lauro non perennit virent.*

Et mecum cape plectra manu , iunctisq̃ canamus

Carminibus siluas , siluicolaſq̃ Deos.

Neu Romæ deſiderio mouere relicta.

Quidquid habet magni Roma , dat Alba tibi.

Hic Pollinus , honos Graia Latiaq̃ Minerva ,

Holſteniuſq̃ Indis notus & Heſperijſ.

Hic Bandinellus Tyrrhena gloria muſa ,

Et Phæbi geminâ Naldius arte valens.

Et carus Themidi , ac Muſis Raſponus , & unâ

Vizzanus Sophiâ clarus , & ingenio.

Hic decus Italia , & Romani Sfortia vindex

Nominis , ac ſidus Nerlius , Arne , tuum.

Rospilioſus & auguſti pars magna Senatus ,

Virtute egregius conſilioq̃ Pater.

Hic & ALEXANDER præſes , tutelaq̃ rerum ,

Cui Deus ingenium par dedit imperio :

Et Patruſi diuina legens veſtigia magni

Spes , & ſeruata Flauius Urbis amor ;

Pro quo debet ALEXANDRO res publica , quantum

Propter ALEXANDRVM debuit illa Deo.

Ergo ſub hac mecum platano , Fernande , ſolutus


Carmina iam Latia dic ſocianda lyra.

Felix qui curis , & inique ſænore liber


Exercet bobus rura paterna ſuis ,

Or dine

Ordine nunc aequo gaudens disponere vites,
 Nunc oleis sobolem substituisse novam.
 Interdum inuat arboribus decerpere poma:
 Interdum nemoris fingere falce comam:
 Irriguosq; iugo riuos inducere campis,
 Cum pluuiam tellus poscit hiulca Iouem.
 Non illum vigiles cura, non somnia turbant,
 Pestis & humani pectoris ambitio.
 Nec metuit fraudes, nisi quas caper improbus vuus,
 Aut parat è nimbo grando inimica satis.
 Limina nec Regum trepidanti poplite calcas,
 Irati metuens damna supercilij.
 O mihi si rupes has inter viuere detur!
 Sorderet rubri gaza colorq; maris.
 O ego dum possim tam leni vescier aurâ,
 Et liquidos fontes, & nemora alta sequi;
 Si qua mihi à Latij's speratur gloria Musis,
 Occidat, & venti nomen inane ferans.
 Hæc ubi luserimus, nos curis reddat & Vrbi
 (Iam satis aruorum est) prapete currus equo.



POEMATA
FERRANDI
ARCHONTORI.



DAPHNIS,
SIVE
FREDERICVS
A FVRSTENBERG,

Bilstenij & Wallenbergæ Dynasta;
Aduocatus hereditarius in Graffschafft;
Schnellenbergæ, Watterlappiæ, Fursten-
bergæ, & Herdringæ Toparcha; Satrapa
Fredeburgensis; Westphaliæ Archisatra-
pa, & Serenissimo Ferdinando Electori
Colonienfi ab intimis Consilijs; anno
M. DC. XLVI. v. Idus Augusti Bonnæ de-
functus.



*Misij virides umbrat quæ plurima
ripas*

*Fronde salix glaucâ, Lycidas hinc,
Tityrus illinc,*

Alter oues, alter pascebat fortè capellas.

Tityrus, ut semper, pellebat tadia cantâ.

Carmina dum Veleda memorat, dum pralia Vari:

Varus ut his olim nomen memorabile terris

Fecerit: ut sparsi legionum sanguine campi:

H 2

Aurem

*Aurem illi vellit Lycidas : Neque talia tempus
 Carmina poscit , ait : Daphnis tibi , Tityre , Daphnis
 Lugendus : Daphnin , si nescis , fata tulere.
 Tityrus ingemuit casu perculsus acerbo :
 Fistula lapsa manu est : fugit sensusq; colorq;.
 Ut mens , ut redijt puero vox : Occidis , inquit ,
 Carum , Daphni , caput , spes , Daphni , decusq; tuorum !
 Ab dulci patriâ procûl , amplexuq; tuorum
 Occidis ! Hoc fuerat , quòd summa culmine villa
 Tristia signa daret ferali carmine bubo ;
 Flebilibus quòd spontè modis mea nuper arundo
 (Hanc mihi tu , dederat Corydô tibi , Daphni ,) sonaret ,
 Nunc sileat , ramoq; infelix pendeat illo.
 Vos etiam sine me (quamvis mihi vos quoq; Daphnis
 Tradidit , atque abiens , Has , inquit , Tityre , pascere)
 Ite tamen sine me , quoquò lubet , ite capella.
 Amnis , & umbrosa salices , & rura valete :
 Usque ego per silvas errans desertaq; solus
 Tristè querar . Gemit ereptâ sibi matre iuuenctus ,
 Nec minùs amisso mater dolet orba iuuenctus :
 Mella queruntur apes cellis subducta , peremptos
 Feta canis catulos , demtos avis arbore pullos ;
 Daphnin ego , tristi sublatum funere Daphnin .
 Supremas saltem voces morientis ab ore
 Excipere ,*

*Excipere, affari extremum, & spectare iacentem,
Atque oculos illâ licuisset condere dextrâ!*

*Non ea vulneribus nostris solatia nulla
Afferret pietas: solus de Daphnide luctus*

*Nunc superest. Pecudes illo quis pascat adempto,
Auertatq; laem, curamq; impendat & artem?*

*Daphnide non melior quisquam depellere venis
Implicitam pestem, & membris agere atra venena.*

Daphnis & insidias stabulis praedaſq; cauebat.

Ah gelidas quoties hiemes perpeſſus & imbres,

Peruigil exegit brumali ſidere noctem,

Incustoditum fera ne vaſtaret ouile,

Ne lac ſubtraherent pecori, ne vellera fures!

Ah quoties humeris per denia ſuſtulit ipſe

Rupe parens nudâ quos nixa reliquerat hædos!

Angarides Nympha teſtes, quas ſapè laborum

Miratas dixiſſe ferunt: Mortalia non ſunt

Qua tolerat: ſaxo ceriè riget ille vel are,

Quem neque ventorum rabies, pluuiâq; niueſq; ,

Non calum inclemens, non vlla iniuria frangit.

Nympha, non ſaxo Daphnis neque conſtitit are.

Occidit heu! & nos pariter, terraſq; reliquit.

Nequidquam roſeum ſpargis iubar, auree Titan:

Gratius extinctum nobis in Daphnide lumen.

*Daphnidis aduentu tellus ridebat & ather,
Frondebant siluæ, spirabant floribus arua,
Ipsi lætitiâ montes plausuq; fremebant:
Daphnidis interitu tellus lugebit & ather,
Squalebunt siluæ, stabunt sine floribus arua,
Intonsi montes gemitus ad sidera tollent.
Ergo nil proauum series, regnataq; latè
Rura iuuant, centumq; greges, armenta, centum,
Nil labor, & studium pulchræ virtutis, & artes?
Ergo cinis, formaq; carens & triste cadauer
Nunc iacet ille omnes nuper pulcerrimus inter
Pastores? nec sidera fulgentia luce
Lumina, nec vultum, quem sinxerat ipsa venustas,
Cernere erit posthac? At non, quæ sustulit illum
Mors, etiam famam tollet. Sint tempora Musis
Non inimica meis, volitabis Daphni per ora,
Ipse ego virtutesq; tuas, tuaq; inclyta facta,
Inuictamq; fidem, & sanctæ pietatis amorem
Ferre Syracosio tentabo ad sidera versu.
In partem veniet Phæbo dilectus Amyntas,
Et mecum teneris passim tua nomina fagis
Inscribet: crescent illa, tua nomina crescent.
Quin etiam niueo tumulum de marmore Damon
Exstruet, & tali signabit carmine marmor:*

HIC

HIC SITVS EST DAPHNIS. QVOD ERAT MOR-
TALE, SEPVLCHRO

INTVLIT ATRA DIES: VIVET PER SÆCVLA
NOMEN.

*Ad tumulum veniens, instaurabuntq̃ quotannis
Pastores tibi cum donis funebria iusta.*

*Vina dabunt alij, purum lac adferet Ægon,
Et, Tibi, suspirans, puro magè candida lacte
Pectora, dicet, erant, & fraudis nescia, Daphni.
Ipse apium, ipse ederas, & nostris lilia spargam
Humida de lacrymis, teq̃ ad tua sacra vocabo.*

*Talia iactantem supremo lumine vesper
Occupat, & primo conspexit Lucifer ortu.*



A D

ALEXANDRVM VII.
PONT. OPT. MAX.Anno M. DC. LV. .VII. Id. Aprilis
renunciatum.**H**unc cecinisse diem, venturi præscius aui,
Dicitur Aonias inter Apollo Deas.Hunc fore, neglectas quo gloria tolleret artes,
Et faceret doctis vatibus ingenium.Verba fides sequitur: rerum molitur habenæ
Orbis ALEXANDER natus ad imperium.Ac velut exacta post tristia frigora brumæ,
Cum ver iucundum floridus annus agit,Ridet humus, ridet Zephyris spirantibus æther
Purus, & arguta dulcè queruntur aues:Exultare nouo sic Principe vidimus Urbem,
Et quot regna vagus circuit Oceanus.Vidimus excitas Parnassi monte sorores
Aurea desuete tendere fila lyra.Vidimus Ausonios, genus immortale, poëtas
Præcingi sacrâ, quam meruere, comâ.

Latitiam

Latitiam & Pacem, miseris vix cognita terris
Numina, quas luctus semper & horror habet,
Ter Vaticani circum delubra volantes
Audijmus reditus signa dedisse sui.
Audijmus: latas voces plaususq; canentium
Vocibus & plausu Roma secuta suo est.
O mihi si populi sensus aquare canendo
Fas foret, & causâ digna dieq; loqui!
O mihi si Phæbus vacuis dictaret in hortis
Grandia Romani carmina Callimachi!
Non ego, MAGNE PATER, celebrarem facta tuorum,
Non sultam titulis diuitijsq; domum;
Non maris Hetrusci portus & litora, quondam
Hercule, nunc proavis inclyta regna tuis;
Non belli claros studijs heroas, & altis
Adscriptos Superum sedibus indigetes;
Nec qua porticibus miramur nixa superbis
Atria, pressa Ducum Pontificumq; pede;
Nec quas maiorum pietas caelestibus aras
Struxit Apelleis conspicuas tabulis:
Sed te, qui titulos tantum precedis auitos,
Quantum nocturnas Cynthia plena faces;
Et tua non humili memorarem nomina cantu
Extremas ultra solis itura vias;

*Quà leuat Eoo rutilantem gurgite currum ,
 Et quà poscentes otia soluit equos.
 At non intacti mores , & quas rudis atas
 Virtutes teneris duxit ab uberibus ,
 Et data Pierijs iuuenilia tempora sacris ,
 Carminis , ut quondam , res foret una mei.
 Maior equis pulsanda patet nunc area nostris ,
 Quà Padus obiectis astat aggeribus ,
 Quà centum populos , centum Ferraria¹ fosses
 Debet consilijs oppida salua tuis:
 Seu circum fremèrent irati Caesaris arma ,
 Nec non aduersos Mantua passa Deos:
 Seu propiora mouens Venetus discrimina miles
 Verteret Hadriacas ad noua bella rates:
 Seu latè grassata lues , & turpis egestas
 Inferrent miseris urbibus excidium:
 Seu Pater Eridanus campis undaret apertis ,
 Deucalionea damna minatus aqua.
 Ille idem assiduis Cygni plangoribus , idem
 Certauit mæstis Heliadum lacrymis ,
 Cùm patria fines & rectas legibus urbes
 Linquentem ripis vidit abire suis ,*

Et

¹ Alexander VII. Ferrariæ Prolegatus Pontificius difficillimis temporibus belli , pestilentie , arctioris annonæ , & exundationis fluminum.

*Et Libycos tentare² sinus, ubi classibus audax
 Insula Threicias depopulatur opes,
 Europaq; sua custos delecta iuventus
 Tutatur medijs credita claustra maris.
 Non secus Italia Cimbro natura minanti
 Alpinas visa est opposuisse niues.
 Non secus occiduis inhiantem finibus Afrum
 Herculis obiectis meta coërcet aquis.
 O quoties Melitæ fortes hortatus alumnos
 Iussisti properâ vellere signa manu!
 O quoties Solymen, Asiaq; reposcere regna,
 Sceptraq; Bistoniam frangere barbaria!
 Testis Neptunus, Tethys mihi testis, & omnis
 Tritonum soboles, Nereidumq; chorus.
 Illis cura fuit partos cantare triumphos,
 Et tua cognatis facta referre Deis.
 Me decet Arctoo spumantem sanguine Rhenum
 Dicere, nec patria bella silere mea.
 Infelix tellus, Romanâ clade tumentis
 Arminij quondam signa secuta ducis!
 Hei mihi, nunc ducibus nihilo melioribus usa
 Scinderis in partes, & noua sacra colis.
 At magno commissa luis. Quæ flumina belli
 Nescia? quæuè tuo terra cruore caret?*

Forsitan

² Melitz Inquisitor.

*Forſitan & Diuos nondum ſibi ſentiet aquos,
Et mala cùm tulerit plurima, plura feret.*

I celer, inſtāntem capiti defende ruinam:

I celer, & longa vince pericla via.

Non te Sicanij tardent fera murmura ponti,

Non formidata nauibus inſidia;

Non rigor Alpinus, non frigore ſaxa perenni

Horrida, non duro flumina vineta gelu.

Hic Vbios³ dominā deductos Vrbe colonos,

Et ſauos viſes impiger Vſipios.

Tum dextram tendes populis, quos Luppia noſtris

Cadibus infecta decolor ambit aqua,

Et quos bellipotens olim ditione promebat

Accola vicini Brueterus⁴ Amisii:

Nunc ubi conuentu mundi coiere vocato

Discordes ſtudijs conſilijsq; Patres.

Discordes, i, iunge animos: Europa, Deusq;

Imponunt humeris publica vota tuis.

Auſpicijs pax freta bonis frondentis oliuæ

Pratendit capiti mitia ſerta tuo.

Viſa quieturis demum promittere terris

Aurea compositis ſecula diſidijs.

Hic

³ Nuntius Pontificius Coloniam, & inde Monasterium pacis conciliandæ gratiâ miſſus.

⁴ Brueteri Germaniæ populi ad Amisium fluium. Tacitus lib. 1. Ann. & alibi.

*Hic etiam Veledam, quâ nec Cumæa sacerdos,
 Nec diuina fuit clarior Herophile,
 Te veniente, ferunt iterum de turre locutam
 Fatidico tales ore dedisse sonos:
 Letus ades, rerum spes & tutela mearum,
 Sospite quo nobis vita salusq; redit.
 Letus ades, cætus nec dedigneris amicos,
 Et mea secura visere regna pede.
 Non iterum clades⁶ animo versamus, & iras,
 Armag; Quintilios vincere docta tuos.
 Qualis ad Assyrias immani funere Carras
 Romanus Partho fusus ab hoste iacet.
 Nulla salus bello, pacem deposcimus omnes:
 Pax veniat populis sæpè vocata meis.
 Sed, nisi me Phæbi ludunt oracula, quondam
 Quæ cecinit nostro conscius ore Deus,
 Pax erit: at sacris tam detestanda Latinis,
 Quàm malè mercatâ pax coitura fide.*

Non

5 Statius lib. 1. Silu. in Soter. pro Rustilio Gallico:

Non vacat Arctoas acies, Rhenumque rebellem,
 Captiuæque preces Veledæ, &c.

Ea virgo nationis Bructeræ latè imperitabat, quam coràm adire
 alloquiue negatum. Arcebantur aspectu, quò venerationis plus
 inesset. Ipsa editâ in turre: dilectus è propinquis consulta respon-
 saque, vt internuntius numinis, portabat. Tacitus Histor. lib. 4.

6 Clades Variana pænè exitiabilis, tribus legionibus, cum duce,
 legatisque, & auxilijs omnibus, cæsis. Sueton. in Oth. cap. 23.
 Quâ nulla post Crassi in Parthis damnum, in externis gentibus,
 grauior Romanis fuit. Patere. Hist. lib. 2.

*Non ideo curasq; tuas vigilesq; labores
Excipient meritis fata sinistra tuis.
Purpura virtutis pretium tibi cedit, & inde
Quo nihil hæc maius, quod tibi donet, habet.
Scilicet & terris, caloꝝ, Ereboq; verendum
Te solio accipiet maxima Roma suo.
Tum pia laturus sacratis oscula plantis
Orbis adoratos procidet ante pedes.
Tum Septem imperio qua nunc CHRISTINA triones
Frenat, & Arctoas ducit in arma manus,
Adueniet supplex, & Vaticana tenentem
Regna colet prono deuenerata genu.
Tum consanguinei longo post tempore Reges
Arbitrio ponent impia bella tuo.
Et pacti stabilem iurato fœdere pacem
Damnabunt pugnas, & graue Martis opus.
Aruaq; lata Ceres, & pleno Copia cornu
Dona ferens, niueis oppida viset equis.
Mox ubi iam fessas recrearint debita gentes
Oria, signa dabunt ad sacra bella tuba.
Bella recrudescant Naupacti, & barbara Thracum
Gaza per Ionias sparsa natabit aquas.
Quas ego nunc acies video! quos aquora remos
Verrere! quàm latè vela timere Notis!*

Quantus

*Quantus adest sudor populis! quot in arma volentes
Creta viros totâ concitat Italiâ!*

Vt Solyme poscit reduces in praelia Gallos!

Vt tremis Austriacas pallidus Ister opes!

An te etiam 7 auspicijs tollentem signa secundis,

MAGNE PATER, toto cernimus ire mari?

Impiaq; Odrysia contundere cornua Luna,

Victoremq; sequi, quâ praeit arma, Deum?

Sit satis armatas in praelia mittere classes:

Bella gerant alij: tu prece bella iuua.

Consilijs opibusq; iuua, Zephyrosq; fauentes

Sollicita, & faciles ad pia caepa Deos.

Sic per te victo Reges Oriente superbi

Threicijs statuunt parta tropaea iugis.

Et Vaticanas Victoria figet ad aras

Dereptas Scythicis postibus exuuias.

Tunc aliquis vates, procerum de stirpe meorum,

Cantabit fama tot monumenta tua.

Bellaq; signabit titulis: HÆC THRACE SVBACTO

VICTOR ALEXANDER RETTVLIT ARMA DEO

Sic cecinit: partem, vates ne vana putetur,

Lapsa dedit, partem serior hora dabit.

AD

7 *Philomathis Musa iunoniles poemate 83.*

Huc ego, seu sit opus Neptuni fluctibus, altâ

Puppe sedens; seu terrestri certare duello,

Vectus equo veniam.

AD IMP. CÆS.

FERDINANDVM III.

A V G.

Cùm eius auspicijs , & munificentia
Athanasius Kircherus OEdipum Hiero-
glyphicum ederet.

Non genus Austriadum demissum à sanguine
Diuum ,

*Non clausum mundi finibus imperium,
Non victos dicam populos , vrbesq; receptas ,
Nec Boreæ fractas sæpè furentis opes.
Hæc memorent , quorum sublimi Musa cothurno
Surgit , & herois concinit arma modis.*

*Me mea Musa veget tantarum pondera rerum
Tangere : me , quæ sint viribus aqua , inuant.
Me studia & placida sibi poscunt Cæsaris artes:
Materies numeris conuenit ista meis.*

*Vates ille pios , & vatum dona piorum
Excipit ; & vatum carmine digna gerit.
Quæ sceptrum gestat , quæ ius & regna tuetur,
Hæc etiam Musas protegit ille manu.*

Nec

*Nec minor¹ Augusto, cuius successit habenis,
 Fundat Apollineis publica templa sacris.
 Ardua Cecropiæ quis nescit fana Minerua
 Condita, & Aonio tecta sacrata Deo?
 Miratur moles² Viadrus, miratur & Ister,
 In numerum pulsus & sibi plaudit aquis.
 At quæ Casarco fulgentia limina sumtu
 Praga videt, certant Delphice Phæbe tuis.
 Qualis & armatas, post impia bella Gigantum,
 Exiit infesto Iuppiter igne manus:
 Qualis & Herculeis cum iam ceruicibus axem
 Credidit, excusso pondere cessat Atlas:
 Terrarum dominas sic fessus Caesar habenas
 Laxat, & imperij grande reponit onus.
 Tum vires, Natura, tuas, ac semina rerum
 Scrutatur docto sedulus ingenio:
 Quis tremor attonitas vertat cum ciuibus vrbes:
 Impellat refluas quis maris æstus aquas:
 Quæ vis diuitias imâ tellure repostas,
 Donaq; gemmiferi procreet Oceani:
 Quàm procùl Arctoo concretus frigore Pontus
 Deprensus Nili distet originibus:*

I

Quàm

¹ Augustus templum Apollinis in Palatio extruxit, additâ porticu cum bibliothecâ Latinâ Græcâque. *Suet. in Octau. cap. 29.*

² Viadrus Germaniæ fluvius, vulgò Odera.

*Quàm procùl Hesperijs diuisum Gadibus Indum
 Hauriat 3 Eoi, quæ rubet, vnda freti:
 Vnde ea vis ventis: vnde ardens Ætna fauillas
 Semper, & exesi viscera montis alat:
 Vnde Amphitrites salsus liquor: vnde teporem
 Ducat Baiana vena salubris aquæ.
 Has ubi natura partes accessit, in altum
 Fertur ad ætheria lucida signa domus.
 Hic illi geminam virgo Marathoniam Libram,
 Et sua vicinus subiicit astra Leo.
 Armatusq; auro gladium prætendit Orion
 Debita Cæsareæ præmia militiæ.
 Hic Solis vestigat iter, causasq; latentes,
 Pallida cur fuscis Luna laboret equis:
 Cur sitiant Afri: cur Septem regna trionum
 Vrat Hyperboreo frigore iugis hyems:
 Cur fugiant umbra, Cancro torrente, Syenen:
 Cur variet maior meta minorve diem.*

Sed

3 Latiùs olim Rubrum mare patuit, & paullo aliter, quàm ut vul-
 go hodie, appellatum. Nam in Taciti & aliorum veterum verbis, in
 hoc nomen venit mare Indicum, vastum illud & magnum, quod ab
 extremo sinu Arabico, siue ab Africâ eâ, in Auream Ptolomæi
 Chersonesum se protendit. Itaque Pomponius Mela duos sinus in
 mari Rubro agnoscit, Arabicum & Persicum. *Lips. de mag. Rom.*
lib. 1. cap. 3.

Sed quota doctrina pars est laudumq; tuarum,

Austriade, magni sidera nosse poli?

Et circumfuso porrectas aquore terras,

Quà Sol Eoos lustrat & Hesperios?

Se tibi Niliacis etiam sapientia chartis

Eruta, & arcanas explicat historias.

Nec te sacra latent adytis seclusa verendis,

Nec lapides, sculpta marmoribusq; fera.

Scilicet Ægyptus doctrinam credere saxis

Orsa, peregrinas sinxerat effigies,

Vt solis arcana Deum mens cognita mystis

Falleret abstrusis vulgus imaginibus,

Seraq; posteritas sensim labentibus annis

Non caperet prisca moris & artis opus.

O vanas hominum curas! O caca futuri

Pectora! Mars ultor nil sinit esse diu.

Barbarus Armenij laceravit potor¹ Araxis

Omnia, Niliacos depopulatus agros.

Tot moles, regum tumulos, tot stantia vertit

Culmina, regali suspicienda situ.

Et potuit fugiens, armis cessantibus, atas

Servatas etiam vertere reliquias.

I 2

At

¹ Cambyfes Persarum Rex Ægyptum foedissimè vastavit.

*At non aternos olim subducet honores
Longa dies meritis, inclyta Roma, tuis.
Tu Pelusiacum spirantia rudera fastum
Colligis, & medio tollis ad astra foro.
Nec tua venturis, Caesar, delebitur annis
Fama, nec ingenium nox premet atra tuum.
Te duce, quis credat? post tot iam sacula scimus
Arcani quidquid Memphis & Isis habet.
Quid velit Inachia facies ignota Iuuenca,
Quid Canis, & sacri mystica forma Bouis,
Et quæ prætereà famosus monstra Canopus
Prodidit, antiquis conspicienda notis.
Teq, adeò titulosq, tuos leget accola Nili,
Et referet laudes ad sua sistra tuas.
Iam Solyme, iam discet Arabs, iam clara loquentur
Marmora Casareâ munera sparsa manu.
Fallor? an Austriacis addent quoque fata tropæis
Sacra Paratonijs signa reuulsa tholis?
An, FERNANDE, tuum iam nunc Victoria nomen
Lata parat saxis scribere Pyramidum?
Gloria Pelleus certè vocat æmula palmis
Europa resides ad pia bella manus.*

A D

P H I L O M A T H E N.

Nequicquam Musarum iuuenilium
auctorem regi.

Q *Valis, ubi Pharios exurit Sirius agros,
Frugibus optatâ Nilus inundat aquâ,
Et super arentes fuso natat aquore glebas,
Et riguam latis mœsibus ornat humum;
At longè positis idem cunabula terris
Et caput ignotis celat originibus:
Talis Mæonio quæ certent carmina vati
Fundis, & ut magno Pindarus ore, ruis:
Et Latium sermone beas, & diuite venâ
Fecundas, Vatum Maxime, Castaliam.
At cur Perrhæbi benè cognitus incola Pindi,
Cor Charitum, nostri spesq; decusq; chori,
Cur latitas, & lene sacra caput oculis vnda,
Quo veniunt Clario pocula digna Deo?
Cur tegis ambiguâ IUVENILIS imagine MVSÆ
Ingenij cultum diuitiasq; tui?
Cur dubitas proprio dignari nomine fetum?
Cur dubitas fama pandere vela tua?*

*Nequicquā, VIR MAGNE, lates: te nostra loquimur
Tempora, te vatem sæcla futura canent.*

Admirata tuos Siren Achelœia cantus

Audiit, auditis cedere fassa suos.

Cum Phæthontæa canerent tua carmina Nympha,

Suspensio Cycnus plaussit ab Eridano.

Constitit auratâ captus testudine Tybris,

Et insit fluctus lentius ire suos.

Sapè tuos avidis Rhénus pater auribus hausit,

Sapè Mosella tuos, & piger Alpha modos.

Nequicquam, VIR MAGNE, lates: te fama latentem

Prodit, & Eois monstrat & Hesperijs.

Nec sinit indictum pietas, animusq; periclis

Altior, & pacis, quem profiteris, amor,

Sichemios colles, & collibus addita testor

Templa coronato suspicienda tholo.

Vos Vbi testes, testis Mimigarda laborum,

Et septem geminis Roma superba iugis.

Eripe nunc ergò tenebris caput, eripe nocti,

Et larvam fictis detrahe nominibus.

Si minùs occultum Scyros celavit Achillem,

Agritus Æolida si fuit ille dolo:

Si, qui regna tenet latè Parnassia, Phæbum

Ora latere vetant, & coma digna Deo:

*Si, licet obscurâ celatus nocte, pyropus
Natiuo rutilum prouocat igne diem:
An poterit diffusa tua' læx aurea Musa,
An poterunt gentis signa latere tua?
Sidera scintillant, sublimi vertice Quercus
Eminet, & senis Mons subit astra iugis.
Sed pudor, & casta diuina modestia frontis
Nobilior Tyriis purpura muricibus,
Vatis Apollinei titulos, nomenq, recusat,
Phæbeaq, vetat tempora fronde tegi.
Nec te grande sophos, nec fama cura moratur,
Nec fuco roseas gloria picta genas.
Virtuti satis est calo se teste probari,
Et sese fama notitiaq, negat.
Vt neget, inuitam curru sectatur eburno,
Et circumfuso lumine vestit Honor.
Sic radiant puro seruata corallia vitro,
Sic lucent calathis lilia virgineis.
Sic adamas fundo mersus pellucet in imo,
Sic micat auriferi diues arena Tagi,*

AVGVSTINI CHISII,

in porticu supra Tiberim pensili,
LEONI X. PONT. MAX. & com-
pluribus Cardinalibus datum.

L Audarunt alij convivia ditis Elise,
Et Luculleas, Alcinoi^q dapes,
Et quas Romano cœnas Cleopatra marito
Instruxit Pharijs perdita delicijs:
At mea sollemnes epulas, & Regibus aquas,
AVGVSTINE, tuas Musa loquatur opes.
Stat super impendens Tiberina porticus unda
CHISIA, diuitijs nobilis Attalicis;
Hospite nobilior, vultu dignata LEONIS,
Quò posuit curas urbis, & orbis onus.
Hæc quoque purpureos aurato limine Patres
Accepit, totidem ceu Iouis aula Deos.
Quæ mensis tum dona Ceres, quæ dona Lyæus
Intulit, & largo Copia leta sinu!
Vix tulit ipsa suum genialis mensa paratum.
Et pretij quota pars ipse Lyæus erat?
Fulgebant auro, fulgebant pocula signis,
Fulgebant rutilis aspera chrysolithis.

Pascebant

*Pascebant oculos perfecta toreumata celo ,
 Aut Myos , aut dignus Mentoris arte labor.
 Ipsa penus populo poterat satis una videri :
 Hic poterat genio quisque litare suo.
 Sic, ubi prostratos celebrarunt vina Gigantes,
 Semideis licuit poscere vina Iouem .
 Res noua : calatas ceperunt retia lances ,
 Et Polycletea vasa superba manu.
 Miratur Tiberis proiectas flumine gazas ,
 Et quas nec Ganges , nec vehit Hermus opes.
 Innocuam pisces escam mirantur in undis ,
 Mirantur nullo retia tensa dolo.
 Retia nulla suis , nec qua Nero texuit auro ,
 Præmia captarunt diuitiora plagis.
 Scilicet argenti quidquid Tiberinus & auri
 Ceperat , hac domino restituere suo.
 I nunc , & Crassum memora Romana vetustas ,
 In Parthos auri quem sacer egit amor.
 Seruiit ille opibus : laudato CHISIVS vsu
 Effusa dominum se probat esse rei.*

AD

AUGVSTINVM
FAVORITVM.

De morte Natalis Rondinini S. D. N.
ALEXANDRO VII. Pont. Opt. Max.
ab Epistolis ad Principes.

Non ita Lampetie casu Phaëthontis acerbo
Fleuit, & ambusto Cygnus in amne Padi;
Non ita Pelides, mediâ cum vidit arenâ
Actoriden sparsis cade iacere comis;
Tros Anchisiades non sic Pallante peremto,
Nec Theseus cari funere Pirithoi,
Ut mihi mæsta pio tabescunt lumina fletu,
Imag̃ perpetuos pectora dant gemitus,
Dum desiderio mentem perfixus inani,
NATALIS mutos conqueror ad cineres.
Crudeles Dinos, crudeliag̃ astra vocanti
Nulla venit misero nocte diève quies,
Nec magis, heu, lacrymis saturatur luctus amaris,
Quàm matutino rore perustus ager.
Si fugit interdum, vagus ut Maander, in orbem
Mox redit, & sese decipit ipse dolor:

Notag̃.

Notaq; dilecti passim NATALIS imago
 Occurrit madidis obuia luminibus,
 Dulcè loqui fido, velut antè solebat, amico,
 Brachiaq; & caras tendere visa manus.
 Siue etenim ripam Tiberini propter amœnam
 Cernere veliuolas, quas vehit vnda, rates,
 Et septem geminis latè spectare iacentes
 Collibus antiqua me iuuat Vrbis opes,
 Pyramidasq; nouo ductas ad sidera sumtu,
 Et Vaticano templa superba tholo:
 Siue suburbanas Latij peragrarè ruinas
 Mite iubet sancti Principis imperium,
 Albanumq; lacum, dilectaq; rura Minervæ
 Posthabitis Romæ visere deliciis,
 Montis ubi quondam per viscera ductus aperti
 Fatalis Veijs irrigat arua liquor:
 Semper amarities, semper dolor hæret eunti,
 Et cruciat miris anxia corda modis.
 Nec vetus Alba grauem potis est mihi demere curam,
 Umbra nec astiuis Tuscula frigoribus;
 Nec nemus Egeriæ, Scythicæ nec regna Diane,
 Nec lacus occulti conscius Hippolyti.
 Tène malâ, iuuenum castissime, fraude nouerca
 Distractum rapidis membra cruenta rotis,

Téne Coronides medijs è faucibus Orci

Ereptum Trivia restituisse Dea,

Et latos oculos, roseumq; potentibus herbis

Os valuit, nitidas & reparare comas?

At miserum, ut prima NATALIS flore iuuenta

Occidit indigno flebilis interitu,

Non pietas, non sancta fides, non Pallas, & omnis

Aonidum tanto cultus amore chorus,

Ipse nec atherias reuocare ad luminis auras

Sustinuit medica Cynthius auctor opis?

I nunc, & demens animos attolle superbos,

Et Zephyro plenos finge tumere sinus.

Finge miser titulos, & grandia munera rerum,

Et spera Pylij tempora longa senis.

En iacet exigua iuuenis compositus in urna,

Promeritus caeptis omnia fausta suis.

Nam quid ALEXANDRI meritis fauor, aut quid ho-
norum

Spes, & fraternâ fœdera iuncta fide?

Quid praeclara domus, genitrix aut profuit illi

Optima, Castalias inter habenda Deas?

Lata quid aspirans rebus fortuna secundis,

Et plausus totâ maximus Ausoniâ?

Scilicet exorare nefas est fata, nec ulli

Parcarum licuit frangere duritiem.

Non

Non tamen Heroum manes inferna cœrcent
Flumina , nec Stygij pallida regna Iouis.
Ætherias illos virtus sublimis ad arces
Euehit , & campis consecrat Elysiis.
Hic, hic NATALI domus est: hinc arduus imas
Sub pedibus terras despicit & maria ;
Miraturq; nouos orbes , connexaq; mundi
Mœnia , & innumeras , splendida signa , faces.
At licet huic longos Libitina inuiderit annos,
Dum meritis implet Solis utramq; domum;
Ne tamen vlla queat nomen delere vetustas ,
Prouisum Clario gratulor esse Deo.
Dum terras atque omne sibi deuinciet auum,
Curaq; ALEXANDER posteritatis erit ;
Dum pius in Venetos animus studiumq; canetur ,
Classis & Aegeo Thracia victa mari ;
Dum referetur amor , quo tristia bella Tyranni
Ardet in excidium vertere Bistonij ,
Quo res Sarmatiae , viduataq; Cesare regna
Curat , & impositos Alpibus Heluetios,
NATALI constabit honos, vinaxq; manebit
Doctrinae , & Suadae nomen , & ingenij.
Semper ALEXANDRI , sacra per vestigia , laudes
Ponè sequens , ibit clara per ora virum.

*Tu quoque Pieridum decus, AVGVSTINE, sororum,
Quo Latium, & tumidis Macra superbis aquis,
Ingenuos mores, & vitam puriter actam,
Cordaꝑ, non ullis tacta cupidinibus,
Virtutesq; alias cari memorabis amici
Carminē, quod possit nulla abolere dies.
Nam neque signa tua spirantia marmore Luna,
Nec Polycletæâ nobilis arte labor,
Longius extendant famam NATALIS in ævum,
Quàm tua Mæonia proxima Musa tuba.
At mihi, cui tantum non concessere Camæna,
Vi canerem paribus grandia facta modis,
Sat fuerit gelidis extrema dedisse labellis
Oscula, & exangues imbre rigasse genas.
Sat fugientem animam fato legisse supremo,
Et clausisse piâ lumina cara manu.
Sat tumulum lauri folijs ornare quotannis,
Et cineri multâ solvere iusta prece.*

AD

A D

IACOBVM VVALLIVM

de morte SIDRONII HOSSCHII.

E *Tsi me, VValli, patrijs excedere terris,*
Et procùl Angaria collibus ire mea,
Et maris insuetas ansum dare vela per undas,
Ardentesq; grani sole secare vias,
Lydius Hesperidum Tibris regnator aquarum
Et septem geminis Vrbs tenet alta iugis,
Alpinaq; nives, ac nubifer Apenminus,
Et pia Tyrrhena vota morantur aqua,
Ut nequeam Tungros, & pulchrum visere Mosam,
Et præsens mæsto soluere iusta rogo,
Et terra tumulo componere vatis amici
Reliquias nostris irriguas lacrymis:
Non tamen extinctum miseris urgere querelis,
Iustaq; , quâ fas est, reddere cessat amor.
Nunc firmata subit studiis concordia nostris,
Et desiderijs inuida fata meis.
Nunc mandata lego, quæ te mihi scribere iussit,
Et moriens linguâ deficiente dabat.
Quin etiam violis, & lauri frondibus urnam
Halantem fectis ponimus exuujs.

His

*His etiam flores, vitæ monumenta fugacis,
Addimus, albenti lilia mista rosâ.*

*At circum Latij, doctissima turba, Poëta
Aoniâ feriunt carmina mæsta lyrâ.*

*Quos præit creptum lugens Elegeia vatem,
Sacula cui nullum nostra tulere parem,
Postera vix sperent; quo vindice desijt esse,
Quod fuerat, Paphia lena comesq; Dea.*

*Illa igitur squalet, quo nos, confecta dolore,
Et queritur nostris saucia vulneribus.*

*Ipse etiam fletu tumulum dignatur inanem
CHISIVS Ausonia gloria prima togæ.*

*Et gemitu manes ciet, & Permesside lymphâ
Spargit flebilibus marmora scripta notis.*

HOC MERUIT IVSTI MONVMENTVM BELGA
DOLORIS,

PROXIMVS INGENIO, CVLTE TIBVLLÆ, TVO.
Interea curis liber mortalibus errat

*HOSCHIVS, Elysium quâ facit umbra nemus;
Quâ Zephyri blandis assibilat aura susurris,
Et viret intonsis laurea silua comis;
Quâ saliunt vitrei per amœna rosaria fontes,
Et præbet faciles florida ripa toros.*

Illic diuinos inter considerare vates

Gestit, & Heroum proximus ire choris,

Et

Et modo cantatos suspirat Numinis ignes,
 Virginis & grato carmine laudat opem.
 Et modo tot vita, quibus ut mare voluimus, astus
 Gaudet inoffensâ se superasse viâ.
 Et modo commendat faciles miserescere Diuos,
 Dum Petri lacrymis miscuit ipse suas.
 Denique quæ vouit Leopoldo plurima, votis
 Exorat melius prosequiturq; suis.
 Illinc, si nostri tangit te cura, nec omnis
 Excidit oblito pectore suctus amor,
 Aspice perpetuis lacrymarum turgida riuis
 Lumina, & exequias, doctæ Poëta, tuas.
 Aspice ut immensum tua gloria lata per orbem
 Transuolet Eoas, Hesperiasque domos:
 Ut male neglectas, monumenta perennia, Musas
 Vallius indignis vindicet à tenebris;
 Vallius Aonidum post te non parua sororum
 Cura, tibi quondam, nunc mihi primus amor.
 Quàm pius ille manu fugientes clausit ocellos,
 Et summis animam legit anhelitibus!
 Quàm pius aternis mandat tua nomina chartis,
 Et damnat lacrymis impia fata suis!
 Scilicet ereptum sic tristis Naso Tibullum
 Luxit, & Orphæam Calliopeia necem.

ALEXANDRO VII. PONT. OPT. MAX.

Villam Barberinam, Domitiani olim
Cæsaris Albanum, vbi quotannis Quin-
quatria fiebant Mineræ, anni causâ
inuisenti anno M. DC. LVII. Idib.
Maij.

Hic vbi porticibus se Flauia villa superbis
Equabat summis ardua sideribus,
Et nemus hinc, Scythica non mitia regna Diane,
Illinc Tyrrhenas prospiciebat aquas,
Sollemnes olim ludos, & sacra Minerva
Quinque fuit iunctos mos celebrare dies.
Quare amat hos colles etiam nunc Dina, lacusq;
Plurima quos glaucâ vestit olina comâ.
Atque adèò præsens Alba cum proxima nuper
Vidit ALEXANDRUM per iuga ferre pedem:
Letus ades, dixit, nostrosq; inuisse recessus,
Terrarum custos maxime: letus ades.
Hic posita regni tantisper mole licebit
Otia prolatis dulcia rebus agas.

Quando

Quando dira lues, & frugum tristis egestas,

Auspice te, Latios pulsa reliquit agros.

Mox instaurato mens corpore firmior, altas

Imperij curas, & geret orbis onus.

Interea dignam servato ciue coronam

CHISIACIS Dryades texite de folijs.

Alma Ceres, spicas; date laureaserta merenti,

Aonides: partâ mox mea pace feret.

A D

IOANNEM ROTGERVM
TORCKIVM.

Præpositum Mindensem, & Canonicum

Paderbornensem ac Monasteriensem.

De Æneæ statuâ, LAURENTII BER-

NINI opere, in hortis Burghesijs ex-

tra portam Collinam.

TORCKI noster amor, doctarum prima Sororum
Gloria, spes patriæ magna decusq; tuæ,

Aspice BERNINI docto spirantia calo

Marmora, Phidiaco par opus ingenio.

Aspice Troiugenam curuâ ceruice ferentem

Et patrem, & profugos, sacra paterna, Deos.

*Has pius Aeneas paruo comitatus Iulo
 Subtrahit incensa reliquias patriæ.
 Quis dolor è muto ducit suspiria saxo!
 Qualis in inflexo vertice regnat amor!
 Ut lapis ipse sue præfagus fata Crensa
 Sentit, & impositum ferre laborat onus!
 Et trahit Ascanium flentem! comes ille paternæ
 Non potis est aquis passibus ire fuga.
 Ut miserans capta fumantia mania Troia
 Effigies tantis ingemit agra malis!
 At ne BERNINVS vocem daret arte querelis,
 Obstitit infandus, qui premit ora, dolor.*

ALEXANDRO POLLINO

donum natalitium.

MEntoreos alij donent, POLLINE, labores:
 • Natali nostro pyxida munus habe.
 Forma pyrum simulat: circum violaꝝ colores,
 Albaꝝ, purpureis mista ligustra rosis.
 Aspicias & varijs ut aranea floribus audax
 Incubat, & fatuus papilionis amor.
 Nec tamen inclusam potis est libare medullam,
 Et qui sub fulvo spirat odor calyce.

Namqꝫ

*Carminē vinet adhuc, qualis Melioris alumnus
 Psittacus, & Teij fida columbia senis.
 Qualis & exusto celebrata Ciconia nido
 In Batauis pullos morte secuta suos.
 Ut meruit, vos ergò rosâ Permesside Musa
 Compositum molli condite funus humo:
 Et notum tumulo carmen superaddite: SI QVEM
 NON HODIE, CRAS, CRAS AVFERET ATRA
 DIES.*

ALEXANDRO VII. PONT. OPT. MAX.

*Tertium Pontificatus annum feliciter
 auspicanti.*

L *Æta dies redijt, qua te Rex ætheris alti,
 SANCTE PATER, magnum misit in imperium:
 Et terris dum pulsa lues, tibi tertius annus
 Illuxit faustis candidus auspicijs.
 Prima fames Latium, te principe, liquit, & Urbem
 Externis pavit frugibus alma Ceres.
 Iam nunc Adriacis classis tua iuncta carinis
 Hellepontica claustra refringet aquæ.
 Intereâ sacras voti rea fundit ad aras
 Ingenuo tales pectore Roma preces:*

*De nostris, PATER ALME, tibi Deus augeat annos,
Si seruata tuo munere vita mea est.*

IN EIVSDEM EFFIGIEM
marmoream, opus Laurentij Bernini
Equitis & sculptoris egregij.

Spirat ALEXANDRI viuus de marmore vultus,
Nullus adhuc potuit quem simulare color.
Par animo siquidem facies pigmenta recusat,
Et melius nuncum marmor utrumq; refert.

AD EVMDEM,
De ædibus Pontificijs ad Lacum Al-
banum tactis fulmine III. Id.
Octob. M. DC. LVII.

NE mirare manu Cyclopea tela rubenti
In tua, MAGNE PARENS, tecta vibrare
Iouem.
Indignatur enim Latio, te Principe, demum
Aurea Saturni sæcla redire senis.

DE BIBLIOTHECA VRBINATE,

ALEXANDRI VII. Pont. Max. liberalitate, Vaticanæ donatâ.

R Egisſico quondam ſumtu, ſtudioq; parata
Feltriadum celebris bibliotheca Ducum,
Vaticana tuas, huc longè iuſſa venire

MAXIMI ALEXANDRI munere, acervat opes.
Nobilior poterat nec muneris auctor haberi,
Nec munus poni nobiliore loco.

IN CAROLI I. magnæ Britannię Regis,
An. M. DC. XLVIII. v. Id. Febr.

Londini capite plexi, necem.

C Erne lupa geminos pendentes ubere natos:
Romulus hic Romæ eſt conditor, ille Remus.
Inde Caledoniæ præbentem colla ſecuri

Indigno CAROLVM reſpice ſupplicio;
Et genus acre lupos terræ dic deeſſe: Britannia:
Savior eſt iſſis terra Britannia lupis.

¹ In Angliâ lupi nulli, aſſiduis venationibus ſtirps exciſi.
Polid. lib. I.

IN

I N

BERNARDVM FVLGOSIVM,
Medicum & Poëtam malum.

C*vm tua, Fulgosi, tellus errata medentis
Celet, & aggestâ funera condat humo;
Quæ nunc tanta animum cepit dementia, luci
Vt mala committi carmina discupas?*

I N S. D. N. ALEXANDRI VII.
AVSPICATISSIMVM NATALEM,
Hendecasyllabi iam olim scripti.

I*Ngens gloria purpure Latine,
Phæbi delictum, medulla Suada,
Sacrorum Cynosura certa vatam,
Paullum, magne FABI, graues labores
Alti pectoris, arduæque Romæ
Fultum consilijs remitte pondus,
Et nostris solito fauore Musis
Aspira facilem secundus auram,
Dum natalitias sacrare cantu.
Idus Hendecasyllabi laborant.
Quos duros licet, ac parùm politos
Leui pumice, dadalaq; limâ,
Vt blando tamen in sinu receptos*

*Illâ fronte legas , precamur , illâ ,
Quâ Septem iuga , purpuramq; Roma,
Et curas Latij Patris serenas ,
Et nostri rapis ingeni calorem.*

*Vestris nunc opus est choris , venite
Suaues Latitia , venite Plausus ,
Cantus , Gaudia , Gratia , Camæna.
Festiuo Genium vocate ludo ,
Et sertis , & odoribus Sabais ;
Et natalitijs adeste sacris
Faustis ominibus , bonisq; verbis.
Sollemnem Februarij reduxit*

*Quinquagesima sexta bruma lucem :
Natales FABII canamus Idus.*

*Idus tot maris Indici lapillis
Signandas , quot hiems creat pruinas ,
Quot ver purpureum per arua flores ;
Quot votis celebrauit , & coronis
Natalem Venusina Musa lucem
Mæcenatis agens , Aprilis Idus ;
Quot votis cumulauit , & coronis
Idus , Mercurij diem , vetustas
Maio sidere , nobilesq; partu
Oëtobres coluit Maronis Idus.*

*Ergò cùm superas beatus infans
 Natus Ghisiades , futurus Heros ,
 Blando murmure personaret auras ,
 Vagitus tener , ac rudes querela
 Commissa Zephyris , procùl remotas
 Parnassi geminis nouem Camœnas
 Exciuere iugis , Claroq; Phœbum ,
 Et Pandionis arcibus Mineruam.*

*Ille Pegaseos repenti fontes
 Liquerunt ; & Hyanthias cauernas ,
 Et Pindi virides tulere lauros ,
 Et molles violas , roseq; florem ,
 Paruis munera delicata cunis.*

*Princeps Calliope labella primùm
 Permulst tribus osculis puelli ,
 Et vatum simul entheos furores
 Afflauit , tenerosq; fronde crines
 Cinxit Daphnide , Bacchicisq; sertis ,
 Nostri Orphea gratulata terris
 Dono Calituum nouo renatum.*

*Hinc fati quoque conscia sorores
 Arrisere Dea , lyramq; Paean
 Donauit puero ; puer iocosus
 Arreptas digito fides procaci*

Prensauit,

*Prensavit, fidium daturus omen,
Ut quondam dedit Hercules senellus
Omen roboris anguibus peremptis.
Tunc amplexa tenacibus lacertis
Mellitum stupet undecumque Pallas
Infantem, cerebrumq; mollicellum
Implet numinis, ac suas oliuas
Pacis pramia subligat corymbis.
Adsunt, & comitum trahunt catervas,
Linquentes Ciceronis auiterni
Pictum veris honoribus sepulcrum,
(Quo fixere domum) diserta Pitho,
Facundus Lepor, aureumq; nodum,
Segnes soluere Gratia sodales,
Incundiq; Sales, & elegantes
Doctarum facies Facetiarum.
Qua postquam niueam ligustra nubem
Fuderunt beneolentibus canistris,
Et felicibus irrigata succis
Sacri nectaris ora miscuerunt:
Quales Cecropij Platonis olim,
Quales gutture Pindari canoro,
Quales Ambrosius apes labellis,
Matres ambrosia leues crearunt:*

Dilectis

*Dilectis etiam redux ab astris
 Virtus remige venit vſa cycno,
 Quæ fauſtos ſimul augurata ſoles,
 Et primo ſimiles dies metallo
 Promiſit puero; faces honeſti
 Admouit, niuibusq; concolorem
 Paris moribus indidit nitorem.
 Quin & ſidereus Pudor modeſta
 Viuo murice temperauit ora,
 Et caſtos Amor innocens ocellos
 Accendit radijs ab axe raptis,
 Et Clementia nubibus remotis
 Frontem finxit amabilem videri.
 At cuſtos animum fidelis omnem
 Munit Relligio timore Diuini;
 Et contra mala, liuidamq; ſortem
 Conſtans agide Fortitudo pectus.*

*Tali Chiſiacas honore cunas
 Dignatos Superum choros frequentum
 Actutum varia via reportant.
 Virtutes patrium petunt Olympum,
 Et quæ ſe tennes leuant per auras,
 Aura deciduis pluunt liguſtris;
 Narcifiſq;, roſiſq;, liliſq;.*

Cyrrham

*Cyrrham Pierides, Claron venisit
 Musarum pater, Atticas Athenas
 Pallas, Suada suam diserta sedem.
 Gratantur redeuntibus Napæa,
 Occurrunt Dryades, leuesq; Fauni.
 Tellus luteolas benigna calthas
 Submittit, violasq; , amaracosq; .
 Mitescit positis furor procellis
 Tyrrheni maris : Africis fugatis,
 In regnum lepida Fauoniorum
 Succedunt anima beatorum,
 Et sola dominantur axe toto.*

*Latas interea virere ripas
 Vernis floribus, ac rosis caducis
 Spargi flumina, leniterq; motas
 Admiratus aquas tepere blandis
 Aurarum Zephyritidum susurris,
 Vmbro ⁊ populeâ caput coronâ
 Vmbratum placidis leuauit undis.
 Quando suppositâ reclinis urnâ,
 Muscosum latus hinc & inde Nymphis
 Circumstantibus, Orciaq; , & Apsâ,
 Et Mersâ, & Soro, & Arbiâ, & Malenâ,*

Sordes

1 Vmbro nobile Hetruriz flumen, de quo Rutilius in Itinerario, & Plinius lib. 3. cap. 5.

*Sordes abluit : ille mox iacentem
 Mento canitiem manu remulsiſit ,
 Et ſic fatidico locutus ore eſt :
 Ergò pollicitam benigna faſa
 Inuenere viam , ſagax futuri
 Quæ Proteus mihi carulus ſolebat
 Noſtris pandere gratus hoſpes antris ?
 Ergò iam genitus ² beatus infans ,
 Infans Chiſiades , recens Hetruſcæ
 Gentis delictum , decuſq; Sena
 Expectatus adeſt ? adeſt petitus ?
 Sic eſt : prodigio rigentis anni
 Ventura manifeſta ſigna ſortis
 Soluunt ambiguam timore mentem.
 O felix nimis ! ô beata tellus !
 Nullis urbibus , & ſecunda nullis
 Tanto ciue futura Sena terris !
 Felix Chiſiadum domus parentum !
 Summorum genitrix domus virorum !
 Quamuis imperio maris potentes
 Portus Herculeos , 3 Coſæ ruinis
 Vicinos Lepidi fugâ notata ,*

Et

² Idibus Feb. an. 1599. Senis in Hetruriâ natus, parentibus Flauio Chiſio & Laurâ Marſiliâ.

³ Petrus Bembo in Epiſtolis nomine Leonis X. Pont. Max. ſcriptis, lib. 7. epiſt. 21.

*Et quondam moderata 4 Macereti
Arces turrigeras, genus vetustum
Iactes nobilium Ranutiorum.*

*Quamvis perpetuum decus nepotum,
Illustres animas, piosq; Ianos
Tusci nobile germen Iliceti;
Augustos celebres amore vatum,
Anselmos, Mariosq;, Flaviosq;
Armis conspicuos, togâ verendos:
Iactes & columen Iugis auitis,
Et Stellis iubar additum coruscis
Quercum robore s; Iulio superbam,
Maiores tibi comparabit unus
Famam Chisiades: & ille quondam
Inter semideos erit Latinos.
Postquam dulcibus expeditus vlnis
Matris Marsilia, solum paternum
Signabit pede iam timente falli,
Ingressus duce semitam fideli,
(Quam sudoribus improbis madentem*

Virtutis

4 Macereturum oppidum diocesis Senensis, cuius quatuor abhinc sæcula dominus Anselmus Chisius Frederico Casari militavit: nunc præter ruinas & balnea salutifera nihil de eo reliqui fecit verustas.

5 Iulius II. Pont. Max. Roboreæ gentis suæ insignibus Chisios donavit: ex quo tempore Quercum Montibus & Stellis adiccerunt.

*Virtutis labor Herculi sequendam
 Monstravit tenebris adhuc in annis)
 Tentabit subito vireta⁶ Cyrrha,
 Et rupes Heliconias, & umbras
 Doctæ Phocidos, Atticosq⁷ lucos,
 Et sacros Academia recessus.
 Cum lustris adoleuerit duobus,
 Vivax ingenij sagacis ardor
 Ætatem culicis Maroniani
 Ictu fulminis ocior trisulci,
 Vnda fluminis ocior citati,
 Præuertet, memoriq⁸ digna cedro
 Vates carmina finget, & seueræ
 Maturus sapientiæ satelles
 Discet 7 Socraticas puellus artes.
 Multum Phillyridæ datus magistro
 Pelides, & Olympica quadriga
 Debent plausibus, & citantis axem
 Aurigæ stimulis: at ille solo
 Natiui celer impetu calor
 Fontes sponte sua petet beatos
 Pulcrarum cupidus scientiarum.*

L

At

⁶ Domesticis vsus præceptoribus in Poësi & politioribus literis.
⁷ Duodecim annos natus, intra priuatos parietes Philosophicas
 theses defendit.

At mox Palladias valere⁸ curas
 Longis excubijs, & agra doctis
 Musarum studijs salus iubebit.
 Sic quæ diuitis Indiæ potentes
 Thesauros rapit, ac latus sinistrum
 Præbet continuis sali procellis,
 Ventorumq; minis, nec vlla vitat
 Audax nauifragi pericla ponti,
 Tandem mergitur, aut fatiscit alnus
 Silua filia nobilis vetusta;
 Securis nisi portubus potita
 Quassatum reparet quiete malum.
 Tum post otia letiore cursu
 Ipsos ausa volare præter Euros
 Ad nostras peregrina dona ripas
 Sospes deuehit ultimis ab oris.
 Quare viribus integer receptis,
 Sancto pectora concitatus æstro
 Viset limina⁹ consecrata magno
 Olim siderea Parentis ortu,
 Picenis ubi collibus resedit

Laureti

⁸ Proximè sequentibus duobus annis vacare cogitur à studijs, stomachi imbecillitate laborans: interea recolit Philosophiæ humaniorumque literarum disciplinas.

⁹ Decimo sexto ætatis anno voti reus Lauretanum iter suscepit.

Laureti domus, Adriæ per undas
 Illuc vecta, pijs onus cateruis
 Cælestium subcuntibus Quiritum.
 Iam nunc impatiens latere, clausus
 Priuato lare, publicas palestras
 Stagira, ¹⁰ cathedrasq;, porticusq;,
 Et sacraria maximi Platonis
 Sublimis vigor ingeni requiret.
 Hic quicquid polus ambitu serena,
 Et tellus gremio, Thetis profundo,
 Et natura sinu fouet capaci,
 Arguta rationis in staterâ
 Scrutatum penitus, magistra recti
 Augustis penetralibus clientem
 Admittet ¹¹ Themis, imperiq; formam
 Et decreta docebit æqua legum.
 Seu qua Cecropiis Solon Athenis,
 Et Sparta rigidus tulit Lycurgus,
 Seu iustus Numia gentibus Latinis,
 Et bis sex tabula Decemuirorum:
 Seu qua Romulea verendus Urbis

L 2

Antistes

¹⁰ Viginti annos natus, & expleto studij quinquennio, Scitis
 -publicas Philosophiæ theses proponit & defendit.

¹¹ Vnum & viginti annos natus, publicas de iure ciuili theses
 tueretur.

Antistes dedit, inclytusq; Caesar
Immensi dominator altus orbis.
Hinc desiderij ferente pennâ
Audaci altiùs Icari volatu
Pernicem rapiet sub astra mentem
Diuinæ Sophiæ ¹² sagax Aquinas,
Et velata fides, & alma cali
Maiestas superas recludet arces,
Et sese dabit, ac Deum videndum,
Et puram sine nube veritatem.
Tandem ¹³ promeritos virente crines
Serto triplicis impedire lauri
Certabunt Themis, & seucra Pallas,
Et de Numine differens supremo
Celestis sapientiæ facultas.
Sic donis ¹⁴ sibi debitis potitus
Magnarum nouus artium Senator
Augustum patriæ reget Lyceum.
Mox Senâ procùl impiger relictâ,
Qualis fulua Iouis Tonantis ales
Nido migrat, & experitur astra

Dignam

¹² Septem & viginti annos natus, de vniuersâ Theologiâ publicè Senis disputat.

¹³ Anno 1623. 6. Septembris Philosophiæ; 14. Septembris eod. de m. anno Iurisprudentiæ; 1626. 6. Septembris Theologiæ Doctor renunciatus fuit summâ omnium approbatione.

¹⁴ Eodem anno 1626. trium facultatum Collegio adscribitur.

*Dignam testibus indolem parentis,
 Antiqua cupiet theatra 15 Roma,
 Et mundi dominos videre colles.
 O qua gloria! quanta surget illic
 Claro Chisiada seges laborum!
 Nobis tanta nefas canendo fama
 Incrementa sequi, vetante Proteo,
 Quæ cautus monuit tacenda vates.
 Et iam me soliti vocant labores,
 Et vos, Naiades, citant liquores.*

*Hæc Nymphis pater elocutus Umbro,
 Tuscorum decus æmulum, tumentem
 Sese spumeus alveo recondit.
 Tum laeo tonuit ter axe cali
 Fatis addere visus aspiciatis
 Dextram Iuppiter approbationem.
 Quali murmure siderum frementum
 Tuscus sæpè suam probavit artem
 Dilectus superis Tages aruspex.*

*Nec præsagia posteris in annis
 Veri certa fides Deum fefellit.
 Dum nos grandibus æmulos poetis
 Musarum Iuuenilium labores*

L 3

Miramur,

15 Anno 1626. 10. Decembris Romam venit,

*Miramur , Lyriciqꝫ vatis auram ,
 Et dignum tragico pedem cothurno.
 Seu primo cecinisse doctus aeo
 Pompei lacrymabilem peremti
 Fortunam , Pharij scelus Canopi
 Damnauit pius , ac truces Achille
 Periuri furias , misertus equam
 Ingentis generi labare causam ,
 Quæ sit victa licet , Catone magna
 Et se vindice non tuetur vno.
 Seu iusti nimis impotens doloris
 Letum nobile , Martiamqꝫ dextram
 Luxit Marsilij gemente plectro ,
 Dum fortis cadit hostium ruentium
 Inter funera , prodigusqꝫ vita
 Pulcro sanguine decolorat aquor.
 Seu notum Canis æstuantis aëtro
 Tritura genus & modos Hetruscæ
 Cantauit , Cererisqꝫserta lauro
 Vates nexuit , & siticulosam
 Æstatem Clarijs rigauit undis.
 O rus , ô nemus , ô beata Tempe !
 Villa , iugera dulcis 16 Ancarani ,*

Iucundis

16 Antaranum Chistorum villa amenissima non procùl ab vrbe
 Senatum, opportunus Musarum secessus, ybi admodum adolescens
 Pompeium Tragediam scripsit.

*Iucundis loca Tusculi viretis ,
 Vdo Tybure , Formijs amænis ,
 Et blandis magè delicata Baijs ,
 Vicina nimis inuidenda Sena !
 Vitavit quoties negotiosa
 Urbis mænia , carminumq; fetus
 Frondosis ibi Chisius sub umbris
 Obstetricibus edidit Camænis !*

*At quis sufficiat referre plausus
 Fame præmia , publicasq; laudes ,
 Quas docti tulit ingeni? paterno
 Deserto lare , cùm profectus omnem
 Ignoto rapuit stupore Romam
 Prasens Chisiades , & eloquente
 Cantu plus vice simplici moratus
 Oblitum Tiberim via prioris ,
 Alcides nouus aureis catenis
 Tuscorum simul Ausonumq; Suada
 Sacro murice nobilem Senatum ,
 Et subsellia traxit alta vatum ,
 Vocalis quibus Humor Hippocrenes
 Larga nomina fecit apta vena,
 Idem Sulpitios , & Vlpianos,
 Et Paullos imitatus , & Catones,*

*Cum responsa dedit, fori querelas
 Expertus tetricas, grauesq; causas
 Orauit, Latiae¹⁷ datus sacerdos
 Astrae, veterum patere legum
 Nodos difficiles, & inuolutos
 Laudauit Themis; & Rigor seuerus,
 Et Iuris comites Fides, & Aequum,
 Et Fas, iudicis aut sui patroni
 Stiparunt latus; integramq; dextram
 Fugerunt auidi Cupido lucri,
 Turpes Insidia, malaq; Lites,
 Et Frans, & faciles cmi Fauores.*

*Sic postquam teneris adulta virtus
 Annis Chisiada dedit futuris
 Omen laudibus, arduisq; curis
 Prelusit grauium negotiorum
 Astrae studijs, & arte Phæbi,
 Turritum caput altius leuauit.
 Septem collibus, & fauente nutu
 Latis plaudere visa Roma fatis,
 Nec mæstas Cremera tumentis undas,
 Nec Veios meminit dolens, & uno*

Felices

¹⁷ Anno 1629. mense Ianuario, viriisque, quam vocant, Signaturæ factus est Referendarius.

Felices FABIO vocavit Idus

Fatalem FABIIS¹⁸ diem trecentis.

18 Idib. Feb. sex & trecenti ex Fabijs Veienti prælio inter-
eunti. *Quid. l. 11. Fast.*

AD GALLIAM.

DE MORTE

DIONYSII PETAVII

E SOCIETATE IESV,

Cùm Franciscus Barberinus S. R. E.

Cardinalis illi à Poëtis parentari

iuberet.

SI vacat, & nostras ciuilia bella Camenas

Audiri lituos inter & arma sinunt,

Accipe quæ vates cineri sacramus amico

Carmina, non uno Gallia pressa malo.

Scilicet in longum veniunt tibi tristia morem,

Teq; alia, ex alijs fata vicesq; grauant.

Non satis in luctus fuerat, tua pignora, cines

In te discordes exacuisse manus.

Et Parca fecere nefas, commune, sed atrox,

Cui natura nihil quo medeatur habet.

Sirmondus,¹ quo non alius Regum acta tuorum.

Certior, & regni iura referre, iacet.

Sumserunt etiam, dum Regum scrinia seruas,

In te lanifica ius, *Puteane*,² *Dea*.

Communus, *Puteane*, dolor nunc vatibus, olim

Grande decus Clarij praesidiumq; chori.

Nec satis: extincti mors importuna *Petaui*

Accedit tantis nunc noua causa malis.

Ille silet, paruaq; cinis compositus in urna est,

Suada iacet rignis quam super *uda* genis.

Qualis scissa comas, lacerataq; pectus apertum

Incubuit *Pyllo* commoritura seni.

Ereptum *Ligeris* plorat natalis alumnum,

*Turbata*sq; suis fletibus auget aquas.

Ipsa dolet miserum regina *Lutetia* casum

Funerea sparsas fronde reuineta comas.

Iure etiam libat lacrymas *FRANCISCVS* adempto,

Romuleos inter gloria prima *Patres*.

At bene quod cineri (quid enim non ille meretur?)

Doctorum vatum carmine iusta paret.

Nam quid felices frustra dolor urgeat umbras?

Iustius in laudes ora resoluat amor.

Desine,

¹ Iacobus Sirmondus e Societate IESV, vir totius antiquitatis curiosus inuestigator.

² Petrus Puteanus, Regiae Bibliothecae Custos ac Praefes, litterarum erga literatos officiosissimus.

Desine, quisquis amas, magni pia busta Petani

Nil profecturis sollicitare modis.

Quamuis indocilis leges mutare seueras

Vitalem Lachesis ruperit atra colum;

Non omnis tamen ille perit: meliore superstes

Parte sui, volitat docta per ora virum.

Quid metuat Lethen obliuia nigra trahentem

Fluctibus? ignauos torquoat ille metus.

Hic rerum memores, fastos, memorandus & illis,

Edidit, & Batauan contudit inuidiam.

Bis senis docuit celeres cum mensibus annos

Munitam certis legibus ire viam.

Aetheriasq; domos animo percurrit, & astra

Diuisit numeris temporibusq; suis.

Hunc adeo egressum nostra contagia terra

Vranie famula duxit ad astra manu.

Errantesq; globos, mundi, volubilis orbes

Pandit, & in toto sidera fixa polo.

Qua super euectus, meriti nunc ciuis Olympi,

Fertur in auctorem, non velut ante, suum.

Nunc illo fruitur propior, totumq; quod ipse est.

Inq; ipso quidquid condidit ipse, videt.

Sive Patestini regalia carmina vatis

Concinit Argolicis reddita carminibus:

Seu Diuūm medius, Patrum monumenta reuoluit,

Ingenio Diuas detinet ille suo.

Non igitur tibi vana ferunt solatia Musæ:

Tu modo te Superūm, Gallia, iunge choris.

A D

MATHIAM NALDVM,

S.D.N. ALEXANDRI VII. Pont. Opt.

Max. Medicum intimum, Aphorismos

Hippocratis notis illustratos Flauio Chi-

sio S.R.E. Card. amplissimo dedicantem.

P *Hæbi sacrarum præsidis Camenarum*
Artisq̃, morbos quæ domare cessantes

Potens medelis, & salubribus succis,

Secunda profert sæpè fila Parcarum,

Decus perenne, maximoq̃ ALEXANDRO

Dignus Machaon, quid moraris in dias

Emittere auras luminis, senis Coi

Diuina, Nalde, scita? quæ dies longa,

Et imperita turba plurimis mendis

Opplerat, hætenusq̃ nouerant pauci:

At mox, fauente Delio, tuis curis

Deter-

Deterfa, doctrinaq; luce perfufa
Legentur, & quâ Sol renatus Eo
Surgit cubili, quaq; conditur fluctu.
Quare fecundo munus inclytum plaufu
Volare docta per virum finas ora
Latè, benigno, Nalde, FLAVII tutum
Fauore, nuper arte qui tuâ, multâ
Cum laude, rebus reftitutus urbanis,
Regniq; curis, publicaq; terrarum
Felicitati, PATRVOq; feruatus
Excipiet, ufque muneris memor tanti,
Tui ferenio lumine ingentî fetum:
Eiusq; fidere actus inuidus linor,
Et Zoilorum turba cedit, ut nubes
Fugit corufci pulfa Solis afpectu,
Ponti q; ſcuiantis atra tempeftas,
Simul refulfit alba ftella Pollucis.

AD

A D

IACOBVM PHILIPPVM
NINIVM,

S.D.N. ALEXANDRI VII. Pont. Opt.
Max. Cubicularium intimum, & supplicibus libellis præpositum.

NINI meorum lætæ flos amicorum,
Cui melle Hyblæo dulcius fuit puræ
Orationis nectâr ore facundo,
Rerum potenti cùm refers ALEXANDRO
Negotiosa supplicantium vota:
Humanitatis sapius tua fructum
Expertus. oro, teq; rursus obtestor,
Ociùs amici supplices preces nostri
Recites. Quiritum namque fata formidans,
Acerba fata, sospes ad suos Boios
Auet redire, carbasisq; remisq;
Fugæ secundos prouocantibus ventos
Per arua latè vectus alta Neptuni
Adire litus hospitale Gallorum.
At Vaticana dona nunc potestatis,

Cui

*Cui paret aether, inferiq̃, tellusq̃,
Tantum requirit. Impios canis pragnans,
Parraq̃, cantus, montibusq̃, decurrens
Lupa Lanuvinis, imbriumq̃, diuina
Aus imminentium terreat: quid huic obstet,
Iterq̃, rumpat, si, quod unice poscit,
Cursus precetur prosperos.* ALEXANDER.

"A D NATALEM
R O N D I N I N V M.

Quod utrique nostrum commodauit argentum
Ad vestiendum Graculum Fauoritus,
Cur Rondinine debuisse me solum
Reglutinare iudicas, minus recte
In me retorquens negligentiae culpam?
Debere nulli me libentius nouit
Idem ille, semper qui mihi Fauoritus
Facit benignè, mutuae voluntatis
Fideiq̃, certus usquequaque constantis.
Ne creditoris ergo debitor partes
Agas, amice, non rogatus obtestor;
Quin ipse cures, ut bonum sies nomen,
Fidemq̃, semper amulere Germanam.

IANI.

IANICVLVS

De Villâ Hieronymi Farnesij, S.R.E.
 Cardinalis, sitâ ad portam
 Aureliam.

Quamuis Ianiculam vocent, nec inter
 Septem mi iuga dent locum Quirites,
 Clarus, non ideo minùs sepulcro
 Et Iani patris & Numa, propinquum
 Tollo nubibus arduis cacumen.
 Vel Farnesia villa, quam remoti
 Prospectus maris, & salubre calum,
 Et felix situs, & loci vetustas,
 Et vultus domini beat, decusq;
 Ingens Patribus additi Latinis,
 Tantos dat mihi spiritus, ut ipsa
 Tali munere latus astra summo
 Tangam vertice, Romulosq; colles
 Nostris despiciam iugis minores,
 Et rerum dominam superbus Urbem.

AD

A D
ALEXANDRVM
POLLINVM.

Ingens Ausonia lumen, & Attica
Suade flos, & amor Palladis, & decus
Nostra dulce Camæna,

Nec non candidus arbiter,
Quid, POLLINE, latens iam nimium diu,
Cedro digna negas edere carmina,
Et durus pater abdis

Fetus diuitis ingeni?
Non, ut deliteas, te Deus aureâ
Donauit citharâ Delphicus, & sui
Multâ parte Thalia

Versus nectaris imbuit.
Ingratus metuat ledere numina,
Qui, quæ dona sibi contulerint, premit.
Tu Parnasside lauro

Vinctus tempora, nobilem
Indulgens meritis sume superbiam,
Et te victor humo præpetibus leua
Pennis, & super alta

Certus tendere nubila,
M

Ales

Ales fideream carpe citus viam.

Paullam desidia distat inutili

Quæ demersa profundis

Virtus in tenebris iacet.

Quis pugnata duci praelia Dardano,

Et Troia profugos in Latium Deos,

Quis surgentia nosset

Vrbis mænia Romula,

Morem si rigidis imperijs gerens

Flammis continuò Cæsar edacibus

Immortale Maronis

Commisisset opus sacri?

Verâ laude caret sæpè modestia

Virtus, & vitio proximus est pudor,

Qui vitare perennis

Audet lumina gloria.

Quòd si purpureum spontè vides diem,

Formosumq; caput crinibus aureis

Altâ nocte sepultis

Terris reddere Delium,

Cur te perpetuæ noctis amor tenet,

Frustrantem cupidas Romulidum preces,

Et spes? plena secundis

Tandem pande Fauonijs

Fama

Fama vela tua, finibus Italis

*Qui porrecta domum Solis ad ultimam, &
Septem regna trionum*

Late nomina proferant.

Mox te Pierio carmine nobilem

Dignis posteritas tollet honoribus,

Magnorumq; beatis

Vatum cœtibus inseret.

A D

STEPHANVM GRADIVM

ABBATEM.

Sic tibi sint faciles Musa, sic dexter Apollo
Sororibus cum Gratiis

*Adsit, & attentis bibat auribus, optime poscis
Quæ supplici GRADI prece:*

*Vt mihi flexanimo permotam carmine mentem
Alti tenacem consili*

*Expugnas. Iuuat ire iugis, iuuat usque relictum
Lustrare Musarum nemus,*

*Et virides ederâ rupes, & rupibus undas
Haurire manantes sacris.*

M 2

Sentit

*Sentit enim Phæbi stimulos, & pectus anhelat
Calore succensum tuo.*

*Non tamen heroos ausim tentare cothurnos,
Magniq; laudes CHISII*

*Deterere ingenij culpâ. Quis namque canendo
Æquare virtutes queat?*

*Quis Melitæ curas, aut fortia facta Padusæ,
Quis alta Romæ munera?*

*Nemo difficiles pacis, mihi crede, labores
Cantare digniùs potest*

*Ipsò CHISIADE; seu ferrea Martis iniqui
Abominatus secula*

*Luget, & undantem Germano sanguine Rhenum,
Et arma damnat impia:*

*Seu coniuratas Bellonæ iustiùs iras
Interga verti barbara*

*Imperat, ac fido lacerari cornua ferro
Lunæ superba Thracia.*

*Sed quæ vesanas agitat discordia gentes?
Quis mutuas cedes furor?*

*Quæ rabies? aut quæ dementia suadet amico
Emi cruore lauream?*

*Quis pudor Odrysii regnum fulcire Tyranni
Labentis Europæ malo,*

Et,

*Et, ne res Venetae crescant, permittere Cretam
Scythæ premendam perfido?*

Parcite civili iam tandem parcite bello:

Satis ruinas urbium

Flevimus, & sparsos cognato sanguine campos:

Datum satis discordiæ.

*Parcite: vel si tantus amor vos Martis adurit,
Si tanta regnandi sitis,*

Mutatis odijs Gallus conspiret Ibero.

Hic nota per vestigia

Regna petat Libyæ: Solymos magis ille triumphos

Virtutis antiquæ memor

Ambiat, & palmas latè frondentis Idumes

Victrice decerpit manu.

Ite alacres, ite ergò, mari date vela secundo

Deuota pugna nobili,

Ite pij Reges: coniunctas fœdere dextras

Communis armet ultio,

Aut metus, incumbat propius ne barbarus hostis

Clarâ potitus insulâ.

At nos, Germani proceres, iam pace receptâ

Ad arma cessantes nova

Ister ad arma vocat, dudum indignantibus undis,

Qui Bistonum pressus ingo

M 3

Seruit,

Seruit, & excidium nobis ac damna minatur

Extrema fortuna grauis. . .

Quin igitur pulchrâ pro libertate ruentes

Vicina Buda mœnia

Rumpimus, & vastus quâ verberat ostia Pontus

Immugientem Bosporum

Addimus imperio, referentes signa superbis

Derepta Byzanti tholis?

Tunc me cognatas acies, & nobile bellum

Graui sonantem barbitō

Miratus, nostras laudarit fortè Camœnas

Silente Rhœnus aluco.

Tunc & Mœonio seu carmine nobilis arma,

Siue efferas pedestribus

Docte GRADI historijs, ingentia facta meorum

Seros docebis posteros.

AD AMICVM.

*Ne popularibus rumoribus fidem
habeat.*

T*V cui sollertem rerum prudentia mentem*

Formauit, & Phœbus pater

Fatidicos lucos Heliconis, & antra reclusit,

Amice, veri conscia,

Quid

Quid bibulam dubiis donas rumoribus aurem?

Quid vana Roma sibila

Sollicitant animum pendentem murmure vulgi,

Vt ore doctoris puer?

Siue infanda sonat conuitia, siue tumentes

Buccas resoluit laudibus

Immodicis, fama, moneo, ne crede loquaci;

Quam praeuolant Calumnia,

Insidiaq, sequuntur, & artes mille nocendi,

Liuorq, latis anxius,

Nec non Blanditia, corruptaq, Gloria fuco,

Et emta vulgi Gratia.

Sint portenta hominum nigro suffusa veneno,

Et plena falsi pectora,

Qui, dum vipereâ fingant mendacia lingua,

Sese poëtas aestimant.

At satis exoriente die commenta patebunt

Et virulenta somnia,

Aut euanesceat rumor, qui creuit eundo,

Crescente temporis morâ,

Qualis in Assyriam Gyndes exundat, & idem,

Cyro iubente, naufragum

Propter equum, latè centum diductus in amnes

Decrescit ipso se minor.

Ergò si populi sermonibus exul amicus

Narratur aulâ , ne fauor

Illum deſtituat, ne gratia vitrea frangi,

Timere non erit tuum

Ante fidem certam , prima niſi credulus aura

Dolere bis velis miſer.

Sic etiam vulgo ſi cuiquam teſte paratur

Latina fortè Purpura,

Seu Vaticanae Sedis ſuprema poteſtas,

Sperare non erit tuum.

Ne frustrata gemat , ne votis uſa ſecundis

Mens gaudiorum præcoci

Germine decerpto , maturos perdat honores,

Et vana ſpem ludat ſeges

Latitia. Expectare licet : dilata voluptas,

Ceu lenta veris gratia,

Plus iuuat , & denſis placet eluctata tenebris,

Micansq̃ , ceu ſol , Veritas.

AD

AD NATALEM
RONDININVM.

Qui sua cæcus amat, ceu natos cercopithecus
Amore vesano fouet,

Et necat amplexu, formam admiratus & ora
Ridenda, visu & turpia;

Audiat exemplum sacri miserabile vatis,
Aurita qui Thracum potens

Saxa mouere sono, blandâ prece carminis ima
Ditis refregit atria,

Non exorato portas adamante rigentes
Ingressus, ut raptam sibi

Eurydicen superis Proserpina redderet auris,
Lyra sonantis premium.

Reddita iam fuerat coniux, cum ponè sequentem
Iurata contra fœdera

Respicit infelix Orpheus, & quam nimis ardet,
Amando perdit coniugem.

Tristia Narcissi quis funera nescit, & ignes?
Quem fontis umbra lucidi,

Et sterilis decepit amor, dum prendere vultus
Imo repercussos vado

Sollicitus, vise tabescis imagine forma

Amator imprudens sui.

Ergò caue, quisquis simili vesanus amore,

Apollinari laureâ

Carmina digna putas, nugis quæ plena canoris,

Sed cassa rebus parturis

Iratis Musis. Tantum sitis improba laudum

Suadere amat dementiæ.

Non eadem nobis es, RONDININE, monendus,

Ocelle gentis Itale,

Noster amor, qui iura licet diuina piorum

Perfusa doctrinâ Patrum,

Et Latij veteres, & Graia Palladis artes

Claudas capaci pectore;

Non idèò temet vanus miraris, ut ales

Superba Iunonis solet

Pandere laudata gemmata volumina caudæ

Ad discoloris Iridis

Inuidiam. Quin ipse grauis tua carmina censor,

Linenda cedro carmina,

Exigis ad limam, non dedignatus amici

Sensum atque mentem exquirere

Ingenui: nec theta nigrum quandoque recusas,

Aut pollicis versi notam.

Sic Venusinorum sermonum candidus audit

Iudex Tibullus, & suos

Nasoni solitus recitare Propertius ignes

Arbitrio illius stetit.

Sic & Apelleas Lysippus sapè tabellas

Colore viuo perlitas,

Signaq; Lysippi spirantia doctus Apelles

Curâ recognouit pari.

Nempe minùs peccat, prabere fidelibus aurem

Quicumque praeceptis amat.

Nec metuit Banios, qui sese, iudice recto,

Castigat erroris reum.

Ingenium quicumq; suum pluris facit aquo,

Non aestimandus posteris,

Aut tinceis epulas, aut scombris debet amictum,

Ridenda vulgi fabula.

AD

A D

GVILIELMVM SVVM,

Româ per Galliam, vbi Marfilix portu ob pestilentix suspicionem prohibitus, Telone susceptus, & Lugduni graui postmodum morbo tentatus fuit, in Germaniam ad suos proficiscentem anno M.DC.LVI. Non, Nouemb.

Ergone Tyrrhenum volitanti per mare puppi,
 Et impotentibus Notis
 Credulus, ire paras?

Nec fœdas hyemes, nec monstra natantia ponto,
 Nec saxa palles naufraga?
 Quin etiam fidei

Immemor antè data, Romam fugis, atque sodales,
 Et fratris, ô vitâ mihi
 Frater amabilior,

Deseris amplexus votis tua vela sequentis,
 Ne seuius illis Africus
 Ingruat, aut Boreas.

Verùm age, quando fugæ certam iam nulla morari
 Mentem queunt suspiria,
 Oceanive mine,

I felix,

*I felix, longumq̃, vale, celeremq̃, carinam
Regant benigna sidera*

Fratribus vnanimis

*Tyndarida, pelagiq̃, potens Neptunus eunti
Irata componat freta,*

Nereidumq̃, chorus

*Adsit, & alma Thetis, dum ventis vsque secundis
Sparsas per aquor Stæchadas,
Phocaicosq̃, sinus*

*Attigeris. mora nulla: petas tunc sospite cursu
Optamus urbem, quam celer*

Alluit hinc Rhodanus,

*Illinc lentus Arar. Sed quid præsaga futuri
Sinistra fata mens timet?*

Sit, precor, augurij

*Vana fides, meritisq̃, tuis votisq̃, tuorum
Permota, spes Germania*

Numina respiciant.

*Hinc infelici positas in rupe Gebennas
Præteruolabis, & iuga*

Plurima sideribus

*Proxima transgressus, descendes flumine Rheno
Beata demum patriæ*

Arua videre tue,

Arua

*Arua olim proavis regnata, & cade Latinâ
Conspersa, quâ Varus graui
Stratus ab hoste iacet.*

*Quos ego nunc plausus audire? quot oscula caris
Diuisa amicis, intima
Quas videor lacrymas*

*Cernere latitia testes? quæ gaudia fratrum
Terrâ mariq, deuium
Fratris iter reducis,*

*Et res optantum nostras, Italûmq, labores,
Et facta ALEXANDRI inclyta
Noscere? quæ dubijs*

*Narrabis meliùs rumoribus, ipse fidelis
Spectator: ut pulsâ fame
Finibus Ausonia,*

*Illius auspicijs opulento Copia cornu
Bearit vrbes, & redux
Frugibus arua Ceres:*

*Vt nunc consilijs presentibus, impiger Hydra
Qualis renaſcentis caput
Amphitryoniades,*

*Infestam Latio pestem premat inclytus Vrbis
Seruator, hinc & patria
Audiat vsque Pater:*

Nec

*Nec tamen has inter curas , terrarūq; mariq;
Creta laborantis piam*

Mittere rebus opem

Cesset , & Europa conuertere bella furentis

In regna latè barbara

Thracis , & exitium.

Hac & plura tuis memorans , nec vota silebis

Roma precantis iam diu .

Egregio iuueni

Virtutis patrue vestigia sacra legenti ,

Decus Latina Purpura ,

Et meritos titulos.

Intacti siquidem mores , animusq; benignus ,

Ac vena diues ingeni ,

Cultaq; Pierijs

Artibus , & Themidos studijs , ac sub lare sancto

Nutrita mens , & indoles

Viuida CHISIADÆ

Spem faciunt , curas partito ac pondera mundi ,

Longos ALEXANDRO fore

Et sine nube dies.



POEMATA
IANI
ROTGERI.

1000

1000



A D

FERDINANDVM
FVRSTENBERGIVM,

De secessu Tiburtino.



*Iucunda quies ! ô blanda papauera
somnia,
Et pia Lethaeis frons medicata va-
dis !*

*Callida nocturnas oculis properare tenebras ,
Dum medijs calo sol calet altus equis.
Vidimus hanc tacito tua spargere tempora succo,
Et geminas vnâ condere nocte faces.
Fusus eras , memini ; vitreas Anienis ad undas,
Curua quibus gelidum vallis opacat iter.
Officiosa salix Phœbi summouerat ignes,
Pietaq; natiuum struxerat herba torum.
Densa soporifero nutabat silua susurro,
Miscebantq; leues amnis & aura iocos.
Et volucrum liquido suctarum fluminis aluco
Mille dabant varios guttura mille sonos.
Talis in Aetæis iuuenis Theſeius umbris
Concidit, hirsutos sternere fessus apros.*

Talis & auctum sopor est complexus Iulum,
 Didoni strueret cum Venus alma dolos;
 Et bene cognatos simulante Cupidine vultus
 Idalias premeret languidus ille rosas.
 Ast ego nunc amnem, tua nunc vigil ora tuebar:
 Nunc in Callimachi versibus omnis eram:
 Nunc mihi fingebam maturas solibus vuas
 Ad gelidos fontes prætereuntis aqua,
 Purpureosq; auido ducebam gutture succos.
 Sæpe mihi tales dent mea fata dies.
 Querat auarus opes, petat ambitiosus honores:
 Sit procul à tanto nostra furore quies.
 Quid, miser, auriferi medio tibi proderit Hermi
 Gurgite Tantaleam semper hiare sitim?
 Quid Siculas valles, montiq; propinqua Veseno
 Mille boum gemitu vertere rura inuat,
 Horrea si crescens tibi rumpit & ilia messis,
 Teq; simulq; tuas arca flagellat opes?
 Aurea sollicito tibi spumant pocula Baccho,
 Et vigiles noctes lectus eburnus habet.
 Prisca quies tacitis nemorum se condidit umbris,
 Et colit angustos vita beata lares.
 His mea pauperies populo secreta latebris
 Regales animo diuite vincet opes.

Sed

Sed neque longævis nemoralis Aricia lucis,

Nec liquido cepit me vetus Alba lacu.

Incluta Romulidum quondam Præneste voluptas

Nunc sitit, & nudis horret ubique iugis.

Explicat urbanos opulentia Tuscula luxur,

Sed nimiam adscitus displicet arte decor.

Tiburis Herculei nobis iuga candida rident:

Stat mea iudicio, Flacce, Camæna tuo.

Hic veniunt segetes, veniunt feliciter vva:

Autumno hic gravidus diuitem gemmat ager.

Hic non falsa suis oleagina silua colonis

Palladios colles & iuga summa tenet.

Ipsa quoque asperitas, & rupibus insitus horror

Temperat ingenium deliciisq; soli.

Quid loquar ut nitidas Anio pellucidus undas

Voluat, & electo purior arua riget?

Iamq; vago cursa & lapidosâ exercitus irâ

Mollior Herculeos lambere gestit agros,

Et veluti flabris crispatum lenibus aquor

Composita repens otia ludit aqua,

Cum subito lapsu barathrum ruit omnis in imum.

Condendum inferno iam Phlegethonte putes.

Rorantes canâ latrant aspergine cautes,

Et farit horribili spuma Aniena sono.

*Mox vasto exesi sorbetur montis hiatu,
 Precipitatq; trucem per caua saxa fugam.
 Trunca iacent ripis saceli monumenta vetusti,
 Et premit informes alta ruina domos.
 Hac Mæcenatem spirant, hæc rudera Flaccum,
 Rudera Pierijs deueneranda sacris.
 Hic illa imperio Romani par lyra mundi
 Subdidit Italico carmina Graia iugo.
 Hac obscura specu stimulante Sibylla calescens
 Numine fatidicum sæpè canebat epos.
 Excitus hisce adytis venit in præcordia vatum
 Feruor, & acceptis ignibus ossa calent.
 Parte aliâ vasta semesa cadauera molis
 Sparsa per Argeos conspiciuntur agros:
 Quâ tua magnanimâ labor improbus arte cœgit,
 Fucine, per dociles ire fluentia vias:
 Ausus & obstantis perrumpere viscera montis,
 Roma peregrinis ut frueretur aquis.
 Hic utinam astiuos liceat mihi condere soles,
 Vesanus Latios cùm leo torret agros!
 Icarijq; canis vapor atrox incubat Vrbi,
 Et ducunt mæsta funera crebra via.
 Hic reducem, inuerso signis pluuiialibus anno,
 Excipiat modico Roma beata lare:*

Et procul à strepitu fumoq, volubilis aule
 Claudantur tacito gaudia nostra sinu.
 Sic placidis annis, & amano carperer aeo,
 Et fluerent niueâ stamina nostra colo.
 Sed quid agis? tibi vana miser quid somnia fingis?
 Quid rapido iactas irrita verba Noto?
 Te sua Hyperboreus reuocat sub plaustra Bootes,
 Sæua Lycaonij te manet axis hiems.
 Sæpè dies solidos patrijs pulsabere nimbis,
 Sæpè rigens glacie vel niue canus eris.
 Coëta Ceres Tiburtino succedet Iaccho,
 Spumosaq, cadet face peremta sitis.
 Parua queror: fugimus Phæbumq, nouemq, Sorores,
 Et mea Pegaseus deseret ora latex.
 Iam mihi Perrhebi nemora euanesçere Pindi,
 Iam dubius condì nube videtur apex.
 Castalijs mihi triste vale iam redditur antris,
 Mæstaq, suprema vocis imago redit.
 Nubiferas gradiar sine te, FERNANDE, per Alpes,
 Dimidiaq, anima parte carebo mea.
 Quaq, sacras vidi quercus, montesq, moueri,
 Me linquet Claria vox tua mista lyra,
 NATALISq, tui cultissima Musa Latinas
 Quàm procul heu nostrâ tendet ab aure fides!

*Docta FAVORITI nobis mutescet arundo,
Tritaꝫ, bucolicis labra canora modis.*

• *Fata reluctantes rapiunt, ducuntꝫ, volentes :*

*Non moror, austeram sponte vorabo viam,
Vos remanete, quibus pronâ fors annuit aure
Molliter in gremio posse cubare suo.*

*Vivite felices, auumꝫ, agitate serenum,
Quaꝫ, vehit vestras, prouehat aura rates.*

*Diuus ALEXANDER, Superum iustissima cura,
Orbis amor, Romæ vita decusꝫ, sua,
Vincit ut eloquio, sic Nestora vincat & annis,
Utꝫ, beat iuuenes, vos beet ipse senes.*

*Me mea fata trahant, casus retrahantꝫ, per omnes,
Me ferus Arctoo demetat onse furor.*

Me petat ipsa suis glacialis rictibus Vrsa:

*Latius ALEXANDRO sospite cuncta feram.
Cumꝫ, seuera meos euoluerit Atropos annos,*

*Latius ALEXANDRO sceptrâ tenente cadam.
Sospite ALEXANDRO mea molliter ossa cubabunt,
Atque fauilla leui nostra premetur humo.*

IN FVNERE
SIDRONII HOSSCHII

E SOCIETATE IESV.

O Noctis aternæ atque Erebi pudor,
 Crimen Deorum, lurida carnifex
 Mundi ruentis, quam tot atro
 Sacra iuuat vacuare penso!
 Quæ saua Erinny, quodve odium vetus,
 Famæve magnorum improba funerum
 Te concitavit in verendum
 SIDRONII caput immerentis?
 Fatum serena molliter aureum
 Nebant sorores. Dum propior Deo
 Poëta nil mortale cantans
 Tanarias tremefecit umbras,
 Arrexit aures Orcus, inertior
 Styx hæsit, ingens continuit canis
 Riētus trifauces, & Megara
 Viperei siluere crines.
 Tu sola funestam rabiem intimis
 Coquens medullis, diceris inclytum
 Plutone deprecante stamen
 Sacrilegâ secuisse dextrâ.

N 3

Scelus

*Scelus peractum est. Magni Elegi tacent,
 Nec par Tibullo gratia, ceu prius,
 Cantando iam Scaldim moratur
 Precipitem, lacrymisq; Mosam
 Latè tumentem. Quin sacra lugubri
 Clamore Parnassi antra remugiunt,
 Pracordijsq; excussa mæstis
 Per virides gemit aura lucos.
 At victor orbis sidereos premit,
 Aurâq; Diuûm vescitur HOSSCHIVS,
 Et iura Minois seuera
 Despicit, inuidiamq; Parca,
 Quid victa frendes? rumpere liuida
 Mortis satelles, rode manus reas,
 Caputq; nequicquam scelestum
 Tartareo Phlegethonte cela.
 Precisa vaturn vita repullulat
 Ringente Auerno. Non timet Atropon
 Mens plena Phæbi, sed superba
 Fata sinistra domat triumpho.*

IANI ROTGERI.

203

IDVS FEBRVARIÆ,

NATALIS

FABII CARDINALIS,

CHISII.

P Ande natales Heliconis umbræ
Dulcis Euterpe, fidibusq; mistâ
Voce Pimpleo madidum lepore
Dic, age, carmen.

Bina Parnassi iuga gratulante
Annuant lauro; genitrixq; docti
Fontis extundat caua largiores
Vngula succos,

Vltimas brumæ fugientis IDVS
Phæbus aternis reuehet quadrigis,
Prima nascentis quibus ora CHISI
Vidit, & arsit.

Mox nitens frontis inbar, & coruscas
Regij currus geminauit ignes;
Fluxit inuersâ Ganymedis urnâ
Nectar & aurum.

Mater

*Mater Heroum genitrixq; Diuūm
Rite ſollemnem venerare lucē,
Sena, quæ magni tibi prima riſit
Conſcia partus.*

*Adſtrepāt latis vagus Vmbro lymphis:
Certet Vmbronī Padus, & loquacis
Incola ſtagni geniale cantent
Carmen olores.*

*Martia pubis Melite palæſtra,
Cladis extrema mora, quam ruentis
Rebus Europa propè plena Thracum
Luna minatur,*

*Hic dies ſemper tibi feſtus ærē
Bellico flammas vomat innocentes,
Clasſis inuiſta fremat omne ludis
Littus & aquor.*

*Canus Alpinā niue Rhenus vdos
Palladis ramo cohibens capillos
Juſta ſuadentem memoret ſequeſtrum
Otia pacis.*

*CHISIO puris Amasīs fluentis,
CHISIO ſegni putris Alpha ſtagno
Plaudat, & ſperni Mimigarda gaudens
Carmine Vatis.*

*Roma terrarum caput, una magnis
Tu pares reddis Fabijs honores.*

Fallor? an crescens latet in vixenti

Maximus herbâ?

At Sibyllinos aperire libros

Mitto: secreto praperet meatu

Ordo fatorum, tacitâ futurum

Nocte prematur.

A D

PHILOMATHEN,

Germanos Nobiles suo exemplo ad
politiolem literaturam ab asperio-
ribus studijs reuocantem.

D *Vdum madenti sanguine Teutonum
Deuota Marti spreuit Apollinem,*

Araſq; Bellonæ cruentas

Posthabitis coluit Camænis

Abrepta ſauo pectoris impetu

Germana pubes. Per fera prælia,

Per arma, per cades ruebat,

Præcipiti velut Iſter undâ,

Maſtan.

*Maestanda vana victima gloria.
 sic gentis ortum, sic genus inclytum
 Probare, sic pulchrâ decebat
 Morte suas animare ceras.*

*Altum silebant Aonia fides,
 Dum delicatum tendere barbiton
 Denitat, imbelliq; pleetro
 Mollta sollicitare fila,*

*Assueta ferro dextera nobilis:
 Dum militari tempora laureâ
 Virent, triumphalesq; suadet
 Othryadis truculenta Sparte*

*Semper legendas discere literas.
 Phæbi patebat Pierium nemus,
 Et sacra tractabat verenda
 Vulgus iners, animaq; viles,*

*Cum stirpis alta diues honoribus,
 Phæbi benigno non sine numine,
 Profectus extremis ab oris*

*Italia peregrinus Heros
 Ad vasta Rheni flumina, non suis
 Rubentis undis, virgineam chelym
 Pulsare, percussisq; nervis
 Castalios sociare versus,*

Et are triplo corda rigentia
Mollire caput non minor Orpheo,
Phœbumq; Germanis serenum
Restituit, iuuenesq; Musas.
Non indecorum est hoc duce & auspice
Adire montis Gorgonei iuga,
Specusq; doctas, & virentem
Patidicis Heliconæ lauris.
Ad magnæ nati discite Nobiles
Æternitati scribere: discite
Aptare carmen, quod futuro
Posteritas legat omnis ævo.
Plenum recepto pectus Apolline
Numquam obruendis nobilitat suam
Stirpem trophæis. Mors & ætas
Cuncta rapit: manet una virtus.
Videtis alto sidera vertice
Ferire docti carminis alitem:
Videtis in quantâ triumphat
Philomathes celebratus aula.
Iunguntur uno pectore principis
Et vatis artes: unica mens Iouem
Musasq; miscet, & capaci
Cuncta sinu generosa claudit.

Rum.

*Rumpatur ater liuor, & inuidos
 Corrodat unguës, dum pariter tibi,
 Vir magne, plaudit Vrbs & Orbis,
 Cuius onus geris alter Atlas.*



P O E M A T A

P O S T V M A

N A T A L I S

R O N D I N I N I

S. D. N.

A L E X A N D R O V I I.

P O N T. O P T. M A X.

A B E P I S T O L I S A D P R I N C I P E S.

1871

1872

1873

1874

1875

1876

1877

1878

1879

I N F V N V S
 SIDRONII HOSSCHII
 E. SOCIETATE IESV.

Cùm tristem de eius obitu nuntium accepisset Assisij in Vmbriâ, vbi cum fratre suo Paulo Æmilio Rondinino S. R. E. Cardinale, Assisij Episcopo, morabatur.



*Vm fecunda suis me detinet Vmbria
 campis,
 Vmbria siluosis ardua verticibus;*

*Aurâq; vere nouo Zephyris impulsâ serenâ
 Molliter argutis obstrepit in folijs;
 Diffunditq; animum ruris conspecta voluptas,
 Hei mihi, quos luctus nuntia fama tulit!
 Vt nihil in terris liquidum est! ut Numina sæpe
 Dulcibus admiscant rebus amaritiem!
 Hosschiades, (quid nunc faciles in carmina Musa,
 Quæq; erat ingenio laurea parta iuuant?)*

Hosschiades, quo se tantum iactabat alumno
Belgica Romanis amula nominibus,
Quantum, quæ Latio Cyrenen prouocat ore,
Vmbria Callimacho facta superba suo;
Ille decus vatum, leto præreptus iniquo est,
Dum canit, & gratâ sidera voce tenet.
Sic ubi sensit olor gelidæ succumbere morti
Lumina, vicinas præcinit exequias.
O nemora, ô dulces, quos hæc habet ora, recessus,
Doctarum sedes hospita Pieridum,
Vos eritis testes, ut mors hæc funditus omnes
Surripiat nostro delicias animo.
Nec me iam Verni capiat clementia celi,
Nec varium terræ fertilis ingenium.
Hic videas molli cliuosos tramite colles;
Difficiles illic ad iuga summa vias.
Illic saxa inter flunio Clitumnus amæno
Prosilat: hinc niueos integit umbra lacus.
Clitumnus, quo non Cereri, non alter Iaccho
Gratior, & niueo, qui bibit inde, gregi.
Oppida nunc miror crebris succrescere siluis,
Et nemora antiquas inter opaca domos.
Nunc miror positas altis in montibus arces,
Quæq; in subiectâ mania valle latent.

Hic

Hic gelida inuitat decedere solibus umbra,
 Quà crepitante leuis defilit unda pede:
 Hic, quæ rugoso seruent in cortice fagi,
 Ludere, quæq; canat dux gregis inter oues.
 Sed nihil ista iuuant: me tantùm flere sub antris,
 Et magnâ manes voce vocare iuuat.
 Siqua fides nostris tangi quoque fletibus umbras,
 Credibile est vatem, Cynthia, flecti tuum.
 Quicq; unâ tumulto teneri conduntur amores,
 Non ignes, solitas non habuisse faces.
 At tacitos iuxta cineres qui labitur annis,
 In mare turbatis mæstior ibat aquis.
 Et, quales olim cognati in funere vatis,
 Soluebat multis inferias lacrymis.
 Consuetaq; via, & lata inter gramina ripe
 Inmemor, oblitum sæpè retorsit iter.
 Quis tibi, Mosa pater, mæsto sub gurgite sensus,
 Hac propior nam te cura premebat, erat?
 Cùm rapidas tecum Vahalis confunderet undas,
 Confusas unâ miscuit & lacrymas.
 Heu pater infelix, qui dum volueris, amara
 Perpetui luctus in mare signa feres.
 Nec iam auro, & latâ præcinctum tempora myrto
 Excipiet tectis Oceanus genitor.

*Sidroni interea, seu te noua gaudia calo,
 Seu te culta tenet vatibus ora sacris:
 Si te tangit honos, & adhuc sunt carmina cura,
 Nec toto cessit pectore noster amor:*

*Aspice, quem statuat tumulum tibi Roma, quod inde
 Iudicium de te posteritatis erit.*

*Non omnis moriere: tui pars maxima viuet,
 Et cineri merces magna futura tuo est.*

*Mærenti Chisius dum te sub pectore condit,
 Non poteras tumulo nobiliore tegi.*

FERDINANDO FÜRSTENBERGIO,

*Musas Philomathis iuueniles auctiores
 cultioresque in lucem proferenti.*

T*Andem reuisunt aureum iubar solis
 Musa Philomathis: gratulentur, & plaudant,
 Quis & labores, & pericla, qua terris
 Mariq, subeunt, aut seuera curarum
 Lyrâ subinde tibiaq, solari
 Incessit ardor. Quem sequantur, hîc cernunt.
 Hac ille, seu dum praeliantibus fertur
 Per alta ventis, quâ fretum Cyclopeis*

Fernens

Fervens caavernis astra verberat fluctu,
Seseq̃, mox resorbet & suas iras :
Siue arduis dum nubibus cinctas caput,
Niubusq̃, numquam non iacentibus canas
Volat per Alpes: fessa namq̃, votorum
Europa cursus urget, atque opem poscit:
Hac ille, dum Mars fas nefasq̃, permiscet,
Vnaq̃, pestes cetera diem inuadunt,
Et clade tumidus decolorq̃, Vistillus,
Albisq̃, & vno haud nomine in mare irrumpeus
Miratur ire Rhenus haud suos fluctus,
Et spes in illo magna nititur pacis:
Hac ille, tanta mente dum sedet mplex,
Hac ille cecinit, sicubi fatigatum
Suis sub antris frigidaq̃, lucorum
Vmbra virentium recreavit Euterge,
Seu Dorium quid, siue Barbarum mallet.

Sed ille, curas fallere, ac sibi tantum
Intusq̃, gaudens canere, nil petens ultra,
Non puncta fama, pollicesq̃, laudantium,
Feliciūq̃, pramium libellorum,
Imbuta cocco lora, regias chartas,
Pictum umbilicum, luteamq̃, membranam,

O 4

A14-

1 Vistillus idem qui Vistula Plinio lib. 4. cap. 17.

*Araneoſo iuſſerat ſitu turpes
 Latere, tenebris abditos inacceſſis
 Tot elegantis ingeni ſacros ſeruo.
 Heu dura patris iuſſa! tam legi digna,
 Tam lata cultu Muſa, tot venuſtatum,
 Tot & iocorum non nocentium mater
 Sic deliteſcat inuoluta deformi
 Silentio, nocteſq̃, carpat aternas,
 Squalens, iners, ignota? Non tua id fuit,
 FERNANDE, pietas, indoleſq̃, Phæbeas
 Attollere artes nata, cui, poëtarum
 Plaudente cœtu, literarios faſces
 Submitter olim Roma, quaſq̃, nunc proſers
 Debebit ordo ſeruo eruditorum.
 Tu namque patris atque Apollinis plenus
 Suis latebris eruta ſinum pandis,
 Fædaq̃, primùm temporum leuas rabe,
 Dein & nitorem, & gratiam, & decus forma
 IUVENILE adauges, & frui iubes cælo.*

*At vos edaces, noxium genus, blatta,
 Abigenda longè lenibus lues chartis,
 Alibi reſtam quærite in cibum prædam,
 Seniumq̃, turpe paſcite, aut putres libros,
 Quos ruga, & atas, & ſitus fatiſcentis*

Cupſa

*Capſa peredit, aut terebinthum morſus.
 Perennitatem Phœbus his licet Muſis,
 Triplicesq; canum ſpondeant Deæ nomen,
 IUVENILE numquam concidet decus forma.*

AD CHOREAM,
 fontem Tiburtinum, in vicinum
 Anienem influentem.

CHorea Naiadum pulcerrima, Choreæ lento
 Seu celeri graderis per caua ſaxa pede;
 Vortice ſeu placido lymphas reuoluta reſorbes,
 Pronocet ut ranco gurgite murmur aues.
 Nempe tuâ captum formâ, niueiſq; lacertus
 Vicinum fama eſt incaluiſſe Deum;
 Sapius & traxiſſe imo ſuſpiria corde,
 Atque auxiſſe ſuis flumina de lacrymis;
 Donec & ipſa Dei longos miſerata dolores
 Aternos pœta es carula Nympha toros.
 Siſte fugam nemoris Dea, quâ propè porrigit umbras
 Quercus opaca altis ambitioſa comis.
 Nulla hic inſidiæ, non caco commodius hoſti
 Trames, & occultâ conditus arte dolus.

Quin Satyri procùl hinc, procùl hinc agrestia Fauni,

Quæ tegat intonsâ numina fronde nemus,

Illa tamen properat duro obsequiosa marito.

Sollicitat timidos heu quoque cura Deos.

In malum Poëtam, cuius versibus in-
somnem noctem traduxerat.

H*Eu male quid merui? nam quæ me numinis ira*
Vexat, ut ex oculis exulet usque sopor?

Roscida seu redeat, solemq; Aurora reducat,

Seu praecepto alto nox ruat Oceano,

Me tamen insomnem Eoo de litore Phæbus,

Insomnem sero vespere Luna videt.

Quæ commissa luo? quo lassus crimine tantum

Sauis? quid meritum, languide somne, fugis?

Ah vos impuri vos infestissima vatis

Carmina, vos metuit territa nempe quies.

Vos male compactis pedibus, numerisq; solutis

Heu miseris vel adhuc auribus obstrepitis,

Phæbe pater, si ritè tuis adoleuimus aris,

Et dedimus sanctis annua tura focis:

Sic intacta sacros praeingat laurea crines,

Aeternum vireat sic tua cura nemus:

Vrantur permittite tuis mala carmina flammis,

Sic laso cecidit victima quoque Deo,

IN

DIONYSII PETAVII

obitum, & restitutam ab ipso
temporum rationem.

I *Am spatijs dimensa suis revolubilis aetas
Per te ibat, numeris currere docta suis,
Immeritum cum te, PETAVI, sustulit; error
Quem tu corrigeres hic super unus erat.*

A D

AVGVSTINVM FAVORITVM,

remissis auctori pro vitreo poculo
hendecasyllabis.

A *Vgustine, nouem decus Sororum,
Atque idem pater elegantiarum,
Idem flos & ocellus literarum,
Qui me pro vitreo scypho impolito
Donasti hendecasyllabis politis:
Quales vel faceret meus Catullus,
Vel si quis melior fuit Catullo,
Si quisquam melior fuit Catullo.
Nam me continuo die bearunt,
Ac tot tadia pessimi dierum*

Ætatis

Æstatis sitientis abstulerunt.

Quod si munera nostra deputantur

Tanti, iam cyathos venustiores

Queram, & pocula puriore vitro.

Tu contra, ut semel excidere, mittes

Puro carmina puriora vitro.

A D

STEPHANVM ABBATEM

GRADIVM.

CUM ALEXANDER VII. Pontifex

Maximus renunciatus esset.

SI mihi quæ dextro tibi numine sapè vocantur
Auxilio blandi carminis Aonides

Dictarent, quod nec seris venientibus annis

Oblito doctorum effluat ex animo;

Nec præsens atas, atroxq; imbuta venono

Infelix ausit deterere invidia,

Supremaq; favilla, & nigri funeris expers

Effugiat taciti temporis insidias,

Docte GRADI, mihi quem dulces ante omnia Musæ

Iunxere, & puro pectore culta fides,

Et facilis vis eloquij, quæq; aurea mentem

Formavit dictis Attica Suada suis:

Non

Non sperem titulos, non laudes ire per omnes
Maximi ALEXANDRI; aut incluta facta virum,
 CHISIA queis stat fulta DOMVS, quos vinida virtus
Extulit, aut propior sideribus pietas.
Nam cui vel tantum presens facundia, tantum
Idem hominum dederit calicolumq; potens,
Egregias landes, eternaq; facta referre
Vt queat, & meritis versibus equiparet;
Ille etiam, quâ desertas Libye inuia terras,
Brachiaq; Europe porrigit Oceano,
Angusto quas diuulsas absorbet hiatu,
Et brevis Herculeo diuidit vnda freto,
Quos male contempsit praeceps audacia fines,
Nil metuens vetitas leti aperire vias,
Enumeret, quot vicine tundantur arene
Fluctibus, euersas cum ciet Eurus aquas;
Aut quot vere nouo submittat Dædala flores
Aura Cytheriacis incola litoribus.
Quis dicat Tuscas latè data iura per oras,
Æquoraq; Herculeæ supposita specula?
Aut Macereti molli surgentia clino
Mænia, & antiquis addita tecta ingis?
Heroum tellus olim fecunda, vel armis
Vel pace egregium qui peperere decus:

Nunc

*Nunc tenues ibi reliquia vix nomina servant ,
 Lentaq; pastoris fistula cogit oves.
 Inde tamen missi , qui cali ingentia templa ,
 Et Diuûm cœtu limina concelebrant.
 Felices turres , queis olim pauper arator ,
 Et saluis faciat frugibus agricola.
 Ecquis opes , cœnasq; Deûm , quâ se atria tollunt
 CHISIA Pompeijs amula porticibus ;
 Quas subterlabens miratus Tybris ab amne est ,
 Credita dum celeres gaza moratur aquas ,
 Eâ imo siluas speculatur , & aurea tecta ,
 Et pictos lusus , ô Galatea , tuos ,
 Artis opus mira , pelago quam semifer omnis
 Tritonum insequitur , Nereidumq; chorus:
 Ecquis regifico constructa altaria luxu
 Et ductas Libyco è marmore pyramidas ,
 Quæ sub ALEXANDRO priscum monumēta nitorem
 Ceperunt , ac turpe exuerunt senium.
 Tot curas inter , terrarum & publica vota
 Non hac præteriit pronida mens animi.
 Quin & Niliacos moles imitata labores
 Castia , par tumulis , barbara Memphi , tuis ,
 Hoc rerum domino vastis egesta ruinis
 Non debet fatis tristibus interitum.*

Nec

Nec solum antiqui redeunt hoc Principe mores;

Antiquum sed cum moribus omne decus.

Sit clarus licet ille, & quæ sol aureus exit,

Et quæ se cana Tethij restituit,

Illius & latè referat nomenq; decusq;

Cognatas inter Naiadas Eridanus:

Eridanus, cuius cycnos hoc fama canente est

Attonitos medijs conticuisse vadis:

Quæq; viris armisq; potens sistentia contra

Insula deserta litora stat Libya,

Et Mosa, & fumans ciuili sanguine Rhenus

Ingentes titulos & benefacta ferant:

Non reticenda tamen, functi aternas quibus ipsi

Heroes grates pro studijs solüunt.

Ille vel in teneris cum iam pubesceret annis,

Atque atas primum viuida ver ageret,

Postquam animo sibi regnandum peragrauerat orbem,

Ortaq; de primis omnia seminibus,

Et propiore Deum spectaret lumine, quantum

Mortales fas est tendere contra oculos,

Multa satis lufit: norunt siluæq; lacusq;

Muscosisq; cadens Arbia pumicibus,

Quæq; viri indignum lugens Cornelia fatum

Hospitijs testes numina pofcit opem.

Nec

*Nec curas inter, iuuenilia carmina Musas
Dimisit fessi delicias animi.*

*Adfuerunt semper faciles ad iussa Sorores;
Et quamvis medio tenderet ille mari,
Alpibus & quamvis, Alpes ille, & mare seuum
Fontibus & sacris antetulere ingis.*

*Et loca nunc culto relegebant singula versu,
Nunc fera damnabant munera militia.
Quin scrutaretur dirum cum viscera ferrum,
Et leti inficeret pallidus ora color;*

*Qualis Maandri ripis, aut Asia cygnus
Dum ludit pennis per vada purpureis,
Pectora transfixus, liquido de gutture voces
Elicit, ac gemitus litora pulsa iterant,
Inspectans calum, & tristes solatus amicos
Lenibat numeris vulnera flebilibus.*

*Interea trepidum versans sub corde timorem
Adstabat Divis vota ferens Pietas:*

*Et nunc muta metu, misero nunc perdita luctu
Tendebat supplex brachia calitibus,
Ne fessis olim missum succurrere rebus
Ante suum raperet mors violenta diem.*

*Sed iam pone metum Pietas: en Maximus orbem
Sospes ALEXANDER temperat imperio.*

AD

NATALIS RONDININI. 225

AD SERENISSIMUM
GENVENSIS REIP. DVCEM
AVGVSTINVM CENTVRIONEM,

Cùm primùm noui Magistratus fasces
attolleret, summâ ingeniorum con-
tentione celebratos.

Aureus ut primùm nitidis emerſerat undis
Lucifer, & noctem vicerat illa dies,
Quæ tibi laurigeros, virtutis præmia, fasces
Detulit, & munus vidit inisse tuum,
Et patriæ res & curas, sanctiq; Senatus
Excepisse animis publica vota tuis,
Adfuit ad plausus vasti gens humida ponti
Tyrrenæ liquido Tethyos acta sinu;
Formosa visu facies, Drymog, Thoeq;
Et quas prætereà longa referre mora est.
Quas inter patrio percussus numine Proteus
Hæc Latij fertur præcinuisse modis:
Macte animo: extulerint homines quæ maxima
quondam
Gesseris; at quæ dehinc, auguror, astra canent,
Dixerat: & plausum iussit dare protinus omnes
Quos habet vnda Deos, quas habet vnda Deas.
P Ego

Ego dormio, & cor meum vigilat.

Nox quāvis oculorū ignes premit atra nitentes,
 Et condant somno lumina victa faces;
 Lumina quæ circum casti glomerantur Amores,
 Et Pudor, & triplici Gratia nexa choro:
 Nox tamen assiduis lacerat præcordia curis,
 Imperat atque oculis irrequieta quies.
 Nec prius obrepet, qui laxet pectora, somnus,
 Quàm sternas capiti molle cor ipse meo.

LVSVS PASTORITIVS.

Durus Oryx torquere gravi seu spicula cornu,
 Seu terrere leues per nemora alta feras:
 Quem toties succincta habili Dictynna pharetrâ
 Mirata est agiles inter Hamadryadas:
 Cùm premeret calo medium sol igneus orbem,
 Præberet lasso cùm brevis umbra torum,
 Multa inter quercus querulâ prolusit auenâ.
 Obstupuit doctos Nympha secata modos.
 Ipsa etiam tacitis stupuerunt Naiades undis,
 Ipsa etiam Arcadij fistula victa Dei.
 Ille etenim nunquam sacris vocalia lymphis
 Antra, Meduseos attigeratq; lacus.
 Sed quæ etiam indoctas silvæ docuere volucres,
 A silvis didicit carmina durus Oryx.

Psy.

PSYCHE, seu fabula Papilionis.

Nympharum Psyche quâ non fuit altera totâ
 Palcrior Arcadiâ, cui cura nec vlla flaentem
 Aut mulcere comam, aut tenues percurrere telas,
 Miles erat Phæbes, voluitq; inculta videri,
 Et placuit: nemora & sylvas nec gratior vlla
 Attigit, aut montes venatu terruit vlla.
 Iamq; toros tædis ætas matura iugales
 Spondebat: fugit illa faces & nomen amantis,
 Seq; odit, votoq; dolet quod forma repugnet:
 Cum satus Iapeto, quem Psyche's mater eodem
 Ediderat Clymene fortunatissima partu,
 Attulit inuentum calo mortalibus ignem,
 Nec benè digestam, & certâ sine imagine massam
 In speciem eduxit moderantum cuncta Deorum.
 Ille (fide maius) lapidem vix admouet igni,
 Paulatim letalis hiems de marmore cedit.
 Vincula mollescent genuum, saxumq; relinquit,
 Vitalesq; vias & respiramina liber
 Spiritus intus obit: vocis recluditur usus:
 Conatus loquitur: nil trunci restat in illo.
 Miratur, tacitumq; rogat Psyche inscia fratrem,
 Vnde vigor lapidi? qua tanta potentia flamma?

228 POEM. NATALIS RONDININI.

*Frater ad hac contrà : Donum immortale Minerva
 Aspicias : aſt alios Cypris tibi deſtinat ignes .
 Iam diſtingue comas , & finge decentiùs ora .
 Indoluit virgo , vetitamq̃ agnoſcere flammam
 Attentat propiùs : ſed enim , ceu concitus Auſtro
 Per ſtipulas flauaſq̃ furit Vulcanus ariſtas ,
 Atque alimenta ſuo prabet ſeges arida damno :
 Sic inconceſſòs ubi virgo contigit ignes ,
 In flammas abit , ac veluti è fornace profunda
 Feruentes trahit ore faces , & concipit aſtus .
 Vix fratri cineres , & cognoscenda ſuperſunt
 Ipſius effigies , & qua ferat oſſa ſepulcro .
 Ille ſed exanimis properat , ſemiuſtaq̃ membra
 Componit tumulo , ſumantiaq̃ exta ſororis
 Ambroſia ſuccis , & odoro gramine condit .
 At flamma haud oblita ſui eſt , ſeruatq̃ vigorem
 Ingeniumq̃ ſuum , tumuloq̃ erumpit , iterq̃
 Dat volucris , varijs quæ picta coloribus alas ,
 Nunc etiam vetitos demens circumuolat ignes ,
 Atque ſuas Psyche flammas , ſua damna frequentat .*

POEMATA
STEPHANI
GRADII
ABBATIS.

SS. COSMÆ ET DAMIANI,
PATRICII RAGVSINI.

ATTENTION
MILITARY

INDIA

ADVERTISING

ADVERTISING

ADVERTISING

AD NATALEM RONDININVM

S. D. N. ALEXANDRO VII.

Pont. Opt. Max. ab epistolis
ad Principes.



*Nica Pieridum, Natalis, cura Dearū,
Cui Vaticani peruia
Interiora adyti penetralia fecit in alto
Firmata virtus pectore,
Cuius ALEXANDRI quoties sententia docto
Prodiit ab ore Maximi,
Nil est, quod Latium tumeat Cicerone, suisve
Facunda alumni Gracia:
Clarus Apollineo me nunc à numine vertex
Soractis antiqui tenet
Vrbæ strepitum fugientem & iurgia turba,
Iuuatq; de minantibus
In calum scopulis illinc nemora alta, domosq;
Ferarum opacas cernere,*

*Hinc variam cultu segetem, glebasq; Sabellis
Exercitas ligonibus,*

Et latè in Latios animum dispergere tractus.

Quàm lata vitis arduis

Fusa cacuminibus virides hîc surgit in ulmos!

Quàm flaua aristis aquora,

Quamq; ferax olea collis! quàm lacte capellis

Distenta semper vbera!

Quàm prisci mores hominum! quàm numine mulcet

Auras benigno Iupiter!

Sed me non facies rerum pulcerrima, nec tam

Amica Musis otia,

Quàm veterum capiunt quæ passim ingentia Patrum

Visuntur hîc vestigia,

SILVESTRI magni latebra, quibus ille potentum

Vitauit enses impios,

Haud passus perÿsse manum, quæ cuncta priorum

Abominanda numinum

Vnius adpersu mendacia perdidit vnde.

Quid urbis & thalami fugam,

ROMANÆq; specus memorem, contemtaq; duro

Præ silicis atri tegmine

Sceptra

1 S. Romana, Calpurnij Præfecti Vibis filia, eum nuptijs destinaretur, diuino monitu ad S. Siluestrum in Soracte latentem fugit.

Sceptra olim Ligeri latè dominata superbo,

Saluete rupes aurea,

Proxima cœlitibus sedes : saluete quietæ

Secura mentis gaudia,

Vt mihi iam Regum laqueata cubilia sordent,

Aurata sordent atria !

Nec moror extremus quidquid sub diuite fluctu

Hermusq; voluit & Tagus.

Sed me, ne vestris reliquos in cotibus annos

Nemorum colonus exigam,

Aurea defunctas redeuntia secula in vrbes,

Et cum sororibus vetant

Iustitia, & Pietas cœtus dignata frequentes

Certantium se candidos

Ad sui ALEXANDRI populorum fingere mores,

Et se probare ingentium,

In tanto faciles dederunt quæ Principe Diui,

Non immerentes munerum.

Ille sibi rigidus, sibi inexorabilis uni

Nihil remissi in arduo

Pectore, nil patitur laxi, per dura laborum,

Curaq; rerum maximus,

P 5

Atque

1 Carolomannus, Caroli Martelli filius atque heres, antequam se ad Cassini cœnobium conferret, Soractis montis secreto delectatus fuit.

Atque hominum gaudet Princeps audire Paternq̃,

Nemo obsequentis acrior

Fortuna illecebras calcare, aut falce tremendâ

Neceſſitatis ultima

Immanes vultus animo ſpectare ſereno,

Orando nec præſentior

In Superum iratis extinguere fulmina dextris,

Athena non ſi vox mihi,

Non centum ardenti reſonent ſi gutture lingua,

Merentis ad præconia

Sim ſatis, & laudes valeam me effundere in omnes.

Per montium & quiſquam iuga,

Per ſaltus, fluvioſq̃, ac denia rura vagetur,

Virtutis ut veſtigia

Iamdudum exoſa terras fugientia capiet?

Cum, quanta fulget arcibus

Ætheris in ſummi, Divumq̃, in honore ſuperbit,

Se Vaticani in aureo

Explicuit ſolio, præſentiaq̃, ora beatis

Fruenda dat Quiritibus.

Teſtis Hyperborei dominatrix Virgo profundi,

Quæ diuitem tot inclytis

Regnorum ſpolijs, domitoq̃, Aquilone tumentem

Contemnere auſa Regiam,

Huius

Huius ab aspectu properat splendescere lucis.

Quas tu frementis undique

Latitiae voces mirabere ! qualia cernes

Fervere per urbem gaudia !

Supplice cum Latias se poplite sistet ad aras ,

Summiq; prona Antistitis

Accidere ad sacra spectabitur oscula planta

Litoris Amazon Baltici,

Cuius ab inuito Germana per oppida Marte

Vibrata nuper fulmina

Arduus à tumultu stupuit septemplíce Tybris,

Nec vlla solam Palladis

Aegida belligera plausu cum gentis , & auream

Tractare docta cuspitem.

Sed placidas animum Diue exercere per artes

Ponentis interdum horridam

Gorgona, perq; hilares blandum gradientis Athenas,

Doctoq; Phæbi in puluere

Primum Castalias inter decus ire puellas.

Hanc tu Boote ab ultimo

Anxia tollentem patriæ in caligine noctis

Meliozem ad Arcton lumina,

Imaq; diuinis vstam præcordia flammis,

Æterne vates , optimi

Inter

Inter ALEXANDRI decora olim ingentia plectro

Feliciores concines,

Cum restincta breui totum fera bella per orbem,

Centumq; dices aenea

Custodem pacis cohibentia robora Ianum,

Italique Thracem viribus

Infractum, & patria deiectum à culmine sedis

Schylico latere in angulo.

DE OBITU
SIDRONII HOSSCHII
E SOCIETATE IESV.

AD
FABIVM CHISIVM
S. R. E. CARDINALEM.

S*Iqua iuuant mutos cineres, si lumine cassis
Iucundum quicquam manibus esse potest,
Multum habet egregij quòd gaudeat umbra SIDRONI
Nuper cognatis reddita sideribus,
Ad cumulum, o Princeps, decorum laudumq; suarum,
Quòd desiderio est nobilitata tuo.*

IN

I N

PHILOMATHIS
MVSAS IUVENILES.

Vates optime, quotq̃ literatos
 Nostra etas tulit, aut tulit virorum
 Plenior sapientium vetustas,
 Nulli consilio, nec erudita
 Largo flumine posthabende lingua,
 Te facundia, literaq̃ nostra,
 Te suum Latia decus Camœna,
 Lumenq̃, eloquiū vocant aviti.
 Tuis en studijs laboribusq̃,
 Lingue gratia se leporq̃ debet;
 Debent munditia, elegantiaq̃,
 Et pura Veneres locutionis.
 Per te ab exilio, & malis tenebris
 Prisca Suada redit, proculq̃ adimat
 Rus & barbaries facessit umbras,
 Ipsaq̃ esse Latina Roma discit.

DIA.

DIALOGVS LEPORIS ET MVSTELÆ.

Calumniatorum inuitabilem esse
malignitatem.

Æ *Gypti sauo fines urgente duello
Rex omnes Ptolomeus equos; omnemq; ele-
phantum*

*Describi numerum Pharios mandasse per agros
Dicitur, ut dociles calcaria ad aspera plantas,
Ardua q; aptarent turrata ad pralia terga.
Sensit ubi siluâ Lepus hæc delatus ab altâ,
Me miserum, exclamat, qua iam satis ima dehiscat
Terra mihi? qua nox densis satis abdat in umbris,
Crura q; compedibus grauibusq; imbellia telis
pectora subducatur, cui non presens animus, nec
Bellorum stabiles ad munia dura lacerti?
Cui Mustela: Quid est, insane, quod ilia vano
Singultu quatis? haud tu digna hostilibus ausis
Materies: fletu nimis ambitionis in isto est,
Qui tibi non merita fingit discrimina sortis.
Conditione tuâ maiorem pone, miselle,
Ex animo curam: tibi non à Marte, nec armis,
Sed metus à vilis tenui sit dente molossi.*

Quid

*Quid si me, contra sequitur Lepus, esse elephantem
 Fortè aliquis contendat, inertem ad feruida regis
 Imperia, & medijs cessantem in pulvere belli,
 Et vocet in Scyri latitantem litore Achillem,
 Exigat & meritas ignauo à sanguine pœnas?
 Donec me leporem doceam; vireſq; pusillas
 Eſſe mihi, donec nudas ostendere eburnis
 Contingat telis, longaq; proboscide fauces,
 Et liceat me ipsum eſſe mihi, quam multa neceſſe eſt
 Aſpera perpetiar! quanto diſtringar ab aſtu
 Curarum, noctes ſubeundo indigna dieſq;!
 Egregiam quamuis, res dura eſt, dicere cauſam.*

A D

FERDINANDVM FVRSTENBERGIVM,

De Muſarum diſſidio cogitantem.

*S*vmme Deum, ſeui domitor Pythonis, Apollo,
 Fatidica quem Delos ſuum,
 Quem Cyrrha vocant, Pataraq; culmina regem
 Certâ timendum cuſpide;
 Quemq; nouem celebrant, Parnaſſia turba, Sorores,
 Triplex & ambit Gratia.

Ad

*Ad curas hominum precibus si flecteris ullis,
 Vatem tuorum fontium,
 Aoniaq; decus telluris, ab usque remoto
 Rheni petitem litore,
 Ut Latium, utq; ipsos linguaq; togaq; Quirites
 Docto admoneret carmine,
 Ne patiare tuis, Musarum ac dulcibus vlnis
 Diuina mitis ingeni,
 Et studiorum alio spectanda auertere dona:
 Sit proprius in castris tuis
 Miles, seq; tuis aternum exerceat armis,
 Omnemq; lucem nomini
 Inde suo, laudemq; petat, famamq;, decusq;,
 Quamuis auitus inclyte
 Non alium magis ornet honos, & gloria gentis,
 Nec plura quisquam imaginum
 Lumina Saxonicos numeret decorantia fastos.
 Ne desidere inglorium,
 Neu cessare velis iuuenem, quin diuite venâ,
 Tuo & benigno numine
 Utatur, seu facta graui regumq; ducumq;
 Narrare tendat carmine,
 Threïciaq; auidos testudine fallere morsus
 Obluionis inuide:*

*Seu leue quid gracili modulari malit auenâ,
Seu dulciore barbitò*

*Iam nunc vernantis florem oblectare iuuenta,
Seneriora differens.*

*Quin agè cunctanti (quod iam meditatur, & imò
Dudum volutat pectore)*

*Egregij ut laudes FABII præclaraq; facta
Ventura doceat sæcula,*

*Adde animos, sacraq; feri præcordia flammâ.
Dicat serena in arduis*

*Rebus mentis opes, curisq; ingentibus æquum
Stabilis vigorem consilij,*

*Quo Latium, quo res Italæ, quo nititur orbis,
Quo gaudet INNOCENTIVS.*

*Dicat inexhaustum ingenium, moresq; benignos,
Nec purpurea quicquam suæ*

*Debentem, & propriâ virtutem à luce coruscantem.
Dicat profanæ imperuium*

*Pectus auaritiæ, nullisq; obnoxia corda
Cupiditatum fluctibus,*

*Atque animi intrepidas inter sublimia vires:
Nec litterarum & artium,*

*Nec culta sileat rarissima munera linguae;
Sive expedita vinculis,*

Nataq; ad humanos placeat facundia cœtus;

Seu debita Superum auribus

Verba Medusæ manantia fontibus unda.

An clariorem carminum

Vsq; alibi segetem possit laudumq; parare,

Elatiore aut spiritu

Impulsas animare fides, famaq; perenni

Servire gloriosius?

Annuæ Phœbe, sacriq; animis illabere vatis.

Sic semper æthera incolas,

Sic tibi nulla genas sædet lanugo, nec umquam

Desit capillis laurea.

Dumq; canis trifido casos Titanas ab igne,

Patris triumpho turgidus,

Cuncta tibi Superum plaudant conuiuia, teq;

Diu stupentes audiant,

Frustrà iactatos referentem in sidera montes:

Nec hauriant libentiùs,

Qua sibi nectareo Phrygius rorantia succo

Fundit minister pocula.

De

DE
INSVLÆ · IVPANÆ
amœnitate.

F *Elicts hospes Insula, vides giebas
Virides, amœnas, mitibus hilares pomis,
Vbi relinquens Indiam suam Bacchus
Chiumq; nobilem vuidamq; Methymnam
Madidus iocosos feriatur Octobres,
Nullaq; vite latius calet, nulla
His gratiora pampinis gerit fersa,
Præq; his adulto collibus mero vestras
Desiderare, Cælites, negat mensas.*

i Iupana insula est oræ Illyticæ, ditionis Ragasinæ, quam Tauridem appellat Hirtius de bello Alexandrino.

DE
ALEXANDRO VII.
PONT. OPT. MAX.

Ode.

Q *Vicumq; diri, post tot atra funera,
Abominatus Martis impotentiam,
Irata adisti precibus umquam numina,*

22

Din

Diu negata gentem ut humanam quies
 Vultu bearet reduce: quisquis inclytas
 Compede gementes Thraciâ Orientis plagas
 Reddi Latinis rursus optasti sacris:
 Quicumque honestis debitum artibus decus
 Conflare, dulci literarum & otio
 Sua eruditis præmia, & laboribus;
 Festisq; Musas implicatas frondibus
 Per Vaticanas ambulare porticus:
 Nunc tempus albas expedire victimas,
 Votiva tempus tura, nunc sollemnia
 Aptare sacris dona pulvinaribus.
 Dedere cuncta Calites tandem boni,
 Plaudente quod Olympo, & fremente Tartaro
 Maximus habenas rerum ALEXANDER tenet.

POEMATA
VIRGINII
CÆSARINI,
S. D. N.
VRBANI VIII.
PONT. OPT. MAX.
CVBICVLO PRÆFECTI.

*Inter ALEXANDRI decora olim ingentia pleetro
 Feliciore concines,
 Cum restincta breui totum fera bella per orbem,
 Centumq; dices anea
 Custodem pacis cohibentia robora Ianum,
 Italiq; Thracem viribus
 Infractum, & patria deiectum à culmine sedis
 Schytico latere in angulo.*

DE OBITU
 SIDRONII HOSSCHII
 E SOCIETATE IESV.

AD
 FABIVM CHISIVM
 S. R. E. CARDINALEM.

S*Iqua iuuant mutos cineres, si lumine cassis
 Iucundum quicquam manibus esse potest,
 Multum habet egregij quòd gaudeat umbra SIDRONI
 Nuper cognatis reddita sideribus,
 Ad cumulum, o Princeps, decorum laudumq; suarum,
 Quòd desiderio est nobilitata tuo.*

IN

I N
PHILOMATHIS
MVSAS IUVENILES.

Vates optime, quotq; literatos
 Nostra atas tulit, aut tulit virorum
 Plenior sapientium vetustas,
 Nulli consilio, nec erudita
 Largo flumine posthabende lingua,
 Te facundia, literaq; nostra,
 Te suum Latia decus Camæna,
 Lumenq; eloquij vocant aviti.
 Tuis en studijs laboribusq;
 Lingua gratia se leporq; debet;
 Debent munditia, elegantiaq;
 Et pura Veneres locutionis.
 Per te ab exilio, & malis tenebris
 Prisca Suada redit, proculq; ad imas
 Rus & barbaries faceßit umbras,
 Ipsaq; esse Latina Roma discit.

DIA.

DIALOGVS LEPORIS ET MVSTELÆ.

Calumniatorum inuitabilem esse
malignitatem.

Æ *Gypti sauo fines urgente duello
Rex omnes Ptolomaus equos; omnemq; ele-
phantum*

*Describi numerum Pharios mandasse per agros
Dicitur, ut dociles calcaria ad aspera plantas,
Arduaꝫ aptarent turrata ad pralia terga.
Sensit ubi siluâ Lepus hæc delatus ab altâ,
Memiserum, exclamat, quæ iam satis ima dehiscat
Terra mihi? quæ nox densis satis abdat in umbris,
Cruraꝫ compedibus grauibꝫq; imbellia telis
pectora subducatur, cui non præsens animus, nec
Bellorum stabiles ad munia dura lacerti?
Cui Mustela: Quid est, insane, quod ilia vano
Singultu quatis? haud tu digna hostilibus ausis
Materies: fletu nimis ambitionis in isto est,
Qui tibi non merita fingit discrimina sortis.
Conditione tuâ maiorem pone, miselle,
Ex animo curam: tibi non à Marte, nec armis,
Sed metus à vilis tenui sit dente molossi.*

Quid

*Quid si me, contrà sequitur Lepus, esse elephantem
 Fortè aliquis contendat, inertem ad feruida regia
 Imperia, & mediū cessantem in pulvere belli,
 Et vocet in Scyri latitantem litore Achillem,
 Exigat & meritas ignauo à sanguine pœnas?
 Donec me leporem doceam, viresq; pusillas
 Esse mihi, donèc nudas ostendere eburnis
 Contingat telis, longaq; proboscide fauces,
 Et liceat me ipsum esse mihi, quam multa necesse est
 Aspera perpetiar! quanto distringar ab aestu
 Curarum, noctes subeundo indigna diesq;!
 Egregiam quamuis, res dura est, dicere causam.*

A D

FERDINANDVM FVRSTENBERGIVM,

De Musarum dissidio cogitantem.

Svmme Deūm, saui domitor Pythonis, Apollo,
 Fatidica quem Delos suum,
 Quem Cyrrha vocant, Pataraq; culmina regem
 Certā timendum cuspide;
 Quemq; nouem celebrant, Parnassia turba, Sorores,
 Triplex & ambit Gratia.

Ad

Seu leue quid gracili modulari malit auenâ,

Seu dulciore barbitò

Iam nunc vernantis florem oblectare iuuentâ,

Seueriora differens.

Quin agè cunctanti (quod iam meditatur, & imò

Dudum volutat pectore)

Egregij ut laudes FABII præclaraq; facta

Ventura doceat sacula,

Adde animos, sacraq; feri præcordia flammâ.

Dicat serena in arduis

Rebus mentis opes, curisq; ingentibus æquum

Stabilis vigorem consilij,

Quo Latium, quo res Italæ, quo nititur orbis,

Quo gaudet INNOCENTIVS.

Dicat inexhaustum ingenium, moresq; benignos,

Nec purpura quicquam suæ

Debentem, & propriâ virtutem à luce coruscantem.

Dicat profanæ imperium

Pectus auaritiæ, nullisq; obnoxia corda

Cupiditatum fluctibus,

Atque animi intrepidas inter sublimia vires:

Nec litterarum & artium,

Nec culta sileat rarissima munera linguae;

Siue expedita vinculis,

2

Nataq;

Nataq; ad humanos placeat facundia cœtus;
 Seu debita Superûm auribus
 Verba Medusæ manantia fontibus undæ.
 An clariorem carminum
 Vsq; alibi segetem possit laudumq; parare,
 Elatiore aut spiritu
 Impulsas animare fides, fameq; perenni
 Servire gloriosius?
 Annue Phœbe, sacriq; animis illabere vatis.
 Sic semper æthera incolas,
 Sic tibi nulla genas sædet lanugo, nec umquam
 Desit capillis laurea.
 Dumq; canis trifido casos Titanas ab igne,
 Patris triumpho turgidus,
 Cuncta tibi Superûm plaudant conuiuia, teq;
 Diu stupentes audiant,
 Frustrâ iactatos referentem in sidera montes:
 Nec hauriant libentiùs,
 Quæ sibi nectareo Phrygius rorantia succo
 Fundit minister pocula.

DE
INSVLÆ · IVPANÆ
amœnitate.

F *Elicts hospes Insula, vides glebas
Virides, amœnas, mitibus hilares pomis,
Vbi relinquens Indiam suam Bacchus
Chiumq; nobilem vuidamq; Methymnam
Madidus iocosos feriatur Octobres,
Nullaq; vite latius calet, nulla
His gratiora pampinis gerit ferta,
Præq; his adulto collibus mero vestras
Desiderare, Cælites, negat mensas.*

I Iupana insula est oræ Illyricæ, ditionis Ragusinæ, quam Tauridem appellat Hirtius de bello Alexandrino.

DE
ALEXANDRO VII.
PONT. OPT. MAX.

Ode.

Q *Vicumq; diri, post tot atra funera,
Abominatus Martis impotentiam,
Irata adisti precibus umquam numina,*

Diu negata gentem ut humanam quies
 Vultu bearet reduce: quisquis inclytas
 Compede gementes Thraciâ Orientis plagas
 Reddi Latinis rursus optasti sacris:
 Quicumque honestis debitum artibus decus
 Constare, dulci literarum & otio
 Sua eruditis præmia, & laboribus;
 Festisq; Musas implicatas frondibus
 Per Vaticanas ambulare porticus:
 Nunc tempus albas expedire victimas,
 Votiva tempus tura, nunc sollemnia
 Aptare sacris dona pulvinaribus.
 Dedere cuncta Calites tandem boni,
 Plaudente quod Olympo, & fremente Tartaro
 Maximus habenas rerum ALEXANDER tenet.

P O E M A T A
V I R G I N I I
C Æ S A R I N I,
S. D. N.
V R B A N I V I I I.
P O N T. O P T. M A X.
C V B I C V L O P R Æ F E C T I.



ALEXANDRO VII.

PONT. OPT. MAX.

IULIANVS CÆSARINVS F.

PROESIM esse rem sacram, & magnorum virorum vel opus, vel ornamentum, vetus opinio est, BEATISSIME PATER, iam inde à primis ducta temporibus, nostrâ verò tempestate mirificè confirmata, in quâ sacrorum Principes, religioni, bonisq̃ue artibus tuendis ac propagandis maxime intentos, hanc etiam ingenio suo, & fauore complexos, propemodum consecrasse conspiciamus. Quo quidem suapte naturâ præclarissimæ, mirum quantum accesserit splendoris, & dignitatis. Intelligebat hæc, cum viueret Virginius Patruus meus, dumq̃ue in literis summa quæque meditaretur, insito animi ardore, & magnis exemplis permotus, non potuit quin ad hæc studia ipse quoque raperetur, & carmina interdum funderet acri doctorum

Q 4

iudi-

iudicio non improbata, nec fortasse indigna, quæ tibi oblata, oculos, auresque morentur tuas. Ferunt quippe ad Romanæ, Etruscæque linguæ nitorem, & elegantiam, non sine transmarinis luminibus delicijsque composita. Quod nisi immatura mors hæc illi tempora inuideret, & recenti imitatione meliora facere potuisset, & argumenta nactus esset longè nobilissima quæ tractaret; laudes nimirum tuas, Princeps Optime, quibus celebrandis inter tot certantium ingeniorum conatus, si non omnes post se relinqueret, postremas quidem certe non ferret. Nam ut erat acerrimo virtutis amore incensus, nemo quisquam maioribus lætitijs incederet, cum Dei Opt. Max. admirabili providentiâ, & bonitate in supremo humanæ amplitudinis fastigio te regnantem videret, in quo virtus ipsa tamquam in propriâ sede regnaret, & in quo salutem, & felicitatem Orbis terrarum, Patriæque suæ, miseris his temporibus repositam intelligeret:

ret. Quæ ut ex dignitate gratularetur, ac prædicaret, quin vires omnes ingenij nervosque contenderet, dubitari non potest. Neque verò minùs benignitatem grato animo in cælum efferret tuam. Est enim verisimillimum te, qui virtutis & doctrinæ fautor es maximus, hominem, in quo ista minimè desiderarentur, singulari quadam benevolentia fuisse profecuturum. Accedit, quòd illius domum atque familiam iam deuinxisti, & novis in dies beneficijs obstringis, ad quæ eius memoriam voluntati tuæ, non dico stimulos subdidisse, sed nonnullum attulisse momentum haud immeritò existimetur. Hæc dum reputo, BEATISSIME PATER, amissi desiderio vehementer afficior, non tam profectò, ut eo præsentè ampliùs domus nostra splenderet, quàm ut esset qui tibi suo, & suorum nomine immortales ageret gratias, simulque laudem verissimæ gloriæ tuæ, dignè splendideque concelebratæ, præ ceteris reporta-

Q 5

ret.

rer. Sed qualem habere possumus, hoc est, suis hisce spirantem versibus, deuotum Numini, Maiestatiq̃ tuæ, sacris pedibus aduolutus, offero, & sisto. Tu verò pro tuâ incredibile humanitate non modò libenti animo excipies, sed etiam, vbi publicas res ordinaris, lenire quærens labores, ejus Musâ & ingenio recreari non dedignaberis. Quo ille honore nec maiorem viuus optare, nec potiorem ad præclaram sui commendationem & gloriam consequi potuisset.



LECTOR.



IRGINIVM *Casarinum* omnis liberalis scientia virum, & magno excelsoque praditum ingenio fuisse, constans quidem hucusque fama fuit, sed tantum per manus tradita, nullis testata monumentis. Hac ne omnino deessent, iuris publici fecimus carminum aliquot, quæ ipse, cum remitteret animum à severioribus studiis, faciebat. Libuit hoc loco usurpare veterum artificum formulam, quia *Virginus* octavo in aetate sua, undetricesimo ætatis anno sublatus, imponere carminibus suis minimè potuit extremam manum. Ceterum ea laudare supersedemus, ut totam hanc partem illorum iudi-

iudicio integram relinq̃amus, quibus necessitudo est cum Romana Etruscaq̃ Poëseos Principibus, & Magistris. Igitur, Lector candide, Poëta candidissimi versus lege, & ex his coniecturam facito de ceteris, qui eius ingenij fœtus extarent, nisi mors non tam ipsi Virginio, quàm bonis literis peracerba, maturioris ætatis fructus interceptisset. Vale.



VIR.

VIRGINII

CÆSARINI

VITA.



Quæ de Virginij Cæsarini ingenio, moribus, studijs, disciplinâ, fortunâ, totoque vitæ cursu, non ab rumore vulgi, neque à Rhetorum laudationibus accepimus, sed à viris grauibus, & ab omni affectu liberis, qui adhuc supersunt, quique Virginium vsu quotidiano cognitum habuerunt; ea nos, sicuti narrata, acceptaque sunt, simpliciter, pro nostrâ, & argumenti naturâ, fideliterque trademus.

Natus est Romæ die xx. Octobris anno M.D.LXXXXV. patre Iuliano, Ciuitatis Nouæ Duce, matre Liuiâ Virginij Vrsini filiâ. Vtriusque autem parentis genus, generisque dignitas & potentia clariora sunt, quam vt scriptoris operam, lucemque desiderent. Fratres habuit maiores quidem natu Ioannem Georgium, qui patri in Ducatu successit, & Alexandrum, qui postea Cardinalis creatus est ab Urbano Octauo, minores autem Ferrantem, vtriusque Signaturæ Referendarium, ac Petrum, militem Hierosolymitanum. Propinquitatibus verò multis magnisque floruit;

floruit, à matre præsertim. Nam præter Vrsinam gentem, Beatrix, Cornelia, & Catharina Liuiæ sorores nuptui traditæ, cum suis, tum suorum filiorum coniugijs Sfortias, Columnas, Corneos, Pallauicinos, Maluetios, Altempfios, Cæfios, Borromæos, Madrutios, aliasque subinde veteres familias & locupletes comprehenderant. In Virginio igitur eximia ab ineunte ætate indoles, & ad studia literarum singularis alacritas apparuit: adeo ut Bonifacius Cardinalis Caietanus, acri vir, ut omnes sciunt, perspicaci que iudicio, septennem adhuc puerum cum tractaret, ad omnia summa natum diceret, & incredibiles progressus in literis, si institutio accederet, augurari soleret. Celebre est, ac penè in consuetudinem prouerbij venit, nihil Romanis pueris festiuus, nihil elegantius fieri posse: promotos, sagaces, dicaculos, ingeniosos, ad omnia disciplinarum genera mirè factos videri: ubi adoleuerint, concidere sæpè vim illam omnem, ardoremque animorum, & quasi Circeò aliquo poculo repente mutatos, alios planè sensus, aliam sibi mentem induere. Verène id, appositeque dicatur, an à Transalpinis hominibus, vetere erga Romanos odio, falsò iactetur, nihil laboro. In Virginio certè aliter se res habuit, ut postea intelligemus. Nouem fermè natus annos Parmam mittitur cum Alexandro fratre, quò procul à paternis delicijs, adeoque ab ijs occasionibus, quæ mentes adhuc teneras, & ad magna surgentes plerumque enecant, intentiorem ad studia animum

num adijceret. Antelata autem ceteris vrbibus Parma, cum ob celebritatem illius Academiæ excellentibus in omni disciplinâ magistris, Ranutij Ducis operâ, florentissimæ, tum ob auiam Farnesiam: quo etiam nomine Ranutius venientem Virginium libenter domum suam recepit, & pro eâ, quæ intercedebat, coniunctione, benignè liberaliterque habuit, quoad eâ in vrbe est commoratus. Mansit autem ibi quinque plus minus annos: intra quod spatium non solum ea omnia arripuit, quibus ad humanitatem informari solent ingenui adolescentes; verum etiam totius Philosophiæ cursum confecit, præceptore Auanzino, qui Iacobi Zabarellæ in Gymnasio Patauino discipulus, Peripateticæ disciplinæ ludum in Parmensi aperuerat: tantâ quidem cum laude, vt condiscipulos & percipiendi celeritatè, & disputandi solertiâ longo interuallo omnes anteiret. Nec institutum intereâ iter retardauit infortunium, quod illi accidit. Nam dum inter æquales in equestri ludo se exercet (quod vnicum habebat à studijs laxamentum) refractarius equus, cui erat impositus, iuueniliter exultantem, & superbe nimis imperitantem excussit, adeoque grauitè solo illisit, vt pluribus locis crure fracto, præ dolore sensibus pænè omnibus destitutus, vltimum vitæ discrimen adiuerit. Quem casum maior etiam paulò post calamitas excepit, Chirurgi imperitiâ. Cum enim post duos menses, quàm decubuerat, experiri vellet, an rectè adhuc consistere pedibus posset,

posset, adeò perperam ac distortè conglutinata tibia apparuit, vt eam denuò perfringere necesse fuerit, & in eum statum reuocare, quo ante curationem fuerat, quò rectius conualesceret, accersito ab Isthæo vsque lacu, in Venetâ regione, probatæ artis Chirurgo. Horret animus eos cruciatus cogitare, qui denuò tolerandi Virginio fuere; qui tamen illos eo animi robore tulit, eaque constantiâ, quam in viro confirmatæ iam ætatis & sapientiæ non requiras. Igitur, vt eramus aggressi dicere, tantum abfuit, vt propterea studiorum suorum cursum intermitteret, vt per totum illud tempus, quo in lectulo confixus iacuit (iacuit autem integrum propè annum) nihil ageret aliud, quam vt cum viris doctis sermonem de literis institueret, præcipuè verò cum Patribus Soc. IESV, qui ei frequentes, & ad omne prompti officium assidebant. Quorum quidem viuendi ratio & institutum adeò Virginio arriserant, vt non semel de illorum amplectendâ militiâ cogitarit: eamque animi illius propensionem perpetuam atque constantem postea aperuit vltima ipsius voluntas, qua Ignatiano habitu efferri se velle cauit in testamento. Ea curatio cum post mensem vndecimum exitus tandem prosperos habuisset, eosque iam progressus fecisset in literis, quos operæ pretium esset in aspectum lucemque proferre, Romam, ineunte adolescentiâ, Virginus reuertit, vbi magnum sanè virtuti suæ theatrum inuepit paratum. Nam ingens hominum animos cupido inceserat videndi cominùs, & periclitandi

clitandi ingenij, de quo tam multa, tam præclara omnium sermone afferebantur: erantque non pauci, qui suspicarentur, in adolescentulo primariæ nobilitatis, & morum formæque elegantia commendatissimo, effèrri plus æquo omnia: ita verò solere fieri, vt qui alijs in vrbibus maximo in pretio essent, & laude ingenij ceteros mortales anteirent, Romæ ita decreverent, vt vix aliquo in numero haberentur. Virginius tamen aduentu suo ita confirmavit rumores, qui de ipsius virtute atque ingenio percrebuerant, vt nihil iam in Vrbe esset eius nomine clarius; essentque in eum, tamquam in aliquem ex veterum annalium memoriâ, conuersi animi & studia ciuitatis. Siue enim priuatis eruditorum colloquijs de re literariâ sermo esset; siue in scholasticorum, quos vocant, arenam descenderetur; magna vbique eius doctrina, magnum acumen, & fertilitas ingenij eminebat. Hæc autem efficiebat etiam gratiora præter generis claritudinem suauitas oris, formæque dignitas. Quibus accedebat actio efficax, & sonus vocis elegans, & ad aurium voluptatem accommodatus; ingenuus prætereà quidam pudor, & candor animi, pari cum humanitate erga omnes, & facilitate naturæ. Nam ad id quidem quod pertinet, extat inter eius scripta Satyra elegans, quâ acriter carpit, vel potius irridet nobilium quorundam inscitiam, qui estimationem dignitatemque nominis, quam solidis ornamentis, ac verâ virtute non possunt, ostenta-

R

tione

tione generis ac potentiæ, & insolentis animi
 fastu consequi volunt. Nec parùm momenti ha-
 bebat ad plausum laudemque Virginio conci-
 liandam senilis quædam in primo ætatis flore
 maturitas, non illa quidem austera ac tristis
 (nam hilariora nonnumquam conuiuia & con-
 gressus amabat, eratque in iaciendo, mitten-
 doque ridiculo perurbanus) sed quæ adolescen-
 tem deceret literis impensè deditum, & ab insi-
 tã animi generositatè non fluxa, & præsentia,
 sed ad memoriam illustria, & æterna respicien-
 tem. Ferunt, cùm ab æqualibus ad insigne spe-
 ctaculum inuitaretur, quod totius Urbis con-
 cursu celebrabatur, se verò id facturum negas-
 se, nec eo se crimine velle adstringere, vt quo
 temporis spatio posset Olympicis, Nemeæis,
 Circensibus ludis, & si liberet, etiã Florali-
 bus, sine vllò incommodo aut strepitu domi
 suæ interesse, mallet imperitorum artificum
 nugis, quantumuis sumtuosis, inter tumultus
 & vulgi angustias, oculos atque animum prosti-
 tuere. Maximos præterea clamores excitabat
 memoria, quã ita Virginius pollebat, vt inte-
 gras sæpè Scriptorum paginas, pro re natã, re-
 citaret, & vbi interesset publicis disputationi-
 bus (intererat autem ferè quotidie, certatim in-
 tuitantibus ijs, quorum ea sollemnitas erat, quò
 tanti Viri præsentia illustrior fieret) essetque vel
 eleuandum aduersarij dictum, vel suum con-
 firmandum, sexcenta Aristotelis loca proferret
 ex tempore, iisdem pænè verbis quibus reddita
 fuerant

fuerant ab interprete : nam Græca adducere, nec moris est apud nostros homines, & ipse (institutum enim tenebo, nec alios patiar falsas Virginio laudes appingere) non nisi leuiter attigerat Græcas literas. Itaque cum acerrimo ingenio parem memoriam, quod perraro accidit, sortitus esset, & tempus omne, quod reliquum esset ab officijs ad tuendam vitam necessarijs, teneret in commentationibus, & tractatione librorum, breuî omnis reconditæ exquisitæque doctrinæ scientiam ita comprehendit, vt admirationi esset vniuersis, nec iam se intra Italiam contineret illius gloria, sed mare & Alpes præteruecta longè se ad vltimas terras, lateque diffunderet. Cardinalis quidem Bellarminus (quem virum parùm consideratè quicquam, aut ad assentationem dixisse vel fecisse vîquam, nefas esset suspicari) solitus erat dicere, videri sibi Virginium alterum Picum Mirandulanum, eum qui ob excellentiam ingenij, & doctrinæ, phoenix est nuncupatus. Quod sanè dictum & probabatur in vulgus, & vtriusque genus, mores, formam, ingenium, studia, exitum ipsum vitæ ex æquo comparanti haud multum absonum à vero reperietur. In cuius rei fidem subiicimus numisma, ex vnâ quidem parte duobus phoenixibus insculptum, ex alterâ verò totidem imaginibus affabrè ductis, & extantibus; quarum prior Ioannem Picum, Virginium Cæsarinum altera referebat.



Idem Cardinalis Virginitio auctor fuit, vt tantam rerum optimarum scientiam, ingenijque præstantiam, quæ sibi diuinitus contigisset, ad ipsius Dei gloriam, & generis humani fructum conferret, scribendo librum, in quo vberioribus argumentis, quàm ceteri fecissent, magisque ad sensum permanantibus, omnem dubitationem tolleretur de immortalitate animorum, ad reuincendam illorum pertinaciam, qui sacrarum literarum testimonio hac in re minimè acquiescerent. Et sanè multa in id argumentum Virginitius iam collegerat, colligebatque in dies, quòd omnia suo tempore rectè & ordine digesta luculento volumine complecteretur, nisi præmatura postea mors egregium Opus, quemadmodum alia multa quæ moliebatur animo, interceptisset. Inter hæc non neglexit Iuris quoque scientiæ, cuius Consultus fuerat Parmæ sollemniter appellatus, operam dare, coacto etiam stylo, quo ceteroqui castigato utebatur, accommodare se formulis corruptæ Iurisprudentiæ. Veruntamen longè maior

maior illum voluptas ad mitia Musarum studia, & flagrantior cupido rapiebat, hominem præsertim non tam honorum & potentia, quibus vulgares animæ usque ad insaniam capiuntur, quàm laudis & gloriæ, quâ magnæ mentes & erectæ imprimis ducuntur, appetentissimum. Quamobrem, valere tandem iussis leguleiorum forique clamoribus, iterum se liberalioribus literis totum tradidit, Theologicis præsertim, ac Philosophicis: quarum primas cum sacræ hystoriæ, Canonum, Conciliorum, ac Patrum cognitione coniunxerat, in vltimis verò, Doctore & Magistro Auanzino, de quo supra memorauimus, ita usque ad illud quidem tempus Peripateticorum sectæ adhæserat, vt ab eorum placitis vel latum vnguem discedere religio illi esset. Verum vbi versari familiarius cœpit cum Federico Principe Cælio, eiusque auctoritate & consilio in amicitiam se dedit Galilæo, Ioanni Ciampolo, aliisque eius disciplinæ hominibus, qui è cælo se deuocasse gloriabantur veram ac germanam philosophiam, hoc est, aliam planè ab eâ, quam Aristoteles tradidisset; primò quidem oblectari acriter eorum dictis, deinde vbi quotidianus sermo argumenti insolentiam cicurauit, haud grauâtè aures, postremò etiam manus dedit. Itaque veteris militiæ desertor & transfuga, vt sunt iuuenum ingenia cupida rerum nouarum, transitum fecit ad castra Lynceorum (id nomen Academia fuit) quorum erat institutum inusitata rerum euenta, quæ terris, quæ cælo accide-

rent, in disputationem vocare, causas sedulò indagare, & eorum obseruationibus, alijsque experimentis, veterem omnem philosophiam, Aristotelicam in primis euertere. Ex eo numero qui esset, quasi familiæ suæ tesseram ambitioni vocabuli conuenientem, gestabat digito annulum, lynce insculptum, quo significabatur, esse eos in rimandis naturæ arcanis perspicacissimos. Hæc porrò Academia auctorem habuit eum, quem diximus, Federicum Principem Cæsium, literarum amatorem potius, quam peritum, mansitque tamdiu, quamdiu vixit auctor suus, qui illam quasi fatam à se arborem omni officio industriaque colebat. Verùm eo mortuo, cùm Academici nullas haberent certas sedes, nec ceterarum Academiarum morem sequerentur, stâtis diebus in vnum conueniendi, sed vnico nominis splendore, & annuli mysterio omniseorum disciplina contineretur; breui Lynceorum memoria ita extincta est, vt eorum ad ætatem hanc nostram vix tenuis aura peruenerit. Præter Galilæum, & Ciampolum, coluit quoque Cynthium Clementem eidem sectæ addictum, & insignem eâ tempestate Medicum. Ab eo Virginius Chimiçis sacris initiatus versari cœpit attentius in eius artis experimentis, quibus præcipuè Aristotelis fundamenta conuelli putabant. Eaque ipsa experimenta conuertit postmodum à destruendis Peripateticorum placitis ad fulciendam valetudinem suam, quæ iam & assiduo labore in studijs, & habitu corpor-

corporis gracili, propensoque ad maciem, in deterius quotidie prolabebatur. Verum hic quoque conatus, sicut alia multa quæ periclitatus fuerat medicamenta, irritus fuit, in dies magis magisque superante vi morbi. Cuius rei cum omnem culpam (vitio generis humani) conferret in inscitiam Medicorum, inuehi vehementer eâ occasione solitum ferunt in insaniam temporum nostrorum, quibus ars illa, cui valetudinem nostram vitamque credimus, tamquam humilis & plebeia, digna iudicaretur, in qua illi fermè elaborarent, qui nullas vererentur violare maiorum imagines, qui que tenuitate plerumque rei domesticæ prohiberentur operam dare studiis ac disciplinis ad eam probè tractandam necessarijs; instrumenta fundi, pascua, nomina, supellex, à viris honestissimis, patricijsque vendicarentur. Igitur cum alterius cæli præsidium, reliquis omnibus frustra consumptis, experiri constitisset, Bononiam iter intendit, non quòd situm illius vrbs maximè opportunum duceret valetudini suæ, placidum alioqui temperatumque cælum desideranti; sed quòd in Bononiensi Gymnasio mereri stipendia dicerentur Medici præstantissimi, nec deessent literati viri, sine quibus, ut cetera adessent omnia, videbatur sibi Virginius in solitudine luctuque viuere. Sed interceptus in itinere ab amantissimo sui Principe Cæcio, Aquam spartanam Cæsiæ gentis oppidum propè Spoletum diuertit, mansitque ibi aliquot dies magnâ, quantum

quidem per inualetudinem licuit, cum voluptate. Quippe Federicus, quò libentiorē illic Virginiū retineret, Bononiā accerserat, præ ceteris, Claudium Achillinum, Philosophum ac Poëtam, opinione quidem omnis Cisalpinæ Galliæ maximum, & Petrum Poterium rei Chimiæ egregium artificem, quibuscum alternas horas hilare ac iucundè transigebat. Ac breuî tantum de veteri suâ sæuitiâ morbus remiserat, ut vox etiam, quam pituitæ, vel alterius cuiusvis humoris defluuio vlceratæ fauces iam olim intercluserant, ad officium rediret, ut Elegiâ quadam ad Cynthium Clementem sibi ipsi effusè gratulatur. Nam ceteris eius virtutibus non leui ornamento erat miræ indoles, & dexteritas ad Poësim, præcipuè Latinam, in quâ Tibullum, Propertiumque, eruditorum iudicio, feliciter expressit elegiaco carmine. Italicis etiam numeris se exercuit, adductus consuetudine Ioannis Ciampoli, qui eo præcipuè ornamento aditum sibi ad laudem, & ad potentiorum limina patefecerat. Sed quamvis Virginius profiteretur maximè omnium probari sibi Ciampoli venam & characterem; longè tamen diuersâ viâ uterque illorum ibat ad carmen. Virginius æquabile & temperatum sequebatur scribendi genus, perspicuum, graue, simplex, quod seriò rem ageret, & in quo Latij veteris incessum faciliè agnosceres; in Ciampolo liber spiritus, noua omnia, concitata, grandia, inaudita, plena periculi & audaciæ ad Pindarum aspirantis, quæ propterea

Propterea omnem ad se raperent admirationem theatri. Quam scribendi rationem perperam imitati postea, qui se Pindaricos dici volunt, in tam absurdos errores inciderunt, ut ex plurimis, quæ aliquot ab hinc lustris irrepsent in Rempublicam literariam hæreses, nulla, ut viri quidem sapientes iudicant, foediùs Italicæ iuuentutis ingenia corruperit. In his, quæ scripsit maternâ linguâ, multa reperiuntur etiam amatoria, satis pro argumento verecunda & sobria: quæ tamen Auctor postea improbauit, tamquam imbecillâ adhuc ætate scripta: & superat eorum numerus, quæ hominem philosophum, & à vulgi erroribus alienum magis deceant, quæque Christiano Poëtâ digniora videri possint. Quâ etiam in re secutus est Ciampoli auctoritatem suadentis, honestissimam secum prouinciam susciperet, ad meliorem frugem moresque reuocandi Etruscas Musas, quæ, nonnullorum vitio, nihil iam sancti aut casti haberent, sed cuiusuis è vulgo libidini prostitutæ in obscænis tantum & procacibus argumentis occuparentur. Virginius itaque à iuuenili licentiâ ad grauiora stylo conuerso, moralis Philosophiæ præcepta, quod nemo adhuc ante ipsum ex proposito fecerat, aggressus est carminibus tradere, ut etiam profiteretur Ode illâ, quæ Proœmium inscribitur. Et quia ad informandos optimis moribus animos duplici præcipuè viâ ac ratione niti oportet; ad honesta videlicet incitando illos, & reuocando à turpibus; utramque

Virginius complexus est : illam quidem pluribus Odis (cantiones nostri vocant) ad varios amicos scriptis , hanc verò nonnullis Satyris Luciliano aceto perfusis , in quibus ætatis suæ vitia perstrinxit acriter : quandoque etiam personis potentiâ vel dignitate illustribus , quâ erat animi libertate ac spiritu , in os inuolare non dubitauit ; sed animi tantum gratiâ , & experiundi eo in argumento ingenij , non quòd ulli mortalium inuri notam suis carminibus vellet. Ceterum quòd fideliorē literis suis operam daret , in superiorem paternæ domus contignationem secesserat . nec eò quemquam ferè admitterebat , præter illos , qui pari erga Musas animo essent , paribus studijs ducerentur. Hos enim ad se venientes omnibus humanitatis officijs excipiebat : cum his disserere , lectitare , conuiuari , deambulare , dies integros commorari : cum eisdem communicare lucubrationes suas , impensè prius rogatis , diligenter animaduertent , & si quæ minus probarent , atroci stylo effoderent. Quorum quidem nonnullos alienâ ope & præsidio indigentes aluisset etiam domi suæ , vt solebat sæpè desiderare , si per tenuitatem rei domesticæ licuisset. Verum cum bonorum paternorum summa vnâ cum Ducatu Ciuitatis Nouæ in Picenis , alijsque in agro Latino oppidis , ad grandiorē natu fratrem , moro apud nobiles familias recepto , peruenisset ; ipso tertio loco genitus eam pecuniam annuatim percipiebat , quæ cum per se ipsa satis exigua erat ,

tuda

tum verò parùm attentè administrata, vt ij faciunt, quibus seriò occupatis in studijs literarum ingrata omnino atque odiosa accidere solet rei familiaris procuratio, ægrè in annuos sumtus suppeditabat. Quò fiebat, vt graui se nonnumquam ære alieno obligaret; quod postea Dux ipse ad arcendam notam, quæ in se etiam redundasset, molesto quidem animo, sed exsoluebat tamen. His angustijs vt obuiam aliquando iret, litem cum eodem Duce instituerat, quâ petebat, vt liberalior sibi in singulos annos pensio decerneretur, prout vltimis illis temporibus maior facta fuisset accessio ad patrimonium Cæsarinæ familiæ, ad cuius facultatem respexissent Maiores sui, cum secundo loco genitis annuos præscriberent redditus. Sed Maphæus Cardinalis Barberinus, quem ingenij ac studiorum similitudo Virginio, quamuis longè natu minori, familiarissimè coniunxerat, ei persuasit, vt omni contentione sublatâ, quietè cum fratre & concorditer viueret; quòd ita deceret præclarum virum, eaque esset certior ratio extorquendi ab illo pecuniam. Eo interim in otio, & quasi malaciâ literarum, non licuit Virginio diutiùs viuere, ipsum inter Cubicularios intimos cooptante Gregorio XV. operâ Ioannis Ciampoli, qui Pontificio nomine exarabat epistolas ad Principes. Is vbi ad illum honoris gradum est admotus, nihil habuit antiquius, quàm vt significationem aliquam Virginio daret grati animi, & beneficiorum memoris, quæ plurima
ab

ab eo, insigniaque acceperat. Erat Gregorio à secretis, in ijs quæ ad statum curamque Reipublicæ pertinent, adeoque non mediocri auctoritate & gratiâ in aulâ florebat Ioannes Baptista Agucchius Bononiensis, vir cum ceterâ clarus, tum verò scribendi Italicè, & rerum per literas gerendarum laude clarissimus. Eius commendatione Ciampolus sicut ipse in eum locum peruenerat, ita facilè est consecutus, ut Virginius ad eum, quem diximus, honoris gradum ascenderet. Sunt qui credant, Virginium, vbi primùm in Palatium pedem intulit, veteris instituti oblitum cogitare cœpisse de anteuertendâ purpurâ Alexandro fratri, cui quamuis tenuioris ingenij homini, tamen uti & natu grandiori, & aliquot iam annos constituto in publico munere, deberi potiùs is honos videbatur: tantumque breuî vel suâ industriâ, vel amicorum ope profecisse, ut cum Gregorius lento quidem, sed graui conclamatoque morbo implicaretur, ad illustrandam præclaro aliquo facinore memoriam extremi temporis, de Virginio Cardinali creando in primo conuentu Senatus, vnà cum duobus alijs viris ornatissimis, Agucchio ipso, & Angelo Cæzio, consilia iniherentur; quæ tamen Pontificis mors citiùs, quàm credebatur, consecuta discusserit. Alij verò postremæ quidem parti assentiuntur: quòd verò pertinet ad præripiendum fratri honorem, commentos fabulam putant aulicos homines, Virginium non ex ipsius virtute & altitudine animi

metien-

metientes , sed ex moribus , & naturâ imperitæ multitudinis , quæ adduci numquam potest, ut minimè credat insanire eos homines, qui nihil ducunt præclarius vitâ rectè sapienterque traductâ. Adduntque , Virginium non repugnantem potius, quam volentem pertractum fuisse in Aulam Pontificiam, clamante subinde Ciam-polo , indignum esse viro magnanimo , præsertim philosopho, cum scias humanam societatem mutuis officijs contineri, nullam velle Reipublicæ partem attingere; cumque literarum aded sis amans, occasiones auersari illas, quibus literæ poliuntur: non prætermittendam opportunitatem iuuandi amicos, & industrios homines, nec ea munera recusanda, quæ, nisi à probis yiris sapientibusque occupentur, improbis & iniustus, magnâ cum Dei offensione; rei que publicæ incommodo, sint committenda. Mortuo Gregorio, & in eius locum Urbano Octauo Pontifice renunciato, statim eius Cubiculo Virginus præficitur: idque tribuisse Urbanum opinio fuit non tam veteri beneuolentiæ, quâ eius indolem ab ineunte adolescentiâ complexus fuerat, quàm recentibus eiusdem erga se meritis. Cum enim Mapheo Cardinali Barberino dudum subirati Hispani essent, suæque erga illum voluntatis non obscuras dedissent significationes; ægrè illi, ut existimare quiuisset facile potest, ad Summum Pontificatum aditus patuisset, nisi Virginus à Francisco de Castro Regis Hispaniarum ad Pontificem Oratore, & Didaco Saauedra, qui consilio-

filiorum omnium Francisco particeps erat, sæpius vrgendo impetrauisset, æquiore in tantum Virum animo esse vellent, & auctores fieri, vt is cum Rege Catholico in gratiam rediret. Iam olim enim Virginius, manu ducentibus literis, & re Poëtica, insinuauerat se in vtriusque illorum familiaritatem, quemadmodum etiam Mapheo egregie conciliauerat Gasparem Cardinalem Borgiam Hispanicæ factionis moderatorem ac ducem, qui quamquam durior ad hæc studia videbatur, facile tamen suauitate morum Iuuenis nobilissimi, & miræ in tractandis conciliandisque animis dexteritatis ita captus est, nihil vt esset, quod non eius causâ faceret libentissimè. Certè si in Pontificibus creandis quicquam humanæ opi tribuere fas est, ac non potius sola tam arduo in opere & sacrosancto Voluntas Diuina dominatur, egregie meritis de VrbanO Octauo Virginius eo factO videri potuit. Ad eum tamen fortunæ gradum tantam animi æquitatem & modestiam attulit, vt eorum qui apud Vrbanum aliquo loco essent, nemini minùs licere videretur: tantumque abfuit, vt eos imitaretur, qui ad potentiam opesque ex insperato euecti esserunt fastidio quodam & contumaciâ; nullum vt suauiore ex eo loco fructum percipere se fateretur, quàm subleuandi veteres amicos, eos præcipuè, qui destituti re familiari, ingenio, & literis abundarent. Itaque breui illo tempore, quo in eâ dignitate vixit, eorum quàm plures, prout cuiusque conditio ferebat, aut in familijs virorum

Prin-

Principum, aut honesto aliquo in munere collocavit. Aliquos etiam apud se retinuit: in his Augustinum Mascardum, quem Pærmæ cognitum, hospitis & contubernalis loco habebat; & Franciscum Balduccium, cuius operâ utebatur in scribendis epistolis, virum ad Poësim omnino factum, si acrioris limæ labor, & vberior cognitio artium optimarum ad eius ingenium accessisset. Alios verò, qui cum nihil domi pingue haberent præter ingenium, inani tamen scientiæ opinione inflati, sæculum incusabant, ut ferè fit, quod iacere literas pateretur, molliter atque urbane admonitos erroris, in quo erant, hortari solebat, relictis studijs literarum, aliam omnino artem magis accommodatam humeris suis, aliud vitæ genus aggredierentur. Eaque Virginij libertas meliora suadentis, multis, qui nullam in tanti Viri dictis subesse fraudem poterant suspicari, salutis fuit. Tam illustri loco positum Virginium, cum publica expectatio, tum verò Urbanus ipse Purpuræ destinabant. Verùm quod illi aliena mors paulò antè abstulerat, sua tunc abstulit. Nam intra vertentem annum, ex quo Pontificio Cubiculo præerat, extremâ iam macie confectus, fato, quod iamdiu forti erectoq; animo operiebatur, tandem concessit, Kal. Aprilis, anno M.DC.XXIV. Constans autem opinio fuit, mortem illi maturavisse Præfecturam Cubiculi, cui ut frequens adesset, adeoque palàm Pontifici faceret, se integras ad purpuram vires allaturum, affecto corpori, & quietis indigenti minimè parceret.

ret. Virginij quidem mortem adedò grauitèr tulisse fertur Vrbani, vt per aliquot dies, vbi de illo mentio incideret, lacrymas non haberet in potestate: & cum Alexandrum Virginij fratrem Cardinalem creauit, professus sit, se potiùs Virginij memoriæ, quàm Alexandri promeritis illum honorem tribuere. Quàm carus autem ciuitati fuerit, mœrore funeris indicatum est. Senatus enim, Populiq̃ue Romani decreto, in Palatio Capitolino statua illi posita est, doloris publici testis, cum inscriptione Ioannis Ciampoli:

VIRGINIO
CÆSARINO
QVIRITIVM SAPIENTISSIMO,

CVI TANTA INGENII VIS,
VT DOCTVS ETIAM HABERI POSSET
SINE LITERIS;
TAM AMPLA LITERARVM SVPELLEX,
VT ADMIRATIONEM MOVERE POSSET
ETIAM SINE INGENIO:
QVEM TAMQVAM VRBIS MIRACVLVM,
ET NOBILITATIS ORNAMENTVM
TVM INDIGENÆ, TVM CONVENÆ PHILOSOPHI,
POETÆ, ET RHETORES INVISEBANT,
SVA QVISQVE DECORA

IN

IN HYMANISSIMO MOECENATE MIRANTES:

CVIVS IVVENTVTI

PERTINAX DOCTRINARVM STVDIVM

SENILIS PRVDENTIAE

GLORIAM COMPARAVIT,

IVVENILIS VALETVDINIS ROBVR ERIPVIT:

QVI FACTVS ADOLESCENTIBVS

EXEMPLAR VIRTVTVM, ET PARENTIBVS

MENSURA VOTORVM,

NONDVM TRIGESIMVM ANNVM INGRESSVS

MORTEM OCCVBVIT IN VATICANO,

SAPIENTIVM LVCVBRATIONIBVS,

ET PRINCIPVM LACRYMIS ILLVSTREM:

CVI PONTIFICII CVBICVLI PRÆFECTVM AGENTI

VRBANVS VIII.

ECCLESIASTICÆ PURPURÆ DECVS

A PRÆOPERA MORTE

EREPTVM FVISSE CONQUESTVS EST:

EIDEM PVBLICIS EXEQVIIS CONHONESTATO

S. P. Q. R.

ANNVENTE PONTIFICE,

INTER TRIVMPHALES DVCES IMAGINEM

ET MONVMENTVM DECREVIT,

NE MINVS LITERARVM GLORIA,

QVAM ARMORVM,

CAPITOLIVM DECORETVR.

Appa-

Apparatissimo funere elatum ad D. Mariæ de Arâ cæli, Alexander Gothifredus S. I. Patrius Romanus pro concione laudauit. Humoristarum item Academia Virgin o (qui honos, ex instituto illius loci, viris tantummodò famâ ingenioque maximis haberi solet) iusta persoluit, Augustino Mascardo clari iam tum nominis Oratore verba faciente. Cuius Oratio excepta de more est à Poëtarum carminibus, quorum magna pars ereptum sibi Mæcenatem suum certatim dolebant, veroque luctu, non ad ostentationem ingenij simulato, funus prosequiebantur.



VIRGINII CÆSARINI

ROMANI,

olim VRBANI VIII. Pont. Opt. Max.
Cubiculo Præfecti,

EPINICION in Victoriâ Bohemicâ
Sereniss. D. Maximiliani Boiorum
Ducis.

Tristitiam, trepidosq; metus, curasq; proteruis
Tradam Carpathium per mare ferre Notis.

Omnia leta cano: pleno nunc ore sonandum:

Aurea quid cessas mi dare pleetra puer?

Non referam molles luctus, priuata silebo

Damna: queri nobis publica causa vetat.

Surge anime, & desueta diu fer gaudia mente:

Surge anime, atque aliam disce mouere chelyn.

Sacra canit vincetus Peneïde fronde capillos

Vates: quisquis ades, dic bona verba sacris.

Vrantur Syria merces, Nabathæaq; tura:

Puniceas oleant lucida templa rosas.

Vltâ profanatas adsitis numina sedes,

Impleat & vester nunc mea lina fauor.

Sunt aliquid Superi : Romanis regnat in aris

Religio, veteres quam coluistis aui.

Non desunt lentas ultriciâ fulmina in iras,

Iudicat & tandem crimina pœna sequax.

Fœda Palatinum regnis dare terga Bohemis

Vidimus, & nostrâ parâ tropaa manu.

Fraçta cruentatum voluuntur sceptrâ per Albim:

Funereo Hercynius sanguine tabet ager.

Vincula Praga manu gèstat, quâ tela gerebat,

Et malè decussos accipit ore lupos.

Quis Superùm, Musæ, nostros ad bella maniplos,

Dicite, quæ iuuit Cæsaris arma manus?

Vtraque finitimis legio confederat aruis,

Cernebantq; auidi matrem castra duces.

Hinc Rhenanus agit Slaus, Morauosq; rebelles,

Et ferus in pugnam Slesia signa rapit.

Fœda Superstitio, sacris infensa Latinis,

Tincta Acheronteo spicula felle tenet;

Et Vaticano ante alios incendia templo

Calvinus minitans impia tela rotat.

Hinc armis nitet Augusto deuota iuuentus,

Ardet & aratâ cuspide Boia cohors.

Vnâ ingens Hispana phalanx certamina poscit,

Iustaq; Iarthenopes miles in arma ruit.

Arduus

*Arduus & campo sese Buquōius infert,
 Magnanimosq; docet spernere fata viros.
 Aptant se pugna Tyrrheni principis ala;
 Hostem iamq; prior, quàm manus, ira ferit.
 Sic steterant acies: necdum dare carmine belli
 Clarifona audebant signa cruenta tubæ.
 Aëre se mittens rutilus cùm nubibus actus
 Liqueit Adalbertus carula templa poli.
 Et Bauarum stetit ante Ducem: tum stella nitenti
 Per nubes secuit crine refixa viam.
 Non ille attulerat chlamydem, tunicasq; crepantes
 Textilibus ventis, carbasesq; sinus.
 Non pastoralis firmans vestigia virgæ,
 Aut venit mitrâ tempora vineta gerens.
 Qualem Diuorum cumulantem altaria donis
 Iam vidit melior Praga operata Deo.
 Norica sed forti crispans hastilia dextrâ,
 Totus & ardenti clausus ab arcu nitet,
 Aureus umbo iras, furias, clademq; vomebat:
 Nutabat cristâ versicolore caput.
 Mox ait: O fidei Princeps defensor auito,
 Maximiliane, tuis gloria maior auis;
 Perge, agè, tempus adest, via nunc rūpenda per agmen:
 Disijce, me, trepidos, omina dante, duces,*

Sat regnare datum sceleri, iam fraudis abunde est:

Nunc admissa truci crimina morte luant.

Tu celi vindex: tibi victima corruet hostis;

Planget & aduersam sanguinolentus humum.

Non te, quod densis horrescunt agmina signis,

Terreat: has acies numina magna premunt.

Diuorum violata animo simulacra reuolue,

Et temerata truci fana vetusta manu.

Vestales subeant aditus, & milite, castus

Qua colit, audaci claustra refracta, pudor.

Illa est, illa ferox leto sternenda iuuentus,

Diuorum è tumulis qua ruit ossa sacris.

Quiq; dedit cineres nostros ludibria ventis,

Det lacer impastis ossa inhumata feris.

Quod causâ vincis, vinces & viribus hostes:

Stabunt pro castris iusq; piusq; tuis.

O quantos hodie confusa cadis acervos

Aspicies! dextrâ funera quanta dabis!

Euentura cano belli non futilis augur:

Mentiri haud Superûm nuncia lingua potest.

Ecce tuas volitat circum Victoria turmas,

Lectaq; Idumais fert tibiserta iugis.

Dixit, & intorsit furialis robora teli,

Horret quâ denso crebrior hoste globus.

Proxima

Proxima Boiugena regis volat hasta per auras :

Cetera ductorem turba imitata ruit.

Exhortantur equos , laxisq; feruntur habenis :

Quadrupedum occurrunt pectora pectoribus.

Fulmineum explodunt nitrosa tonitrua plumbum,

Sulphureasq; volat Mors comitata pilas.

Dant sonitum colles , refugitq; exterritus amnis :

Æther dissultat , concutiturq; solam.

At Dux fatifero Boiorum dimicat ense :

Quà ruit , horrescunt obuia corda metu.

Latum limitem agit peditemq; equitemq; metendo ,

Versaq; vulnerifico fulmine terga ferit.

Indica sic frendens furit inter ouilia tigris :

Per Libycas equitans sic ruit Austro aquas.

Sic flamma arentes victrix populatur aristas :

Diluuiem meditans sic tumet Ister agris.

Tum verò exoritur clades horrenda cadentium,

Strataq; in informi corpora cade natant.

Pars ruere in fatum , pugnaci & pectore mortem

Accipere : incerta pars dare terga fugæ.

Hi fluuium petere , & rapidis se credere lymphis;

Brachia sed vincit vulnere tarda labor.

Iam terror miseros nigris amplectitur alis,

Et quatit insolitus pectora pulsa timor,

Iam reboant gemitus morientum, pallida fuso

Exultatq; virum sanguine Tisiphone.

Vndique sanguinea strages, & plurima mortis

Versatur facies: inficit arua cruor.

Vicit Relligio tandem, fusaq; caterua

Sunt visa ad nostros projicere arma pedes.

Tu quoque, Rex, stares miserandus truncus in aruis,

Ni leto profugum surripuisset equus.

Ecce petis Morauas, latebrosa cubilia, siluas,

Nec, quae circumstent aspera fata, vides.

Quò ruis, ô demens? nostris accede triumphis:

Cesareum satius spontè subire iugum.

Iam tibi pradico exilium, longosq; labores,

Pauperiem, & nullos per tua regna lares.

Finibus extorris, Rheniq; expulsus ab amne,

Quàm mallet, dices, hac cecidisse die!

O ubi nunc soceri auxilium, classesq; Batavae!

Fugisti: languet spiritus ille tuus.

Vouerat ille (nefas) sese Capitolia ferro

Excisurum olim, Romulidumq; decus:

Ebrius & patrio celebrans conuiuia Baccho

Sacrarat telis Itala regna suis.

At Superi oderunt ventosa praelia lingua:

Imminet in tumidos numinus ira duces.

Monti-

*Montibus Amonijs celsos imponite montes,
 Monti parq̃, Mimas, Oromedonq̃, ruant.
 Aegæon validus centeno fulguret ense,
 Porphyriionq̃, fremat; centimanusq̃, Gyas.
 Fulmine deiecti Stygias trudentur ad undas:
 Inuenient Siculis flammea busta iugis.
 Pura triumphatum Pietas ascendit Olympum,
 Et parent humili sidera capta prece.
 Hinc tibi victori, plausu fremituq̃, secundo,
 Fessa malis referat mœnia Praga triceps.
 Tu sancis leges, inimicaq̃, fœdera rumpis,
 Dux acie, & iusto dux metuende foro.
 Bella gemunt, fractamq̃, fidem, te iudice, fontes:
 Fallaces cohibent vincula athena viros.
 Lictorem metuunt ausi spreuisse phalanges:
 Armorum peragit stricta securis opus.
 Miles Io ingeminat præcinctus tempora lauro:
 Acer Io ingenti voce triumphæ canit.
 Ante tuos currus fracto Mo'davia cornu
 Decolor incedit sanguine tineta suo.
 Fertur summisso, tristiq̃, Bohemia vultu,
 Quas nutrit, passis puluerulenta comis.
 Numina redduntur templis, altaribus ignes,
 Numinibus cultus, turea grana focis.*

Primus & ante aras Princeps inducit honores,
 Hostilesq; aptat postibus exuvias,
 Arma fugacis equi, servantia signa cruorem,
 Et de languenti spicula lapsa manu.
 Ingentes pendent hasta, infelicia tela,
 Et frustrata suos scuta cruenta duces.
 Sacra redux celebrat Romanâ in veste sacerdos,
 Edit & arcano verba timenda sono,
 Dein animata Deo delibat munera mensa,
 Et, memorans Christi funera corde, litat.
 Monstra fremunt Erebi, Cocytia regna resultant:
 Horrendum Hufitus sibilat ore draco.
 Magnus calicolum plaudens tibi Carolus aulâ,
 Hæc secum tacito in pectore versat avus:
 O verè educatam Francorum è stemmate prolem!
 Prælia sunt testes sanguinis ista mei.
 Prosequitur plausu stellantis regia celi,
 Gaudet & aligerum templa per alta chorus.
 Quare agè præceptis pubes imbuta Latinis,
 Ritè operata Deo munera mente refer.
 Grates Cælitibus, quorum immortalibus armis
 Debetur pulcro parta labore salus.
 Ferdinande, tuo victor latare triumpho:
 Gaude Cæsareis fascibus aucta domus,

Picta

*Vieta sub Augustis redijt prouincia virgis ,
 Externumq; iugum se coluisse dolet.
 En tua sydereæ veniunt ad classica turma :
 En tua calicolum prosperat arma Pater.
 Non tibi dat metas rerum , non tempora calum ;
 Terrarum imperium sed sine fine dedit.
 O benè culta pio caelestia sacra Rodulpho !
 Qualia creuerunt omine regna tuo !
 Exoriens , moriensq; tuas Sol aspicit undas :
 Auster , & Arctoi te colit ora soli.
 Concinit Austriacos Siren Tyrrena triumphos ,
 Et plaudit fausta , cum tonat , Aetna face.
 Belgica concreto per stagnum gentia tergo
 Arma , & plaustra tuus stridula miles agit.
 Feta tuis sceptris alios fors parturit orbes ,
 Transq; fluentisonum regna dat Oceanum.
 Peruuos tua iura domant , & Mexican ingens ,
 Teq; Thyestæâ Brasili pasta dape.
 India quin aurum , captiuâq; cinnama mittit ,
 Memnonij baccas & tibi dona freti.
 Gangaridum Hispanæ sunt hospita litora puppi ,
 Seruit & Eoæ fertilis ora Goæ.
 Gaude Relligio , soboles dilecta Tonanti ;
 Ire per Æthiopas ad tua templa licet.*

Aurora tellus veneranda oracula poscit :

Sacra niger patrio ture procurat Arabs.

Occiduis Phlegethon longè detruditur aris,

Patagonum luci pramonuere fugam.

Quà tenet imperiam, Romanos Austria mores

Edocet, & victos ad pia sacra vocat.

Tu calo populos, Superi tibi regna rependunt;

Nec magis es ferro, quàm pietate potens.

Hac ego magna canam vates tua signa sequendo :

Gloria det vires, carmine magnus ero.

A D

GREGORIUM XV.

PONT. MAX.

Bellicos Italiæ tumultus pacantem.

P *Roijce tela manu bello furiosa iuuentus :*

Linquite Canomanâm Martia castra duces.

Cornipedisq; leues cesset glomerare recursus

Lugubri galea luce timendus eques.

Romanus vetat arma Pater, Martemq; relegat,

Sanguineamq; sitim trans pia regna fugat.

Compeſcant litui, compeſcant classica murmur:

Contentur pacis sola tropæa tubâ.

Denocat

*Deuocat è calo, felicia munera, pacem,
 Qui reserat cali limina athena Pater.
 Ausonias solui decernit in otia gentes:
 Itala pallenti liberat arua metu.
 Drusorum manes, Augusti nominis umbra,
 Gaudete: hæc vestri est pompa laboris opus.
 En iterum reduces Capitolia ad alta triumphi;
 Nec tamen hic ullo est sanguine partus honos.
 Alpibus impositi Rhati sensere tremendis
 Agmine non fracti iura Latina toga.
 Cernite tranquillos deuoluat ut Abdua fluctus,
 Et Phaëthontæas purior auctet aquas:
 Serius ut torquens per opima noualia cursum
 Roscida triticeâ cornua cingat ope.
 Larius indigenâ crines umbratus oliuâ
 Splendidior gelidis exerit ora vadis.
 Hunc circum Nympha, glauci gens humida regni,
 Desuetos ducunt vda per antra choros.
 Eheu quot scelerum mærens Insubria vultus
 Ceperat! heu quantum pertimuisse nefas!
 Et sibi funestas acies plebs agra canebat,
 Et cadem, & prædas augure docta metu.
 Ille situ turres muris fulcire labantes,
 Et terre infossas credere auarus opes.*

Tristibus

*Tristibus excubijs hinc cingere mœnia miles ,
Atque alij externâ querere sede lares.
Fataq; præmonuisse Deum crudelia signis ,
Bellaq; narrabant significata polo,
Cum triplici Phæbus fulsit mirabilis orbe ,
Pallentiq; diu lumine sparsit humum;
Cumq; cateruatim stragem demisit Auerno
Depopulatrici falce cruenta lues ;
Et viduas passim Cereali munere terras
Solata est priscis quercus opaca cibus.
Prodigia hæc trepidum terrebant nuncia vulgus ,
Omnia Gregorius cum meliora dedit.
Publica vela regens Mundi, clavumq; ministrans ,
Promisit faustum Navita puppis iter.
Extemplo grauidi bellis cecidere fragores :
Detonuit scopulis : vnda quieuit iners.
Quàm citò, ubi antennis grati effulsere Lacones ,
Stagna modesta iacent, murmuris aura silet.
Quàm citò, cum crepitans lapidoso verbere grando
Disjicit & vites , & sata lata boum.
Diffugiunt imbres , mitescunt flamina Cauri ,
Iris ubi roseis athera trānat equis.
Gratia multa tibi magnorum maxime Regum :
Depositis clypeis otia mundus agit.*

*Pax ardor Superum, Cali mitissima proles,
 Omne cum fausto Diua salubris ades.
 Huc ades, atque Padi curru perlabere litus,
 Et tibi casta regat frena pudica Fides:
 Quacumque ingrederis felici Copia cornu
 It comes, & leto in gramine balat ovis.
 Incustodita Zephyris agitantur arista,
 Et teritur valido sole perusta Ceres.
 Te sequitur Bacchus: per te seruantur apricis
 Collibus ad domini musta vehenda lacus.
 Sarcula pace vigent, rubigo amplectitur hastas:
 Cedit ruricolis gloria bobus equi.
 Fas graditur tecum, tibi rident oppida, & vrbes:
 Tu maculosa graui crimina lege domas.
 Iustitiam solio pulsam tu reddis eburno:
 Illius horrendas instruis ense manus.
 Pacatum hinc volitat mutandis mercibus aquor,
 Nec timet à nigris nauta pericla Notis.
 Et tranquilla quies curas ornare recentes
 Gestit, & inuentâ fertilis arte nitet.
 O mortale genus, quid leto in damna ruenti
 Nostra iuuat celeres Marte aperire vias!
 Quis furor est claras lauros nutrire cruore,
 Pectoris ut fossi vulnera nomen emant?
 Cognatis*

Cognatis parcit maculis ieiuna leonum

Ira, nec agnatâ gaudet hyæna dape.

Ecquando tigris gelido bacchata Niphate

Parthica turpauit comparis arua nece?

Proh pudor! humana est rabies asperrima ferri:

Humana indomitus sauior ira feris.

Quod si tantus amor cadis corda aspera pulsat,

Desinite in patria stringere tela latus.

Thrax vocat Ausonia resides in bella cæteruas,

Et poscunt Siculas Bospora bina rates.

Vos pia busta vocant fædo calcata Tyranno,

Inq; Palestinis sacra litata iugis.

In Scythicas plaustris turmas, pharetraq; potentes

Vulnera sit pulcer figere certa labor.

Aut vos adscensis comitentur præmia Susis

Bellica, odoratis turaq; rapta viris.

Aut vestra in Parthis latetur stragibus hasta,

Matribus Eois hasta gemenda diu.

Ite agite, atque Asia felicia regna triumphis

Lustrate, & capto dicite iura Syro.

Vobis ferta dabit florum nutritor Orontes,

Perducet vestras unguine myrrha comas.

Gracia barbaricè sauis onerata catenis

Implorat socias semisepulta manus.

Oenotrias

Oenotrias classes aſſinas Nilus ad undas

Totâ veſte vocans pandit in amne ſinus.

Se lamiant Orientis opes, ſibi diſſidet ingens.

Aurora, inualido ſceptra tenente duce.

Et fremere inſolito pratoria caſtra tumultu

Vidimus, in Regem pilâq; miſſa ſuum.

Ille, velut Borea procumbens viribus ornus,

Occidit, & trunco corpore planxit humum.

Discite ab exemplis hoſtilibus incluta facta:

•Viſtima erat noſtris hæc ingulanda focus.

Parcite cognatas in bella laceſſere gentes:

Sanguinis abſtineas, Auſonis ora, tui.

Quod te iam dudum laceras diſcordibus armis,

Noſtra peregrino ſub pede colla iacent.

Pauperiem, morboſq; viris lacrymabile bellum

Omne parit, cæcus cùm mouet arma furor.

Verùm cùm lituos inflat ciuilis Enyo,

Ipfâ quatit Stygias torua Megara faces.

Acrior infrenat Mars in certamina currus,

Et peiora illum monſtra ſecuta ruunt.

Helleſpontiacos utinam tibi, Roma, triumphos

Ante meos obitus monſtret amica dies.

Quâ videam Patris auſpicijs turbata Latini

Sacra Arabum, & Latio reddita ſceptra foro.

T

Gregorij

*Gregorij hoc pietas , hoc auri prodiga poscit
Dextera , & assiduo culta labore fides.
Huius ab auspicijs iam nunc per templa propagans
Religio ante aras sacra pianda docet.
Et Vaticana de culmine creditur arcis
Ægida concutiens tela ciere Deus.
Hac precor eneniant. lauro tunc vincetus ouanti
Tractabo aurata consona pleetra lyra.
Conaborq; tuas laudes diffundere in ævum,
Exiguus nostro sit licet ore sonus.
Nec me tardabunt rauca mala murmura lingua,
Quin bellator Io voce triumphæ canam.
Iusserit hoc Clio , mutum genus omne natantum
Edet cycneos per vada salsa modos.
Sic ope Pieridum gelidas trans audiar Alpes,
Trans tepidam Meroën : tu modo Phæbe velis.
Et vincam aternâ clamantem Stentora voce ,
Nec mea cum Zephyris verba caduca fluent.
Non me perpetuæ carpent obliuia noctis ;
Non omnis moriar : tu modo Phæbe velis.*

GREGORIVM XV.

ITERVM LAVDAT

OB TRIUMPHVM PRAGENSEM.

Virtutis legumq; parens, celeberrima regnis,
 Condita septenis Romula terra ingis:
 O Patria aternum felix, fecunda triumphis!
 O bellatorum prole beata virum!
 Tu quamuis gemino solis metuenda sub axe,
 Margine sidereo clausuris vr̄bis opes:
 Mille licet Tuscum Tybris regnator in aquor
 Sceptra triumphali barbara veſtet aqua;
 Annibaliſq; fuga, & regalia vincla Iugurtha
 Dardaniæ fuerint pompa cruenta manus:
 Grata tamen lauros ne dedignare recentes,
 Quas tibi de Rheni litore, Diua, fero.
 Gregorijq; sacros præcingat adorea fasces,
 Quasq; apices terni circumiere comas.
 Tu latè horrendo sacrorum numine pollens
 Transcribis iuſſu perfida regna graui.
 Deturbas ſolio reges, adimiſq; curules,
 Nec falſa populos plaudere voce ſinis.

Ecce Palatinus, magnæ te vindice linguae,
 Eversus regnis præmia digna tulit.
 Consilijſq; tuis iustiſſima Caſariſ ira
 Tranſtulit in Boios regna caduca lares.
 Ille ferox nobis dementes corde ruinas
 Dum parat, à patrijs excidit exul agris.
 Quas tu ſperaſti exuiſas, dedit ipſe Quirino:
 Pendent è noſtris ſignâ Bohema thôlis.
 Nectantùm Auſonias augeni Mauortia prædas
 Tela, ſed & capti, Palladis arma, libri.
 Cecropias, ſapiens vixit queis Græcia, chartas
 Hoſtibus ereptas Romula cura legit.
 Heidelbergæ, tuis clareſcet Roma ruinis,
 Dum viuunt artes, ingenijq; decus.
 Tu quondam aduerſas in nos hortata phalanges
 Infandas poteras ære onerare manus.
 Caluinuſq; tuis conſtabat dira cauernis
 Heſura in noſtro tela ferox latere;
 Argiuâq; aciem verborum fraude polibat
 Gorgoneo explorans tincta metalla lacu.
 Non ita Cyclopum, ſi vera eſt fama, camini
 Informant rapido fulminis igne minas.
 Pro re calicolûm, pro maiestate Tonantis
 Ictibus horriſeris ſaxa Sicana gemunt:

Miſcuit

*Miscuit & nudus candentia tela Pyracmon
 Centimanum ardenti clara futura nece.
 At tu terrigenis Rheni fabricata sub antra
 In cali exitium tela rotanda dabas.
 Tybridis ô casta pubes operata Minervæ
 Gaude Socraticæ pignore leta domûs.
 Hec tibi sufficiet sternendis hostibus arma ;
 Hinc illis terror , morsq; cruenta venit,
 Quis scit , an & nostris hinc olim excussa lacertis
 Inficiet fusus spicula ab hoste cruor ?
 Petre faue , miles Christi dum praelia tento :
 Et mihi de Petri munere surgit opus.
 In tua monstra feror , Germania feta colubris :
 Et mihi sunt arcus , & mea dextra nocet.
 Vipcreos rictus , latrantia colla refringam ,
 Et sparsa pharetræ pondere victor ero.
 Interea dulces Phæbi redcamus ad artes :
 Me citharæ imbelles , plectraq; Lyda vocant.
 Rex ô sacrorum tibi plebs , tibi curia plaudat :
 Castalij plaudant per iuga bina chori.
 Et , benefactorum merces , tibi gloria detur ,
 Et memores titulos fama superstes alat.
 I felix , puppiq; sacrâ pete regna per undas ,
 Mercibus Eois perge onerare ratem ,*

*Vise pharetratas gaudentes cede Moluccas,
 Hospitibusq; fera litora Brasilia.
 Trans Indum, & Gangem, nascentis & ultima Solis,
 Caruleas certo sidere curre vias.
 Xauerus magno ante aras dignatus honore,
 Auspice te, Superum, lintea tuta vocat.
 Legifer ille Euri, Ledæis clarior astris,
 Ostendet fido lumine puppis iter.
 Crede mari pia lina Pater; iam sternitur unda.
 Pura repercussâ marmora luce nitent.
 Iam non de septem specubus effusa Trionis
 Naufraga tempestas in tua vela ruet.
 Nimbrorum illa olim sedes disiecta tumultu est
 Æolia ingenti; nostraq; iura timet.
 Hostes hinc soliti Cauris immittere habenas,
 Ut quaterent alis aspera dorsa freti.
 Utque indignati turgentia regna tridentis
 Romanæ inferrent ultima damna trabi.
 Visum aliter Superis: navis, navisq; Magister
 Post victas hiemes litora tuta tenent.
 Navita Gregorius nunc regnat, & Æolus idem;
 Hic novus Hippotades murmura rauca domat.
 Tolle Ithaco mendax franatas utre procellas
 Clio: Romani est remigis illud opus.*

*Hic Vaticanis includit flamina claustris ,
 Et rabiem , & furias prouidus are ligat.
 Mœnia Pontificum , Diuisq; habitabile bustum ,
 Dedaleisq; minis templa imitata polum :
 Ruraq; Phœacum siluis certantia cultu ,
 Naiadum choreis vdaq; semper humus :
 Porticibus vestris ô qui me sistet & umbris
 Noscere quarentem Graia reperta senum !
 Vt tacitus vulgo reptare incognita Tempe ,
 Et possim vestro rore leuare sitim.
 Hic ego Mopsopij vel ducam pocula mellis ,
 Curuaq; Piræi litoris arua legam.
 Vel cupiens dubias naturæ accedere causas
 Ingrediar Macedum culta Lycea duci.
 Persequar aut tragicum spirantia carmina vatum ,
 Cæiq; Alcæiq; aurea pleetra lyra.
 Tunc ego despiciam stulta mala gaudia mentis ,
 Donaq; gemmiferi despiciam pelagi :
 Quod formidatus vestigat classe Batavus ,
 Quæ matutinas Iaua colorat aquas.
 Sardinia segetes , benè olentes fruge Sabæos ,
 Hermum despiciam , despiciamq; Tagum.
 O valeant fasces , spinosaq; purpura Regum :
 O valeant miseri , quos leuis vrget honor.*

*Quos vehit ad trabeas ventosis Gloria bigis ,
Pectora quæ surdo verberare ceca ferit.*

*Tu Bellona vale , & vos ô fera bella valete ,
Et Martis furias docta ciere tuba.*

*Alter pila rotet campis , hastaq; coruscat ,
Quà magnus nautis emicat Oarion :*

*Oceani Oarion pedibus qui stagna peragrans
Æquoreis humeros altior extat aquis.*

*At me fallentis carpentem commoda vite
Parnassi adspiciat lenis alumna quies.*

*Sic ego Musarum deuectus prapete pennâ
Eripiar populis , & super astra ferar.*

*Maior & inuidiâ per postuma carmina viuam ,
Virtutisq; tuæ , Roma , poëta canar.*

NICOLAVS LVDOVISIVS ISABELLÆ GESVALDÆ

Sponsæ Venusij Principi.

Accipe Trinacrijs è Regibus edita Virgo
Coniugis ingenuâ scripta notata manu.

*Accipe : concessos narrabit epistola amores ,
Sollicitiq; animi nuncia verba feret.*

Non

*Non tot arundineis armantur terga sagittis
 Parthica, quot lacero pectore tela gero.
 Nec sic ardet ager, ventis aestate coortis,
 Pastor ubi flammis pinguibus arua coquit;
 Ut mea tabificis torrentur viscera tædis,
 Feruidus ut nostrum molle cor urit Amor.
 Unica tu nostræ causa es pulcerrima cura,
 Unica tristitiæ fonsq; modusq; meæ.
 Vritur omnis amans, sed aperti coniugis ignes
 Suscitât, ut vivant, penniger ipse Puer.
 Felices, sociæ iungunt quos fœdera dextra,
 Iungit & ad thalami gaudia pacta Venus.
 Me tibi connubio puerum datâ dextera nectit:
 Non vacui nectunt frigida regna thori.
 Te Campana, tenet felicior hospitæ tanto
 Tellus; me inuitum Romula regna tenent.
 Heu mihi quàm longè meus à me disidet ignis!
 Ignis abest longè, sed ferus ardor adest.
 O utinam optato coràm consumerer aestu,
 Explerentq; auidam lumina amata sitim!
 Maccror, & nostro non sit medicina dolori;
 Acer & in latebris pectoris hæret Amor.
 Quid faciam? celerare fugam, sedesq; paternas
 Deserere, & fratris limina cara iuvat.*

*At vigilis patruī pia me custodia seruat ,
Quam calum , & terra , fuscaq; regna timent.
Hic mihi discessum optatum , veniamq; roganti ,
Causatus puero multa , negauit iter.
Te tamen inuenio , quamquam his regionibus adsis ,
Blanditijsq; tuis , quā datur arte , fruor.
Mente agito vultus ad nostra incendia natos ;
Artificis video lumina Amoris opus.
Et meditor flauos crines , & eburnea colla ,
Quiq; , precor , niueos , sint mea prada , sinus.
Cum verò hæc meditor , calum contingere plantis ,
Et videor celsi templa habitare Iouis.
At cum te absentem agnosco , mea gaudia cessant ,
Et videor tristi trans Styga puppe rapi.
Solamenq; mali , misero quòd restat amanti ,
Legatos qui te , multa , adiere , rogo.
Quid facias posco , de me quodcumque locuta es ,
Quæq; scio quero , mox repetita peto:
Qui vultus , quàm forma decens , quàm dulcia verba:
An desiderio tu moueare mei:
Num citharæ cordi tibi sint , num Palladis artes :
Saltanti ut soleas molliter ire pede:
Ecquid in antiquam virtutem gloria regum
Te rapiat : quenam sit tibi culta parens :*

Hæc

*Hæc tunc sæpè meo reddunt responsa dolori ,
 O felix tali vulnere quisquis amat !
 Fulva coma est illi , niueo pulcerrima fulget
 Corpore , & incessu numen & ore patet.
 Illius ex facie contorquet fulmina Cypris ,
 Dum loquitur , vernas spargit ab ore rosas.
 Illius in digitis , plectrisq; loquentibus artem
 Musica Phœbei gloria fulget aui.
 Seu choreas ducit , siue est operata Minerva ,
 Ponè illam triplex Gratia subsequitur.
 Et memor illa tui est , & multa interrogat illa
 Te super , & roseo , dum rogat , igne micat.
 Casta pudicitiam mater , sanctosq; penates
 Servat , & in pæcto fœdere amare iubet.
 Ipsa genus factis testatur sanguinis heres ,
 Atque animi ante alias prima puella nitet.
 Hæc mihi respondent cupientes fallere curam :
 Ast alimenta furens hinc sibi sumit Amor.
 Gliscit in immensum , nec se benè continet astus ,
 Fletibus attenuor , pallor & ora subit.
 Et me cunctarum capiunt fastidia rerum :
 Non pila , non disci , aut flectere ludus equos.
 Non cursus me palma iuuat , pulvisq; pelætra :
 Nare per æstiuos non mihi cura lacus.*

Quò rudior primos mens non intelligit ignes,
 Sæuior in teneram spicula figit Amor.
 Læditur à primo detrectans taurus aratro,
 Primaq; languescit sub iuga missus amans.
 A te principium nostræ duxere fauilla:
 Vltima tu curuo es flamma futura seni.
 Per tua tela, arcus, & per tua, lampadas, arma,
 Sic tibi de superis sæpè triumphus eat.
 Parce puer, puero nulla est me gloria victo;
 Parce, sed ut parcas, cuspide lade magis.
 O me felicem, hic cinerem si fecerit ardor!
 Sit mihi tam pulcro laus in amore mori!
 Gratia sit Superis, talis quod gratia forma
 Me cepit; cupidis mille petitâ procis.
 Quæ te ex ingenti Ausoniâ matresq;, viriq;
 Natorum tædis non cupiere nurum?
 Non tot Dulichij proceres, errante marito,
 Ansi sunt nupta sollicitare fidem.
 Si te fecisses crudelis præmia pugna,
 Elide nobilior nunc tua terra foret.
 Herculei mallent pro te certasse lacerti,
 Teq; dolo aurigæ Phryx rapuisset equis.
 Quig; tulit celeris munus Schæneïda planta
 Auriferâ mallet te superasse fugâ.

*In te laudantur mores , vultusq̃ , genusq̃ ,
 Et tibi quas campus dat Venusinus opes.
 Sunt quos diuitia , sunt quos tua regia tangit ,
 Et quæ Lucanis ingera bobus aras.
 Me tua forma rapit , non mœnia vatis Horatī ,
 Et casti mores sunt mihi flamma decens.
 Non tamen hîc vēstros ausim damnare triumphos ,
 Maiorum laudes , & benefacta mari.
 Te tua , te veterum comitatur gloria : priscos
 Appula Normannos regna loquuntur auos.
 Exuuijs Arabum , pulsus & victor Achivis ,
 Robertus patrios auget honore lares.
 Illum angustantem cumulatis funerum acervis
 Vidisti ripas , Auside lente , tuas.
 Turbidus & quatiens validam Rogerius hastam
 Armata retulit regiaserta comæ.
 Chalcidicos campos , & rura Typhoidos Ætnæ ,
 Et Capuam hic sceptris pressit , & arua Lami.
 Quid memorem Sueuas materno è stemmate lauros ,
 Fluminibus centum quas pater Ister alit ?
 Hec alij iactent dulcis præconia fama :
 Tu fulges titulis conspicienda tuis.
 Tu mihi deuictis melior prouincia turmis ;
 Exuuiæ , & reges , tu mihi currus eris.*

Ah modo sis facilis, neu connubialia differ
Gaudia, & inuisa tedia rumpe moræ.
Sed cur, ut venias, frustra mea vota laborant?
Non tu causa moræ, sed negat annus iter.
Torrida celestis rapidus per brachia Cancri
Phæbus anhelanti sidere ducit equos;
Atque herbæ sitiunt morientes, & caua siccis
Stagna arent ripis, omnis & aura silet.
Pontinæ halantes canosâ vligine valles
Æstiuam prohibent sæda per arua viam.
Nec tutum Cumas, Circesq; vel Anxuris arces,
Aut Læstrygonium radere puppe salum.
Non benè Campani mutantur Tybride colles:
Hic vitio celi nam furit atra lues.
Corpora grassantes sternunt iuuenilia morbi:
Ignea vis Urbem dat populata neci.
Te seruent potius cognata regna Caserta,
Neu subeas dubie tanta pericli vie.
Me miserum! vellem tibi non suadere, quod oro:
Vt maneat istic attamen ipse precor.
Tutius æstiuos istic perferre vapores
Icarij poteris dum micat ira canis,
Te gelidis foueant Tifata uberrima riuis,
Quà niger umbrosas lucus opacat aquas.

Alci-

Alcinoi superant vestra pomaria silua.

Felix qui agricolâ Principe gaudet ager!

Non liquidi desunt fontes, non mollia prata :

Arbor habet frondes, gramine vernat humus.

Quæq; per immensas sunt semina didita terras,

Pandunt insolitas rura per ista comas.

Narcissusq;, crocusq;, & gramina, Solis amores,

Regum & de vario funere surgit honos.

Fama est per vestros errare animalia montes,

Et cicures plumæ versicoloris aues.

Siue igitur piëtis rhedâ spatia bere in hortis,

Seu canibus quæres præmia, siue plagis :

Siue pharetrata ritus imitata Dianæ

Torquebis gracili Gnosia tela manu ;

Dent tibi plaudentes argentea lilia Nymphae,

Et faueant Satyri, Naiadumq; chori.

Adsitis nemorumq; Dea, rurisq; puella :

Pulcrior in vestros Cynthia migrat agros.

Spargite humum folijs, manibus date roscida plenis

Serta : fluant fusæ per nemus omne rosæ.

Huic nemora, & saltus, fontesq; recludite puros,

Vt gelida arentem temperet unda sitim.

Tu quoque de Getico, Borea, celer axe faucto :

Per domina placido flamine curre sinus.

De-

Defendat nimios tuus illi spiritus æstus ,

Illæ tuis animis purpurea ora subi.

Sed caue ne nostris committas oscula labris :

Attica amatori sit tibi præda satis.

Campani montes , & formosissima prata ,

Vxoris nixeo pascua tacta pede ,

O utinam vestros possem penetrare recessus ,

Aspicere & Dryadum vestra per antra choros!

Tecum unâ salices inter , mea vita , iacerem ,

Tecum unâ in silvis vellem agitare feras.

Et modo captarem frigus , legeremq; ligustra

Candida , caelestes implicitura eomas.

Et modo penderem dulci cantantis ab ore ,

Miratus doctæ carmina auita lyra.

O quoties , medio cum Sol altissimus orbe est ,

Acciperet fessos qualibet umbra duos !

Non quererem , teneros æstus quod laderet artus ,

Fœdarentq; meas retia torta manus.

Vana sed æria rapiunt mea vota procellæ :

Proh dolor ! en silvas , me sine , sola vides.

Ah saltem capiant te nulla obliuia nostri ,

Et dicas : Coniux , hei mihi ! fidus abest.

Cura sit illicibus nostros incidere amores :

Fac legar in multo cortice scriptus ego.

Hæ tibi sint artes: longum, sic falle laborem:

Parce per hos æstus, vita, nocere tibi.

Interea lætis te somnia nostra reducant:

Luminibus nostris umbra benigna veni.

Tunc ego perpetuo vellem languescere somno:

Tunc matutinos odero Solis equos.

Te tamen & vigilans spectabo: perfruar absens

Vultibus optatis, quos mihi cera refert.

Non respondentis simulacraq; vana figura

Alloquar, & labris oscula mille dabo.

Felix Pygmalion, signi qui captus amore,

Vota ferens Veneri, viuere vidit ebur.

Nostrum viuit ebur, spirantia membra puella:

En erit, ut possim hoc diues amore frui?

Et fruar, & nostro pones vestigia lecto:

In mea tu venies brachia, dulce caput.

Spes bona, promissis tristes quæ ducis amantes,

Ingredere o tandem pectora fessa malis.

Tuq; o decurrens animosa per astra Leonis

Axe moraturas contrahe, Phæbe, faces.

Teq; citò accipiat redeuntem flexibus actis,

Quæ pensat somnos lumine Libra pari.

Tunc molles campi, tunc clementissimus annus,

Qui discessuros carpere suadet iter.

*At tu, seu Lues, succincta Pauoribus alas,
Sub patria infandum Tartara conde caput.
Solae metu Romam, fugiens Saturnia regna:
Splendeat hinc roseo lumine pura dies.
Tunc, mea lux, venies nostrorum finis amorum,
Sive velis terris, equore sive vehi.
Ipse tibi faciles undas, ventosq; precabor,
Nereidumq; regant ut tua lina manus.
Aspiciensq; tuam tranquilla per aquora pinum,
Illa vehit, dicam, numina nostra ratis.
Non me fallenti tardabit litus arenâ,
Non breuia alternis stagna refusa vadis,
Oscula quin tibi dem properata sine ordine multa,
Oscula amatori trans mare digna rapi.
At tu Romuleas arces inuecta triumpho,
In Latij venies patrua regna senis.
Quae te pompa manet, cum tu pulcerrima rerum
Ibis in aratis per fora plena rotis!
Dardanij occurrent proceres, festaq; catervae:
Templa frement plausu, letitiaq; viae.
Aspicies Urbem, victricia mœnia mundi,
Alternâ Solis quam tremuere domus.
Hac legum belliq; parens ora:ula terris
E Vaticano culmine sancta canit.*

*Hic Patruus dat iura meus, qui fœdere nexos
 Nos æterum iunget per noua sacra manu.
 Hic vir, hic est, Italis pacem qui reddidit aruis,
 Nondum tergemino cinctus honore caput.
 At nunc sceptrâ tenens, irasq; atque impia bella
 Criminaq; inuicta vineta adamante ligat.
 Huius ab auspicijs Dinorum altaria crescunt,
 Templaq; cœlitibus ture vaporat Iber.
 Hic senium emendat legum, & suffragia Patrum:
 Hoc duce per Latium prisca metalla fluunt.
 Non ego ventosus trabeas generisq; tropæa
 Hic refero, ut titulis perfruar ipse meis.
 Mens meliora monet: magna hac tibi gaudia narro,
 Ut citius stimulis acta ferare nouis.
 Quin te purpureâ redimitus tempora vittâ
 Optatam frater plausibus excipiet:
 Hunc fama est meritis ostrinos vincere honores:
 Fortunam didicit tam benè ferre suam:
 Seu rem Romanam statuit plaudente Senatu,
 Siue rudes populos Romula sacra docet.
 Hic desueta diu reuocauit ad otia Musas,
 Fraudentur celebri ne sua facta lyrâ.
 Te centum, aut plures tollent ad sidera vates:
 Nam centum, aut plures Tybridis arua colunt.*

*En citharas, & plectra citant, thalamisq; precantur
Ut faueat nostris lampade clarus Hymen.
Quid memorem, quæ nostra parat tibi mœnura mater,
Arabio niteas ut noua nupta mari?
Et claros lapides, Erythrae & germina concha,
Quæ peperit Ganges, quæ Comorina Thetis?
Iam tibi depectunt folijs sua vellera Seres,
Et tunicas auri fulgure pingit acus.
Flammea net paruo secunda Bononia. Rheno,
Optat virgineus quæ sibi vela pudor.
Et viridi zonam variant tibi luce smaragdi,
Quæ tandem est nostrâ dissolüenda manu.
Quare agè, cum mitis patientur frigora brumæ,
Cumarum Euboico litore solue ratem.
Interea pro me tecum mea, litera uiuat,
Occupet & partem charta recepta tori.*

A N T I V M,
V Ê T V S T I S S I M A M
V O L S C O R V M V R B E M,
nunc dirutam celebrat.

O *Qui Tyrrenum celeri trabe curritis aquor,
Quorum tranquillis vela tument animis;
Ostia seu Tiberis, seu saxa Ligustidis ora
Linqvitis, & Iani mœnia iacta manu:
Sive Dicarcheâ nauta solvistis ab actâ
Puppin, Parthenopes dulcibus aut scopulis:
Sistite velinolum cursum, cohibete fauentes
Auras: vela cadant: parcite remigio.
Cernitis insanâ constratum mole profundum,
Spumea quam circum murmure feruet aqua;
Quâ pelagus per saxa furit, fluctusq; laborat
Deiectum oppositas aggeris ire moras?
Hæc quondam celebres testantur mœnia portus,
Atque Austri in furias obdita claustra mari.
Arripite has proris terras: monumenta docebo
Vos veterum priscis eruta ab historijs.
Non tantum sanctis instructæ legibus vrbes,
Tectaq; diuitijs luxuriosa suis*

*Mortalem alliciunt pulchra ad spectacula visum,
 Sed placet annoso squalida terra situ.
 Oblēctat pauor ipse animum: sunt gaudia curis,
 Et stupuisse iuuat, quem doluisse piget.
 Litore in hoc quondam surgebant diuitis Ant
 Arces, Volscorum regia celsa patrum.
 Vrbs populis florens, felix & pinguibus aruis,
 Audaces ventis credere docta rates.
 Ausaq; Romanas per bella laceffere turmas,
 Spernere & armati Consulis imperium.
 Volscæ cohors pastos abigens à Tybride tauros,
 Roma, tui quondam militis horror erat.
 Pauperis ô semper memoranda infantia regni,
 Quò se felici sustulit alta gradu!
 Tunc Anio fuerat celeri pro Tigride Roma,
 Extremiq; hominum Crustumeri, & Gaby.
 Hercynia saltus, Cymini vos antra fuistis;
 Nile pater fontes, lympba Velina, tui.
 O quoties Volsci bellum instaurastis, & acres
 O quoties fudit Martia Roma duces!
 Sapiùs impositum regni ceruice rebelli
 Detrectastis onus, seruitiumq; ferox.
 Vicit Roma tamen, Martis iustissima cura,
 Martius & victo iura dedit Latio.*

Cum

Cum mare sanguineo perrumpens Astura fluctu
 Æstibus inuoluit corpora casa virum.
 Tristior & fluxit valles Amasenus in imas,
 Inficiens Satura stagna cadaveribus.
 Contudit Equorum nomen, Volcosq; Camillus,
 Moxq; triumphalis Quinctius agricola.
 Antium & equoreas vetuit tractare carinas,
 Et fortunatâ merce onerare rates.
 Robora tunc primum prorarum, captaq; rostra
 Suggestum Latij composuere fori.
 Anne parum fuerat fluctus audisse minantes,
 Atque procellosi iurgia rauca sq; i?
 Heu tempestates Urbis, legumq; tumultus!
 Auditura nouum rostra mare imbuitis.
 Attamen ô gaudete rates, gaudete, Latinum
 Vestras eloquium sustinuisse trabes.
 Chaonia vaturn celebrantur carmine quercus,
 Quod visa Euro sint concutiente loqui.
 At vos felices, Ciceronem audi e loquentem
 Quis datum, & ingenti Caesaris ore frui!
 Nonne fuit satius tantâ mercede domari,
 Atque hac perfidia premia ferre trucis?
 Ast Latium puduit sacras coluisse secures,
 Romulidum & forti subdere colla iugo.

*Invidia stimulus vrit nos proxima virtus,
Et malè finitimos fœdere iungit amor.*

*Quid fugis ô demens victricia sceptrâ Quirini?
Hoc bellante capi, crede, triumphus erit.*

*Hæc, quæ nunc breuibus spatijs sua regna cœrcet,
Hæc bellatorum rustica turba patrum,*

O quàm felici fatorum lege fruetur!

O felix niueis Romulus alitibus!

*Non tantùm Ausonia victrix dominabitur omni,
Sed feret imperium trans mare, & Oceanum.*

*Agmina Romanos horrebunt Cimbrica fasces:
Ditabit Latium Cypria prada Ionem.*

*Non Pyrrho virtus, non Pæno proderit astus:
Corruet ante tuos, Roma, Iugurtha pedes.*

*Tu duces currus utroque ab litore ouantes,
Pallidiorq; fluet sub tua Regna Tagus.*

*In Batias aquilas frustra latrabit Anubis,
Cùm Ptolomacâ tu potiere Pharo.*

*Ah tandem, Volsci, fatali cedite Romæ:
Cedite, & hostiles ponite mente dolos.*

*Hæc vos excipiet gremio, ciuesq; vocabit
In sceptrum, & socias ducet in arma manus.*

*Hæc vobis pia mater erit: facietis utramque
Vnam animis urbem, coniugÿsq; sacris.*

Euene-

*Euenere : suos huc misit Roma colonos ,
 Hostibus & victis cinica iura dedit.
 Vestraq; marmoreis donauit numina templis ,
 Insuper & ornatu cuncta nitere nouo.
 Addidit & turres , & propugnacula muris ,
 Signaq; Phidiaca detulit artis opus.
 Pratulit & Tiberi dilectum Caius Antium ,
 Inferre auspicium huc grande , Deosq; parans.
 Quid referam portus , saui monumenta Neronis ,
 Et vetitas patrum tundere litus aquas ?
 O quantum ante alias Romana potentia gentes
 Viribus egregijs conspicienda nites !
 Hellepontiaco minitantes vincla profundo
 Xerxem indignatum Græcia risit ouans.
 Id Romæ licuit : potuit nam molibus altè
 Iactis frænatum continuisse mare.
 Indomitum clausit nec tantum carcere pontum ,
 Sterneret ut tutum puppibus hospitium ;
 Verum ut torpenti piscis securus in undâ
 Luderet , hibernas negligeretq; minas.
 Ingluuias Romana sibi sic prodiga portus
 Struxit ; ut insanam pasceret arte gulam.
 Aspicite has rupes , Centaurica saxa : Gigantum
 Dicetis validas hac statuuisse manus.*

Nil intentatum diues sollertia linquit :

Stultitiam nimia nam patiuntur opes.

Ompia sed viētrix audet superare vetustas ,

Nil mortale diu subtrahiturq; neci.

Eheu Volscorum nil sunt nisi nomina terra !

Heu ubi nunc ades , atriaq; alta iacent ?

Ducti templorum periere ad sidera sumus :

Pascitur herbosas tarda iuuenca domos.

Perq; theatrales horrenti clade ruinas

Fortis aratra manu curua bubulcus agit.

Quā cantus , mollesq; iocis viguere chorea ,

Ad fontes potum fistula ducit oves.

Magnanimū Heroum insultant armenta sepulcris:

Ossibus illis grandia rastra sonant.

Quid iuuat audaci montes tenuasse securi ?

Vmbis antiquum quid spoliasse nemus ?

Quidve Carystæas optare in fulcra columnas ,

Vt niteat diti fronte operosa domus ?

I nunc , tolle animos , ô spissi litoris Antium :

Vrbs meditare tuam semisepulta necem.

Ah miseram ! versa tardaris imagine forma ,

Teq; tuo stratam litore non reperis.

Quis me Fortuna doceat quā nobile templum

Iam steterit prisâ religione sacrum ?

Fama

*Fama est hinc dubijs petijſſe oracula rebus ,
 Et reſponſa domum certa tulijſſe patres.
 Vana ſuperſtitio regnantem credidit olim
 Fortunam , atque illi numen ineſſe Dea.
 Extiaq; taurorum , Nabathaaq; tura profanis
 Reddebant aris , dum ſibi fata rogant.
 Hic multas optabat opes ; aſt alter honores ,
 Stantiaq; in plauſum plena theatra ſuum.
 Hic ſibi velocis poſcebat dona quadrigæ ,
 Premia Circenſis puluerulentâ fuga.
 Nauta leues auras ; mercator lucra petebat :
 Durus ſecundi ruris arator opes.
 Sic natum in curas hominum genus, agraq; mentis
 Somnia ; liba tulit numen inane colens.
 Non ego te Superum , Fortuna , in ſede locabo :
 Vota mihi ante aras nec nocitura feram.
 Non ea mens animo : pereat qui diuitis auri
 Pondus amat , victumq; gloria quemq; rapit.
 Sanum poſco animum , virtutis amore calentem,
 Fortiaq; in vita munera membra peto.
 Dum bene ſit capiti , mentis ſedemq; tumultus ,
 Cetera diripiant irrita vota Noti.
 Has mihi non audax vires in prælia poſco ,
 Aduerſa ut ſuperem caſtra timendus eques :*

Totus

*Totus & are nitens fuluo, cristisq; decorus,
Scandam veloci mania capta pede.*

*Non ut marmoreos postes miratus adorem,
Limen & insomni milite sollicitum.*

*Viscera sint alij Regum, felixq; vocetur,
Curarum Princeps cui graue credit onus.*

*Nil semper reticenda moror, trepidusq; potentis
Sit procul à nobis pallor amicitia.*

*Me coluisse sacras Parnassi in vertice Musas,
Et veterum scriptis inuigilare iuuat.*

*Hac fuit, hæc nobis à primâ cura iuuentâ:
Insitus hic nostro pectore feruet amor.*

*O utinam valeam, corpusq; fidele labori
Prospera Palladio dent mihi fata seni!*

*Tum mihi Natura libeat cognoscere causas,
Cur celer obliquum permeet annus iter:*

*Quam teneant elementa fidem: quæ semina rerum:
Corpora diffusum nûm per inane volent.*

*Noscam ego, quæ tellus, & quæ miracula ponti
Salsa fluentisonis occulit vnda vadis.*

*Herbarum vires discam, succosq; salubres:
Rimabor ditis fulua metalla soli.*

*Quæ coeant, vastaq; iterùm fornace liquecant
Artifici lymphâ: cur labefacta fluant*

Sulphu-

*Sulphura : secundumq̃, salem , roremq̃, fugacem ,
 Balsamaq̃, , & flores nosse laboris erit .
 Vulcano monstrante viam , flammisq̃, magistris ,
 Experiar clausos rerum aperire sinus .
 Sic ego , sic docta traducam tempora vita ,
 Si longaua mihi tempora fata dabunt .
 Hei mihi ! quid cupidam mentem spes lætat inanis ,
 Nunciat extremos si mihi Parca dies ?
 Angor iam multos obsessis faucibus annos ,
 Mentis & interpres sanguine lingua tumet .
 Ipse dolor prohibet dulcis commercia vite ,
 Elidens rauca , guttura , vocis iter .
 Huc ades ô multo tandem exoptata dolore ,
 Si qua daris nostris , ô medicina , malis !
 Huc venias miserata : tuos modulabor honores ,
 Quæ me natura , restituasq̃, mihi .*

G A B R I E L I

C A B R E R Æ .

Æ *Thera Romuleũ vt linguam , solemq̃, palustrẽ ,
 Atque intempesti noxia rura soli ,
 Cabrera , hortaris , calum spondesq̃, salubre ,
 Quæ Zephyri nutrix intepet ora Ligus .*

Testa-

Testarissq, viros, quos iam damnauerat Orco

Atropos horribili falce minata necem,
 Paoniâ fractos curâ, morboq, rebeli,

Istic non longâ conualuisse morâ.

Hac mihi tabentis præbes solatia cura;

Artibus his miserum, dulcis amice, leuatur.
 Desine, iam didici nullam sperare salutem:

Spes mihi vicini funeris una salus.

O ego, ne tali torperent membra dolore,

Quàm malletm aërio in monte rigere lapis!

Stare flagellanti pinûsve obnoxia Cauro,

Sut rupes, vasti quam ferit ira maris.

Felicem Nioben, cuius per viscera sensum

Obtundens fertur diriguisse silex.

Vos quoque populeo flentes sub cortice fratrem

Felices Nympha, quas alit amne Padus.

Ille ego sum, saxo qui non includor in villo:

Ille ego, cui misero robora silua negat.

Robora silua neget, ne fiam immobile saxum,

At saltem in cineres ossa minuta ruant.

Quid faciam patriâ demens tellure relictâ?

An puto mutatis posse valere locis?

Mecum causa mali latet hoc in corpore pestis,

Et nisi post letum non abitura lues.

Petlo-

Pectore transfosso Gortynia tela gerenti

Quid cerno prodest carpere prata fugâ?

Alcida induto feralia munera nuptæ

Nil varij cursus, profueruntq; vie.

Sic mihi, sic auso Romanâ excedere sede

Nil dulces iuuit deseruisse lares.

Me modo conspexit piscosi litoris Antium;

Me modo Circai culminis alta domus.

Et Læstrygonios nutrix Æneia fluctus

Mirata est nostrâ dissiluisse rate.

Non Caieta mihi, non vrbs gratissima Caio,

Aut dedit optatam filia Solis opem.

Vos septem gemini colles, regnata Quirino

Mœnia, Tarpeius tu Ioue dignus apex;

Accipite hanc animam: sint hîc mea funera posco,

Et busta accumulet noster auita cinis.

At quondam antiquos iuuit liquisse penates,

Et noua per longas querere fata vias.

Ingenium scrobibus mutatis exuit arbor

Siluestre, & decorat latior arua comis.

Quamq; sub umbrosâ cernis languere paren:e,

Gaudet mutato laurea silua solo.

Quid foret Æneas, quid clari nomen Iuli,

Flumina apud Xanthi si genuisset iners?

Illum,

Illum, fumanti postquam discesserat urbe ,
 Per maria errantem septima vidit hiems.
 Tandem dotales Laurentium venit in agros ,
 Gessit & Ausonia sceptrum timenda manu.
 Batto Cyrenas , & Cadmo condere Thebas
 Iuppiter exilijs arua petita dedit.
 Nilus & excipiens longis erroribus ætatem
 Donavit templis , Inachi , te profugam.
 Me quoque fata vocant alio meliora sub axe :
 Ibimus , ô socij : me quoque fata vocant.
 Vertuntur species mentis , versante dolore ,
 Mensq; brevis sensus accipit agra novos.
 Spes bona , si qua Dea es, virides huc flecte volatus,
 Et desueta diu numine corda foue.
 Te colit agricola , expectat te compede victus ,
 Votaq; mortalis te duce turba facit.
 Tu quassas rescis puppes , ut nauita remis
 Naufragus impellat, quâ modo nauit, aquam.
 Tu, Dea, post vacuas caelesti numine terras,
 Institiaq; fugam , sola moraris humi.
 Diua veni , facilemq; mihi promitte quietem,
 Nève iterum morbi damna timere velis.
 Longum iter aggredior : date leti candida amici
 Omina : eat dextrâ libera puppis aui.

Lunai

Lunæ ut videam portus, puriq; metalla
 Marmoris, & Geticas saxa imitata niues:
 Ingaunos, Macramq; inter, Varumq; repostos
 Apenninicolas, Tiguliosq; sinus:
 Delphini portus, Seggestam, arcemq; Monaci
 Scrutaborq; tui, Rutuba, fontis aquas.
 Aspiciam Genuam, lati & pratoria ruris,
 Quæq; decent Superos lucida templa suos.
 Hac Tarteſſiaco pallescunt litora fluctu;
 (Aurea nequicquam flumina iactet Iber)
 Peruviaq; amnes alieni flumina mundi
 Transfugâ ab Oceano rura per ista fluunt.
 Lydia, Pactoli, Baccheia munera, arenas
 Victa sile, & ripas, aurifer Herme, tuas.
 Dure Ligur, meritoq; animis elate superbi,
 Quâ tibi dinitias sedulus arte paras?
 Non tibi sunt culti colles, non pingua rura;
 Sed claustra Alpinis non adenda iugis.
 Difficilis natura negat segetesq;, ferasq;,
 Non negat audaci mente vigere viros.
 Hac trahit ignotas pretiosa in fœdera gentes,
 Caruleasq; docet currere puppe vias.
 Deest hîc terra viris, at non Neptunia desunt
 Arua petitura lucra beata rati.

*Scit Cyprus vallata mari, scit Taurica tellus,
 Et Ligure epotus milite scit Tanais.
 Testes Alpheæ Tyrrheno in litore Pisa,
 Testis Cyrnæ prægravis ora sali.
 Ast ego non dites veniam spectator in oras,
 Ut moueant auri lumina capta sitim.
 Non cernam attonitus fulgentia pondera massa,
 Quæ mittit terris Hispalis Ausonjjs.
 Sat Fortuna dedit census sine fraude parati:
 . Æstuat infelix, qui potiora cupit.
 Ingenium, Cabrera, tuum mihi carius auro,
 Atque erit elaq̃ plurima vena Tagus.
 Quando erit, ut liceat tecum consumere soles?
 Quando erit, ut docto pendulus ore fruam?
 Vnà aderit mecum Phocæo iunctus amore
 Ciampolus, ille tua cultor amicitia.
 O qui complexus, quæ mutua gaudia nobis,
 Et sermo in sicco litore qualis erit?
 Interdum celeri rapient nos effeda cursu;
 Tres modo cantantes picta caripa vehet.
 Tunc mea se duplici iactabit Arione puppis,
 Non Siculâ puppis fallere docta fide.
 Cumq̃ mihi geminos vates audire licebit,
 Parnassi geminum me ad iuga sistet iter.*

Teq̃, tenens dextrâ versus, Cabrera, canentem

Hac Clario dicam verba docente Deo:

O quàm felici modularis carmina cantu,

Quàmq̃, lyra docto verbere fila moues!

Otia quarenti fulsit tibi dexter Apollo,

Atque omnes hanstus ex Helicone dedit.

Cui tantum fauerè Dea? canit ecce cruentus

Pralia Mæonides, sed caret ille lyrâ.

Alcaus Reges citharâ, non cantat amores:

Est tantum Sapphus carmine dictus Amor.

Pindarus Aonia celebris testudinis arte

Abstinet heroâ concinere arma tubâ.

Et Venerus domina si lusit Teius ignes,

Mimnermusq̃, iocans, gaudia sola canunt.

Omnia tu misces, & quæ diuersa placebant,

Colligis, ô verè candide Cycne Ligur.

Ausus es Ismeni primus recludere fontes;

Lesbia nectarea pleetra cingere chelys.

Qui Methymnaea tentasti fulmina lingua,

Et Cai lacrymas, Stesichoriq̃, minas.

Si Florentinam circumdas mænibus urbem;

Non Amphionios inuidet illa modos.

Narseti Gothos cogis dare terga sequenti,

Odrysiâq̃, leuas obsidione Rhodon.

Salve sancte senex, Easchi, Pbbiq, sacerdos :

Numinibus salve maxima cura nouom.

Per te Graiorum libris tumefacta superbit,

Et certat Latij's Itala Musa choris.

Sabbatia gaudete arces, gratissima calo

Mania, felici prole verenda virum.

Et quamquam egregium terris aluistis Iulum,

Indaq, sunt vestra litora dona ratis;

Vltima non vobis accedet gloria vates,

Igyea qui vestrum nomen ad astra tulit.

Appulit ignotis oris si classe Columbus,

Hunc ad calicolum limina fama rapit.

FVLVIO TESTIO.

Queritur, se loquendi vsum
morbo amisisse.

Vox animi interpres, fecunda nuntia mentis,
Quo fugis? an semper labra silere iubes?

Tu dulci oblectas mortalia pectora cantu,

Efferaq, unanimi fœdere corda ligas.

Tu plectri citharæq, comes; tibi carmina curæ,

Quæq, solit soccus, quæq, cothurnus amat.

Te

Te stupet undantis moderantem frenas theatri

Vulgus, & iratum sub tua iura venit:

Pactaq; sunt tenero per te commercia mundo,

Cum poterat quernum nos aluisse nemus.

Quò fugis, & nullâ linqvis te voce vocantem?

Non voco, sed lacrymæ pondera vocis habent.

Inter anhelantis suspiria pectoris, agros

Heu quos elicio rancia per ora sonos!

Edere luctamur sterili revoluta palato;

Sed singultanti murmure verba cadunt.

Non secus optato per credita membra sopori,

Cum serpit dalcis nocte fauente quies,

Velle loqui, & vanis conatibus ora videmur

Solvere; sed solito lingua vigore caret.

Sapè meos odi voces, sonitumq; tremisco,

Cogor & ipse meīs auribus esse grata.

Mugitus timuisse suos sic creditur Io,

Turpia dum mærens induit ora bouis.

O quoties conata queri tibi inutilis hæsit

Lingua, nec humanos reddidit ore modos!

Inachidas quoties auxisti fletibus undas

Ingrati plorans impia furta Iouis!

Frondibus hirsutis & amarâ carice pasta

Pocula limosis stagna fuere vadis.

Sapius exhibuit decerptas Inachus herbas ;

Ast illa est patrias lambere visa manus.

Felices, quoscumq; malis Fortuna laceßit ,

Nec sua per fletus damna referre vetat !

O fortunati vos prata per Asia cycni ,

Dulcius extremo queis datur ore queri !

Condita silvarum latebris felicior Echo ,

Cuius post cineres vox rediuita uiget.

Me dolor assiduus vicino funere terret ,

Nec patet ad questus libera facta via.

Testari fremitu docuit natura dolores :

• Solari curas hac iubet arte graves.

Audi , mugitu quo verberet aëra taurus

Ictus , ubi tepidam sanguine tingit humum :

Quin leo per Nomadum siluas fremit ore cruento ,

Si fodit Libyci militis hasta latus.

Et gemitu tigris montes saltusq; fatigat ,

Ventris cui rapuit plagnora Parthus eques.

Atque ubi captiuus venere in retia pennis ,

Emittunt querulo gutture murmur aues.

Nec tantum exclamant viuenti prädita sensu ;

Sed viduata animâ corpora pulsa fremunt.

Dant percussa sonum vibratâ ligna securi :

Stridet , dum cuneis fissile robur biat.

Et stipula crepitant campis, si incendia regnant,
 Obstrepit & rapidis laurus adusta focis.
 Aspice, quo sonitu feruentia litora plangant,
 Spiritus Eurorum cum ferus urget aquas.
 Septa^q, nimborum rutilius si diuidit ignis,
 Murmure terrifico nubila fracta tonant.
 Omnia muta sonos edunt, soli^q, negauit
 Sors mihi communi munere posse frui.
 Me miserum! quantus de vertice profluit humor!
 In fauces quanto gurgite lingua madet!
 Spiramenta animæ nimum turgentia torpent,
 Sermoni^q, fluens obstruit humor iter.
 Haud aliter cithara languent, nerui^q, loquaces,
 Cogit ubi pluuias Auster opacus aquas.
 Cordis anhelanti reboant penetralia tussi,
 Pectoris & crates dissiluisse timent.
 Quid me adeò spirare vetas, sauis^sima tabes?
 Cur feruens animæ claustra repulsa quatis?
 Hei mihi! dum scribo, morbi solatia, versus,
 Quàm valido thorax impete concutitur!
 Mitiùs incudem Cyclopum brachia tundunt,
 Quà vomit è scopulis Sicelis Ætna faces.
 Mitiùs aduersas miles ferit ariete turre,
 Et graue balista mœnia quassat onus.

Opprimeret hanc animam rabidi violentia morbi :

Quatinam Dii me falsa timere velint !

Non letum timeo, genus hoc sed lugubre leti ;

Et doleo taciti tadia ferre mali.

Odrysiâ raptor postquam tibi forcipe linguam

Abstulit, & stabulis, ô Philomela, lates ;

Sapè optasse mori, palmasq; ad sidera tendens

Diceris id summos sapè rogasse Deos.

Ah virgo infelix, pellex incesta sororis !

O nimium sauo credita forma viro !

Haccine, crudelis, pro virginitate reponis

Ereptâ, tragicâ pramia concubitus ?

Tempus erit, Tereu, cum te peccasse pigebit,

Oderis & seuâ gaudia rapta manu.

Indicium sceleris, tua crimina, tela fatetur :

Ingenium miseris suggerit arte dolor.

En gessit patrijs epulandum apponere mensis

Insontem furijs percita mater Ityn.

Tu nati condes viventi viscera busto ;

Mox tua per silvas fata dolebis Epops,

Exultat cades inter Philomela, parenti

Ostentans nati sanguinolenta caput.

Euasti tandem furias, gladiumq; tyranni :

Vidisti plumâ præpete membra regi.

*At nunc per lucos iniusta silentia lingua
 Quæstibus argutis blanda rependit aus.
 Quos nunc ore modos nemoris dulcissima Siren
 Concinit? exiguo in gutture quale melos?
 Interdum voces per rostra laquacia torquet;
 Sibila nunc casâ garrulitate rotat.
 Et modo crispanti modulatu turbinat ictus;
 Secum visa loqui nunc taciturna gemit.
 Personat omne nemus, per frondea tecta querelas
 Mirantur Nymphæ, capripedesq; Dei.
 Non mea me post fata manet facundia lingua;
 Non iterum dulci garrulus ore fruor.
 Prò cithara custos, & carminis auctor Apollo!
 Prò mea Pierides numina sacra Deæ!
 Reddite poscentis felicia murmura labris,
 Demite quæ cogunt ora silere moras.
 Vos regitis cantus, vos torrens copia fandi,
 Et celebrata iuvant libera verba chorus.
 Quid faciam, surdas prabet si Delius aures,
 Nec mea Castaliâ labra leuantur ope?
 Carmina iam valeant Musâ meditata sinistra;
 Cum domino valeat iussa tacere chelys.
 Ausonij Vates, & concita pectora thyrsos,
 Ausonij, Lycio nomina grata Deo;*

Ausonij nostras soliti laudare Camænas

Desinite ad cantus turba venire meos.

Tu verò ante alios frustra mea carmina quæras,

O FVLVI, Mutina gloria magna tua.

Tibia te, cantusq̃, decent: mihi pleetra tacenti

Hic paries, mutam sustineatq̃, lyram.

Non tibi sunt tristes cura, letusq̃, iuuentæ

Purpureæ vernas stat vigor ante genas.

Et tibi nascenti iucundo lumine Phæbus

Annuït, & flauis Calliopeia comis.

Felix, seu dulces molli fide flebis amores,

Seu grauis heroas flumine fundis opes.

Tu tunc festiuus periuria ludis amantiū,

Et iacta ad surdas ebria verba fores.

Tu centum ludos, & dulcia pralia misces,

Hausaq̃, de mensis libera vina refers,

Viq̃, ferens hiemes, ventosaq̃, iurgia cali

In nudâ recubet durus amator humo.

Auguror: hoc miseros cantu solabitur ignes

Expectans lentum mæsta puella virum;

Inueniensq̃, suas referentia carmina flammæ

Immoritura labris oscula longa dabit.

Huc varios flores, huc blandi veris honores

Ferte citi iuuenes, Italidesq̃, nurus.

Blanditi

Blanditi vestro date florea ferta poeta :

Cingite ridenti tempora docta rosâ.

At Venus Idalio plaudens te cernet ab axe ,

Ambrosioq, tuum rore rigabit opus.

Relictâ Vibe cupit rus secedere.

E Geria valles , mitiq, habitata Diane

Pura Thoantai nescia silua sacri ;

Vosq, lacus Triuia dices Nemorensibus undis,

Æneadum sedes , Lauiniumq, meum;

Confectum curis , & longâ tæbe dolorum

Accipite , & patrijs sistite me laribus.

Irrita Pæoniæ post tentamenta medela

Huc libet agrotos nunc mihi ferre pedes.

Romulea valeant arces , mediciq, valete ,

Quorum sæpè malo sedula cura fauet.

Desinite herbarum tandem , tristisq, veneni

Ferte procul durâ pocula tincta manu.

Me nemora , & saltus camporum , aureq, patentes,

Et trepidans riuo garrula lympa manent.

Pratâ mouent animum viridantia gramine leto,

Et qui persultant pinguiâ rura greges.

O mihi sola quies , colles saluete Latini !

Saluete , ô fratris regna vetusta mei!

Sternite

Sternite iter, gradimur dum vestra per otia dia,
 Mollius, atque auibus dulcius arua sonent.
 Quàm iuuat annosos luci penetrare recessus,
 Notaq; ab historijs hac celebrare loca!
 Hac tophis laqueata cauis, & pumice viuo
 Antra pius fertur iam coluisse Numa.
 Collis Aricini cuttrix pulcerrima Nympha
 Consilium haic olim, coniugiumq; fuit:
 Hac duce Pompilius bellantem terruit urbem:
 Hinc habuit patrios rustica turba Deos.
 Martis opus, pilis gaudebat Roma cruentis,
 Romula crispabat bellicus arma furor.
 Et fuerant seuas Mauortia pectora in iras
 Prona nimis, salas tunc meditata neces.
 Mollit hac aris regnans lucisq; sacratis
 Religio, ut possent legibus arma regi.
 Hinc vitta, hinc fruges, hinc maxima victima taurus,
 Farraq; taricremis vinaq; sparsa focis.
 Tandem, sanguineâ discors qua cade fremebat,
 Palluit in patrijs pendula Roma sacris.
 Nescia mens hominum! qua te ludibria versant?
 Quid nos terrificâ fabula fraude ligat?
 Quem non vera tenent, mendacia ficta coërent;
 Et simulacra timet, quæ sibi quisq; parit.

Per

*Per pecadum fibras , prasagi & fulminis ictus ,
(Heu miseri !) surdos consulere Deos.*

*Nuntia velocis seruabant omina penna ,
Cantibus & scanis quid docuisset anis.*

*Templorum ambiguo monitu , dubiaq; Sibylla
Carminē credebant fata furente cani.*

*Dictē , si Diui nolunt ventura latere ,
Non intellecti cur voluere loqui ?*

*Falsa tamen Regis potuerunt dicta Sabini
Romulidū ingenium perdomuisse ferox.*

*Nullaq; dein fertur Romanā sanctiūs umquam
Numinibus supplex gens operata suis.*

*Vester honos , Latij : vestra est ea gloria , silua:
Horruit hoc victrix credula Roma nemus.*

*Has etiam Hippolytum fama est latuisse per oras ,
Cui neuit duplici stamina Parca colu.*

*Ille , nouercales rigidus cū sperneret ignes ,
Sancta timens patrij soluere iura tori ;*

*Iniusta aternū dolituro victima patri
Occidit attonitis dilaceratus equis.*

*Ossa Corinthiacos iacuerunt sparsa per agros :
Innocuo rubuit sanguine utrumque mare.*

*At non hoc meriti funus miserata Diana ,
Cui cura intacta est virginitatis amor.*

*Arte Coronida iuuenem reuocauit ab Orco
Siccantem infernis vulnere dira vadis.
Reddidit illa decus formæ felicibus herbis,
Luminibus geminas restituitq; faces.
Quis mihi querenti, quis nunc ea gramina monstras?
O utinam in vestris collibus ista legam!
Germina, quæ referent adamantina limina. Disks,
Non posco, aut mortis vincere regna paro:
Gutturis obfessi longos sedare dolores
Sat quacumque mihi blanda medela potest.
Adsis Phæbigena: hæc facilis labor ora mederi,
Ne te fulminei terreat ignis aui.
Seruat fida tui vates tutela parentis:
Tu quoque iam vates officiosus ama.
Huc medicas adhibeto manus, tetrumq; cruorem
Aufer, quo fauces, scabraq; lingua tumet.
Spiramenta anima, vocis liquidissima pleetra
En aperi, & septas tu mihi pande vias.
Latitiâ, plausuq; fremens tunc carmina dicam,
Cum linguâ potero liberiore frui.
Nil pulsare placet viduas sine carmine chordas:
Vox miscet cithara non benè rauca sonos.
Quid queror infelix? quæ mentem insania ludit?
En rursus medica poscimus artis opem.*

In male tentatos iterum cur mittimur usus?

Ah pereant, succos, gramina quique colunt!

Nulla venenorum sitis est: discedite tristes

Curarum stimuli, diffugite ex animo.

Fallere sapè iuvat, sed non memorare labores,

Ægraque mens agri corporis auget onus.

Quin potius lati patria succedimus arci,

Quæ iuga celsa tuum, Cynthia, nomen habent?

Hæc mecum ascensu dulces superetis amici:

Ante alios nobis, Ciampole docte, faue.

Pone graues Musas, vigilataque mente profunda

Itala Pindaricis carmina texta modis.

Tuque ades, o cantu gaudens, fidibusque, Canali

Francisce, æterna cultor amicitia;

Grande Sabinorum columnen, fontisque Velini,

Huc age cum plectro, carminibusque veni.

Nève hic potandi certamen mite recuses:

Respicit hos toto numine Bacchus agros.

Pocula Romanis sunt hæc gratissima cœnis:

Albani assurgunt vitibus hisce cadi.

Nequicquam his certent pralis elisa Faliscis,

Tuscaque quæ viridi nectare musta nitent.

Illaudata fluent firmissima vina Falerni;

Seu Sinuessæ dabit, seu Tritolinus ager.

P. almite

*Palmite sulphurei cedant lacrymata Veseui,
 Atque Syracosij feruidiora lacus.
 Hæc generosa recens odit doctrina palati,
 Quæ possunt trepidos implicuisse pedes.
 Ridentur veterum fumi, seruataq; cellis
 Testa diu, & lentâ dolia tincta pice.
 Quare agite ô lati, vernarum turba, ministri,
 Dulcia non parcâ fundite vina manu.
 O quàm iucundo violas imitantur odore!
 Quàm vincunt flauo lumine chrysolitos!
 Naribus ista placent, oculis spectacula præbent,
 Et dant arenti gaudia grata gula.
 Ciampole, quid cessas pateram committere venis?
 Proposuit siccis omnia dura Deus.
 Hæc mihi lux atros pellet de corpore morbos:
 Largius ô cyatho, tu puer, adde merum.
 Pura fauent nobis Aquilonis flamina clari:
 Peruellunt linguam pocula acuta gelu.
 Me quoque me vultis Leneo tingere, amici:
 Non nego: nostra capax proluat ora calix.
 Maphæi nomen sed quisq; ad pocula festa
 Dicat Io! & mensis hunc adhibite Deum.
 Quamuis Socraticâ pectus ditauerit arte,
 Purpureosq; inter splendeat ille Patres;*

Non

*Non hæc despiciet liberrima vota precantûm,
Quæ fundit multo mens reſerata mero.*

*Adſis, Bacche, tuis hilarans conuiuia donis,
Feſſi pax animi, lætitiæq; dator.*

*Sic teneræ viduas vites ducantur ad vltimos:
Sic autumnali turgeat vua ſinu.*

*Sic non vrantur torrenti ſole racemi:
Det pœnam admorſâ ſic tibi ſtirpe caper.*

*Et tua ſequentur veſtigia marcida ſemper
Capripedes Panes, Baſſaridumq; cohors.*

*Adſis, virgineoſq; fauens hîc exere vultus,
Quaſſans pampineo vertice caſariem.*

*Quacumq; ingrederis, dulcis comitatur euntem
Te Furor, & Somnus languidiore gradu.*

*Me miſerum! accipio nullos heu pectore ſomnos!
Longa mihi gemitu nox vigilanda venit.*

*Quod ſi, Bacche, tuo libato munere, nobis
Clauſerit optatus luminâ feſſa ſopor;*

*Dicam ego Threiciꝝ crudelia fata Lycurgi;
Squamigeros nautas, pampineamq; ratem;*

*Litora Pæctoli fuluis radiantia venis,
Diuitias miſeras, impia vota Mide;*

*Auroramq; triumphatam, Parthoſq; ſubaſtos;
Medica thyriſigeris agmina fuſa choris;*

T

Tigridis

*Tigridis exuias , maculosaq; tergora lyncum ;
Oedipodionij membra cruenta ducis.*

Bacciferos edera semper viridantis honores ,

Lapsaq; de quercu splendida mella canam.

Tu puer aternus , Bromius , Nysæus , & Euan:

Bis genitus , thyrso tu metuende graui.

Æra tibi Satyri , lasciuiaq; tympana pulsan ,

Stridet & attritis Faunus arundinibus.

Per te Gnosiacis nox aurea fulgurat astris :

Vipera plaudenti sibilat ore tibi.

Ipse , Giganteo fremeret cùm terrâ tumultu ,

Rhætum strauisti dente leonis humi.

Hæc ego non humili meditabor carmina cantu :

Sollicitum somno tu modò vince caput.

CYNTHIO CLEMENTIO

ARCHIATRO ROMANO,

Cùm vocis vsum recuperasset.

Dicamus bona verba: animū iam verba sequūtur:

Cur taceam surdam flebilis ante lyram?

En libet , en dulces imo de pectore cantus

Fundere : non renuunt ora reclusa loqui.

Vox mihi muta diu , vox longi causa doloris ,

Venisti tandem , vox mihi muta diu.

O & singultu, ô & quæfita querelis!

Nunc te felici garrulus ore fruor.

Fallor? an has simulant ludentia somnia voces,

Quæq; cupit vigilans, mens mihi nocte parit?

Sed fruor, & liber voces linguamq; resoluo,

Attonitus monstros dum rata vota nego.

Ite procul questus: comitis hic Musa capillis

Adsit, & in niueis lata triumphet equis.

Nunc tempus faustis pulsare Heliconæ Camænis:

Nunc redimire nouo tempora flore iuuat.

At te, magne, canam Clario dilectæ magistro

Cynthiæ, Phæbeo nomine, & arte potens.

Cum tua vel mutis donent miracula vocem,

Vocalis citharæ præmia grata feres.

Per te hausi calum moriens, mentemq; recepi:

Pectoris arcta patet, te reserante, via.

Ergo Castaliæ quodcumque è pectore riuus

Fluxerit, in laudes effluet omne tuas.

Si mihi Pæonijs implesti pharmaca succis,

Mella ministravit si miserata manus;

Nos tibi Musæo flauentia pocula melle,

Et Charitum puro pinguis lacte damus.

Hæc bibe, quæ nentium Parcarum fila morantur;

Pocula, Lethæo non temeranda lacu.

*Tu domitor Fati, Pataraâ nobilis arte,
Eripis è structo funera mœsta rogo.
Tuq; potestates herbarum, tuq; metalla
Chymica, tu miris pharmaca cocta focis
Novisti, priscis qua quamquam ignota magistris
Mortem expectantùm corpora fessa leuant.
Cum mihi tabentes macies exederat artus,
Cumq; ferè tenui corpore nullus eram;
Iam tum spondebas dulcis mihi lumina vite,
Gutturè ab obsessò libera verba fore.
Nec mora: sulphureis medicatas viribus offas
Artifici nobis sedulus igne paras.
Hæ mihi mandenti latebras pulmonis anhelì
Fouère, & lentâ tabida membra lue.
Hinc validi ardentis flores rediere iuuenta,
Squalidaq; afflauit pristinus ora color.
Sulphura, caruleis fulgentia sulphura flammis,
Quando ego vos merito laudis honore canam?
Vos tonitru terras, calum vos omne cietis,
Fulminibusq; Iouis semina magna datis,
Cum pater ingenti combusta Ceraunia telo
Deicit, & fracto culmine vertit Athon.
Per vos exundant inimicis ignibus arces,
Terrifico sonitu Martiaq; era tonant.*

Balnea quæq; fluunt tristes pellentia morbos
Gignitis : hic vestro truditur igne lapis.
Intepet inde Aponus , medicisq; salutifer undis
Stagna Dicarchæus feruida sudat ager.
Quin etiam vester magna per viscera matris
Spiritus ignescens cruda metalla coquit.
Fulgurat hinc aurum , atque argenti flumina viui,
Vulnificusq; chalybs irriguo amne riget.
Quid maiora sequar ? vos & primordia rebus
Acri sufficitis sulphura mixta sali.
Quiq; fuit voluens tenuis se fluctus odorum ,
Perpetuas vestro sumit ab igne dapes.
Quid memorem, Enceladi viuax post fulmina corpus
Ardua sulphureis ut premat Ætna iugis?
Et Iouis Inarime iussis imposta Typhæo
Quanta rotet scopulis sulphura glauca cauis?
Sulphur ouans pœnas fractâ de gente Gigantum
Sumisit , & hoc calum vindice regna tenet.
Nec non lustrali purgari sulphure fontes
Religio antiquis credita fertur anis.
Actoriden , Pelen; sic Pelæa soluis , Acæste ;
Amphiaraidis sic , Acheloë , nefas.
Sic ego , sic puro lustratus pectore tandem
Carmina latitiâ fausta docente cano.

*Adsitis Musa, medicina talis & artis
Vosq̃ repertori mollia ferta date.*

*Ah! gemat, antiquis si quis tantum adstupet annis,
Spernit & atatis dia reperta noua.*

*Omnia non potuit prudens reperire vetustas,
Atque alia ex alijs extudit arte dies.*

*Phæbigena cæptis potuit præcepta Melampus
Addere, Phylliridis multaq̃ cura dedit.*

*Vlceribus tetrìs natiui graminis herba,
Vulneribusq̃ cauis prima medela fuit.*

*Mox & morborum tristes extinguere pestes
Inuentum est ausis, inclyte Coë, tuis.*

*Non adeò effeta est hominum experientia sollers,
Vt noua non possit cudere sæpè labor.*

*Ni noua tentasset Tyrrhena per aquora Amalphis,
Magnetum haud regeret nautica vela lapis,*

*Huius at auxilijs olim cantata pœtis
Ridetur veterum gloria parua mari.*

*Arctos nunc propior nobis, nec iam vltima Thule est:
Iam facilis lustrat nauita Solis iter.*

*Extra hominum, famaęq̃, vias tentare reposita
Ausus es audaci litora puppe, Ligur.*

*Garrula cede noui tua sidera puppibus, Argo,
Neu Regum iactes ad tua transtra manus.*

Tristia

*Tristia iunguntur veteris diuortia mundi,
Naturæq; patent, quæ latuere sacra.
Nascentem populis licuit te, Nile, videre,
Et scit cui tantas debeat orbis aëquas.
Novimus, æstivæ fecunda licentia lymphæ
Solstitijs hiemes cur ferat amne suas:
Zona rubens nimis non torreat æstibus Indos.
Illic perpetuò rore virescit humus.
Non Eous ager pluuiali supplicet unda:
Indica continuis imbribus arua madent.
Hæc Zephyri alarum plausu loca feruida mulcent,
Mitis ubi halantes Euræ alit segetes.
Taprobane testis, testes freta sparsa Moluccis,
Ora Helenæ insignis nomine testis erit.
Aruaq; quæ Ganges auratâ pinguis arenâ
Egerit in dominum fulua tributa mare.
Quid, quod & Arctoi laxantur claustra profundî,
Quæ fluctu, & ventis æquora dura carent.
Dilectæ Thetidi Belgarum stantia naues
Marmora sulcarunt non adeunda rate.
Illic, ut perhibent, torpescit frigore pontus,
Atque intempestus stat sine luce dies.
Hic rerum finis, chaos hic, atque ultima mundi
Natura hoc tristi limite fessa riget.*

Vela Batava sequi haud potuit Phœbeia lampas:

Omnia ceca illic : omnia tristè silent.

Informes phocas incano corpore turpes

Vidère, atque vrsos , quos alit Vrsa gelu.

Quàm sæpè optarunt ventorum praelia nauta ,

Perq̃, procellosum pandere vela fretum,

Excuterent tandem sese ut torpentibus undis !

Edocet ire recens in noua vota timor.

Indomito tandem regnans in pectore virtus

Vicit concreti sæua pericla sali.

Ite animæ egregia , fortunataq̃, laborum ,

Ite in fata alacres , quò noua fama vocat.

Ite cita , & vestras meditando exponite vires ,

Quà veterum nullo scmita trita pede est.

Gloria multa manet. Quis te, Galilae, silebit ?

Longa tibi in chartis regna futura cano.

Non tantum radio veterum describere calum ,

Sed vitro es superas ausus inire domos ;

Perq̃, nouas artes tradis noua sidera mundo ,

Non Ptolemæis sidera nota libris.

Pleiadumq̃, Hyadumq̃, choros sine nube videmus,

Et tua per calum splendida damna , Venus.

Vidimus , ignoto quondam quæ lacte nitebat ,

Stellarum spissâ luce coire viam.

Ad mo-

Admonisti oculos nostros fugientia visus
Per varios obitus astra secuta Iouem.
Medicea Heroum soboles, cape lata triumphum:
Astris infereris, concilioq; Iouis.
Ipse etiam nigrâ tinctum ferrugine Solem
Pallentes maculis iungere vidis equos.
Quid triplex sidus Saturni, aut, Cynthia, vultus
Fabor scruposâ nocte latere tuos?
Hæc priscis ignota olim prudentia maior
Repperit auspicijs artis, opifq; noua.
Ite cita, & vestras meditando expromite vires,
Ite animæ egregiæ, quæ via nullâ patet.
At tu Musa proax, elegi tenuesq; valete:
Non hæc sunt gracili facta canenda lyrâ.

A D

IOANNEM CIAMPOLVM,
 morbo recrudescente.

Ergo hos assiduè gemitus in pectore voluam?
 Perpetuò lacrymæ nostra per ora fluent?
 Et roseo Phæbus me decedente videbit
 Lumine mærentem, me veniente die?
 Flebimus heu miseri! luctus, solatia damni
 Exigua ingentis, postulat ipse dolor.

*Ille Philocteten docuit per Lemnia saxa
Vocibus horrifonis vulnera dira queri.
Halcyones Ceyca gemunt, & barbara regis
Daulias Odrysi crimina cantat avis.
Sic ego, sic mea damna querar crudelia semper
Lugubri citharâ, flebilibusq; modis.
Atque utinâ in gemitus nunc libera verba darentur?
Sed mihi posse queri fors inimica negat.
Singultantem animam turgentes sanguine fauces
Elidunt: voces aspera lingua premit.
Iam quater ardentem sitienti Sirius astro
Vssit humum, toties frigore laesit hiems;
Nec venit vlla potens longo medicina dolori,
Nec mea Paoniâ membra leuantur ope.
Ipse meum specto moriens miserabile funus,
Paulatimq; animâ deficiente cado.
Horrida languentes macies depascitur artus:
Lutea pallescens inficit ora color.
Cogimur & longam moriendo discere mortem,
Dum praesaga mali mens sibi fata canit.
Felices, inopina dies quos funere mergit,
Occupat & celeri mors properata nece!
Heu quoties morimur, dum proxima fata timemus!
Hoc peius leto: nam mora mortis obest.*

Haud

*Haud aliter Lapithas , mæstumq̃ Ixiona terret
 Tam tam lapsuro pondere prona silex.
 Credite , deficio : iam pellis dura resistit
 Tractanti , & tristi viscera tæbe fluunt.
 Sic cera admotis tabescit Hymettia flammis :
 Sic tepidis Austris cocta pruina madet.
 Languent sic , urens oculus quos fascinat , agni :
 Sic tenera à Scythico leditur herba gelu.
 Nec tantum doleo compressis faucibus ager ,
 Plurima quassato corpore damna fero.
 Ipsam animi sedem , regnantem corporis arcem ,
 Nunc caput ignauo possidet igne vapor :
 Nunc acres stomacho rabidâ cum bile tumultus
 Feruent , & sauo pondere discruciant.
 Lassum percurrunt ululanti murmura ventrem ,
 Humida nec membris dant alimenta dapes.
 Viuo equidem parcè , sed mox ieiunia corpus
 Attenuant : epulis abstinuisse graue est.
 Intolerabilibusq̃ malis comes addita cura
 Mollem animum aternis pascitur ulceribus.
 Hanc peperit morbus , morbusq̃ augetur ab illâ :
 Hec me tristitia lurida felle rigat.
 Hinc sapè extimui grauiora pericula veris ,
 Et sensi falsâ suspitione trahi.*

Hinc

*Hinc animi victus damno quemcumque calorem,
Quodcumq; & frigus pallida membra quatit.
Composita currant num vita ad munia vena
Exploro, & trepidans incaluisse puto.
Scu quator tussi, fibras pulmonis anhelii
Exesas carie suspicor esse truci.
Conueniunt crebrò nos, ut solentur, amici:
Spem vultu simulant, tristitiamq; tegunt.
Ah genio indulge, curas depelle malignas,
Clamant: tu morbo, Virgini amate, faues.
Ecquis erit finis lacrymis? lugubria mitte:
Eia agè linquantur mollia fulcra tori.
Te silua, te rura vocant: agè rura petamus,
Quà diffusa nitet mitior aura poli.
Aucupio siluas, siluas venatibus aptas,
Flumina, piscosos aspiciasq; lacus.
Hinc canibus lepores, canibus sectabere ceruos,
Latratuq; feras retia ad alta premes.
Scilicet è stratis tollam miserabile corpus?
Committam Alpinis squalida crura iugis?
Fortia non nostræ sunt hæc ad munera vires:
Hi mihi sunt colles, hi mea regna, tori.
Officium bona verba pium, sed inutile tentant:
Desinite, assiduis non saturor lacrymis.*

Quid

Quid, quòd me cali ledit spirabile lumen,
 Quo regimur : quævis mobilis aura nocet.
 Letiferi calidis spirant seu flatibus Austri,
 Siue agitata truci silua Aquilone fremit ;
 Exuperior proprias, hiemes, pluiasq̃ rigentes,
 Exundans cerebro quas pituita parit.
 Sibila perq̃ aures imitata tonitrua surdas
 Voluuntur, miserum concutiuntq̃ caput.
 Per madida ora liquor turgens me flumine largo
 Proluit : ampullis feruida spūta tument.
 Non secūs ardenti si foris inclusus ahenō
 Ebullit multo feruidus igne latex ;
 Ipse furit, niueamq̃ fremens eructat aquæ vim,
 Sparsaq̃, anhelanti gurgite flamma madet.
 Miror, inexhausto tribuat quis pabula fonti ;
 Quāt tantus fluitet sicca per ossa liquor.
 Mirantur medici, & sortem miserantur iniquam :
 Mille adhibent doctis pocula mista modis.
 Lactē arcere iubent inclusos faucibus ignes,
 Hordea dant, seris quæ maduere focis.
 Sanguine tentarunt salientem incidere linguam:
 Infecit tepidus brachia secta cruor.
 Poma coronato radiantia Punica crine
 Languenti succos exhibuere suos.

Et quo mala fluunt emuncta Cydonia mucos,

Quo passa ficus, perlita sapè gula est.

Sapè bibi, vrentes meditans auertere flammās,

Pocula pallenti cortice tincta nucis.

Et modo siluarum folijs decussa Calabris

Mella ministrarunt, helleborosq; graves.

Aggressiq; rosis sunt admiscere saporēs,

Quos mittit diues Trinacris Hybla fauis.

Fasciolas tenues, agrum focalia collum,

Et nidum pulsus gessit hirundinibus.

Quid referam quoties suffitu pectus odoro

Lustraui, & fumis, turifer Inde, tuis?

Et quoties, siccum possem ut distendere corpus,

Æstiu membris intepuere lacus?

Vitum infelicem cochleæ, cancriq; dedere,

Et testudineo squalida iura gelu.

Quin sunt conati stomachum fulcire ruentem

Arboribus gummi quod genit Arabia.

Balsama miscuerunt diti Gangetide merce,

Et quæ vicino cinnama sole rubent.

Sinarum extremo diuulsa ab litore radix

Venerat, & nullâ me quæque iuuit ope.

Aude animis, tibi certa salus promissa medentum,

Dicebant: numquam venit amica salus.

Obsti-

Obstitit auxilijs viuax in fomite labes

Artis, & irrisit vana magisteria.

Non hoc Phillyridis, non hoc laudata Melampi

Cura Amythaonij pelleret arte malum.

Tunderet in morbos Epidauria gramina frustra

Inclyta Phæbigenæ nos miserata manus.

Non gemitus Superi nostros audire perennes

Adiunctâ quamuis sustinucere prece.

Parce pium Numen, cali quo templa reguntur,

Cuius & imperium sidera fulua timent.

Si non sacrilega mens est sibi conscia culpa,

Redditus est templis si tibi semper honos;

Parce precor, vel saltem aliquam de fulmine partem

Deme meo: seuâ projice tela manu.

Nunc & amara dies, & noctis tristior umbra est.

Quàm mallet aeterno diriguisse gelu!

Ipsa quies rerum somnus, Deus utilis agris,

Me fugit, & lacrymis lumina fessa patent.

Versamur stratis, & nox est annua nobis:

Tarda nimis querimur sidera Luciferi.

Quòd si conciliant depasta papauera somnum,

Me miserum hic quantis terret imaginibus!

Occurrunt menti simulacra carentia vitâ,

Visaq; sunt tenui dicere voce, veni.

*Ora virum maiora viris pallentia vultu
Exangui illudunt, discutiturq; sopor.
Tunc iterum ad gemitus eadem nos horrida morbi
Damna vocant, nec iam falsa timere iubent.
Lenta tenent animum fastidia: nulla voluptas
Flectit: non Bacchus, non iuuat alma Ceres.
Squalent impexi rigida cervice capilli:
Vestis inornatos defluit ante sinus.
Non Urbis, non ruris opes, auriq; talenta,
Eoq; placent deliciae lapidum.
Ingratus mihi Sol, ingrata Aurora rubescit:
Oblectant pectus tempora nulla meum.
Aspice, iam Zephyri florens genitalibus auris
Felices fetus parturit almus ager.
Perstrepit omne nemus cantu, virgulta susurrant:
Liquitur è summis tabida bruma iugis.
In tepidos soles se roscida gramina credunt:
Floreæ de vernâ pullulat arbor humo.
Sed mihi nequicquam fulgent Nephelæidos Helles
Sidera, ridentis gaudia summa poli.
Semper hiems nobis: sanguis si vere tepenti
Æstuat, infelix in sua damna furit.
Acrius & morbo fauces tentantur acuto:
Nam claudit feruens arctius ora cruor.*

Non rauca fontis scatebræ per saxa cientis
Murmura, non possunt prata mouere animum.
Atque greges, atque arua nocent, atque ardua silua:
Non lati colles, pascua nulla iuuant.
Et doleo, pingui pastos seu gramine vidi
Mollibus in pratis luxuriare greges.
Sive quis ediderat pastoria sibila cannâ,
Odi signa bonæ sibila letitiæ.
Et dulces auium per frondea tecta Camæna
Heu visa tantum sunt mea fata queri:
Seu viridi taurus proiectus mugit herbâ,
Dixi: Mugitu me vocat ad gemitus.
Frumenta aspexi verno turgentia lacte;
Arens tunc subijt, quæ premat ossa, cutis.
Omnia leta, mihi sunt instrumenta doloris,
Materiamq; mali mens sibi dura parit.
Et meditor: tellus non hæc mihi verna colores
Submittit; rident prata benigna alijs.
Vos legite ungue rosas, Tyrio quæis fulgurat oïstro
Quæ flagrat nuceis gratia mista genis.
Vos decet iste color, vobis sint lilia curæ:
Pratorum nitidum vos manet omne decus.
Ipse legam flores veterum monimenta dolorum,
Et ferrugineis te, Hyacinthe, comis.

Pallentes carpam violas ; mæstaq; cupressu,
Quæ laurum optarant , tempora vinc̃ta geram.
Impulerat nostras sonitus si gurgitis aures,
Purior electro fons ubi volvit aquas ;
Conspiciens dixi : Non hac mihi frigida currit
Sedatura grauem flumine lymp̃ha sitim.
Ora quidem sitiunt , quæ nunc incendia pascunt,
Non pandit latice sed gula pressa viam.
O nimium , nimiumq; fugacis dona iuuenta !
O quàm veloci laberis acta pede !
Tardiùs è Scythico cornu decussa sagitta
Æra per liquidum cuspide scindit iter.
I nunc, ingentes laudato in corpore vires ,
Atque lacertosos firma per ossa toros.
Aut illas etas annorum pondere frangit ;
Morborum aut ictu fortia membra cadunt.
Quiq; color malis Pæstana rosaria miscet,
Et quod natiuum lilia vincit ebur ,
Marcescunt subito , cœu cùm labefacta caducum
Sole graui curuant alba ligustra caput.
Olim qualis eram (nunc me mea fallit imago ,
Si iam præteritos mente reuoluo dies)
Cùm diues gregibus , memini , me Parma tenebat!
Nam puerum celsò nutrijt illa lare.

Quod

Quod mihi tunc robur, quàm gaudia multa fuere!

In fesso numquam corpore quanta salus!

Non me terruerant hiemes, solesq; potentes,

Et poteram pluuium vertice ferre Iouem.

Quos ego non colles, quos non indagine cinxi

Lucos, hortatus tesqua per alta canes!

Tunc celeres potui damas, tunc figere ceruos:

Vidi de fluuijs humida lina trahi.

Et modo fortis equi luctantia colla recuruans

Confragra sectabar per iuga montis apros.

Interdum molles pedibus plausisse choreas

Iuuerat, & digitis increpuisse lyram.

Cura fuit Martis simulacra ciere sub armis,

Et pugilum ludis implicuisse manus.

Gallica quid memorem quoties per flumina nani

Aduersa obnixo pectore stagna seco?

Me Tarrus, gelido lauit me Nicia fluctu:

Me Phaëthontæo sustulit amne Padus.

Nec mihi solus amor corpus durare palæstrâ,

Sed mentem egregijs artibus excolui.

Vidit Palladijs nos impallescere chartis

Inter laudatos nox vigilata libros.

Multaq; Cecropijs trutinabar scripta magistris:

Non renuit mecum Græcia docta loqui.

*Tentabam umbrosi latebras penetrare Lycei,
 Quasq; alij monstrant edidicisse vias.
 Sæpè animum docti ceperunt scripta Platonis,
 Cuius Mopsopio pagina melle fluit.
 Et modo scrutabar Samij dictata silentis;
 Nunc florem ex hortis legi, Epicure, tuis.
 Insomnisq; graui fouit me Porticus umbrâ,
 Arcesilaus detinuitq; labor.
 Latratus decuit Cynicos audire legentem,
 Nec me pacati terruit ira canis.
 Democrito arrisi, noui praecepta Cleanthis,
 Et Chrysippæc stammina mentis opus.
 Gaudebam meditans, ineant quot praelia sectæ,
 Graiorum in quas est didita turba senum.
 Materiem hic componit aquis, hic aëre gignit;
 Alter Apollinei sideris igne creat.
 Ille Chao latuisse docet vaga semina rerum,
 Omniaq; arcanis nectit amicitijis.
 Æternum est alijs mundi versatile templum,
 Machinaq; hæc nullâ dissoluenda die.
 At natum ille refert, ausus restringere solem,
 Et dare perpetuæ fata diurna faci.
 Sunt quoque rore leui, & nebulis qui sidera pascant,
 Et qui non uno se putet orbe tegi.*

*Casibus hic sceptrum donat, Diuosq; relegat,
Exuit & mentes relligione Deum.
Spernit Tanarias, incendia postuma, pœnas
Impius hic; trepidans manibus ille litat.
Nec desunt sensus qui damnent, omnia fassi
Nesciri, tenebras seq; latere suas.
Omnia mirabar, sed tunc plus arte mouebar
Socratica, & scriptis, Stoica turba, tuis.
Quæ bona sint animi, certus quis limes honesti,
Quas sibi diuitias vita beata petat,
Et didici, sanctos formet quæ regula mores;
Æstus quæ valeat vincere vis animi:
Quæ tristes iras virtus, quæ frangat amotes,
Quæ desiderijs pectora anhela leuet,
Pallentesq; metus quæ fortibus induat armis
Ignaue prohibens terga dedisse fugæ.
Solum turpe malum sapiens putat, ille dolores
Perfert, consilij propositiq; tenax.
Hic pede proculcans letalia fata superbo,
Humanis maior creditur esse malis.
Ætæ Perillæo clausus fera iussa Tyranni
Sperneret, & nullos ederet ore sonos.
Hæc olim noui, quæ nunc me flagitat usus:
Vtar præceptis, quæ mea fata petunt.*

Agmina marentum circumstant saeva dolorum :

Aggreditur fessi vincere corda timor.

Quid faciam ? unde petam trepidi solatia luctus ?

Quis bellaturo fortia tela dabit ?

Ite procùl questus , animi oblectamina vilis ,

Ite procùl : iam nos ingemuisse pudet.

Non lacrymis durum nouit mansuescere fatum :

Parcarum inflexo fila adamante rigent.

Te supplex adeò , supplex tua munera posco ,

O sola humanis mors medicina malis !

Tu portus , placido qui naufraga corpora mundi

Amplexu rursus non agitata foues .

Adsis , horribilesq; ferox huc fleete volatus ,

Hoc pete Tartareâ falce cruenta caput.

Quo moriture ruis ? quæ te dementia cepit !

Parce miser verbis , ominibusque malis.

Scilicet in primâ florens carpere iuuentâ ?

Nec te spes fama quantulacumque tenet ?

O ubi mens studijs quondam gauisa Minerva ,

Et quæ scribendi gloria dulcis erat ?

Non adeò usque mori miserum est : non segnior ibo ,

Ibo animis contrâ : mors miserata veni.

Nec totus moriar , lethi custodia nostri

Te penes , Italia , Ciampole , grande decus .

*Carminibus celebrata tuis mea fama legetur ,
 Et ferar extinctus docta per ora virum.
 Auspice te mortis victor fata aspera rumpam :
 Te duce Auernali non cohibebor aqua.
 Qua tibi cantanti non est permissa potestas ?
 Nam tua Pindarico fulmine Musa tonat.
 Tusci scriptores tenerorum cedite amorum :
 Gaudet capta nouis Ausonis ora sonis.
 Aldobrandinam relegis si carmine villam ,
 En tibi festa cohors plaudit Hamadryadum.
 Siue Palaestinas Piceno in litore sedes
 Concinis , Adriaci sternitur unda freti.
 Et te Calicolum cantantem exercitus audit ,
 Quorum humeris templum dulce pependit onus.
 Pro pudor Italia , teneros quæ cantat amores ,
 Carminis & grato fraudat honore Deum !
 Non tulit ingenti laudandus Ciampolus auso :
 Illius est nostris Musa operata sacris.
 Gaude : namque nouis video tua tempora fertis
 Cingi , & Idumaa fronde nitere comas.
 Tempus erit , leto tua cum vestigia plausu
 Magnanimum vatum turba secuta colet.
 Tu modo perge alacer , semperq; audentior ito ,
 Nec tu cornuorum rostra inimica time.*

*Nam super astra volans niueis vectabere cymis,
 Quà inuidia telis gloria claudit iter.
 Nec minùs heroi tangit te cura cothurni,
 Et potes Aoniâ dicere bella chely.
 Inchyta facta virum vocis si munere donas,
 Munere tu signis das potiore frui.
 Hoc tibi Pegasides, hoc concessere sorores,
 Teq; potestates edocuere suas.
 Namq; ferunt celso Parnassi in vertice, sacra
 Bellerophontæus quâ rigat arua liquor,
 Seclusum florere nemus, quo gratius ullum
 Non surgit Phæbo, Pieridumq; choris.
 Hos Zephyri campos Etesia flamina mulcent,
 Arboribusq; frequens roscida vernat humus.
 Pullulat ante omnes sed formosissima laurus,
 Quæ medio in luco conspicienda viret.
 Vna nemus trunco ingenti quæ parturit umbra,
 Et latè folijs celat opaca diem.
 Huius odorato sudantur balsama ligno,
 Dulcis & ambrosiæ cortice manat odor.
 Indictum refero: lacrymatas nectaris undas
 Excipit Aonia sedula cura manus.
 Hos Musæ seruant latices, queis perlita durat
 Gloria Tanario non violanda lacu.*

*Materno nequicquam astu servatus Achilles
Occidit, & Troia funera morte luit.*

At benè Pieriâ perfusus nectaris undâ

Martis equis rapidum trans Acheronta volat.

Copiâ felicis tibi, Ciampole, credita succi est:

Fac mea caelestis proluat ora liquor.

Ah socij fato miserere cadentis acerbo!

Fer non casurum nomen ad astra meum.

Tristia sic facili curabis funera sumptu:

Non posco in cineres Persica dona meos.


Non mihi Orontea tumulos aspergite myrrhâ,

Bustaq, secunda mercibus Assyrie.

Si mea Castalio stillabunt ossa liquore,

Inuida post mortis fata superstes ero.





ILLVSTRISSIMO DOMINO
NATALI
RONDININO,
S. D. N.
ALEXANDRO VII.
PONTIFICI OPT. MAX.
AB EPISTOLIS AD PRINCIPES,
HONOR SVPREMVS
AB IIS HABITVS,
QVI OB INCOMPARABILES DOTES
VIVVM SVMME AMABANT,
ÆQVE LVXERVNT MORTVVM,
ET HOC ESSE VOLVERVNT
SIVE AMORIS SVI MONVMENTVM,
SEV DOLORIS SOLATIVM.

T A C I T U S

Lib. xvi. Annal.

Detur hoc illustrium virorum posteritati, ut quomodo exequiis à promiscuâ sepulturâ separantur; ita in traditione supremorum accipiant, habeantq; propriam memoriam.

A V S O N I U S

Præfat. Parental.

Nec quidquam sanctius habet reverentia superstitem, quàm ut amissos venerabiliter recordetur.

EMINENTISSIMO
 PRINCIPI
 PAVLO ÆMILIO
 S.R.E. CARDINALI
 RONDININO
 IACOBVS WALLIVS
 E SOCIETATE IESV.

MISERVVM est, Eminentissime Princeps, amissi boni memoriam, tantum ut dolor recrudescat, commouere. Quod cum ad res omnes, tum præcipuè ad eas pertinet, quæ nobis vsui, non mancipio dantur. Beneficium enim in contumeliam vertit, qui apud creditorem expostulat, suo iure reposcentem ea, quæ gratis & nullo accipientis merito vtenda concesserat. Dantis animum interpretari decet ex eius beneuolentiâ, rei que commodatæ pretio & fructu, non metiri solâ temporis diuturnitate. Quò mihi, vt opinor,

nor, minùs verendum est, ne extincti fratris tui Natalis tristissimâ recordatione dolorem tuum exulcerem, & obductam vulneri cicatricem scindam. Si enim à Deo data nobis est vsura vitæ, tamquam pecuniæ, nullâ præstitutâ die, quid habemus argumenti, quamobrem illam ab eo, cùm voluit, repetitam esse conqueramur? At si naturam ipsi nostram animumque consulimus, subest, fateor, cò grauior dolendi causa, quò quis acerbior elatus est funere. Nam in illis qui grandes natu discedunt, magnum est ex ipsâ necessitate solatium; in iis, verò quos immatura mors abstulit, ea requirimus, quibus & virtutem ipsi suam extollere altius, & prodesse publico diutiùs potuissent. Viuebat in terrarum luce frater tuus, Urbis deliciæ, nobilitatis decus, literatorum amor, sæculi nostri Phœnix: celebrabatur Alexandri V. I. I. Pontificis Opt. Max. præclaro iudicio: Principibus atque orbi Christiano suam in Pontificiis literis eloquentiam probauerat splendidam enim, uerò, & copiosam, & grauem, & rebus maxi-

maximis parem : fecerat sibi exquisitæ doctrinæ atque prudentiæ famam anno ætatis suæ vndetricesimo nondum expleto: cùm ecce mirificam, quam de se concitauerat, exspectationem dies vnus inuertit. Sed quid agamus, quando eâ lege constant omnia, vt diuturna esse non possint? Iuuat hîc cum Sulpicio Romano Consule, & Iurisconsultorum maximo philosophari paullisper, & eâdem me cogitatione confirmare, quâ ipse se & pariter Ciceronem Tulliæ suæ desiderio confectum sustentabat. Ex Asiâ rediens in Saronico sinu nauigabat: regiones à frontè, à tergo, à latere in prospectu versabantur: earum vrbibus olim amplissimis, iam euersis ne vestigium quidem reliquum videbat pristinæ celebritatis: Piræus, Corinthus nomina erant. Cœpit igitur hac rerum inconstantiâ mutabilitateque perculsus secum sic cogitare: *Hem, nos homunculi indignamur, si quis nostrum interiit, aut occisus est* (& ea vox alterum vulnus refricat, Iosephi fratris tui mortem, quam bello sacro in Cretâ pugnans oppetiit)

*quorum vita breuior esse debet, cum vno loco
tot oppidorum cadauera proiecta iaceant?*
Et ne excidia, quæ ille, persequar, iacet ante oculos tuos, Princeps Eminentissime, vetus Roma, patria tua, suo oppressa pondere, diruta, incensa, delera, sibi ipsa & ciuibus suis sepulcrum, fato, si vt hominum, ita & urbium ætates definire volumus, præmaturo. Sine lauro & tripode vaticinati sunt, qui æternam illam fore prædixerunt. Vbi enim nunc vetera illa & æquata cælo delubra? disturbata sunt. Vbi thermæ in modum prouinciarum exstructæ? ne parietinæ quidem supersunt. Vbi amphitheatra? fuisse loquuntur historiæ, aut tenues dirutorum reliquiæ. Prô fluxam mortalium rerum commutabilemque rationem! quàm sunt caduca, quæ valentissima censebantur! Et miramur corporum nostrorum massam ex artubus & membris fluidis ac mollibus compactam aut æuo aut morbo quassari & fatiscere? Constantius Imperator Romanam ingressus, stabat illius magnificentia & splendore perstrictus: mox ad Hormisdam

misdam Persarum Regis fratrem conuer-
 sus ex eo quæsiuit, quod ipsius esset de Vr-
 be iudicium. Serio iudicatoque respon-
 dit sapiens Princeps : *Id tantum sibi pla-*
cuisse , * *quod didicisset ibi quoque homi-*
nes mori. Xerxis , credo , gentilis Regis
 recordatus est Persa, quem ferunt, eum im-
 mensum exercitum oculis obliisset, illacry-
 masse ; quod tot millibus tam brevis im-
 mineret occasus. Nec potuerunt similiter
 Urbis opera , quamquam sæculorum o-
 mnium ætatē sua firmitatē excedere posse
 videbantur, magnoperē animum afficte,
 quando tam angustis terminis ipsa homi-
 num viuacitas concluderetur. Sinē, vt ma-
 iorem partem sunt, vegeti homines & va-
 lentes; sint , quales vel pauci , ptouidi &
 actiuosi ; sint omnibus naturæ muneribus
 instructi : nemo tamen, qui vt magna sibi
 proponat , vt utilitatem publicam pri-
 mam ducat , vt aggrediendis negotiis par
 esse videatur : nemo est qui ad ea confi-
 cienda cauere sibi de vno quasi compe-
 A a rendi-

* Displicuisse in Ammiano legendum censet Regia in
 Gallia bibliotheca M S. codex.

rendinatus die possit. Id profectò nos obliuisci vetat plumbeus ille locus ab Alexandro VII. Pontifice Maximo recens creato in cubiculum inferri iussus, ut cui in Reges ipsos imperium esset, vni se morti obnoxium esse fateretur. Non ille in supremo rerum fastigio constitutus spes longas inchoare, ætatem disponere, lassam & plenam senectutem sibi polliceri : non ab Orientis Imperatoribus sibi exemplum capere, quos accepimus, inter ipsa quibus initiabantur sacra, iussisse varia sibi offerri marmoris frustra, ut, quo ex genere fieri sibi monumentum vellent, eligerent. Dum eligendi sit optio, dum futuri operis designatur forma, dum quadrantur saxa, dum poliuntur, dies abeunt, & quasi medio in spatio frangi non possit vitæ longioris spes, incerto excessui certa mora condicitur. Nihil cunctatus sanctissimus ac sapientissimus Pater primum & triumphalem initi Pontificatus diem non aliter quàm supremum ordinauit : ipsorum quos post se superstites habiturus esset, officium antecertit: urnæ, quâ funus
suum

suum condi vellet, curam ipse suscepit: terminum quem inexorabilis necessitas fixit, cùm ignoraret, propè abesse posse existimavit: inter Urbis effusæ gratulationes & plausus, & tubarum è Quirinali arcè resonantium festos strepitus credidit fieri posse, quod aliquando fieret. Adeò quilibet dies, hora quælibet, quæ nec opinantes occupare nos potest, quàm nihil sumus, ostendit. Quemadmodum vina per colum perfluunt: ita quod manu complecti putabamus, priùs elapsum esse deprehendimus, quàm elabi aduerteremus. At ille ætate aurèâ, quam orbi dedit, diu fruatur, & quot in extincto fratre tuo desiderabat annos, ipse tecum expleat. Quamquam in hoc explicando voto non sum usus eo verbo, quo decuit. Posteaquàm enim hanc sibi delegit tesseram: VIVO EGO, IAM NON EGO: vitam vigoremque ab eo accipit, cuius personam in terris sustinet.

Ac veluti antiquâ cùm ceditur arbore ramus,

Inseriturque nouæ, matris non ille prioris.

Nutritur succis: aliâ radice tenetur,

Occultas alio ducit de stipite vires:

Humorem, quo se foliis & fetibus arbor

*Induat, ipsa suo, cui iuncta est, præstat
alumno:*

*Haud aliter, qui Romanum nunc temperat
orbem,*

*Vivit Alexander. Magnum ille capeßere
iussus*

*Imperium, exactos hinc iam obliuiscitur
annos,*

*Orditurque novos. Nec enim quod spirat,
& aurâ*

Vescitur, apponit vitæ: diuinior illum

*Spiritus intus alit, magnam qui mentem
animumque*

*Compleat, & longum extendat virtutibus
æuum.*

Frater verò tuus, Rondinine Cardinalis, etsi acerbâ morte præreptus, id egit tamen, ut mors quàm paucissima, quæ abolere posset, inuenerit. Non abolebit, ut summatim laudes illius complectar, Pontificis Opt. Max. laudatissimum de illo iudicium, cui nec honorem illum, quem amplif-

amplissimum habuit Hephæstioni sibi
 carissimo Alexander, comparandum du-
 xerim. Eius ingenij reliquias, pauca, qui-
 bus otium oblectabat suum, scripta ab eo
 poëmata cùm in lucem proferenda amici
 censerent, eâdem opportunitate sollemnia
 pietatis vates vati persoluimus, fructum
 aliquem amicitiae non magnum illum
 quidem, sed causis eò iustioribus à me
 præsertim debitum, quò maiori honori
 mihi fuit cum eo amicitiam iunxisse, qui
 tot abundabat ornamentis & domesticis
 & propriis. Corneliae genti satis ad lau-
 dem fuit pro atrio Capitolium habuisse,
 quòd illic imago Scipionis in cellâ Iouis
 posita seruaretur, quæ, quoties gentilitium
 funus efferendum erat, inde petebatur.
 At fratri tuo non profectò Capitolium
 tantum, sed Roma, & eius sanctissima
 pars Vaticanum, & Mediolanum, & Fa-
 uentia, & Vectianum, & alia Liguriæ op-
 pida, quæ maiores vestri ditione tenuerunt,
 pro atriis sunt, è quibus ad eius fu-
 nus celebrandum educi potuerunt co-
 rum imagines, quos & Pontificia tiara,

& purpura, & parva domi militiæque decora immortalitati consecrarunt. Sed hanc pompam non adornauimus : id tantum egimus, vt crepti desiderium solatiis non honestis solum, sed etiam iucundis leuaremus. Medici, vt est apud Sophoclem,

Πικρὰν χολὴν κλύζουσιν φαρμάκῳ πικρῷ.

Amaro amaram pharmaco bilem eluunt.

Quantò illi rectius, qui, si id quidem ab arte sperari possit, dolori citra dolorem medicinam faciunt, aut saltem optimo temperamento acerbam dulcibus mitigant. Accipe igitur, Princeps Eminentissime, dulce hoc leuando luctui repertum à poetis remedium eo vultu, quo & eorum pietatem, & fraternarum virtutum commemorationem probes.



ELOGIVM NATALIS RONDININI.

NATALIS RONDININVS ingenij, & morum, & fortuna ornamentis, in paucis quos nostra tulit atas, illustris ac memorabilis fuit. Eo genere Romanus, à quo sumere sibi potuit omnia, quibus ipse se, & suos clariores faceret. Nam neque auita illi res & imagines defuerunt, quas ad exemplum intueretur assidue; neque alta accensaq; laudis studia indoles, qua directis viis euntem impelleret ad fastigia premiaq; virtutum. Verum mihi consilium non est funebrem laudationem, quam meretur, instituire. Naturam & artem, magistras optimas, imitabar, qua res magnas & varias in angusto nonnumquam exhibent. In annulo gemmam gestasse fertur Pyrrhus, in qua nouem Musæ & Apollo citharam tenens spectaretur, non arte, sed sponte natura ita discurrentibus maculis, ut Musis quoque singulis sua redderentur insignia. Sylla Dictator traditione Ingurthæ semper signauit. Punctis omnia verius, quam lineis designabantur, cum idoneus situs ac status attribui in tam arcto spatio nulli posset. Referam & ego similiter in has pagellas de Rondini-

nis contracte aliquid & exiliter, magno inter me & calatores discrimine, quod hi corporum tantum dispendio res suas effingant; ego animorum atque virtutum.

GENVS suum Rondinini ad Cribellos referunt, nobilissimam apud Mediolanenses familiam. Ut unum pro multis dicam, abhinc annos propè quingentos honoribus, clientelis, opibus abundans Urbanum III. Pontificem Maximum orbi dedit. In gentili parma hirundines praefertunt, tesseram siue ex cognomento, siue ex euentu natam; cribra praeterea, demissa à Cribellis originis, & nobilitatis insigne. Diuersa quidem his & illis appellatio, nec eadem semper habitationis sedes: sed nimirum & fluuij interdum, quasi alij à se sint, non idem seruant nomen, quibus eadem tamen sunt fontium capita, idem aquarum splendor. Neque si surculus in aliud solum depangitur, non ab eodem à quo reuulsus est stipite genus ducit. Mediolano in eam Italia regionem, cui via Flaminia nomē fecit, traductos Fauentia primum excepit, deinde Roma, ingenijs aliunde aduentantibus apertissima & perhospitalis. Et habet hoc illa princeps urbium & terrarum, ut communis omnium patria dici & esse velit, non ignara, ut constituta olim sit, ut aucta, ut coalita ex varijs quasi elementis in unum corpus, aduenis fortuito coeuntibus in ciuitatem acceptis. Extulere Rondininos duo, pacis & belli artes: quarum utra plus illis ad gloriam valuerit, nihil attinet definire. Satis constat neque sapientia fortitudinem, neque fortitudini sapientiam dignita-

te cedere. Patrem habuit Natalis Alexandrum, virum eximiâ in agendis rebus prudentiâ, & præter generis splendorem omnibus elegantiorum literarum disciplinis excultû. A Natale auo suo nomen accepit. Is primus è suis sedem rerum & fortunarum ex illâ, quam dixi, Italia Cispadana parte Romam trāstulit in comitium ac forum orbis terrarum. Ad tractandas res natus videbatur, naturâ aquè ac disciplinâ consultus. Quæ optauit, videri potuit affecutus omnia, non quod possideret, sed quod eâ esset moderatione animi, ut nihil appeteret, suus semper, nulli obnoxius, ab honorum studio alienus, virtute quàm eiusdem præmijs ornatior. Cuius rei fama, cum grauissimorum munerum administrationem plurimi peterent, Summos Pontifices in illum primò non petentem, deinde ut inclinata ad quietem studia viderunt, etiam recusantem conuertit. Clementis VIII. iussu Romani fori disciplinam suo splendori nitorig, restituit: recidit corrupta, integra roborauit, stabilinuit antiquos & conuenientes tribunaliû maiestati mores. Ad annum usque centesimum, grande mortalis aui spatium, vitam protulit, summâ semper dignitate, nullâ auctoritatis imminutione. Neque enim omne vinum, neque ætas omnis vetustate vigorem exspirat. Viguit anima & corpore vir moderatissimus usque eo quoad opus ipsa suum eadem, quæ coagmentauerat, natura dissolueret. Legationes, alterum togata sapientia munus, & nobilitatis ornamentum, famam quoque Rondininis confecerunt. Nicolaus, multiplici rerum cognitione, & usu, & singulari

eloquentiâ præditus, apud Venetos Legati munere
 perfunctus ampla negotia tractavit; summoq; in ho-
 nore habitus est. Eo maiori illud ponendû in laude,
 quod non alibi diligentius Legatorum dicta factaq;
 observari dicât, ac propterea Venetia optima habeantur
 palastra, è quâ prodire Legati quàm instructis-
 simi possint. Laudat Nicolaum Marcus Guazzus in
 Commentarijs suis vernaculâ Italarum linguâ con-
 scriptis, qui è privatis eruditorum scrinijs & bi-
 bliothecis nondum exierunt. Bartholomæi Rondini-
 ni prudentia & fidei oblata est tempestas difficillimi
 temporis, quo Cardinales aliquot coitione temerè
 Pisis factâ Iulij II. Pontificis Maximi auctori-
 tatem labefactatum ibant. Erat is è S. Dominici
 familiâ, Theologia & Iuris Pontificij scientissimus:
 præerat summâ cum potestate Congregationi Tu-
 scia. à S. Marco nominata, atque una cum viris ali-
 quot doctrinâ consilioq; pollentibus per idem tempus
 Pisas se receperat. Stabant pro Cardinalibus Reges
 quidam: spargebant in Pontificem criminosè multa:
 ruebant contra in illos Pontificia fulmina, tamquam
 facti à Romanâ Sede diuortij reos. Magna erant in
 illis fluctibus iactationes animorum, offensiones in
 vulgus magna, in tantâ præsertim partium conten-
 tione atque dignitate: Pisis in primis, ubi res gere-
 batur, & in partes vocabantur Clericorum & Reli-
 giosorum hominum ordines. Sub initium, quid seque-
 rentur, constituere satis Pisani non poterant. Ad
 Bartholomæum (tanta erat viri apud omnes au-
 ctoritas) causam detulere, in sententiam, quam-
 cumque

cumque is ingrederetur, concessuri. Hac dum gerebantur, potentes interea ac factiosi sollicitare optimum Patrem, primo mollius, gratia & honorum certa spe; deinde acerbè, multa ac metuenda minitando, ut irritati solent animi stomachum post perditas blanditias effundere vehementius. Sed ad labefactandam fidem spes & metus excellenti animo iuxta valent. Nihil igitur ille obnoxie dicere, propalam obuiam ire obstinatis consilijs, aduersarios vi argumentorum verecundiaq; percellere: nutantes erigere, stantes confirmare: Pontificem eorum, quae gerebantur, certum facere. Quod ipsi totiç Canobio inuidia & obtreçtationi fuit, ac propè capitale. Nam etsi occultis vijs litera mittebantur, fieri tamen non potuit, quin earum aliqua, tamquam hostiles manubia, ab urbis Praefectis interciperentur. Absterfit periculi metum, quicumque is fuit, Cardinalium repentina discessio, Mediolanum conciliabuli sui sedem deligentium, siue quod causa sua admodum inuisos haberent Pisanos, siue quod hac urbs aduersus Pontificia arma minus tuta videretur, fessa quatuordecim annorum recenti bello, & iam Gallicus equitatus in urbem intromissus hostilia fecisset. Magnam peperere Bartholomao laudem Pisanae res, qui cum deinde vitam concessit, non sui tantum reliquit apud omnes desiderium, sed, quod potius est, praclarum sanctimoniam famam. Bellicus quoque labor Rondininos illustrauit. Materiam dedit conuersio rerum ac perturbatio, cum Romani Pontifices in Galliam se haberent. Qua inter potentiores certamina

tum

tum exarserint, quæ visa fuerint calo terræq; prodigia, dici vix potest. Concussa est intestino bello Italia: belli non alia causa, quàm lubido dominandi: florentissimæ urbes, tamquam vacua possessiones, armis occupata: Carrarij Pataviū, Mantuam Passerini, Canes Scaligeri Veronam, alij alia sibi asseruerunt. Nicolaus Laurentij, scriba populi Romani, incertum stolidior an ambitiosior, in Tribuniciam potestatem ac ius Imperatorium inuasit, in eamq; spem venit homo vanissimus, posse se multitudinem eludere in illis suis cogitatis furoribus inani iactatione libertatis. Ludouicus Bauarus iniussu Romani Pontificis Ioannis XXII. pro Imperatore se gerens Romam adiit: aduersus illum nefario consilio alium Pontificem legit, ab eoq; Imperij sumpsit insignia. Deflagrauit in monte Calio Laterana Basilica: cometa, solis defectiones, pestes, annona penuria terrori & exitio fuerunt. Tanto stetit Pontificem alibi quàm Roma degere. In hac atrocitate temporum, armorumq; licentiâ, consilium, bellicamq; virtutem, & in Romanos Pontifices fidem probauere Rondinini. Replicare memoriam annalium Latine atq; Italice scriptorum, è quibus res eorum peti possunt, magni est operis, certè non huius instituti aut loci. Nec posteaquàm Pontifices Romam remigrarunt, cum Italis debellatum fuit. Eugenius I V. Pontifex Maximus bellis undique premebatur, vt vix ei respirandi facultas esset. Piccininus copiarum Dux, Pontifici infestus, ingenio & armis ferox, populabundus vexabat Italiam: quidquid Mincio, Athesi, Benaco & Sebino lacubus allui-

tur, magnâ ex parte subegerat. Per Aemiliam deinde
 Flaminiamq; belli fragor intonuit. Bononia, Forum
 Cornelij & Liuij, Rauenna, aliaq; Pontificia ditio-
 nis oppida, ipsum etiam Picenum armis eius inſeſſa.
 Viſtoriarum curſum cohibuit Boldrinus Rondini-
 nus, pugnandi aſtu cum ſuis mediam perfringens
 hoſtium aciem, vitaq; periculum poſt virtutem ha-
 bens. Nec deſuit fortuna virtuti. Piccininum cepit,
 & Manfredo Fauentino Regulo captiuum duxit ſiue
 belli ludibrium, ſiue victoriæ pompam. Vetera illa:
 hæc recentia. Iosephus Rondininus Natalis noſtri
 germanus frater, belli ſacri incenſus cupidine, hono-
 raria militiæ rudimenta apud Venetos poſuit. Sicum
 Turcico ſeruitio preſſum obſidebant, oppidum apud
 Illyricos in ſinu Scardonico, in conſpectu irrumpen-
 tis freti ad montis radicem poſitum, atque arce fir-
 matum. Primus huc illum impetus rapuit, laboris
 æquæ ac periculorum auidum. Inde ad Cliffam admo-
 tus exercitus, quæ creditur Diocletiani fuiſſe patria,
 ab eo Diocletia dicta, & adhuc priſca appellationis
 extremum neſcio quid viſa retinere. Neque enim
 commentitium videtur, ſi Cletiam in Cliffam dege-
 neraſſe quis dixerit poſt frequentes incurſiones bar-
 barorum, urbibus æquæ ac rerum nominibus multam
 labem inferentium. Quæ lacinia videri poſſit huic
 narrationi inconcinne attexta, niſi fortè, quando
 in huius urbis mentionem incidimus, meminiffe et-
 iam iuuet, vnde homo immaniſſimus obſcuriq; gene-
 ris ad Imperium emerſerit, qui Chriſtianam fortitu-
 dinem eò illuſtrauit magis, quò acrius ad illam oppri-
 mendam

mendam incubuit. *Urbs* in rupe naturali situ munita, capta sapius amissaq, cum denuò ex *Turcis* recepta est, bellicis *Rondininum* praeclare exercuit. Mox enim *Venetorum* Senatus honoris causâ eum in *Cretam* ampliorem *Martis* campum euocauit, externaq, *Candia* urbis munimēta eius fidei virtutiq, commisit. Exacuit generosi iuuenis animos data prouincia, ut fernē prima militia premia. Quam dum strenuē sustinet, *Turca* per obscurum noctis, magno, ut solent, numero, pari ferociâ illum adorti sunt: tantoq, ardore pugnatum fuit, ut valla saucijs dilapsisq, propugnatoribus penē nudata occupataq, sint. At ea res malè mox *Turcis* vertit haud sanè inultis. Voce namq, & manu *Rondininus* terrorem in hostem reuocans, audaciam in suos, magnâ strage barbaros propulit: dumq, acrius, ultraq, quàm tutum erat, cedentes insequitur, muralis tormēti glande prostratus, ruinarum more, quæ super id quod oppressere franguntur, victor occubuit ingenti luctu suorum, anno M. DC. XLIX. VII. Idus Septembris, non illâ utique atate tollendus, quippe qui annum secundum & vicesimum vixdum excederet, & admiratione militaris indolis in se veteres quoque milites conuerteret. Hæc aliâq, habuit *Natalis* in paternâ domo bellica togataq, virtutis decora, quibus ad laudem accenderetur. Nec minorem in pectore aluit flammam memoria rerum maternas. *Felix Sachia* eius mater, perquàm illustri loco nata, maiores habuit *Vectiani* in *Liguriâ* aliorumq, quæ circa sunt oppidorum dominos, armis ac literis inclytos.

Vtrisque

NATALIS RONDININI. 383

Vtrisque clarus fuit Laudiuius Sachias, miles Hierosolymitanus, & ut ingenij cultum in militari viro agnoscas, Nicolaa V. Pontifici, bonarumq; artium fautori optimo maximo apprimè carus; electus quem cubiculo ac familiaritate aestimaret. Alter Laudiuius (sunt quippe nominum aequè ac decorum retinentes familia) Felicis Sachia pater fuit. Coniuge è viuis ereptâ, primùm in Consilij Pontificij confessu aduocationis ius adeptus est, deinde quatuor Pontificum praeclaris iudicijs commendatissimus vixit. Sub Clemente VIII. Curia Apostolica arario pro Tribuno; sub Paulo V. Pontificio Patrimonio pro Legato fuit: ab hoc etiam Episcopus Montis Falisci creatus: à Gregorio XV. missus ad Vencorum Rempubl. Nuntius: ab Urbano VIII. admotus iterùm arario, dein Pontificij Palatij Praefectus, postremò in amplissimum Cardinalium Collegium secundâ eorum nominatione cooptatus. Paulum Aemilium, Laudiuij huius fratrem, per varios quoque honorum gradus ad purpuram ac propè altius enexit parta prudentia usu rerum maximarum. Cùm adhuc adolescens in literis emereret, ac deinde iuris cognitione primus inter aequales esset, & apertiore in dies famâ nosceretur, venit in sermonem gratiamq; Clementis VIII. Is in Cubicularios intimos eum retulit, qua fuit ad res grauiores quædam quasi prolusio: post signandis gratia causis cognitorem adhibuit: in Apostolicâ Curia delegatus à se iurisdictionis iudicem esse iussit: inter Pontificij Consilij Notarios, Participantes appellant, gratis al-
legit:

legit: Nuntium ad Catholicum Hispaniarum Regem extra ordinem misit : tandem Cardinalem creavit, suo iudicio dignè, ac merebatur, magnificeq; laudatum. Cum enim eius merita breuiter carptimq; repeteret, Iurisperitum sanctissimo Purpuratorum Patrum Senatui à se adiungi dixit nulli secundum. Ergo illi iam purpurâ donato Pontifex summa quæque. & arcana committere: conquiescere in illius prudentiâ & fide: illum æstimare ac diligere impensè. Amorem existimationemq; augebant quotidiana negotia prosperè expediteq; confecta. Inter hac animus illi erat multâ humanitate temperatus, &, quo nihil est ad conciliandos homines accommodatius, beneficus ac liberalis. Faliscorum Ecclesiam cum regendam suscepisset, inaugurationis sollemnia Pontifex ipse pro suo erga illum studio in Lateranensi Basilicâ peregit: mox Episcopi munus Congregationis Concilij Tridentini Præfecturâ cumulauit. Tantâ sapientiæ & integritatis famâ cum floreret, & in Clementis VII. locum successor esset subrogandus, dignus habitus fuit, qui in Comitijis Vaticanis suffragia omnium mereri & ferre posset. Ita sensit ac scripsit Cardinalis Peronius literis ad Henricum IV. Gallie Regem à se datis: At, quæ est rerum humanarum inconstantia & breuitas, non multò utique longiùs in Pontificatu victurus fuisset, quàm qui illum adeptus est Leo XI. siquidem hic v. Kalend. Maij, septimo & vicesimo ab electione die, ille prid. Kal. Iunij, eodem vterque anno, quatuor tantum & triginta dierum intervallo (iuuat enim,

ut pauperes tenuis summa, ita perangusti temporis rationem exactius inire) vitam unag, honores terminarunt. Videri posset alter Paulus Aemilius, Alexandri Rondinini & Felicis Sachia filius, hereditate adisse aui & auunculi sui purpuram, si ut fortuna, sic animi bona ad alios peruenirent. Sed & illum sua virtus, sua in Remp. Christianam merita in Cardinalium Collegium aggregarunt. Adèd perennis ac propria est huic familia claritas & amplitudo, rarâ prorsus felicitate. Vna Pherenice, ut memorat Plinius, quæ filia, soror, mater Olympionicarum: opprimit mentionem memoriamq, laudis huius Felix Sachia, filia, mater, cognata Cardinalium. Vna familia Curionum, in quâ tres continuâ serie Oratores exstiterunt; plus est, unam esse, quæ totidem habeat consiliarios & iudices orbis terrarum. Vna Fabiorum, in quâ tres continui Principes Senatus: maius, tres ex unâ in eum Senatum adscitos esse, qui non modo Regum, quod aiebat Cynæas, verum etiam Dei Dinorumq, confisum referat. Sed mererum maximarum inter se comparatio longius ferat: nunc ad narrationis ordinem venio. Felix Sachia, Alexandrum Rondininum coniugem suum anno ætatis eius primo & quinquagesimo adhuc aui immaturum amiserat liberis nouem relictis, cum tota domus onus eius esse cepit. Quamquam hi orbi putandi non fuerunt matre incolumi, non spectata tantum probitatis, sed etiam doctrinæ feminæ. Quod Sempranio Graccho Cornelia, Martia Hortensio, id Alexandro fuit

Sachia. Nullo praeceptore, ut docilitatis atque ingenij magnitudinem videas, ad discendas Latinas litteras usa est, sibi dux & magistra, & antiquitatis tam profana quàm sacra diligens indagatrix. Curam igitur in liberorum institutione eò maiorem posuit, quò & ipsa accuratius honestarum artium studiis pueritiam, adolescentiamq; excoluerat. Paulus Aemilius, & Iosephus, alter in purpurâ, alter in saggo, ut iam dixi, ostenderunt quid benè provideq; nutrita indoles posset. Laura non tam in matris gremio, quàm sermone educata, politiores etiam literas animo complexa est, & ipsa inter Lalias, & Licianias, & Mutias, & siquæ praterèa parentibus suis doctrinâ & eloquentiâ responderunt, nominanda. Præceptoribus usa est Tarquinio Gallutio, & Alexandro Donato, viris è Societate IESU, eruditione & editorum Operum famâ notis. Sollicitam instituentium diligentiam merebatur prouocabatq; emnens illius ingenium. Quod ipsa deinde ita exercuit & expoliuit, ut postillos, quorum præceptis informata est, fortasse etiam cum illis legi & placere posset. Certè Cardinalis Bentiuolus cum suam de Bello Belgico historiam Latinè ac perpolitissimè verti cuperet, eandem illi commendauit, ac tradidit. Sed defugit hanc operam virgo, non tam declinatione laboris ac studij, quàm modestia curâ. Sermo ac stilus illi cultus ac nitidus, in quo nullus ambitiosè putideq; quasitus color. Neque enim ignorare poterat deformari orationem plus aequo affectatam, perinde ac corpora, siquis vulsa atque fucata mulie-

muliebriter comat, fœdiora fiunt ipso forma labore. Super sunt adhuc nonnulla eiusdem tam soluta quàm numeris ligata orationis præclara monumenta, ex quibus facile apparet, compluribus eam viris dubiam eruditionis palmam fuisse facturam, si literis, quàm religioni vacare maluisset. Humanis quippe rebus valere iussis, institutum S. Teresiæ secuta, in cænobium sese abdedit, ubi sanctæ religioseq., in quo sunt omnia, vitam etiamnum, quod & diu faciat, exigit rerum diuinarum contemplatione dulcem atque tranquillam. Atque hætenus pauca è multis, velut faces in funere, præire iussimus: nunc sequatur ipse, cui funus ducitur. Quæ ad eius genus pertinent, ad eum quoque pertinere existimauimus. Nam etsi ea quæ ipsi non fecimus, nostra non sunt, nostra tamen, si in magnâ generis claritate splendorem habent, hoc ipso maiora esse necesse est. Ita Luciferum ceteris stellis clariorem esse nouimus, quod hæc in tenebris tantum, ille oriente etiam sole stationem teneat, luceatq.. Annum ætatis nonum attigerat Natalis Rondininus, cum Alexandrum parentem suum luxit. Dabat iam tum ingenij iucundi & elegantis specimen ijs in literis, quibus ætas puerilis ad humanitatem informari solet. Ex ephebis egressus, Bononiam sedem ac magistræ Philosophiæ habuit, longè ijs dissimilis, qui ex Academico tantum otio licentiam usurpant. Ipse toto animo ac studio ad laudem incumbere: audire magistros, ab ijs audiri: intelligere, se in vestibulo scientiarum omnium stare; in earum deinde adyta penetrandi spem nullam fore, nisi

ingenium hîc prius diligenter exercuisset. Nec Mathematicas disciplinas negligendas putavit, ut scilicet ad rem militarē, si ad hanc forte animum adiunxisset, paratior instructiorq̃ esse posset. Et quamvis aliò consilia verterit, totumq̃ se Deo dederit, iucundos tamen & utiles de rebus bellicis miscebat sermones in loco, non quales eorum sunt, qui debellaturi videntur super mensâ Alexandrum, imperiti rerum. Hauserat partim è præceptionibus aliorum, partim ex historys, quæ ad ordinem legesq̃ militia pertinent: quis castrorum locandorum situs: quæ instruenda aciei forma, ac varietates: quæ cingendarum urbium descriptiones: quando cum hoste conferenda manus: quando quiescendum. Aliquot post annis Bononiâ in Urbem reuersus Theologia & Iurisprudentiæ operam dedit, hanc etiam publicè interpretandi donatus facultate. Exin sollemne illud suum semper tenuit, ut lectissimis quibusq̃ auctoribus volutandis tempus daret. Atque ut se oblectant qui ad celebrium fluuiorum capita consistunt, eorum præsertim qui auríferas arenas secum vehunt; ita incundissimum illi erat ad sapientiorum Patrum lectionem accedere, è quibus videret aurea illa promanare sapientiæ flumina, unde & sitim posset explere, & riuos deducere. Otij quoque sui partem ad sacram & profanam historiam contulit. Hanc ille oblectationem honestissimam utilissimamq̃ ducere: hinc petere dicta, facta, consilia publicè priuatimq̃, salubria: quam alij prudentiam agendo experiendog̃, ille sedendo legendog̃ comparare: ipsam in aduersis aliorum

rum casibus misericordiam iucundam putare. Huic studio finitimum fuit sacra, ritus, leges, instituta gentium obseruare, etiam barbararum. Erat igitur illi memoria velut ararium opulentissimum, è quo eruditionis suae diuitias opportunè depromeret. Accedebat his Latinarum literarum amor & cultus, & sine quâ nullus est ad vitam communem studiorum fructus, eximia in scribendo dicendoq; venustas & copia. Interdum poëtico incalescens afflatu carmen scribebat veterum genio, puris verbis lectisq; sententijs. Vel eâ causâ secessus in Vmbriâ apud Eminentissimum Principem fratrem suum Paulum Aemilium Rondininum Cardinalem, Assisij Episcopum, gratissimus illi accidit. Parentauit hic Sidronio Hofschio è Societate IESV Poëta cultissimo, dulcibus & expolitis elegis receptus sui amœnitatem allato de eius morte nuntio corrumpi questus. Paucula quidem eius poëmata, quae velut naufragij reliquia ad nos peruenerunt, publici iuris fecimus: sed lectorem si non lassabunt, explebunt tamen, & plura fient sapè relegendo. Literariam supellectilem vt augeret, in Graciam quoque nauigauit, hoc est, ad scriptores Gracos animum appulit: Neminem, dictitans, sine hoc praesidio absolutum aliquid in ijs artibus, quae ad humanitatem pertinent, consequi posse: Veteres Romanos eloquentiae suae opes omnes è Graciâ in Italiam conuexisse: illius linguae opulentiam & suauitatem nullius interpretis oratione representari: illam Byzantio in Italiam, vnde totos septingentos annos exulauerat, ab hominibus nobilissimis olim

reductam fuisse; mox à doctissimis quibusque arreptam generoso contentoq; studio: turpe nunc Romana inuentuti fore Musas Atticas in bibliothecis iacere neglectas & situ obsoletas. Tot tamq; valentibus inductus causis inuigilabat in his studijs, veneratq; illi in morem non solum lectitare libros Græcos, verum etiam Græco sermone cum Deo loqui. Excultum literis animum ornabant castissimi mores. Crederes Pudicitiam ipsam ab eius latere numquam discedere, & animi corporisq; velut templi Deo dicati adituam esse, quæ profanum aliquid aut immundum eò inferri non sineret. Mira illi erga amicos fides, & in obsequio comitas: sermo ingenuus, & ab omni fūco alienus: plus in animo beneuolentiæ & officij, quàm in verbis, thesaurorum more, quibus plus est opum in recessu, quàm in superficie ostentationis. Sacerdos, & in Vaticano templo Canonicus sacris operabatur sermone quotidie, ad eumq; Numinis cultum dignam afferebat templis & aræ cōtactu probitatem. Tantà virtute sapientiæq; instructum asciuit Alexander VII. Pontifex Maximus in aulam suam, in quā velut in regno suo virtus est, eumq; sibi ab Epistolis ad Principes scribendis esse voluit publicā Urbis gratulatione. Quā integritatis, & prudentiæ, eloquentiæq; laude munus suum administrauerit, superuacaneum sit dicere. Non deerunt decora ingenia, quæ cū ad tempora Alexandri VII. dicenda venerint, historia sua inferent quas illius ingenio elucubratas literas de rebus grauißimis ad Principes dedit. Sed ecce dum tanto Pontifici se quotidie probat magis, & in Romana

manâ luce non amorem sui tantum, sed etiam admirationem mouet, supremus illum dies occupat, maiorumq; rerum spem, quæ in cursu erat, intercipit. Labet hîc coronidis loco apponere, quæ de prematurâ eius morte ad Iacobum Vallium scripsit Illustrissimus Ferdinandus Furstenbergius: non quod me deficiant uerba (quamquam & illa in tam acerbo casu deficiunt) sed quod hæc litera exstare laudariq; mereantur professione pietatis. Sic igitur habent:

NOli, mi Walli, plures à Natali Rondinino nostro epistolas expectare. (& dederat cum sæpè aliàs, tum septē antè diebus, quàm fatalis eum morbus corripere, ita elegantem, & uerem, & officij plenam, ut eam dictasse ipsa uideri posset Humanitas.) iv. Non. Septemb. quindecim dierum febris, heu dolor! consumptus est, tantâ nobilitate, virtute, eloquentiâ, ac doctrinâ iuuenis, ut meritò sæculi nostri Phœnicem quis appellet. Nondum tricesimum ætatis annum attingerat, & iam tum omnes antiquos quæ profanos, quæ sacros scriptores legendo peruaserat. Dici non potest, quantum ex eius morte dolorem S.D.N. ceperit. Amici omnes mœrore contabescunt: ego tam moleste eius desiderium fero, ut ne in parentum quidem morte plus hauserim acerbitalis. Omnia amicitiae officia ægroto præstiti, semper affui, animam agenti astiti, & benè precatus sum, oculos defuncto clausi, & acerbissimis adhuc lacrymis

392 ELOGIVM NAT. RONDININI.
creptum prosequor. Vbi dolor parùm remise-
rit, forsan Musis me meis solabor: tu quoque
molestiæ mihi partem tuis absterge.

Multis ille quidem flebilis occidit:

Nulli flebilior, quàm mihi.

Mecum illi tam arcta consuetudo ex simili-
tudine animorum ac studiorum coorta inter-
cedebat, vt Castorem & Pollucem diceret, vti-
nam alternâ morte redimendos. Sed quid ego
longiùs dolori meo ac lacrymis indulgeo?

Durum, sed leuius fit patientiâ

Quidquid corrigere est nefas.

His epistolam, non lacrymas meas finio. Rô-
mæ VI. Id. Sept. M. DC. LVII.

*Natus est Natalis Rondininus anno M. DC. XXVIII.
XIII. Iulij: excessit M. DC. LVII. II. Sept.*



APOL.

APOLLONII FLORENTIS
AD
FELICEM ZACHIAM,
NATALIS RONDININI
DEFUNCTI MATREM.



*Idit ut creptum properato funere natum,
Flentibus immoto pectore mater ait:
Mortalis genui mortalem; animoq; supre-
mum,*

*Cum peperit, occurrit tempus & asra dies.
Vana tamen ratio, & rerum te fallit imago,
Pace tuâ liceat dicere, docta parens.
Perlege NATALEM celebrantium carmina, in aenum
Carmina diuinis edita ab ingenijs:
Teq; immortalē nati de nomine, & illum
Laudibus aternū vivere nosce suis.*

394 HONOR SUPREMVVS
AVGVSTINI FAVORITI
A D
FELICEM ZACHIAM

In funere Natalis Rondinini filij.

Ex Albano secessu.

S Ecreta nemorum valles, mutiq; recessus,
Et deserta loca, & taciturna querentibus antra,
Quæ priscos habitasse ferunt (& credere dignū est)
Mortales, sine lege pios, sine messe beatos,
Accipite hos agro proruptos pectore questus,
Quos pietas, quos ager amor, luctusq; requirunt.
Et vos frondoso surgentes vertice fagi
Me sinite, erepti lugentem funus amici,
Illius æternum vestris incidere nomen
Corticibus: meus hîc saltem, dum stabitis, unâ
Vivet amor, luctusq; mei monumenta manebunt.
Me sinite hîc viridi carmen, lacrymabile carmen,
Tristibus ad citharam numeris disperdere in umbrâ,
Quod recinant, qui se querulis solantur aenis,
Dulce queri miseris: dedit hoc natura leuamen,
Hoc animi, quæ vix umquam coitura putares,
Vulnera dictamno curat, mulcetq; dolorem.

Plorat

Plorat Ityn Progne; consortem turtur ademptum;

Ceyca Alcyone; casum Phaëthontis olores.

Scilicet & mæstis implet nemus omne querelis

Flebiliter quarens absentem bucula matrem:

Et nunc haret inops animi, nunc arrigit aures,

Si quâ fortè procùl crebris mugitibus instet,

Errantem admonitura sui: nunc acta furore

Dat gemitus incompósitos, & in auiâ fertur,

Terror Hamadryadum, stragesq; miserrima silvæ.

Illa peregrinum, natorum oblita, iuuençum

Per saltus sequitur, vel fêsta altaria circum

Flore reuinçta caput magnis cadit hostia Diuis.

Iustâ quidem caræ iam pridem soluimus umbra:

Nec cineri amplexus, largus nec defuit imber

Funeri, ubi casu perculsi, ac vulnere primo.

Sed præstans animi Natalis, & indole pulchrâ,

Constantiq; fide primis mihi iunçtis ab annis

Triste sui desiderium luctumq; reliquit,

Vt me nulla dies solari, nulla queat res,

Cogar & in longos absumere lumina fletus.

Ergò siue aperit rebus lux alma colorem,

Siue aufert umbrâ inuoluens nox humida terras;

Dilecti manes, dilecta occurrit imago,

Pallida, languenti viola, vel grandine tacto

Narcisso

*Narcissus similis, frigentiq; ore videtur
 Oscula ferre genis, & brachia tendere collo
 Cara meo, qualem supremo in funere vidi,
 Cum iam frigida mors oculis induceret umbras,
 Me quarentem oculis, & pectore singultantem:
 Cum Fernandus, amicitia pars tertia nostra,
 Astaret lacrymans; sancto mox cedere iussis
 Officio lacrymis, Superos in vota vocaret,
 Difficilesq; obitus, animamq; exire parantem
 Calesti firmaret ope, ac prece feruidus omni.
 Hac rerum species animum noctesq; diesq;
 Infelix subit; hac sensus mi surripit omnes,
 Nec sinit à tristi curâ requiescere mentem.
 Nam neque Castalides, mihi dulcia nomina quondam,
 Quæ me illi ad laudē comitē, quamquā impare gressu,
 Addiderant, & amore pio, paribusq; ligant
 Auspicijs, possunt miserum lenire: nec ipse,
 Quæ releuent agrum, Phæbus pater inuenit herbas.
 Cetera, quæ pariter quondam oblectare solebant,
 Omnia sunt ingrata: nihil iuuat. Hac loca certè,
 Ipse hic formosi nemoris gratissimus horror,
 Et fortunati gelidus fons graminis altor;
 Ipse lacus ridens, auium secunda voluptas,
 Sylvarum decus, & Latia telluris ocellus,*

*In lacrymas questumq; trahunt. Hac ille solebat
Mecum animis, studioq; pari loca adire quotannis;
Hic pariter mecum fugientes condere soles*

Alloquio dulci, curarum oblitus, & Urbis.

Hac illi regio dilecta: hic sapius illum

Naiades pulcra, pulcra stupuere Napea

Castâ Philetais sociantem carmina chordis.

Non tamen astrorum cursus, non abdita terris

Prodigia, aut ortus ventorum, vel maris astum,

Omnia adhuc hominum studiis ignota, canebat:

Sed Christi Heroas, immoto barbara vultu

Supplicia expertos, ignominiasq; Tyranni;

Sed laudes Superum, & dia virtutis honores,

Quaq; docet verax, & fallere nescius Auctor,

Humanâ maiora fide penetralia rerum.

Inde ad ALEXANDRI deflectens inclyta facta,

Commemorabat, uti Saturnia sacra redirent,

Et probitas, & sancta fides, iam Praside terris,

Qui sciret regni hanc molem non are, nec auro

Stare, nec arte hominum, sed religionis amore,

Sed virtute animi, & veterum pietate parentum.

Illius auspicio Latij è finibus actam

Esuriemq;, grauemq; luem; decora addita templis;

Reddita virtuti sua premia; reddita Musis.

Otia,

Otia, & erectas artes: illoq; sequeſtro
Venturam populis poſt triſtia bella quietem.
Omnia, quæ ſummi quondam præſaga Dei mens
Cùm fore proſpiceret, noſtra miſerata labores
Gentis, ALEXANDRO mandaffet fulmina, & orbis .
Imperium, quamquam magnis virtutibus impar.
Talia non ficto referebat carmine vates,
Si quando à grauibus curis, ſtudiisq; ſeuera
Palladis, & doctis animum reuocaret Athenis.
Rudera vel Latij, & priſci monumenta Senatus
Luſtrabat, veterum gaudens incifa metallis
Ora virum, & ſculptas à tergo noſcere pugnas,
Gnarus & armorum. Nemo nam certius illo
Norat, quæ belli ratio circumdaret urbi
Mœnia, quæ victrix aperiret machina muros.
Illum ego ſepè equitum ſtantes peditumq; maniplos
Et pugna inſtructas acies, & Martia caſtra,
Praliaq; in docto ſcribentem puluere vidi.

Tùne igitur dulces auras, & dulcia noſtra
Pignora amicitia, tantarum in limine rerum,
Deſeris, inq; tuo ſurgentes nomine cunctas
.Spes Latij perdis? nihil ergò ars docta medentium,
Nil herba valere? nihil flos viuividus aui?
Nec fratrum te cura vigil, nec ſedula mater,

Nec

Nec dilecta Deo soror eripuerè periclo?

Vtq̃ tuas parco delibem carmine laudes,

Non tua te pietas, non culta altaria, non te

Candida mens animi, aut docta facundia lingua,

Non vis ingenij præstans, & ducta per omnes

Ingenuas artes, leto subduxit acerbo;

Cùm gentem innumeram, telluris inutile pondus,

Non nisi post seram mactet Libitina senectam?

O semper damnata pati fata aspera virtus!

Vidi ego periuras, pradaq̃ nocentis onustas,

Post longos pelagi errores, casusq̃ per omnes,

Incolumes tamen ad patriam remeasse carinas:

Naufraga cùm gemeret puppis, quæ litore ab Indo

Tunc primùm niueis pacata per aquora velis

Ibat ouans, Diuimq̃ aris pia thura ferebat.

Interea casum ingemuit Romana iuuentus,

Fassa suum decus extinctum: ingemuere relicta,

Et tibi ferali crinem cinxere cupressu

Pierides, fluuiog̃ dolens Tiberinus ab alto

In mare visus aquis Tuscum dilabier atris.

Ipsam etiam dolor inuictum tot casibus, ipsam

Flexit ALEXANDRUM, lacrymisq̃ in funere crudo

Panè profanari caelestia vidimus ora.

Quippe acre ingenium Pater aquas norat, & alta

Semina

*Semina virtutis, patrioq; fovebat amore.
 Nimirum ille, sacro solium stipante Senatu,
 Principibus, te vate, dabat responsa benignus,
 Voce tuâ solitus populos armare fideles,
 Siue laboraret Venetus, seu tristis Enyo
 Verteret Heluetiam, seu bello assueta nefando
 Suecia Sarmaticos vastaret milite campos.*

*Sed iam cesset inops dolor infelicia verba
 Fundere. Tu felix, Diuorumq; unus, Olympi
 Securâ de parte, nigris Aquilonibus actam
 Serpere sacrilegam, populosq; excurrere flammam,
 Perq; omnes valitare vides bella impia terras,
 Pauperiem circum, miserâq; ferentia clades.
 Inde hominum genus; & casuras despicias vrbes
 Altior inuidiâ, & Regum capita ardua calcas.
 Quod tibi si celsam mortalis gloria mentem
 Tangit adhuc, non tu tabulis, nec marmore Luna;
 Aerëve, quod Siculis miscent Cyclopes in antris;
 Sed merito ipse tuo, & vatum sacrabere chartis.
 Illa riuunt ano tandem consumpta, vel igni:
 His Lachesis, rerumq; vices, & fulmina parent.
 Nempe tuum posthac nulli violabile fato
 Illorum fidibus viuet decus: hi tibi famam
 Longius extendent vitali carmine, quàm si*

*Marmore de Libyco, aut Ephyreio duceret are
 Graia tuam manus effigiem, vel barbara moles
 Egypti ad calum saxis audacibus iret,
 Insanus labor, & solamen inane sepulcri.
 Quin etiam (qui rarus honos) tibi Belgica plorans
 Sollemnes struit exequias, & funera Clio:
 Carminibusq; sacris inscriptas litore in illo
 Pyramidas statuit, laudum monumenta tuarum,
 Aeternum mansura; licet sæpè illius oram
 Litoris implacidum latè voret aquor & vrbes.
 Sed neque me immemoris; si vera recepit Apollo,
 Arguerint animi venientia sacula: nomen
 Quippe tuum, nosterq; dolor, lacrymaq; manebunt.
 Nec tibi qua mæsta inferias, ac debita mittit
 Munera, ALEXANDRI multum sublata fauore,
 Iuerit ad seros ingloria musa nepotes.*

*Tu verò Latias inter clarissima matres,
 Atque olim numero doctarum addenda sororum,
 Urbis honos, Felix, lacrymis absiste profanis:
 Neu nati turbare velis ingrata quietem.
 Cùm Vaticanam facerem pullatus ad aram,
 Seruari quæ certa fides ossa inclyta Petri,
 Et requiem dulci, veniamq; precarer amico,
 Reddita, vel mihi visa sacro vox reddier antro:*

Dic bona verba : procùl feralia vota, sacerdos.

Iam pridem cœtu Superùm, solioq̃, receptus

Egregius iuuenis : scelerum vix flamma piatrix

Distulit æterna pereunti gaudia vitæ.

Nunc ille ætherio graditur spectandus in oïtro,

Effigiemq̃, Dei, cuius fulgore beantur

Celestes anima, multùm sub imagine pulcri

Quasitam in terris, manifestâ in luce tuetur.

Iam calo apparet medio, sidusq̃, benignum

Collibus affulget Latijs, & lumine certo

Signat iter, quo nisa polum subit ignea virtus.



DANIELIS PAPEBROCHII
E SOCIETATE IESV

A D

FELICEM SACHIAM,
post cæsum in propugnatione Candiaæ filium
IOSEPHVM RONDININVM,
ALTERO IAM FILIO
NATALI RONDININO
ORBATAM.

Non posse eam vitam breuem dici, quam
numeris omnibus virtus & doctri-
na absoluerint.

C Vr ego felicem verear te dicere, Mater,
Sis quamuis iterum pignoris orba tui?
Odrysius alter cecidit tibi filius armis,
Alterius cineres Romula textit humus.
Flendus uterque tibi: sed, si locus aqua monenti est,
In gemino luctu quo releueris habes.
An, quia supremos nondum compleuerat annos,
Creditor ante suum raptus uterque diem?
Demens, qui vitam spatio metitur & annis:
Quantula sit, longam gloria magna facit.

Cc 2

Nesto-

Nestorea aquauit Pelides sacula, quique

Edomito Magni nomen ab orbe tulit.

Antè senescenti fluerent quàm vertice cani,

Implerant meritis tempora longa suis.

Sic tuus Euganeis felix Iosephus in armis

Non multos multo clausit honore dies.

Sic tuus infertur tumulo Natalis auito,

Augusta nuper Sedis & Urbis amor.

Victorem toties terra illum Gnosia vidit,

Vt nequeas vita de breuitate queri:

Hunc virtus matura polo transcripsit & astris,

Longeuos posset quanta decere senes.

FELIX ergò mihi scribêris SACHIA semper,

Nec tibi ius dubium nominis huius erit.

Quis tamen orbatam lacrymis prohibere parentem,

Tristia quis gemitu fata carere velit?

Non ego durus in hoc: potiùs solantia mittam

Carmina: soluendis luctibus illa valent.

Et decora & laudes dicam Natalis adempti:

Gnosiacas lauros qui canat, alter erit.

Qui genus, unde domo, qua prisca gloria gentis,

Ducta per antiquos cera loquetur auos.

Vos mihi Pierides (vestras nam fertur in vlnas

Matris ab amplexu sapiùs isse puer)

NATALIS RONDININI. 405

*Vos mihi, quæ vitæ series, quas acta per artes,
Pandite, cur dici se vetet illa breuem.*

*Quattuor ad quinos nondum sociauerat annos,
(Prima bonis atas artibus ista patet)*

*Iam Graia tentare puer primordia linguae,
Iam Latio cæpit cultiùs ore loqui.*

*Pierias illum Phæbus deduxit ad undas,
Doctaq; Castalijs ora rigauit aquis.*

*Seu caneret syluas, syluas cantare decebat,
Materia versu conueniente sua:*

*Siue per heroum laudes foret impetus ire,
Par erat heroïs impetus ille modis.*

*Sapè etiam, dum rostra quatit puerilia, magnis
Prelusit causis: & satis oris erat.*

*Scilicet has artes ipso cum lacte tenellus
Hauferat, inq; sinu, Sachia docta, tuo:*

*Illo nempe sinu, quo Paulus, & amula Paulo,
Ceus Sophia in gremio, luserat antè soror;*

*Laura Soror, quâ non veteres Heroïdas inter
Alterâ Romano cultior eloquio:*

Cuius & ingenio conferri Tullia sese

Gaudeat, & Gracchos quæ tulit vna duos.

Perge Puer, nec tu Fratri, nec cede Sorori:

Se quoque vincendum sperat vterque Parens.

*Dum loquor, ipse rotas Academi in pulvere versas,
Quò vocat admissos area maior equos.*

*Hic quoque victorem cerno; robustior atas
Vix illi stadio sit licet apta satis.*

*Neuerat hac, vitæ dum florida curreret atas,
Stamina festino pollice Parca tibi.*

*Ast ubi prima toga cessit prætecta virili,
Ingenio nulla est meta statuta tuo.*

*Quid fora, quid leges, quæ iuris forma tuendi,
Quî posses trepidis utilis esse reis,
Exigui docuit mora temporis, inq, capaci
Visa resedisse est pectore tota Themis.*

*Hinc etiam annorum seriem nouisse priorum,
Et veteres Fastos discere cura fuit.*

*Altera cura, Dei Fideiq, arcana notare,
Quà licet, & nostris mentibus illa patent.*

*Voluebas Graios, Latiosq, ex ordine Patres,
Quosq, sequuta pares sæcla tulere viros,*

*Nec tamen armata spernebas Pallados artes,
Doctus ab hac quo sint bella gerenda modo;*

*Quæ melior vallo, quæ fossis forma profundis;
Quis bellatoris certior usus equi;*

*Quis locus infidijs, Marti quis factus aperto;
Exiguus quantas subruat ignis opes.*

Et

*Et poteras tinctas hostili sanguine lauros
 Ad patrios victor sæpè referre lares :
 Et poteras seris celebrandum atatibus olim
 Romanos inter nomen habere duces:
 Ni pia præ diris placuissent otia bellis,
 Teq; sibi Diuus conciliaffet Amor.
 Sensit Alexander (quid enim non sentiat ille,
 Creditus à magno maximus esse Deo ?)
 Sensit, & : O iuuenum, dixit, cultissime, noster
 (Sic quoniam virtus rara meretur) eris.
 Otia siue Deo, seu Musis sacra placebunt,
 Tota domus Musis, tota dicata Deo est.
 Hic poteris reram strepitus contemnere mecum,
 Pectoraq; athereis pascere delicijs.
 Hic poteris cultas animum versare per artes :
 Amplius his tribuit, quàm mea, nulla domus.
 Venerit à magnâ quoties mihi litera dextrâ,
 Reddetur digitis charta notata tuis.
 Non ego præcipuas metuam tibi credere curas,
 Quæq; petunt certam multa tacenda fidem.
 Non metuam per te geminos in fœdera Reges
 Poscere, & heu ! longas improperare moras.
 Dixit, & augusto tectog; animog; receptum
 Sollicitâ iuuenem fouit & auxit ope.*

Sachia felices inter numerandâ parentes

Quid tibi tunc animi, quid tibi mentis erat?

Cùm Vaticano natorum maior in ostro

Germanum sacros sîsteret ante pedes:

Cùm tibi septeni submisso vertice colles

Plausum, & letitia publica signa darent;

Natalisq, tui cupiens contingere dextram,

Tota tuam visa est Roma subire domum.

Hei mihi! quâ nulla est umquam diuturna voluptas!

Gaudia quàm dubio stant peritura loco!

Qui modo Romanâ fuerat celeberrimus aula,

Non levis egregiæ spesq, decusq, domus;

Concidit in medio titulis crescentibus ævo,

Ceu rosa quam subitâ grandine læsit hiems.

Stans tamen & lacrymis genitrix animosa repressis,

Quâ sinit ingenti mistus amore dolor:

Non mihi Diætas, inquit, qui casus ad arces

Gnoſtiacam fuso sanguine sparsit humum,

Creditur ante diem fati cessisse; nec iste

Ante suum raptus creditur esse diem.

Illum Threïcij obſtantem fortiter armis,

Per qua multa tulit vulnera, plura dedit,

Pro patrijsq, sacris, pro relligione cadentem

Annis constat aui nil eguisse sui.

*Iste quid innumeris maius retulisset ab annis,
 Moribus & studijs quàm placuisse Deo?
 Quàm placuisse viro, Christi quo sacra regente
 Nil maius, nil par maximus orbis habet?
 Maeste animus generosa Parens: sic viuere pergas,
 Sic minuant reliquam funera nulla domum.
 Hunc etiam, quem terra tegit, morsq; inuida nostris
 Sustulit ex oculis, ne perijsse puta.
 Viuit, & Ausoniâ memorabile nomen in aulâ
 Supremos illi contigit ante rogos.
 Hoc quoque nequa dies, venturaq; nesciat atas,
 Sat nutus summi Principis unus erit.
 Annuerit Belgis, ibunt in carmina Belgæ,
 Quotquot Apollineâ nomen in arte tenent:
 Annuerit Latijs, Latij praconia vates
 Digna viri meritis ingenioq; canent.
 Nec nihil huc nostra credent se posse Camæna,
 Paruaq; erunt turba pars celebrantis idem.*

FERRANDI ARCHONTORI
A D
A V G V S T I N V M
F A V O R I T V M:

De morte Natalis Rondinini S. D. N.
A L E X A N D R O V I I. Pont. Opt. Max.
ab Epistolis ad Principes.

Non ita Lampetie casu Phaëthontis acerbo
Fleuit, & amboſto Cygnus in amne Padi;
Non ita Pelides, mediâ cùm vidit arenâ

Actoriden ſparſis cade iacere comis;
Tros Anchiſiades non ſic Pallante peremto,
Nec Theſeus cari funere Pirithoi,

Vt mihi mæſta pio tabeſcunt lumina fletu,
Imaq; perpetuos pectora dant gemitus,
Dum deſiderio mentem perfixus inani,

NATALIS mutos conqueror ad cineres.
Crudeles Dinos, crudeliaq; aſtra vocanti.

Nulla venit miſero nocte diève quies.
Nec magis, heu, lacrymis ſaturatur luëtus amaris,
Quàm matutino rore peruſtus ager.

Si fugit interdum, vagus ut Maander, in orbem
Mox redit, & ſeſe decipit ipſe dolor:

Notaq;

Notaq̃ dilecti passim NATALIS imago

Occurrit madidis obuia luminibus,

Dulcè loqui fido, velut antè solebat, amico,

Brachiaq̃ & caras tendere visa manus.

Siue etenim ripam Tiberini propter amœnam

Cernere veliuolas, quas vehit vnda, rates,

Et septem geminis latè spectare iacentes

Collibus antiqua me iuuat Urbis opes,

Pyramidasq̃ nouo ductas ad sidera sumtu,

Et Vaticano templa superba tholo :

Siue suburbanas Latij peragrarè ruinas

Mite iubet sancti Principis imperium,

Albanumq̃ lacum, dilectaq̃ rura Mineruæ

Posthabitis Romæ visere delicijs,

Montis ubi quondam per viscera ductus aperti

Fatalis Veijs irrigat arua liquor :

Semper amarities, semper dolor hæret eunti,

Et cruciat miris anxia corda modis.

Nec vetus Alba grauem potis est mihi demere curam,

Vmbra nec æstiuis Tuscula frigoribus ;

Nec nemus Egeria, Scythicæ nec regna Dianæ,

Nec lacus occulti conscius Hippolyti.

Téne malâ, iuuenum castissime, fraude nouerca

Distractum rapidis membra cruenta rotis,

Téne

Téne Coronides medys è faucibus Orci

Ereptum Trivia restituisse Dea,

Et letos oculos, roseumq; potentibus herbis

Os valuit, nitidas & reparare comas?

At miserum, ut prima NATALIS flore iuuenta

Occidit indigno flebilis interitu,

Non pietas, non sancta fides, non Pallas, & omnis

Aonidum tanto cultus amore chorus,

Ipse nec aetherias reuocare ad luminis auras

Sustinuit medica Cynthius auctor opis?

I nunc, & demens animos attolle superbos,

Et Zephyro plenos finge tumere sinus.

Finge miser titulos, & grandia munera rerum,

Et spera Pylij tempora longa senis.

En iacet exigua iuuenis compositus in urna,

Promeritus caeptis omnia fausta suis.

*Nam quid ALEXANDRI meritis fauor, aut quid
honorum*

Spes, & fraternâ fœdera iuncta fide?

Quid præclara domus, genitrix aut profuit illi

Optima, Castalias inter habenda Deas?

Lata quid aspirans rebus fortuna secundis,

Et planctus totâ Maximus Ausoniâ?

Scilicet exorare nefas est fata, nec ulli

Parcarum licuit frangere duritiem.

Non

*Non tamen Heroum manes inferna coercent
 Flumina, nec Stygij pallida regna Iouis.
 Aetherias illos virtus sublimis ad arces
 Euehit, & campis consecrat Elysiis.
 Hic, hic NATALI domus est: hinc arduus imas
 Sub pedibus terras despicit & maria;
 Miraturq; nouos orbes, conuexaq; mundi
 Mœnia, & innumeras, splendida signa, faces.
 At licet huic longos Libitina inuiderit annos,
 Dum meritis implet Solis utramque domum;
 Ne tamen vlla queat nomen delere vetustas,
 Prouisum Clario gratulor esse Deo.
 Dum terras atque omne sibi deuinciet ænum,
 Curaq; ALEXANDER posteritatis erit;
 Dum pius in Venetos animus studiumq; canetur,
 Classis & Aegeo Thracia victa mari;
 Dum referetur amor, quo tristia bella Tyranni
 Ardet in excidium vertere Bistonij,
 Quo res Sarmatiae, viduataq; Casare regna
 Curat, & impositos Alpibus Heluetios,
 NATALI constabit honos, viuaxq; manebit
 Doctrina, & Suada nomen, & ingenij.
 Semper ALEXANDRI, sacra per vestigia, laudes
 Ponè sequens, ibit clara per ora virum.*

Tu quoque Pieridum decus, AVGVSTINE, sororum,

Quo Latium, & timidis Macra superbit aquis,
Ingenuos mores, & vitam puriter actam,

Cordaq; non ullis tacta cupidinibus,
Virtutesq; alias cari memorabis amici

Carmine, quod possit nulla abolere dies.
Nam neque signa tua spirantia marmore Luna,
Nec Polycletaâ nobilis arte labor,

Longiùs extendant famam NATALIS in ævum,
Quàm tua Maonia proxima Musa tuba.

At mihi, cui tantum non concessere Camæna,
Vt canerem paribus grandia facta modis,

Sat fuerit gelidis extrema dedisse labellis
Oscula, & exangues imbre rigasse genas.

Sat fugientem animam fato legisse supremo,
Et clausisse piâ lumina cara manu.

Sat tumultum lauri folijs ornare quotannis,
Et cineri multâ solvere iusta prece.

G V I L I E L M I B E C A N I
E S O C I E T A T E I E S V

N A T A L I S , I D Y L L I V M
I N O B I T V M

N A T A L I S R O N D I N I N I

S. D. N.

A B E P I S T O L I S A D P R I N C I P E S ,
A D E M I N E N T I S S . C A R D I N A L E M
P A V L V M R O N D I N I N V M
F R A T R E M .

D *Esine fraternum lacrymis urgere sepulcrum,
Paule, superuacuos effundere desine questus.
Frater adhuc superest, & post sua funera viuit.
Quos coluit, vitam nomenq; dedere poeta.
Æquora dum Tiberis, Tiberim vicina subibunt
Flumina, quas rapto laudes scripsere, legentur.
Hac vatum pietas: nec adhuc Natalis amati,
Quo se cumque ferunt, * occurrere cessat imago,
Visa loqui fidis, velut antè solebat, amicis,
Et dare complexus, & tendere brachia frustra.*

* Vide Elegiam Ferdinandi Furstenbergij pag. 411.

Nos

Nos etiam (& nobis sunt carmina, nos quoque vatum

Dicimur è numero, timidè sed credimus, esse)

Nos etiam procùl à Latio, procùl Alpibus illi,

Quà licet, extremos mæsti curamus honores.

Exequias facimus, tumulumq; sacramus inanem,

Et sua dilectos manes ad sacra vocamus.

Huc Natalis ades : sollemnia soluimus umbris

Belgæ iusta tuis. Belgas Natalis amauit.

Clitumni ripæ; Romaniq; Vmbria testis

Patria Callimachi, fatis ut nuper ademtum

Fleuerit Hoffchiaden : (Romano proximus ille

Callimacho fuerat) simul indè à finibus illis

Inferias cara pia carmina miserit umbræ.

Nil homini certum est. Egon' hæc, Natalis, amico

Cùm faceres, eadem tibi mox præstanda putavi?

O expectatum frustra tibi longius ævum !

Vixisses saltem, dum, quæ gens omnis & ætas

Noscet, Alexandri licuisset dicere facta !

Non alijs plus se iactassent secula fastis.

Raptus es ante diem, nec adhuc sat cognitus orbi :

Raptus es, & tecum solatia rapta tuorum.

Ipsi etiam montes, ipsæ tua tristia fata

Fleuerunt rupes : sed mors est durior illis,

Et tantum precibus, cùm summa vocauerit hora,

Tantum

Tantum lamentis hominum mitescere nouit,
 Balatu teneri quantum lupus efferus agni.
 Quid clarus sanguis, quid sit domus incluta, nescit.
 Stirps tibi contigerat titulis insignis auitis,
 Ingenium stirpi, virtus aequalis utrique.
 Ut decori vites ulmis, ut vitibus ulmi,
 Te genus ornabat; generi famamq; decusq;
 Tu laturus eras. Iam rebus leta futuris,
 Aggredere ô magnos, dicebat mater, honores.
 Strata via est: patuit summi tibi principis aula
 Virtutum sedes. iter hac tibi gloria pandit.
 Signauit frater quo tendere tramite possis.
 Euge meus sanguis, tu fors eris alter ab illo:
 Purpura quem deceat, te dicar habere secundum.
 Infelix mater, periit tua messis in herbâ.
 Natalis cinis est. Quos nec fuit utile nasci
 Interea viuunt, & terræ probra supersunt.
 Parcite Pierides. Deus omnia respicit æquus.
 Non toti morimur: pars effugit optima letum.
 Hac adiit Superos, & iam labentia sub se
 Sidera Natalis, vastos miratur & orbes.
 Iam libat vitæ fontem, sitiensq; saturq;
 Ambrosia ducit succum, & se nectare pascit.

D d

Hic

*Hic pater, hic illi tulit obuius oscula * frater,
 Sanguine frater adhuc stillans, plagisq; decorus,
 Valla quibus seruata sibi sua Candia debet.
 Inter & amplexus: Viridi, pater inquit, in aeo
 Te quoque, Natalis, rapuit mors: tu quoque nobis
 Accedis iuuenis: sed qui maturus Olympo est,
 Non cadit ante diem. Tuus hic neque longius annos
 Produxisse velit frater. Quae vulnera seruet
 Aspicis? his Diuum vitam sedesq; beatas
 Possidet: his illi, quam cernis, gloria parta est.
 Tum procerum turbam magnam, magnosq; coruscantem
 Lumine designans: Maiorum, nate, tuorum
 Hic, ait, agmen habes: sunt hi, quos maxima virtus
 Eripuit terris, atque ista sede locauit,
 Sanguinis auctores, & nostra stirpis origo.
 Deducensq; manu Natalem miscuit illis.
 Stellantis mundi ciuis, decus addite Diuis,
 Natalis salue. Tua iam tibi praemia constant.
 Aspice nos. Quae sit votorum summa, requiris?
 Quae tibi nuper erat. Petimus quod saepe petisti.
 Viuat ALEXANDER: nos sospite viuimus illo.
 Viuat, & hic populos celi fauor ibit in omnes.*

Non

* Iosephus Rondininus, de quo in Natalis elogio.

*Non radios Titan, quàm curas ille paternas
 Latius extendit : quidquid vastissimus aether
 Orbibus immensis, animo complectitur ille,
 Communisq; pater toti se diuidit orbi.
 Religio, cultusq; Dei super omnia curæ.
 Hostis Alexandri est, quem non habet illa fauentem.
 Si premitur, fulcit ; si quâ labat, ipse ruinam
 Sustinet, & quidquid non est reparabile, deslet.
 Quales esse suos, queis viuere moribus optet,
 Exprimit ipse suis, & vix imitabilis ulli
 Quemque suæ vitæ cuperet componere vitæ.
 Præmia digna quidem meritis oramus ut illis
 Sera tamen veniant. Subeat, fac, sidera tardè,
 Deq; tibi demtis illi Deus augeat annos.
 Illi Roma diu regimen quo gaudeat, illi
 Debeat æternam mundi pars cetera pacem.
 Pannoniæ fines, habitataq; Thracibus arua
 Mars petat: in diros vertantur prælia Turcas:
 Auctor Alexander belli noua fœdera iungat:
 Euocet Europæ populos, atque agmina magno
 Auctorata Deo trans Hæmum mittat & Hebrum.
 Nomen Alexandri Byzanti terreat arces,
 Concutiat Rhodopen, Hypanim cum Strymone turbet,
 Bistonibus fatale, feris fatale Gelonis.*

*Illius auspicijs Aquilas, & Lilia, & auro
Vellera fulua, Crucis fulgens super omnia signum
Bosporus euersis videat succedere Lunis.*

*Quò ferimur Musæ? reuocant Natalis ad urnam
Nos cari cineres, & dona nouissima poscunt.*

*Sparge puer flores, & vatum insignia lauros,
Et dic: Ista tuo, Natalis, spargo sepulcro:
Vt viret aternùm laurus, tua viuida semper
Gloria, Alexandri fama comes, ibit in auum.*



G V I L I E L M I H E S I
 E S O C I E T A T E I E S V
 E L E G E I A I N O B I T V M
 I L L V S T R I S S I M I D O M I N I
 N A T A L I S R O N D I N I N I,
 S. D. N.

A L E X A N D R O V I I.

A B E P I S T O L I S

A D P R I N C I P E S, E T C.

Quem ex be'hè instituto virtutis & honorum
 cursu primo viuentibus eripuit præmatura
 mors anno Christiano M. DC. LVII. ætatis
 eius xxx. nondum impleto.

Magna, sed exiguo te, RONDININE, sepulcro
 Sub modico terra cespite Roma tegit.

Te cohibet brevis urna, sinuq; amplectitur arcto.

Ah! brevis est, totum quem brevis urna capit.

Ast ego credideram, quod credere nempe iuebant

Ingenij vigor & spiritus ille tui,

Parq; animo genus, & docta facundia lingua,

Te septem Romæ collibus esse parem.

Credideram, nec vana fides. Nunc omnia tecum

Abstulit extremi temporis una dies.

D d 3

Exi-

Exiguum, quodcumque fuit mortale, putandum est:

Quod cadit, & casu frangitur, heu! nihil est.

Ipse sacræ secreta manus tibi credidit ille

Numinis interpres, proximus ille Deo,

Magnus ALEXANDER: morituro nil tamen illud

Profuit: è tanto es parua quod urna tegit.

Fatorum immortale odium non gratia tanti

Principis, aut famæ leniunt aura tuæ.

Cribellos Rondinini Insubria iunxit:

In titulos venit sanguis uterque tuos.

Sed neque te nomen, quamuis tibi, Roma, colendum,

Nec sanguis, quamquam nobilis ille fuit,

Nec casta texere Deæ, quas carmine sacro

Ille tuus toties sollicitauit amor.

Audiunt orantes pro te Libitina sorores;

Non exorato sed stetit illa pede.

Terq̃, solum pulsans: Finis sit denique vita,

Dixit; & heu! summum concidis ante diem.

In fletus abihere nouem, pia Numina, Musæ,

Quas tuus in lacrymas ire coëgit amor.

Parcite, dicebant, morituro fata clienti:

Fata aliquod Musas numen habere putant.

Et fuit ex illis quæ vos quoque flectere posset:

Et noster quos non flectere possit amor?

Parcite : noster hic est. Singultus cetera pressit.

Et carmen lacrymis inuolüere suis.

Flete pia Musæ; nec sit pudor ora rigare

Fletibus : & lacrymas vidimus ire Deo.

Ille etiam fleuit, qui maior Apolline vestro,

Septenus Romæ collibus imperitat,

Et ius præscribens toti venerabile mundo,

Proxima, nec vano sub Ioue, regna tenet.

Quò tamen hæ lacrymæ? properât data stamina Parca

Et, mora ceu nimium lenta sit, una secat.

Occidis. Incubuit flens Furstenbergius ori,

Et fugientem animam ponè sequente animâ

Cum gemitu & lacrymis ter & ampliùs exclamauit:

Sed iam per lactis fugerat illa viam,

Quæ castis celi medium spendoribus ambit,

Heroësq; super sidera fixa locat.

At, quamquam calo iam, RONDININE, receptum

An quisquam est qui te nos quoque flere vetet?

Flebimus : extremo fletus medicina dolori est.

Est aliquid mæsto carmine posse queri,

Immites, genus indomitum, fera numina, Parcas

In magnos nimium iuris habere viros.

Quò tamen hæc? lacrymis potius laudabere nostris:

Non vanæ, lacrymæ, pondera laudis habent.

Flebimus, heu! nostros, tua nuper gesta, dolores:

Materiam pleni carminis illa dabunt.

Vita dabit numeros; numeros quia continet omnes,

Totaq, adhuc cineri spirat inusta tuo.

Ah! quàm vana mei quero solatia luctus!

Amissus cruciat, cùm memoratur, amor.

Pena queri est, & amare dolor: cedamus utrique:

Et leue fit, subeas quod patienter, onus.

Scilicet immites alijs quoque stamina Parca

Non exoratâ dissecuere manu.

Occidit Hesperij proles augusta Philippi:

Totus in hac tantum prole Philippus erat.

Vnica in hac erat occidui spesq, ultima regni;

Illa tamen Patris fletibus immoritur,

Et votis calum frustra ferientibus ipsum,

Nuda quater-magni nominis umbra iacet.

Nec minus ille tuâ vincetus Romane coronâ,

Hungare & ille tuâ, atque ille Boëme tuâ,

Successor datus Imperio Reëtorq, paterno,

Ceu rosa quam veris prima pruina necat,

Ostensus tantum terris cadit. Austria casum

Panè oppressa grauem sensit; & in lacrymas

Et gemitus effusa, suoq, infraëta dolore,

Fernandus, tantum hoc flebile dixit, Obit!

Ah genus immansuetum & inexorabile, Parca!

Funeris exuvias quælibet una tulit:

Tresq; simul ternas capiti rapuere coronas.

I nunc, & capiti disce timere tuo.

Illi magna licet sit gloria, gratia maior,

Perdere utramque dies una, vel hora potest.

Maxima sæpè levi franguntur & optima casu.

Respicit occasum grandior umbra suum.

Quem citò maturum celi indulgentia fecit,

Ante suum fructus carpitur ille diem.

Plena operum magnorum, aurisq; inuecta secundis

Frangitur in cæco pressa carina vado.

Parua subit seros post lenta pericula portus,

Nec cadit irato victima cymba mari.

In vulnus mortemq; patet pinguis cernix:

In montes celi fulmina prima cadunt.

Magnarum hic rerum cursus fuit. Optima metam

Prima tenent: lentè currere laus minima est.

Acta brevis vita, seros non computat annos

Posteritas. Res est magna fuisse parum,

Et multum vixisse. Inter lamenta virorum,

Et lacrymas vitam claudere, magnificum est.

Qui rectè vixit, vixit satis: ampliat annos

Vir bonus, & summam temporis omnis habet.

Sic RONDININVS vixit, sic viuere terris

Desiit. Etati bis tria lustra dedit ;

Sacula virtuti. Flentes discedite Musæ :

Hæc pretium vitæ mors melioris habet.

Funus honoratum est. Nullus lugubria sumat :

Ambiat illustrem candida turba rogam.

Vita peracta benè est. Defuncto plaudite ciues

Romulei : lacrymas non petit urna leues.

Urna triumphali Musarum ornanda coronâ,

Quam circum pennâ remige Fama volet,

Et celebret fausto victurum carmine nomen ;

Quam facilis morum gratia, nobilitas ,

Ingenij decus, & castæ facundia linguae,

Turbaq, virtutum cingere semper amet.

Urna etiam in celsas Romæ extollenda columnas,

Seu Traiane tuas, Ælie siue tuas ;

Quam non ullus edat lior ; quam è monte Quirini

Magnus Alexander sæpè videre velit ;

Cui dicat, quoties virtus sublata recurret,

Atque eadem sensus causa recentis erit :

Iam RONDININVS dolor est meus : at meus ille,

Si modò fuissent fata, fuisset amor.

Et dolor est & amor. Virtutû, hic sensus vterque

Quem fateor, cælo iudice, testis erit.

E L O.

ELOGIVM SEPVLCHRALE
ILLVSTRISSIMI DOMINI
NATALIS RONDININI
QVATVOR PYRAMIDIBVS
INSCRIPTVM.

Pyramis prima.

Quod semper discimus,
& nunquam satis scimus,
illud nunc denuo,
sed experimento luctuoso,
plusquàm satis docti sumus;
inter homines
etiam NATALEM esse MORTALEM.
Hoc cum dico,
non de die tecum loquor,
cuius vel vnius incerta possessio est,
qui cum sole præcipiti fugit & perit;
sed de illo,
qui extra viam & impetum solis positus,
tenore constantis vitæ censeretur æternus.
RONDININVS ille,
non tantum ex Christiano nomine,
sed etiam ex spe
quam promittebat vitæ magnæ atque magnificæ,
ex summâ expectatione naturæ atque fortunæ,
ex vsurâ breui Pontificiæ serenitatis
ex vero NATALIS,
à morte, si non factus, ostensus certè
MORTALIS est.
Quem non iam diem
sibi feralem esse credant homines,
quando
NATALIS ipse MORTALIS est?

Pyra-

Pyramis secunda.

Annos nondum xxx.
impleuit ætatis;
sed famæ & virtutis
compleuit immensos.
His auctum titulis

Aula sancta coluit, & Roma suspexit;
quodque his maius est,
ALEXANDER VII. PONT. MAX.
secretorum apud Principes
testem habuit,
& suâ,

(quantum infra se submitti Pontificia Maiestas potuit)
amicitiâ dignum fecit.

Ille
eductum ab auito stemmate altum sanguinem
etiam altius virtute prouexit.

Illum
virtuti par eloquentia & doctrina
parem viris maximis,
maiores reliquis,
suspiciendum omnibus dedit.

Quantas ille spes,
etiam cum nullas aleret,
à suâ illâ tam præclarâ indole & virtute
concepit !

Ab illo ortu tam sereno vitæ primæ,
ab aurorâ tam in ruborem pronâ,
quam non illi
mox obuenturam à cælo purpuram
aliorum hominum ambitiosa mortalitas
promittebat !

Sed Mors
immatura annis,
inexpectata bonis,
inuisa malis, inopina pluribus,
omnibus luctuosa,
vni tantum illi, quia & Deo, placita,
omnium interceptit spes,
expectationes abstulit, vota consumpsit:
illius tantum vnus

spes & expectationes & vota omnia consecrauit.

Pyra-

Pyramis tertia.

Paucorum dierum violentâ febrī
pænè simul correptus & raptus est.

Nec potuit nisi vi
tam incitatus ad virtutem & gloriæ cursus sisti.
Quæ tardè mouentur, & quasi serpunt,
obiectu facili sistuntur & languent:

quia illis
moueri & iacere
pænè perinde est.

Virtuti magnus impetus,
atque ab illo incitatus est cursus;
cui

quàm agi pronum, tam quiescere violentum,
nec tamen probrosum est:

quia illi pars viæ & vitæ,
in quacumque quieuerit, est meta:
& momentum temporis vltimum,
beatæ principium est æternitatis.

Benè ergo N A T A L I,
euge, feliciter R O N D I N I N O,
cui cursus vitæ fuit

brevis annis, immaturus ætati;
sed

virtuti longus, & gloriæ consummatus.

Ad se deductam natalium serie nobilitatem omnem

vno in se N A T A L I complexus,
quia viuendo vltà promouere non poterat,
moriendo fortiter consecrauit.

Nihil vt sui fortunæ relinqueret,
aliquid auferri naturæ
libenter passus est.

Extra cuius ictum se posuit & sua,
quando viuendi finem fecit:

quia quàm illi obnoxia infelix est vita mortalium,
tam ab illo liber est beatus exitus mortuorum.

Virtutem, quam viuus semper coluit,
semel moriendo non perdidit, sed inuenit.

Sola enim virtus, quam obsignauit vna mors,
in adeptione secura est, in possessione confirmata.

Pyra-

Pyramis quarta.

Cum os morte clausit, eloquentiam quã valuit non amisit;
 quia ex quo loqui immortalis mente cœpit,
 mortalis linguæ impediementa non sensit, & officia non quæsivit.

Mortuorum hominum,
 quorum omnium doctrinam legendo & intelligendo
 consecutus est,
 immortales animas
 iam vel ex alto despicit infelices, vel ex æquo respicit fortunatas;
 gaudens hausisse se

ex illis scientiam sine vitio, ex his doctrinam cum virtute.

Nec iam quidquam est
 quod illum vel alliciat vel delectet in terris;
 nisi quia adhuc in viuis sunt

ALEXANDER quem coluit, EVRSTENBERGIVS quem amavit;
 non tamen

aut se illis, aut illos sibi velit esse præsentis:

quia
 absentiam illorum à se, felicitate publicâ;
 suam ab illis, immortalitate consolatur.

Voti potens, & vitæ satur,
 iacturâ non sentit amicorû, quos secû omnes habet in vno Deo;
 nec vsuram quærit temporis, quod totum æternitate complectitur;
 nec de mortis iniuriâ queritur, quando illi debet immortalitatem;
 nec honorum temporalium ambitione tangitur,
 iam dominus æternorum;

nec laborat de intercepto mortalis vitæ cursu breui,
 quia in immortalis possessione conquiescit;
 nec denique plus vltra aut optat aut quærit aliquid,
 postquam in VNO VERO BONO est omnia consecutus.

Horum ille fidem scientiamque certam si nos docuit,
 sibi ac nobis & vixit & dixit satis.

Scire tantum velis & discere, tu quisquis
 à NATALI MORTALIS,

Quid VNVM inter omnia sit quod quæras;

Quid VERVM inter falsa sit quod teneas;


Quid BONVM inter mala sit quod ames:

ut possis cum VNO VERO BONO etiam ipse te
 quærere in vitâ, tenere in morte, amare in æternitate.

Hoc tuum ut sit, tui NATALIS est votum.

NA-

NATALI RONDININO
A D
ALEXANDRI VII.
OBSEQVIA TRADVCTO.



Huc cursus fuit.

Errantes dubio mari carinas
In portum vocat ignis, è supremis
Ignis montibus eminens refulgens.
Incertas Cynosura per procellas
Rectum monstrat iter, viamq; pandit,
Per quem denique fessa, fracta fluctu
Securum ratis in sinum recurrat.

Magos

Magos ex Oriente stella duxit

Ad cunas Domini Deiq; nostri.

Incertum quoque stella RONDINIVM

Quò se flecteret, una stella, senos

Quæ montes super eminere visa est,

Iter carpere iussit expeditum

In portum placida sinumq; vitæ.

Huc cursus fuit. Illa stella fluctus

Non tantùm super, & super-procellas,

Sed montes super, arduasq; rupes,

Et nubes super, & super planetas,

Longè celsiùs. Arca quàm Noëmi,

Aut Argos fuit eleuata, cursu

Errantem dubio ratem leuabit.

Hac te stella, tuamq;, RONDININE,

Sciuiſſes modò prorogare, vitam

In summâ potuit locare ROMA;

Sed cursu in medio repente lapsum

Ipso maluit eleuare calo.

O factum benè, RONDININE! Non est

Quod demtos tibi conqueraris annos :

Prouidit tibi stella longiorem,

Quàm possent homines vouere, vitam.

ALEXANDRO VII.

ad secreta cum Principibus
negotia admisso.



Sub his pretium non vile laborum est.

A *quisquam neget esse te beatum*
RONDININE? *cui datum sub istis*
Clausum Montibus inuenire vitæ
Munus, & pretium beatioris?
Telluris penetrabilibus profundis
Perscrutamur opes; mari sub alto
Gemmas quærimus; abditumq; verum
In ipsis studium inuenire fibris
Naturæ; omnia, quæ vel in recessis

Ec

Ma-


*Magni Numinis occuluntur imo,
 Vestigare labor. Laboris huius
 Par numquid pretium fuit? Fuiſſet,
 Si ſecreta oculo magis ſereno,
 Si ſecreta manu magis capaci,
 Si ſecreta animo magis fideli,
 Quæ ſub Collibus inuenire ſenis
 RONDINIVS amauit, inuenire
 Et nobis ſtudio magis beato,
 Et voto meliore mens fuiſſet.*

*His ſub Collibus ille RONDINIVS
 Quæ non vidit, amauit, æſtimauit,
 Secreti memor, & capax bonorum!
 Vidit cor Superis Deoꝝ, dignum;
 Amauit Dominum Patremꝫ mundi;
 Dotes ingenij æſtimauit amplas,
 Et vim pectōris; omnis officinam
 Virtutis coluit, ſuamꝫ fecit.*

*Quis non hanc tibi RONDININE ſortem,
 Nî te plus oculis ſuis amarit,
 Sit totus bonus, & vel ipſe quamuis
 Furſtenbergius, inuidere poſſet.*

NATALI RONDININO
ALEXANDRI VII.

familiari vsu ad virtutem & sapien-
tiam informato.



Hinc certa oracula sumsi.

D Odonæ streperæ tacete quercus,
Nec mendacia futesq; nugas
Stulto vendite cariùs popello,
Quàm suas queat aestimare merces
Aut Phæbi chorus, aut specus Sibylla.
Sunt hæc somnia vana, sunt furores.
Quercus qua Domini mei sacratas
Cingit bina fores, tenenda celo


Ec 2

Dans

*Dans oracula, dans tremenda mundo,
 Non umquam Superos fefellit ullos,
 Non ullos hominum fefellit umquam.
 Hec me, quando fuit rogata cumq̃,
 Numquam fallere docta, RONDINIVM
 Leges edocuit, modumq̃ue, vitæ
 Qui cursum faceret scientioris,
 Qui finem faceret beatoris.
 Vnum non docuit, suprema nobis
 Lustris bis tribus imminere fata.
 Dixisset : Moriere ; RONDININI
 Notum in cortice nomen exarassem,
 Optassemq̃, meâ carere vitâ,
 Victurus meliusq̃, longiusq̃,
 Quàm promittere posset ullus umquam
 In Quercu Domini mei Gemellâ.*

NATALI RONDININO

ætatis anno X X X. vitâ functo.



Numeris est omen in illis.


Quod vita tibi cursus absoluta
 Romanis crucibus tribus notatur,
 Non casus fuit. Omen, omen ingens
 Illis in numeris Deus sacrauit.
 Sceptrum SEPTIMVS, ille ter-potentis
 Loco Numinis, utriusque sanctus
 Et ter maximus Imperator orbis,
 Quod dextrâ gerit, in crucis figuram
 Formatur triplicis. Ter ô beatus
 Vixisti bone RONDININE! Quando
 Pastorale suum, tuumq; sceptrum

Ec 3

Ad

*Ad altaria Pontifex videbit ,
 Tunc tuos quoque computabit annos ,
 Et dicet : Meus ecce RONDININVS illud
 Iam ſceptrum gerit , exhibetqꝫ calo
 Annorum numerum Deo dicatum.*

NATALI RONDININO
 poſt ſex luſtra ad meliorem
 vitam euocatoꝝ.



Post ſex.

Wolfangi ad tumulum, futurus olim
 Romanae bonus Imperator Urbis
 Henricus, precibus pijs vacabat.
 Cum vox ex adytis Deo ſacratis,
 Poſt ſex, viſa referre, ſupplicantis

Aures

*Aures perculit, abstulitq; mentem
 Inter spemq; metumq; fluctuantis.
 Post senas prius ille fors an horas,
 Senos inde dies, & inde menses,
 Senos denique cogitabat annos
 Imminere diem sibi supremum.
 Horas ergò sibi velut supremas,
 Dies ergò sibi velut supremos,
 Menses ergò sibi velut supremos,
 Annos ergò sibi velut supremos,
 Vivendo benè transigebat omnes.
 Post sex denique, quod timere numquam,
 Quod numquam potuisset ominari,
 Aut sperare, creatus Imperator
 Annos, prodigij fidem probavit.
 Post sex & tibi, RONDININE, summo
 Vox calo sonuit, diemq; dixit;
 Non audita, sed in profundiore
 Fati murmura continens recessu.
 Non minùs tamen & dies, & annos,
 Et horas tibi, singulosq; menses,
 Ceu forent tibi singuli supremi,
 Vel momenta notando supputasti.
 Sex suprema tibi fuere lustra,*

Post sex hora suprema te vocavit

E vite stadio parum beata,

Non ad funera mæsta, sed coronam.

Nam cali, puto, factus imperator,

Spes nostra dubias metusq; vita

Infra te positas videre gaudes.

O quem te memorem esse, RONDININE!

Mortalem? moriendo victa mors est.

Natalem? moritura vita numquam est.

Tu NATALIS eris, quod esse gaudes.

Nam quacumque dies tibi per omne

Magni temporis emicabit ævum,

Natalis tibi, semper ordiendo,

Et numquam tua finiendo vita

Æterna bona, nascitura semper,

Et numquam moritura fata pandet.


NATALEMq; fuisse te probabit,

NATALEMq; probabit esse. Sic ô

NATALIS valeas Deoq; vivas!

NATALI RONDININO

anno vitæ xxx. beatè mortuo.



Hac iter.

I N sanâ ambitione quid vel ipsum
 In calum ferimur, supraq; calum?
 Nequidquam ferimur. Nimis remotum est
 Quàm conatibus ut queamus istis
 Supra sidera promouere gressus.
 RONDININVS ut alta victor orbis
 Astra scanderet, hinc in illa scalas
 Ex tribus crucibus locauit vnas,

Hoc Emblema refert scalas plicatiles, de quibus ex
 Appiano & Plutarcho Lipsius Poliorceticon. lib. 1.
 Dial. vi.

E e 5

Et

Et gressu triplici viam peregit.

I nunc ambitiose, iunge currus,

Fortunaq; rotas, rotasq; Martis;


Et moles super & super superbas,

Et gressus super & super potentes

Vrge. Sidera non petuntur istis:

Calum iam crucibus tribus petutum est.

NATALI RONDININO
anno vitæ x x x. mortalitatis victori.



In hoc vince.

Hosti bella parabat Imperator
Constantinus; & ecce Crux serena

In celo micuit, simulq; celo

Vox audita fuit, fuitq; visa,


In

In hoc vince, referre. Vicit hostem,
 Romanasq; Aquilas valere iussit,
 Et signum Crucis omnibus manipulis.
 Inscribi voluit, suumq; fecit.
 Instabant tibi RONDININE bella,
 Mortis bella suprema. Signa calo
 Tres Cruces: micuere, signa vita
 A te fortiter hætenus peracta.
 Concurris: moreris; simulq; mortem
 Cadendo superas. Beata signa,
 Quæ vitæ fuerunt prius peracta,
 Iam sunt symbola semper inchoanda.
 Hæc tu symbola RONDININE sola
 (Non insignia stemmatis paterni)
 In tuis cupias habere signis.



NATALI RONDININO
ALEXANDRI VII.

gratiæ & clientelæ immortuo.



Hac ego fronde tegar.

Quam texam capiti tuo coronam
RONDININE? Nouem suo Poëta
E lauro cupiunt parare Musæ;
E rosis Pudor; alba liliorum
Optat Integritas videreserta
Circum tempora casta. RONDININE
Quod votum tibi? Nolo, nolo lauro,

Nolo

*Nolo liliolis , rosísve puris
 Intextas aliquis meo coronas
 Concinnet tumulo. Gemella Quercus,
 Quæ Montes Domini hinc & inde cingit,
 Si quidquam mereor, virente fronde
 Hoc corpus tegat, hoc caput coronet.
 Hac insignia Caesarumq; sertam,
 Non vana ambitione, sed fideli
 Certans obsequio pijsq; votis,
 Dum vixi, studui usque promereri ;
 Hac, post fata etiam, velim mereri.
 At si non merear, dabit libenter,
 Et grâtis dabit, ultimumq; munus
 (Nam nota est Domini mei voluntas)
 Vel post fata suo dabit clienti.
 At vos, cura quibus mei sepulcri est,
 Taxo corpus inane, vel cupresso,
 An lauri potius tegetis umbrâ ?
 Taxos non ego quero, vel cupressos,
 Non inter geminas iacere lauros:
 Sub Quercu geminâ volo recondi,
 Quercu quæ Domino meo dicata est.
 Hac Quercus capiti meo coronam,*

Hac

446 HONOR SVPREM. NAT. ROND.

Hec umbram faciat iacentis umbra;
Et me splendidiùs iacere credam,
Quàm si, quidquid habet superba Roma,
Exstructum cumulet super sepulcrum.
Vouisti benè, RONDININE: flores
Et frondes alios sacræ coronent;
Phæbeis alijs tegantur umbris,
Illos taxus inumbret, hos cupressus;
Quercus, quæ Domino tuo sacrata est,
Subter lene tuæ iacentis umbra
Umbram sola dabit, dabit coronam.




NATALIS RONDININI

F V N V S,

Paterni & Materni sanguinis tesseris
Gentilitiis emblematicè expositis
ornatum.

INSIGNE PATERNVN. INSIGNE MATERNVN.



Epigramma.

Stemmata stent circum generosum aliena sepul-
crum;

Hunc circum tumulum non aliena micant.

Nempe suum fecit, quod utroque à sanguine sumsit:

Sic RONDINIVS, sic suus ille fuit.

Accipe posteritas, & auita Insignia famæ

Transferre in morès tu quoque disce tuos.

IN

IN NATALIS RONDININI,
TRES HIRVNDINES,

à quibus RONDININI nomen,
in teniâ aureâ per areas virides & rubras
sursum tendentes.

Lemma emblematicum.

Hac iter in cælum.

Epigramma.

QUò vos itis Hirundines beatae,
Lugentes tamen, & velut gementes?
Quò nos fata vocant trahuntq; fata.
Nec tristes tamen aut velut gementes:
Gaudentes simul & simul canentes
Imus, quò prior ipse RONDINIVS,
Cui nomen dedimus, praeisse gaudet,
Quà sursum via tota luce fulgens,
Plus quàm lactea, ducit in supremos
Per campum viridem rubrumq; calos.
Non illum decor aut vigor iuventa,
Non & purpura, qua moratur ipsos
E diuis genitos, soloq; figit,
In nostris potuit tenere terris.

Illum

*Illum purpura traxit vna cali,
 Et veris decor vnus auit erni.
 Illis qui capitur, rubente pallâ
 Et decore potest carere verno,
 Numquam purpura solis erubescit,
 Nec cali decor exuit colorem;
 Calo scilicet hic & ille constant.
 Sat dixistis Hirundines beatae.
 Nam vobis Philomela tale carmen,
 Sit soror licet, inuidere possit.*

IN NATALIS RONDINI

tres hirundines gentilitias.

Lemma Emblematicum.

Non fatis vna.

Epigramma.

Ponè secuturi prænuntia veris hirundo est;
Ver sed adesse tamen non satis vna docet.
Nascenti tibi terna tuo cum nomine venit,
Nescio quid tenui murmure visa queri.
Ver erat hoc vitæ venientis, non erat anni;
Pronus in autumnum scilicet annus erat.

FF

Ver

Ver erat atatis ; sed enim quoque pronior illa

In finem vitæ prætereuntis erat.

Hoc fuit incerto quod murmure tristis hirundo

Visa queri est, fati nuntia prima tui.

Itæ piæ volucres, fatales linquite terras,

Quæ domino vitam præripuere breuem.

Ortus in occasum est. Nemoris iam rura beati

Hic tenet ; huc etiam vos iubet ille sequi.

Ver ubi perpetuum est, ubi nulla iniuria lapsi

Temporis, aut hiemis bruma timenda venit.

Hic dabitur, non iam Philomela fata sororis,

Fata sed extincti fratris acerba queri.

Et fuit ille velut Philomela frater, amæno

Cum placidum blandè funderet ore melos.

Nempe sed invidit casto grauis æstus amoris:

Æstus ab indomitis febribus ille fuit.

Ille sonum abruptit lingua vocalis ; & ori,

Quod solitum cælo digna Deoq; loqui,

Imposuit mæsto lugenda silentia mundo,

Attonuitq; homines, attonuitq; feras.

Ecce silet, tantumq; sue præconia famæ,

Ipse verècundâ quæ bibit aure capit.

Nempe satis dixit, pro quo fama ipsa loquetur

Semper, & aterni testis honoris erit.

IN NATALIS RONDININI

areas gentilitias, ex viridi & rubro
decussatas.

Lemma Emblematicum.

Benè conueniunt.

Epigramma.

Quam sibi descripsit gens Rondinia parmam,
Parte viret, Tyrio parte colore rubet.
Gratus uterque color: scuti benè pingitur illo
Area: virtutum prodit utroque notas.
Quà viret, integritas non umquam lesa notatur;
Quà rubet, ingenui signa pudoris habet.
Sic tua, Natalis, te propter picta videri
Parma queat, prisca sit licet illa domus.
Quisquis in hac color est; color est virtutis, & inde
Indicium vera nobilitatis habes.
Scuta humeris alij tollant sua: te tua tollunt,
Nec venit à proavis laus tibi sola tuis.

IN NATALIS RONDININI

ouem cum leonibus coniunctam
in scuto gentilitio.

Lemma Emblematicum.

Diuinæ insignia pacis.

Epigramma.

Quem te, Rondinine, tui genuere parentes?
Sacula quæ talem te genuere tuis?
Hinc ouis, inde feri posito terrore leones
Dicuntur cunis accubuisse tuis.
Nempe erat hoc insigne tuæ prænobile Matris;
Tessera erat vitæ plus tamen illa tuæ.
Illa eadem, quæ venturi prænuntia Christi
Fatidico quondam carmine dicta fuit. Isaia c. 11.
Euenit. Fuit afflicto pax reddita mundo,
Et rabidi inter oues accubere greges.
Accubere etiam tibi, Rondinine; fuitque
Simplicitas animo & vis generosa tuo.
Quis furor has inter comites diuortia fecit?
Tam sanctæ paci mors inimica fuit.
Fallor, amica fuit: pacem mors sancit istam.
Nulla timenda tibi Iudicis ira fuit.

IN

IN NATALIS RONDININI

gentilitios leones duos, palmam
vnam capientes.

Lemma Emblematicum.

Palmam vis animosa capit.

Epigramma.

Rondinine, tui palmam rapuere leones :
Illa animi, & virtus corporis illa tui.
Mors palmam eripuit sed utrisque potentior vna.
O fera mors, quàm tu non patienter agis!
Fallor, habes palmam : nam cùm te funere sancto
Mors rapuit, palmam non tulit illa tuam.
Illa manet calo felicibus insita ramis,
Et viret, & nullo pondere pressa cadit.
Ostentatq, tuum generoso in cortice nomen.
Tanti est posse Deo viuere, posse mori,

IN NATALIS RONDININI
gentilitias rosas rubras sex.

Lemma Emblematicum.

Casti hoc insigne pudoris.

Alba diu fuerat ; sed amico sanguine tincta
Dicitur in campis erubuisse rosa.

Alba fuit rosa materno tibi sanguine surgens ;
Sed modo purpureo tincta colore rubet.

Alba decent castos : rubor est insigne pudoris,
Et rubor immeriti signa doloris habet.

Te nascente fuit rosa candida ; sed citò facta est
Purpurea, ante diem te moriente, rosa.

Vtraque nempe tua est ; color hic virtutis uterque est.

NATALI candor conuenit atque rubor.

Conuenietq^{ue} etiam calo confusus & aëtris,
Simplicis auroræ qui color esse solet.

Sic florete rosa misto candore cruenta:

Sic niueâ semper fronde rubete rosa.

Ille color nascentis erit Natalis ; at esse

Ante diem eiusdem demorientis erit.

Sic senas quicumque rosas, numerabit & annos ;
Et dicet: Lustris sex fuit, & moritur.

Sed benè quod rosa sena etiam post funera viuit :
Omen habet vitæ scilicet illa tuæ.

IN NATALIS RONDININI

gentilitias pilas cæruleas tres in
campo candido.

Lemma Emblematicum.

Hic lusus fuit.

Epigramma.

Cærulea tres in niueo stant ordine campo,
Et numero meritis conueniente pila.

Lusus hic est vita quem Rondininus amavit,
Et victor fati quo fuit ille sui.

Nulla solo serpsit, calo pila missa sereno est;
Inde tribus venit carulus ille color.

Si qua solum tetigit, pila pulcrior inde remissa est:

Nam macula in niueo non erat vlla solo.

Candida vita fuit, castoq; instrata nitore;

Æmula sed celi mens fuit vsque sui.

Ter geminâ mens vna Deum virtute secuta est,

Atque ipsum tetigit qualibet vna Deum.

Mota prius fuerat, sed iam pila terna quiescit:

Nempe quieta, Deum qua tenet, esse potest.

NATALI RONDININO
bonorum à malis benignissimo vindici.

Emblema.

Cribrum cribrans farinam.

Lemma.

Iustum secernit iniquo.

Quisquis erit qui sincerum secernet iniquo,
* Ille mihi magni Numinis instar erit.

Exalis hæc mæstas domine Babylonis ad undas

Vox fuit : ipsius vox fuit illa Dei.

RONDINIVS erat: sed quem Parca inuida nostris

Eripuit terris, calitibusq; dedit.

Iniustum quid enim est illic, secernere iusto

Quod cupias? horum plurima hic orbis habet.

Reddite depositum cali, quod inutile vobis;

Vtile sed terris omnibus esse potest.

Illius ipsa volet censuram Roma subire;

Quin etiam, quamquam sancta sit, aula volet.

Et mores si fors corruperit error honestos,

In mores cupiet quisque redire bonos.

* Si separaueris pretiosum à vili, quasi os meum eris.

Jerem. 15.

Hac

Hac RONDININI virtus agitata valebat

Efficere. Heu ! terris rapta sed illa fuit.

Conspiciam hanc saltem Superi transcribite calo,

Et stellas inter CRIBRA serena micent.

Illa vel è terris obtutibus hausta secundis

Iustitiam poterunt quemque docere suam.

NATALI RONDININO

non sua, sed suorum commoda spectanti.

Emblema.

Cribrum quod dat florem aliis,
furfures sibi seruat.

Lemma.

Non sibi, at suis.

Non sibi, sed curare alijs sua cōmoda quantū est!
Diuina reor hoc mentis & artis opus.

Sol oculus mundi, qui calum & quidquid in illo est

Ambit, & aethereo lumine cuncta fouet,

Prospicit ille sibi ? nihil est virtutis in illo,

Iucundum quod non omnibus esse velit.

Si qua coruscanti fuligo absistit ab igni,

Non alijs illam adspargere rebus amat ;

Hanc sibi seruat. Et hinc maculis sordescere solem

Cernimus. Hoc casti pignus amoris habet.

An sibi prospiciunt fontes ? Quis fontibus ipsum

(Vera canant vates) numen inesse neget ?

Non Deus, at magnum naturæ est numen in illis.

*Quidquid habent puri, quidquid honoris habent,
Dant alijs; sibi quod pingue est crassumq; reseruant:*

Quàm sibi, plus cupiunt omnibus esse bene.

Optima quæq; sinu tellus producit aperto;

Illius in gremio deteriora latent.

Scilicet & tellus (mater fuit illa Deorum

Vatibus) hoc etiam numinis instar habet.

Quid Deus ipse? unum, verumq;, bonumq; per omnes

Diuidit, & plenos numinis esse cupit.

Si quid iners herere Deo prauumq; valeret,

Non hoc alterius vellet, at esse suum.

Et voluit: sibi culpam hominum; sibi, debita sumsit

Supplicia: hac illos reddidit arte Deos.

Numen inesse negem tibi, RONDININE? fuisti

Quod te nota tibi CRIBRA fuisse docent.

Non sibi, sed prodesse suis tua viuida virtus

Non quantum voluit se potuisse dolet.

Mors tua virtuti fuit inuida. Vita fuisset

Longior, in seros edita vita dies,

Illius ô! quàm magna forent exempla parata

Omnibus, & genij quot monumenta tui!

Fecisti benè, dum licuit mortalibus agris;

Hi benè defuncto, quod licet, esse volunt.

NATALI RONDININO

beneficiis numquam victo.

*Emblema.*Cribrum accipiens in se farinam,
& reddens florem.*Lemma.*

Accipit ut meliora reddat.

Quid magè diuinum, largâ dare munera dextrâ,
An meliora datis reddere muneribus?*Hoc reor esse Deo propius. Non vincitur ille**Muneribus; melius reddere semper amat.**Hoc erat, ille meus quod RONDINIVS amavit**Semper, amicitiae cultor amorq; sacra.**Accipit; sed ut his meliora reponere posset:**Vnicus hic animi lusus amantis erat.**Et certamen erat generosae mentis honestum,**Quo vinci, atque iterum vincere magnificum est.***CRIBRA** (Cribellorum sunt haec insignia) testor,*Quae gerit in titulis hic quoque prima suis.***CRIBRA** quidem accipiunt, sed ut his meliora reponant.*O! gerat in titulis quilibet illa suis.*

IN OBITVM
NATALIS RONDININI
IACOBVS LIBENVS
E SOCIETATE IESV.

AD FERDINANDVM

LIB. BARONEM DE FVRSTENBERG,
S. D. N.

ALEXANDRI VII.
PONT. OPT. MAX.
CVBICVLARIVM INTIMVM, &c.

L Vgete vates, tuq̃ magnorum arbiter
Facunde vatum, funebrem lessum prai,
Positaq̃ lauro, fronde ferali caput,
Fernande, cinge: causa lugendi grauis.
Heu! Rondininus, ille Musarum sinu
Exceptus olim, quando materno puer
Gremio cadebat; mox secuturis chelyn
Taëturus annis; inde cùm maior virum
Formarit atas, ore prompturus sacro
Sublime carmen, quod poëtarum chorus
Miretur omnis, quodq̃ Parnassi iugo
Resonante feriat astra, Diuosq̃ exciat:

Heu!

Heu! Rondininus, ille grandæva labor
Et summa matri cura, 1 nec minor tamen
Matri voluptas : ille tot fratrum decus,
Amor sororum, gaudium tanta domus,
Æquare 2 Paulum purpurâ, atque annis 3 avum
Superare dignus : ille tantarum capax
Gnarusq; rerum, Iuris, & Consi, 4 & sacra
Plenum Sophia pectus, & Suadæ nitor,
Medulla Charitum: quodq; plus cunctis reor,
Magno ille 5 Fabio, magno Alexandro (aureis
O nata seclis nomina, & fausti ominis !)
Cliens patrono traditus ; fors hac manu
Gradus per omnes, vita si staret super,
Ducendus ipsum ad culmen Imperij sacrum:
Heu! Rondininus ille nunc funus iacet,
Ætatis ipso flore succisus, rosæ
Vernantis instar, subitæ quam durâ necat

1. Felix Zachia Rondinini nostri mater, cui maritus Alexander moriens novem liberos reliquit.

2. Paulus Æmilius Rondininus, S. R. E. Cardinalis, frater nostri, pius admodum & doctus.

3. Natalis Rondininus, nostri avus, centenarius fuit.

4. Noster Græcè & Latine doctus, Iurisprudentiæ & Theologiæ peritus.

5. Fabius Chisius, antea S. R. E. Cardinalis, nunc Alexander Papa V I I. Rondininum nostrum in familiâ suâ habuit, & scribendis ad Principes epistolis adhibuit.

Pruina

Pruina morsu. Fata prô nimiùm inuida !

Spes ille quantas occidens secum trahit,

Infertq̃, tumulo ! rapuit immitis virum

Libitina, nil miserala, non celsam indolem

Moresq̃, castos ; non & antiquum genus,

Non & iuventam ; non Apollineam quoque

Reuerita laurum , 6 Laura quam caro excipe

Fratris cadentem vertice, in castum tui

Sertum pudoris, inq̃, doctrina decus .

Nam & ipsa vates, scita Donatum loqui

Gallutiumq̃, Virgo ; solers & tuos,

Bentiuole, Belgas voluere, atque ipsos potens

Donare Latio, cura nî sacrator

Teresianis rapiat in calum ignibus

Humana solido cuncta calcantem pede .

Quid fata culpo ? cæca gens mortalium

Nescimus in quid rapiat, aut seruet Deus :

Et sæpè seruat, cùm rapit. 7 Non est Deo

6. Laura Rondinina , nostri soror, doctrinâ & literis à Tarquinio Gallutio, & Alexandro Donato Societatis IESV Patribus egregiè imbuta, cui Cardinalis Bentiuolus suam de Bello Belgico historiam Latinè vertendam tradidit, quod tamen ipsa modestè recusauit, abdicatis sæculi curis nunc in Cænobio Virginum sanctæ Teresiæ sanctissimè viuens.

7 Sap. 4. Raptus est, &c.

Testante,

*Testante, non est semper in canis salus,
 Nec vera in annis vita. Vixit is diu,
 Qui validus aui, qui puer diem bene
 Clausit supremum. Non tuos hinc iam sequor
 Manes querelis, sorte nec maestus tua
 Te plango, Rondinine ; sed luctum ardeo
 Mutare plausu, quando pars melior tui
 Se iam beatis calitum admisceat choris
 Latum canens paena. Non omnis iaces ;
 Et urna cineres quæ brevis claudit tuos,
 Non claudit animam, sidera & cali super
 Globos euntem, & spatia mirantem poli
 Immensa, quæ non 8 Archimedeo datur
 Obire radio. Nec tamen nostris procūl
 Terris abiisti : viuis & spiras adhuc
 Te maior ipso, & carior iam nunc tuis.
 Suprema te non abstulit mundo dies,
 Sed genuit : oris namque terrarum ultimis,
 Per utramque solis cuncta lustrantis domum
 Te, Rondinine, (non sat auditum exteris
 Huc usque populis nomen) ex hoc iam die
 Perennibus te fama cantabit tubis.*

8. Mathescos in primis peritus fuit.

Non,

*Non ergò, non hunc esse funestum tibi,
 Sed esse vita crede natalem noua.
 Et tu querelis parce iam tandem, tuis
 Iam parte lacrymis Zachia, quæ nullâ magis
 Felix 9 virorum prole. Natalem iuuct
 Genuisse vel sic. Ille germanos supra,
 Ipsumq; Ioseph (dulce 10 mihi nomen) cruor
 Quem 11 iure decorat Ottomanorum, & suus,
 Lauro decorus ibit; ut laurum super
 It lingua, docta ut arma concedunt toga.
 Nec inuidebis postumum hoc fratri decus,
 Caroq; cineri facilis hanc palmam annues,
 Pietate præstans Paule, quem Patrum eminens
 Effert Senatus, quemq; gestantem insulas
 Sibi gratulantur 12 Assisinales patrem.
 Tuq; illa rerum domina, terrarum dea,
 Quæ septicolli vertice attingis polum,
 Fecunda vatium Roma, Natalem 13 tuum
 Plorare cessa. Viuit, in suo integer*

9. Felix Zachia multorum filiorum mater.

10. Alludit poëta ad suas de Iosepho tragædias.

11. Iosephus Rondininus, nostri frater, profligatis ad Candiam Turcis, maiori tubo ictus occubuit.

12. Rondininus Cardinalis Assisiorum Episcopus.

13. Rondininus noster Romæ natus.

*Achate viuit, Musa quem functo parem
 Et Rondininum est visa fecisse alterum.
 Habes in vno, Roma, 14 Furstenbergio,
 In Rondinino quidquid amissum gemis.
 Habes in vno, Roma, Furstenbergio,
 Bellona quamuis ferrea hoc sæclum terat,
 Sæcli Poëtas aurei, quos & colat
 Augustus ingens, Valliumq; & Hesum,
 Et qui sequuntur. Ire iam nobis quoque
 Post Rondininum vatibus ad umbras licet,
 Tu dum supersis grande Parnassi decus,
 Sacriq;, Ferdinande, moderator chori,
 Dignum cothurno nomen, & plus quam meo.
 Tuq; ô sacrorum maxime Antistes, vicem
 Gerens Tonantis, proximum Christo caput,
 Cui fas olympum clauibus calo datis
 Reserare, fas & claudere, extinctum haud puta
 Quem lux auorum, 15 illustre Boldrini genus,*

14. Ferdinandus Furstenbergius Rondinino nostro amicissimus fuit; Poëta & ipse maximus.

15. Rondininus noster suos inter Maiores numerabat Boldrinum, de quo Sfortiades; Nicolaum, de quo Marcus Guascus; Bartholomæum, de quo in Chronicis Prædicatorum, cuius ope & consilio Pitānum Conciliabulum est dissolutum.

*Et orbis Atlas ille, Romanam fidem
 Pisis labantem pace qui fulsit suâ,
 Tam clara proauum nomina exstingui vetant:
 Quem pura sceleris vita, candorq; ingeni,
 Lingua venustas, certa virtutis comes
 Scientiaq; fama; quem vates 16 tui
 Post fata canimus. sic mori votum est mihi.*

16. Alexander Papa VII. Mæcenas Poëtarum
 Optimus Maximus.



F E R D I N A N D O

LIB. BARONI DE FVRSTENBERG,

S. D. N.

ALEXANDRI VII.

PONTIFICIS OPT. MAX.

CVBICVLARIO INTIMO,

Canonico Paderbornensi, Hildesien-
si, Monasteriensi, Hildesij Ecclesiæ
S. Crucis Præposito

Iacobus Vallius è Societate I E S V.



F F E C I S T I, Illustrissime Fursten-
bergi, cùm Elegiam in Natalis Ron-
dinini funere à te scriptam legi, vt
aliquid eodem argumento scriptu-
rus, necesse duxerim mentem aliò conuertere.
Cùm enim amantis dolentisque partes omnes
à te absolutissimè expletas esse animaduerte-
rem, vix videbam, quid à me prætereà in hac
causâ apud te proferri posset, qui mihi lacry-
mas omnes absumsisse videbaris. Si è prisco
funerum & collacrymationum ritu colligen-
dæ essent tuæ, crystallo, auro, gemmis excipe-
re eas oporteret, quibus non antiquariorum
abaci, sed poëtarum scrinia ornarentur. Ha-

G g

2

bebat

bebat ille veterum luctus delicias etiam suas, cum lacrymas vnà cum succis odoratis & vnguentis Assyriis confundebant : at tuo erga Rondinium studio, amore, pietate nihil potest esse suauius. Vt mihi quidem alabaster nullus vnguenti plenus cum lacrymis tuis suauissimè redolentibus conferri posse videatur. Γλυκύπνευ illud quod in amore, præsertim cum ab amante diuellitur, inesse solet, luculentiùs prodi non potuit. Mihi igitur in luctu tecum communi scribere ad te quidpiam cogitanti doloris potiùs aberrationem, quàm eiusdem irritandi causas quærere consilium fuit. Occurrebant Philemonis Græci poetæ versus, quem etsi Comicum, numeris tamèn arctiùs vinctis Latinè loquentem feci. Non quòd ignorarem, quòd ait Cicero, in tragœdiâ comicum vitiosum esse, & in comœdiâ turpe tragicum, sed quòd existimarem eum qui ad progressum in literis refert omnia, posse exercitationis gratiâ optimorum auctorum vti virtutibus atque sententiis; verba efferendi quæ morem persequi eatenus, quoad res, & locus, & scribentis animus tulerit.

Εἰ τὰ δ' ἄκρ' ἡμῶν τῶν κακῶν λυτὸ φάρμακον,
 Ἀεὶ θ' ὁ κλυύσας τῷ ποιεῖν ἐπαυέτω,
 Ἡ' ἁλᾶ ττόμεθ' ἂν δ' ἄκρυα, δόντες χεῦσιον.
 Νῦν δ' ἐπερτίχῃ τὰ πρὸς ματ', εἰδ' ὑποβλέπῃ.
 Εἰάν τε κλυίης, εἰάν τε μὴ, πορῶν.

Τί δὴ ποιεῖς; πλεον ἐδ' ἐν· ἢ λύπη δ' ἔχῃ,
 ὧ' ὡς τὸ δένδρον τῷ καρπῷ, τὸ δ' ἄκρον.

*Si flere nostris esset auxilium malis,
 Lacrymisq̃, sese penitus egereret dolor,
 Mercarer auro lacrymas: nunc quid iuvant?
 Fortuna curat scilicet, quo te premat
 Adversa fato: respicit fletis genas.
 Sint squalida humidaq̃, sint terse tibi,
 Nil te morata pergit, & cursum tenet.
 Tuus igitur ille quid dabit luctus? nihil.
 Sed arbor ut fert poma, sic lacrymas dolor.*

Prudentis igitur poetæ vsus consilio, teque à
 mœrore, quem importuna mors attulit, abstra-
 cturus, ad equestrem decursionem prisco ritū
 in fortium virorum funeribus exhiberi solitam
 voco. Scis in quæ tempora inciderit Rondini-
 norum virtus: qui pacis & otij turbines ac
 tempestates Italiam vniuersam conuellerint,
 cū in Galliam traductâ Pontificum Roma-
 norum sede ciuiles discordiæ miscerent omnia,
 & ut quisque ad seditionem & vim opibus in-
 structior ac paratior erat, ita liberius latiusque
 dominatum per vrbes occuparet. Fidei animo-
 rumque pleni pro Pontificiâ causâ steterunt
 Rondinini. Quorum militaris indoles ac for-
 titudo ad posteros deriuata Natali quoque no-

stro hos indidit spiritus, vt, quamquam partem ipse nullam bellici muneris attigerit, tamen de rebus quæ belli administrandi sunt propriæ, differere in tempore, & suadere, & manu etiam aliquid designare vtiliter posset. Sit igitur, quando Musis nostris sic incidit molestiam, & acerbitem ex amici morte à te susceptam mitigare; sit, inquam,

NATALI RONDININO,

S. D. N.

ALEXANDRO VII.
 AB EPISTOLIS AD PRINCIPES,
 BELLICAM SVORVM GLORIAM,
 QVA LICVIT, ÆMVLANTI,
 EX ANTIQVO FVNERYM MORE
 TROIANA DECVRGIO.

Quid iuuat exsequias longis miscere querelis,
 Et tantum lacrymas, munus inane, dare?

*Non ego Natalem, quamuis mœstissimus, illis
 Prosequar: ignoscat, non mihi flendus erit.*

Cum

Cùm subit illius tamquam morientis imago,
 Qui Pylios annos vivere dignus erat ;
 Cùm repeto primos aui, quos gessit, honores,
 Et Romæ quot spes abscidit una dies,
 Flere quidem natura iubet : sed dicere pace
 Natura liceat, quod iubet illa, granat.
 Non prodest certè : nec si qua fleuimus umquam
 Funera, defletis reddita vita fuit.
 Ergò ades, & mecum potiùs, Fernande, dolorem,
 Quem penitus nequeas tollere, falle tuum.
 Vt se mens fallat, luctuq; exsoluat amaro,
 Multa mouet : res est ingeniosa dolor.
 Mitiùs ut Thebe ferret tua fata, Palamon,
 Addidit exsequijs Isthmia sacra tuis.
 Archemoram fleuit Nemee : sed & illa peracto
 Funere victores currere vidit equos.
 Iusta Menætiada mæstus soluebat Achilles,
 Et pariter ludos, altera iusta, dabat.
 Sic quoque festa fuit, latosq; nouauit honores,
 Quæ fuit Anea semper acerba dies.
 Affuit, & patris monitu puerilia duxit
 Agmina Sidonio vectus Iulus equo.
 Diductis nunc illa choris, nunc currere iunctis:
 Nunc lituus pugna, nunc dare signa fuga.

*Ipse puer pueris pietate praibat & armis,
 Spectari causâ dignus utrâque puer.
 Forsan & addiderit : Sic Troiam Troia resurgens
 Instruat, & nostro sæpè parentet auo.
 Quis non hæc inter vultumq; animumq; remisit,
 Et cauea iunxit planisibus ipse suos ?
 Poscebant lacrymas, poscebant funera questus :
 Questibus & lacrymis hæc posuere modum.
 O quæ tot magnos, 1 gens Rondinina, censes
 Bellica quos calo gloria vexit auos,
 Hunc tibi quis morem referat, carisq; tuorum
 Manibus has pompas inferiasq; paret !
 Quos litui, dum vita fuit, quos arma iuuabant,
 Credibile est illo mortis honore capi.
 Hæc quoque Natalem caperent simulamina belli,
 Cui belli quondam munia ludus erant.
 Ludus erant pernicis equi nunc ora lupatis
 Flectere, nunc iusso figere tela loco :*

1. Non, vt Ouidius in Tuticani, ita ego in Rondinini
 nomine hîc ludam, ac delicias faciam. Ab hirundinibus
 quidem nomen & scuti tessera sibi sumisit illustrissi-
 ma gens : verùm si quis de secundæ syllabæ quantitate
 mecum contendat, pro me stabit Centaurorum vnus,
*Qui clypeo, gladioq;ne, Macedoniâque sarissâ
 Conspicuum.* Ouid. Metamorph. 12.

Nunc

*Nunc præducendos urbi describere vallos,
 Nunc formam castris aggeribusq; dare:
 Interdum virgâ, virgam cum fortè teneret,
 Ducere in exiguo pulvere Martis opus:
 Interdum, tamquam pugna data signa vocarent,
 Ad pugnam fortes esse iubere viros.
 Si non Æacides, si non Telamonius armis,
 Consilij pleno pectore Nestor erat.
 Quis nescit? laus cuique sua est: bello alter & alter
 Vtilis: hic animo rem gerit, ille manu.
 Fabula nota quidem, sed rebus idonea nostris,
 E grauido Pallas vertice nata Iouis.
 Non illi præsens aderat Lucina dolenti,
 Solueret ut partum molliùs ipse suum.
 Mulciber impacto iuncturas verticis ictu
 Diffidit: eâ, illo vulnere nata dea est.
 Et patrium mox illa genus moresq; probauit
 Edita: quàm sapiens, tam bona miles erat.
 Hinc quæ consilijs, eadem dea præsidet armis:
 Nec minùs est laudi, quidquid inermis agit.
 Palladis armata est acie concurrere, strages
 Edere, confusâ vertere castra fugâ.
 Qui inuuet ingenio vires, qui temperet aptis
 Omnia consilijs, illud inermis habet.*

Pars hæc Natali placuit : sic arma gerebat :

Sic erat ipse sue pars imitanda domus.

Fortunata domus, si te, modò prisca tulisset

Gracia spectatrix roboris ipsa tui !

Tota tibi Nemeen complens bimarisq, Corinthi

Litora, quadrijugis afforet acta rotis.

Nunc tua dum virtus 2 Italis caput extulit oris,

Nil agat in laudes Itala terra tuas ?

Hei mihi, qualis erat, studijs dum scissæ suorum

Præda foret belli sanguinolenta sui !

Qualis erat, dum quot populos numerabat & vrbes,

Tot dominos esset panè coacta pati !

Quæ poterat (ius arma dabant) sibi subdere quisque

Oppida, victoris præmia Martis erant.

Huic 3 Antenoridum sedes, illi inclyta cæssit

Mantua : Veronam diripuerunt Canes.

Sic lacer Actæon iacuit, cùm terga Melampus,

Pectora Theridamas scinderet, exstæ Laton.

2. Floruere Rondinini, cùm Romani Pontifices in Galliâ se haberent. Quam sedis mutationem grauissima hæc præ ceteris exceperunt mala:

3. Arsit intestino bello Italiâ, & Carrarij Parauium, Mantuam Passerini, Scaligeri Canes. Veronam, alij alias vrbes armis sibi asseruerunt :

Aut,

*Aut, ubi Thebanae laniarunt Penthea matres,
 Hac caput, hac humeros abstulit, illa manus.
 Quid referam, quos, Roma, tibi fecere timores
 Sæua 4 tribunitius quæ tulit arma furor,
 Et malè sacrilegâ gestatus fronte 5 tiaras,
 Et malè Casareâ 6 raptâ corona manu?
 Auxerunt portenta metus: mons Cælius arsit,
 Flauiadæq; labor 7 templa fuere rogos.
 Non aliàs 8 crinem calo sparsere cometa
 Tristiùs, & medium condidit umbra diem.
 Non aliàs grauiore lues incanduit æstu,
 Et tellus victum parciùs agra dedit.
 Ah, cur Romanis umquam Pater Urbis abiuit
 Sedibus? abscessit non comitante Deo.
 Cur umquam Rhodanum Tusco malè prætulit amni?
 Illa fuit tanti prima fauilla mali.*

4. Nicolaus Laurentij, scriba populi Romani, multitudine ad spem libertatis erectâ, in tribunitium nomen ac potestatem Imperatoriam inuasit:

5 Nicolaus V. præter legitimum merem Pontifex creatus est à Ludouico Bauaro, qui iniussu Romani Pontificis Ioannis X X I I. pro Imperatore se gerebat:

6. Ab eodem Bauarus Romæ Imperij sumsit insignia:

7. Laterana Basilica in monte Cælio deflagrauit:

8. Cometæ, solis defectiones, pestes, annonæ penuria terrori & exitio fuerunt.

*At quacumque fuit, gens Rondininia, causam,
Vnde tibi nomen cresceret, illa dedit.*

*Cum fasti referent, quos atas illa tyrannos
Extulit: Hesperij qui status orbis erat:
Qui bello exciti populi: quæ quisque secutus
Signa: quis hostiles fregerit ultor opes:
Quæ sint vindicibus pacatæ viribus urbes:
Quæ sint victrici fœdera pacta manu:
In tantâ rerum serie tua facta recurrent,
Nec pars historiæ parua futura tua est.*

*Testor, Roma, diem, quo non impune 9 tyrannus
Explicuit signis obuia signa tuis.*

*Ibat: eum belli circum fœdissima nubes,
Et furor, & cades, & ferus horror erant.*

*Iam dederat Tuscis leges: infesta sonabant
Classica per muros pulsa, Rauenna, tuos.*

*Iamq; Quirinales aditum sperabat ad arces
Sternere Flaminiam se sibi posse viam.*

*Restitit, & causâ fidens Boldrinus & armis
Agmina fulmineo stantia fregit equo.*

9. Nicolaum Piccininum, qui Bononiam, Rauennam, ceteramque Æmiliam Pontifici ademerat, Boldrinus Rondininus bello cepit.

*Vtq; leo, si fortè gregem, quem spectat euntem,
 In noua bellator pascua taurus agat,
 Ille fremit, quassatq; toros: armenta minora
 Præterit: in solum vertitur ira ducem.
 Nec mora: pugnatur: cruor aduersusq; sunsq;
 Mutua dum repetunt vulnera, colla lauat.
 Horret ager: mussant pauide fugiuntq; iuuenta,
 Et quæ sperabat præmia victor habet.
 Haud aliter medios ibat Boldrinus in hostes:
 Successum virtus ipsaq; Roma dabant.
 Ductoremq; procul tumulo speculatus ab alto:
 Huc feror: hæc, inquit, quam peto, præda mea est.
 Dixit, & uni odijs turmisq; sequentibus instans
 Iniectâ tenuit perfida colla manu.
 Di iuuere manum: di monstrum 10 informe Latinis
 Auertere focis: di voluere capi.
 Vidit, & assertus Anemo pater excitus undis
 Ter plausum ripâ liber utrâque dedit.
 Et pariter Sapis, pariter popularia longè
 Flumina cæruleis exsiliere vadis.
 Velatiq; comas, nixiq; liquentibus urnis
 Carminibus fluctus sustinere suos.*

10. Piccininus à corporis breuitate nomen acceperat.

Victor

Victor io, Boldrine : tuis ego debita rebus

Flaminiâ statuam fixa tropæa viâ.

Defigam tumulo quercum : tremet illa sub armis

Quæ feret, & magni nominis arbor erit.

Horrescet vertex galeâ : rutilantia pectus

Æra tegent, ensis, parmaq, fulua latus.

*Adjiciam titulum: HÆC CAPTO DETRACTA
TYRANNO*

*BOLDRINVS PATRIÆ DEDICAT
ARMA SVÆ.*

Talis erat, cùm pro patriis Thrasylbulus Athenis

Staret, & Actæâ pelleret arce nefas.

Talis erat, cùm post actos in vincla tyrannos

Timoleon niueis inueheretur equis.

Et cineri nondum quisquam sollemnia mittit ?

Flaminiâ nondum feruet arena viâ ?

Nec tuba commissos cecinit Mauortia ludos,

Victoresq, domum palma reduxit equos ?

Fungere Boldrini soboles pia, fungere iusto

Munere : sic illum te iuuet esse suam.

Viueret ô utinam, cui nuper 11 Creta sepulcrum,

Et titulum virtus partaq, fama dedit !

11. Iosephus Rondininus, Natalis nostri frater, in
Cretâ cum Turcis pugrâ congressus, gloriôsè occubuit.

Ille

*Ille animis impleret equos, plausuq; iuuaret,
 Troianumq; suo duceret agmen auo.
 Duceret & fratri, cui nunc funebria mecum
 Solueret, hic belli munera, carmen ego.
 Hei mihi, carmen ego, non hic, Fernande, dolores
 Solatura tuos soluere iusta potest.
 Inuidit Mars illa tibi: fortissima sternis
 Prima ferè: segnes eximit ipse timor.
 Quid queror? ecce tibi, quanta est, Romana iuuentus
 Ferre laboranti velle videtur opem,
 Et tibi sollemnes, mortis solatia, pompas,
 Et tibi Troiano ducere more choros.
 Et tibi iam sedem ripâ Tiberinus amænâ
 Dispicit, accliui quâ viret umbra iugo.
 Huc venies, Fernande: tuo moderabere nutu
 Omnia: tu cursus signa secunda dabis.
 Tu præsens animos & vim certantibus addes:
 Dum placeant, illis tu satis vnus eris.
 Munera dein capient à te sua: forsàn & illos
 A Musis cupies altera ferre meis.*

IOANNIS BAPTISTÆ
 TVRRICELLI,
 PATAVINI,
 FERRARIENSIS
 ROTÆ
 AUDITORIS,
 IN MORTEM
 NATALIS RONDININI.

TE quoque Natalem rapiunt immitia fata,
 Et rigidas arcent numina nulla manus.

Nec te Calliope, nec sanctæ cultus Apollo,

Nec pietas, nec te vindicat alma fides.

Nec generis splendor, nec prodest prima iuventus,

Nec tibi quas largè Copia fudit opes.

Scilicet hæc vrunt Parcas, & sæuius vrit

Iudicium de te Principis, atque fauor.

FINIS.









